

19

APPENDIX
HERMENEUTICAE

SEU

EXERCITATIONES EXEGETICAE.

AUCTORE

JOHANNE JAHN,

PHILOS. ET THEOLOG. DOCT., ECCL. METROPOL. ADS. STEPHANUM
VIENNAE CANON. CAPIT., ARCHIEPISC. CONSISTORII CONSILIAR.,
OLIM, L. L. O. O. ARCHAEOLOG. BIBL. INTROD. IN V. T. ET DOGM.
PROF. CAES. REG. P. ET O.

FASCICULUS II.
VATICINIA DE MESSIA.



VIENNAE, 1815.

IN LIBRARIA CAESARIA.

Ω ανοητοι και βραδεις τη καρδια τυπιστευν επι
πασιν, ος ελαλησαν οι προφηται! Ουχι ταυτα εδει
παθειν τον Χριστον, και εισελθειν εις την δοξαν
αυτη; Και αρχαμενος απο Μωυσεως και απο παντων
των προφητων διηρμενευεν αυτοις εν πασαιςταις γρα-
φαις τα περι αυτη. Luc. 24, 25 — 27.

Exercitationes exegeticae in vaticiniis Mes-
siam promittentibus.

Jes. 52, 13.

הִנֵּה יְשׁוּכִיל עַבְדִּי יְרוּם וְנִשְׂא וְגָבַהּ מְאֹד ecce
servus meus prospere aget, excelsus erit,
et exaltabitur, et sublimis erit valde. —
IV. הִשְׁכִּיל non tantum est attendit, intellexit,
prudenter egit, et intelligentem reddidit,
seu edocuit, sed etiam prosperum reddidit,
et prospere seu cum bono successu egit, ut
ex 2 Reg. 18, 7. Jos. 1, 8. Prov. 17, 8. Jer. 10,
21. ac ex 1 Reg. 2, 3. Dent. 29, 8. אִשְׁכִּיל, atque
hanc ultimam notionem nostro loco obtinere, appa-
ret ex celsitudine, de qua mox mentio occurrit, et
ex loco parallelo Jes. 53, 10, ubi voluntas seu con-
siliu Dei per eundem hunc servum prospere succe-
det, יִצְלַח. Perperam igitur vertit Alexandrinus: συ-
νισσει, Vulgatus: intelliget, ac Syrus מִסְתַּכֵּל,
quod quidem idem verbum est, ast non significat pro-
spere agens, sed intelligens (erit); recte
Chaldaeus יִצְלַח prospere aget. — Verba sequen-
tia יְרוּם וְנִשְׂא וְגָבַהּ synonyma sunt, quae insignem

eminentiam et sublimitatem diligentius commendant. —

Chaldeus post עֲבָרִי addit מְשִׁיחָא

Jes. 52, 14.

כָּאֲשֶׁר שָׁמְמוּ עָלֶיהָ רַבִּים בֶּן מִשְׁחָת מְאִישׁ מֵרָאוּהוּ
 אֲדָם sicut obstupuerunt super te
 (eum) multi, adeo deformatus erat aspectus
 ejus prae viro, et forma ejus prae filiis ho-
 minis, i.e. adeo deformata erat species et for-
 ma ejus ut nullius viri, nullius hominis, seu
 ut nullius alterius. — עָלֶיהָ super te, mutatio est
 personae, prophetis valde familiaris, pro עָלַי super
 eum, ut vertunt Syrus et Chaldaeus. — רַבִּים multi,
 respondet mox sequenti v. 15. נְיִים רַבִּים et 53.
 11. 12. לְרַבִּים et רַבִּים, ex qua collatione patet, gen-
 tes, a vero Deo alienas, indicari, quod confirmatur
 per reges, qui versu sequenti memorantur. — בֶּן
 sic, adeo, non designat apodosin, quae v. 15. demum
 sequitur, sed refertur ad membrum praecedens;
 ratio enim redditur, cur multi obstupuerint. — מִשְׁחָת
 (st. const. מִשְׁחָת prae fixum Mem, ex Grammatica notus)
 corruptio, deformatio, seu deformatus,
 aut corruptus, prout vertit Syrus: מִחְבֵּל; Ale-
 xandrinus autem ἀδοξασει, et Vulgatus: inglorius
 erit, quod praeterea vertendum fuisset in praete-
 rito tempore. — Praefixum Mem ante אִישׁ et בֶּן
 אֲדָם est negativum, quod interdum, uti nostro loco
 gradum comparativum aut superlativum exprimit, de
 quo vide meam Grammat. L. H. §. 121. p. 419 —
 421. — מֵרָאוּהוּ aspectus, venit hoc loco prospectio
 vel figura, quae aspicitur, ut vertit Alexandrinus,

αἰδος; aynonymum est **הַתֶּאֱרָר** forma, a **תֶּאֱרָר** designatus fuit, terminatus fuit, in Il. delineavit, cui propinquum est Syr. **אַתְתֵּאֲרָר** terminatus, determinatus fait. — **אִישׁ** oppositum **בְּנֵי אָדָם**, est vir insignis, vel collective insignes; et filii hominis sunt plebeji; sensus itaque est: species et forma ejus magis deformata est, quam species et forma ullius viri insignis, imo quam hominum plebejorum, verbo: omnium deterrima. Conf. Herm. meam §. 41. p. 128. — Operae pretium erit, cuilibet versui Chaldaicam singulorum versuum paraphrasim subjungere, ut appareat, quantum Jonathan evagatus fuerit, ut Messiam victorem gentium exsculperet; transfert itaque haec duo membra: sicut exspectavit ipsum (Messiam) domus Israel diebus multis, qui erat pauper (vel obscurus **הַשְׁחָר**) inter populos; aspectus eorum et splendore eorum erit prae filiis hominum; id quidem est, sensum pro arbitrio pervertere.

וְכֵן יִזְהַר נְיָיִם רַבִּים עָלָיו יִקְפְּצוּ מַלְכִּים פְּיָהֶם sie asperget (expiabit) gentes multas; super ipsum occludent reges os suum. De ethnicis esse sermonem, manifestum est, et confirmatur loco parallelo 53, 11 — 12., ubi rursus occurrunt **רַבִּים**, et qui hic **מַלְכִּים**, ibi vocantur **עֲצָמִים** potentes. — **יִזְהַר**, IV. a **נָזַר** sparsit, et aspersus fuit, de liquidis dicitur Lev. 6, 20. (27.) 2 Reg. 9, 33. Jes. 63, 3.; IV. **הִזְהַר** sparsit, aspersit. Con-

ferri solet ^{נִסְּ} assilivit, impetum fecit; effluxit sanguis, sanguine manavit vulnus; exsultavit prae gaudio, quod huc transferunt, ut ^{יִזְחַק} sit faciet exsultare prae gaudio, vel, quod alii vi extundunt; horrore percellet, quae utraque notio in verbo hoc Hebraico, sat frequenti, alias nunquam occurrit; quare absque sufficiente ratione huc trahitur, inprimis cum notio aspergendi, usu frequenti trita, sensum aptum fundat, imo per parallelum locum flagitetur. Occurrit verbum ^{יִזְחַק} persaepe de sparsione sanguinis victimarum ad expiationem, ut Lev. 4, 6. 17. 5, 9.; de aspersione leprosi sanati Lev. 14, 7. 16. 27. 51., et de aspersione aquae lustralis ad lustrationem seu purificationem immundi, Num. 19, 18 — 19. Aspersio autem sanguinis et aquae lustralis, est symbolum expiationis et purificationis; quare nostro loco ^{יִזְחַק} asperget, idem est ac expiabit, purificabit, quod confirmatur non modo his, quae 53, 3 — 10. de expiatione peccatorum alienorum per passionem et mortem hujus servi, sequuntur, sed etiam loco, ut mox supra memoravimus, parallelo, 53, 11., ubi idem exprimitur per ^{יַצְרִיק עֲבָדַי לְרַבִּים} justos reddet justus servus meus multos, i. e., multos constituet immunes a poena, seu expiabit. Verbum ^{יִזְחַק} construitur quidem plerumque, cum ^{אֵל} vel ^{עַל}, sed reperitur Lev. 5, 6. 17. etiam cum Accusativo; unde apparet, falli eos, qui sequens ^{עָלָיו} ad hanc sententiam retrahunt. Hanc veram notionem verbi ^{יִזְחַק} solus vidit Syrus, qui ver-

tit: מְדַכֵּא purificans (erit), huic proximus est Vulgatus: asperget; Alexandrinus autem inepte θαυμασονται εθνη πολλὰ ἐπ' αὐτῷ. — קָפַץ פִּי occlusit, obturavit os suum, de admirante et obmutescente prae confusione, stupore aut reverentia, dicitur Job. 5, 16, Ps. 107, 42.; alias de occlusa seu cohibita misericordia, Ps. 77, 10., et de occlusa seu parca manu erga pauperes Deut. 15, 7. usurpatur; affine est قَفَصٌ pedibus seu quadrupedem constrinxit, dorcadem constrictumprehendit, partes invicem propinquas habuit res. — Chaldaeus: sic disperget populos multos, super eum conticescent reges, ponent manus suas super os suum. Ast נִזָּה et הָזָה perpetuo et constanter deliquidis usurpatur, nunquam de dispersione populorum.

כִּי אֲשֶׁר לֹא סָפַר לָהֶם רְאוּ אֲשֶׁר לֹא שָׁמְעוּ הִתְבֹּנְנוּ quia, quod nunquam fuit illis narratum, videbunt, et quod nunquam audierunt, percipient, nempe servum illum Dei, adeo deformatum, ad tantam celsitudinem et eminentiam esse erectum. Ex his rursus apparet, loquentes esse ethnicos, quibus id antea non innotuit. — רָאוּ videbunt, et הִתְבֹּנְנוּ sibi respondent; quare hoc ultimum non est, ut Vulgatus reddit: contemplati sunt, nec ut Syrus et Alexandrinus vertunt: intelligent, quod aliunde non respondet praecedenti; non audierunt, sed est percipient, audient, ut Job. 30, 20. Ipsum quoque verbum רָאוּ de perceptione seu

auditione intelligi potest; nam **הָאָזְנָה** non de solis oculis, sed etiam de aliis sensibus, et de ipsa etiam mente usurpatur, ut alibi diximus; atque de auditu occurrit Exod. 20, 18. 22. Jer. 33, 24. Versionem Alexandrinam adducit Paulus Rom. 15, 21. *οἱς καὶ ἀκηγγεληὶ περὶ αὐτῆς, ὁψονται, καὶ οἱ ἐκ ἀκηκοασί συνησέσσι.* Chaldaeus: quia quod non narraverunt eis, videbunt, et quod non audierunt, intelligent.

Jes. 53, 1.

מִי הָאֱמִין לְשִׁמְעָנוּ וְזָרַע "עַל מִי נִגְלָתָהּ quis credit nuncio nostro? et brachium Johvae cui revelatur? — **שִׁמְעָה** est propriè Participium passivum foemininum, audita, seu loco neutrius quòd auditur, et ita suffixum **נָן** est significationis passivae, quod a nobis auditur, fere incredibile est; ita non modo sequenti membro, sed etiam sequentibus versibus 2 — 9. apprime congruit, siquidem in his sunt iidem, qui v. 1. loquuntur, et exponunt, quidnam tam admirandum audiverint. Nec desunt loca, in quibus **שִׁמְעָה** est id, quod auditur, ut Jes. 28, 9. 19. Jer. 51, 46. 1 Reg. 10, 7. Verbum quoque **הָאֱמִין** construitur cum Lamed ante **הָרָךְ**, uti hic ante **שִׁמְעָנוּ**, 1 Reg. 10, 7. 2 Paral. 9, 6. Ps. 106, 24. Ita Graecam quoque vocem *ἀκούω* usurpari, docuit Schleusnerus in Lexic. in N. T. P. I. p. 87.; quare et versio Alexandrina: *τις ἐκίστευσε τῇ ἀκοῇ ἡμῶν*, et Vulgata: quis credidit auditui nostro, hoc sensu intelligi posset, nisi, in Alexandrina saltem, sequentia ob-

starent. Alii tamen omnes cum Chaldaeo suffixum intelligunt active, uti etiam nos supra vertimus, quod autem parum commodum est, quia hac ratione v. 1. loquuntur annunciantes, et v. 2 — 9. ii, quibus annuntiatur, cum tamen nulla adsit ratio, qua moveamur ad statuendos diversos loquentes — נִגְלָתָהּ revelatur, VII. a נִלָּהּ revelavit, quod non solum cum praefixo Lamed, sed etiam cum יל construitur, ut Jer. 10, 20. Jes. 29, 12. 36, 12. Brachium, sicut manus, indicat potentiam. Cui brachium operantis revelatur, is conspicit operantem, et cognoscit cujus sit opus. Sensus itaque est, quis perspicit, esse opus Jehovae? nempe illud, quod v. 2 — 9. describitur. Nescio unde sumtum sit, quod Bauerus in Scholiis adserit, hanc phrasim significare; quis de potentia Jehovae convincitur? quod nullo argumento comprobavit. Chaldaeus: quis credit huic nuncio nostro? et potentia brachii fortitudinis Jehovae cui revelatur? Johannes c. 12, 38. et Paulus Rom. 10, 16. adducunt hunc locum ex versione Alexandrina: κυριε τις επιστευσε τη ακοη ημων; και ο βραχιων κυριου τιμι απεκαλυφθη;

Jes. 53, 2.

וַיַּעַל בְּיוֹנֵק לִפְנֵי וְדֹשָׁרֵשׁ מֵאַרְצָן צִיָּה nam succrevit ut surculus coram eo (coram Jehova, de cujus brachio sermo praecessit), et sicut radix e terra arida. — עָלָה non tantum est ascendit, sed etiam crevit, ut אֶלְטִי alti pretii fuit, et in

altum excrevit herba, et אֲל ascendit, summum tenuit, excelsus fuit; הִלָּח notione crescendi occurrit etiam Gen. 40, 1. 41, 22. 49, 9. Deut. 29, 22. Jes. 5, 6. 55, 13, Alexandrinus verbum hoc omisit, vel substituit ἀνηγγειλαμεν , annuciavimus, respexit nempe ad phrasim ἀκοη ἡμῶν , quam active intellexit, et oblitus est verbi הִלָּח ; Schleusnerus vero in Opusc. Crit. p. 356 — 357. arbitratur, esse mendum ortum ex ἀντεϊλατο , vel ex ἀντεϊλε μεν . — יוֹנֵק duntaxat hoc loco occurrit, participium a יָנַק sūxit, adeoque sugens, substantive autem usurpatum, ut foemininum יוֹנֵקָה , surculus qui alimentum ex arbore vel radice ejus, vel ex terra sugit, Job. 8, 16. 14, 7. 15, 30. Ps. 80, 12. Alexandrinus tropum sustulit, et vertit ὡς παιδίον ; et hunc secutus est Syrus כְּיֶלֶד sicut puer. — לְפָנָיו coram eo, respicere ad praecedens v. 1. וְ , manifestum est. — שֶׁשׁ radix, figit notionem praecedentis יוֹנֵק ad surculum, e radice arboris excisae excrescentem, conf. Jes. 11, 1. — יָדָה arida, a דָּוָה exaruit palma, unde صَوَّ parasterrae altior duriorque, et صَوَّ siccus, sicca; Aram. דָּהָה sitivit. Sistitur itaque ille servus Dei ut surculus ex radicibus arboris succisae e terra arida, adeoque ut tenuis, excrescens, i. e., e familia olim, instar magnae arboris, excelsa et eminenti, nunc autem humiliata et fere ad incitas redact ortus,

et tenuiter educatus, conf. Jes. 11, 1. Id mox sequentibus magis explicatur.

לֹא תֶאֱדָר לוֹ וְלֹא הָדָר וְנִרְאָהוּ וְלֹא מְרָאָה וְנִחְמָדָהוּ
nec forma, nec decor erat ei, ut eum
respiceremus, neque aspectus, ut eum
desideraremus. Duo membra prorsus synonyma;
forma, decor, aspectus seu species insignem aliquem
habitum externum et dignitatem indicant; et videre
saepe est cum voluptate et gaudio videre, adeoque
idem ac desiderare. De spectabili et pulchra forma
הָאֵדָר occurrit 1 Sam. 16, 18. אִישׁ הָאֵדָר vir for-
mae, i. e. pulcher. — הָדָר de singulari habitu ex-
terno, de gloriosa forma, decore, majestate dici,
notissimum est. — מְרָאָה pro specie, quae conspi-
citur, venire supra annotavimus. — וְנִחְמָדָהוּ Syrus
vertit; וְהִגַּלְתִּי וְהִגַּלְתִּי et abnegavimus eum, quod plus
dicit quam verbum Hebraicum, nisi μειωσιν statuas.
Symmachus in Comment. Procopii p. 600. vertit. κα
ειδος αυτου, εδε αχιωμα, ινα ειδωμεν αυτου, εδε
θωρηξια, ινα επιθυσμησωμεν αυτον. Chaldaeus inte-
grum versum circumloquitur, velpotius pervertit: et
magnificabitur justus coram eo; sicut
surculi florentes, et sicut arboremittens
radices suas juxta torrentes aquarum: sic
multiplicabitur gens sancta in regione,
quae indigebat eo. Non erat aspectus ejus
sicut aspectus communis, nec timor ejus
sicut timor idiotae, sed decor ejus erit
decor sanctus, ut omnis, qui videt eum,
contempletur ipsum. Haec magna ex parte

contraria sunt illis, quae textus Hebraeus eloquitur. — Notatu dignum est, etiam Vulgatum tempora Verborum Hebraeorum minime curasse; vertit enim: „ascendet . . . , nec est species ei . . . , et vidimus . . . , et non erat aspectus, et desideravimus eum.

Jes. 53, 3.

נִבְהָה וְחָדַל אִישִׁים despectus et novissimus virorum. — חָדַל cessavit, destitit, omisit, quievit, caducus et imbecillis fuit = חָדָל debilis, flaccidus fuit, et transitive frustratus est, auxilio destituit, alienavit socios ab aliquo, effecitque ut amicum destituerent; contempsit, reliquit, quae duae notiones sat arete cohaerent; nam qui relinquit, fere contemnit, et vicissim. Nomen חָדַל Ezech. 3, 27. certo designat eum, qui omittit auscultare, quae notio autem hue non facit; Ps. 39, 5. est caducus, flaccidus, quae notio etiam Job. 14. 7. locum habet: surculus ejus לֹא הִחְדַּל non flaccescit, non est caducus; quod si ad nostrum locum transferamus, erit imbecillimus, vel ut Vulgatus vertit: novissimus, vel vilissimus virorum. Alexandrinus vertit ἐκλείπων deficiens; Syrus: מְכִיכָא humillimus hominum; recentioribus autem placet vertere ope destitutus, derelictus, repudiatus ab omnibus, sicut מְחָדָל est destitutus ope, derelictus, contemptus. Symmachus in Comment. Procopii p. 600 vertit: ἐξεδενωμένος

καὶ ἐλαχίστος ἀνδρῶν. Chaldaeus: erit in contem-
 tum, verum auferet gloriam omnium reg-
 norum; ast de hoc in textu Hebraico nihil legitur.
 אִישׁ מִכְּאֻבוֹת וְיָדָע חֲלִי וּמִמְסֵתֶר פָּנִים מִמֶּנּוּ afflic-
 tus doloribus, notabilis morbo, et sicut
 tegens faciem suam a nobis. — אִישׁ מִכְּאֻבוֹת
 vir dolorum, i. e., doloribus afflictus vel conflic-
 tans, uti-Symmachus in Comment. Procop. p. 600 ἀνὴρ
 ἐπιπόνος nempe ut אִישׁ אָוֶן vir iniquitatis, i. e.,
 malus; אִישׁ שָׂכָל vir intelligentiae, i. e., in-
 telligens; אִישׁ מִלְחָמָה vir belli, i. e., bellator,
 miles. — כָּאֵב doluit dolorem passus est =
 כָּאֵב malo statu, moesto animo fuit, mo-
 lestia et dolore languit. Syrus vocem retinuit:
 אִישׁ כְּאֵבָהּ דְּכְאֵבָהּ, et ita quoque Chaldaeus אִישׁ כְּאֵבִים
 vir dolorum. — יָדָע חֲלִי qui agnoscitur
 morbo, notus morbo, Symmachus l. c. γνωστος
 νοσῶ; minus recte autem Alexandrinus; εἰδὼν φέρειν
 μάλακιαν; et Vulgatus: scientem infirmita-
 tem; ac Syrus: יָדָע, sciens. — חֲלִי cum accentu,
 alias חֲלִי, morbus, infirmitas, a חָלָה debi-
 lis, infirmus fuit, aegrotavit = חָלָה tri-
 vit; transfertur autem etiam ad vulnerationem: Reg.
 12, 34. 2 Paral. 18, 33. 35, 23. 26.; unde et חֲלִי
 vulnus significare posset, quod ex v. 4 כִּחְלָל confir-
 mari posset. Quidquid sit: morbi, vulnere, et dolo-
 res per metonymiam frequentissimam veniunt pro
 poenis, exempla vide Ps. 38, 5 — 6. 9. 11. 41, 5.
 9. 103, 2 — 3. Ezech. 33, 10. Jes. 1, 4 — 6. Jesu

Sirach. 18, 19 — 21. Joh. 5, 4, 9, 2 — 5. Matth. 9, 5 — 6. Luc. 7, 47 — 48. Hic tropus in ipsa quoque etymologia notionum observatur, nam ^{רָא} non tantum est creavit, dein liber, immunis, innoxius fuit, sed etiam sanatus fuit, convaluit, et ^{רָא} ^{السَّعَة} sanatio momentanea, de miraculis Jesu usurpatur. Ita etiam ^{عَفَا} non tantum est; obliteravit ventus locum mansionis, et condonavit delictum, sed in III. etiam sanitati restituit Deus et ^{عَافِيَة} sanatio, et condonatio, conf. Abulfed. Ánnal. Mosl. T. II. p. 266 T. III. p. 296 et T. IV. p. 250. In Arabicis Bibliorum versionibus hi horum verborum tropi frequenter occurrunt, unde eorundem vulgaris usus elucet. — Ultima verba male Syrus vertit: avertimus facies nostras ab eo. — Faciem velabant vel ex reverentia, ut Exod. 3, 6; vel qui aliquid horrebant et videre volebant; vel ex verecundia ut leprosi, quod nostro loco obtinet. Chaldaeus: en sicut vir dolorum et destinatus morbis, et cum subtrahebat vultum majestatis a nobis, eramus despecti et in nihilum reputati; nempe inepte annexa sunt verba mox subsequentia.

^{וְלֹא הִשְׁבַּחְנוּהוּ} ^{נִבְיָא} despectus erat, ut non reputaremus eum. — ^{נִבְיָא} putavit Syrus esse Aoristum II. formae primae; vertit enim addito suffixo: ^{שָׁמַיָּהּ} sprevimus eum; Alexandrinus sen-

sum secutus sed minus accurate exprimit: *ἡτιμασθη*
καὶ καὶ ἐλογισθη

Sensus v. 2 — 3. eo redit: ex familia humiliata
 ortus, adolevit sine insigni forma aut dignitate; hinc
 minime conspicuus, sed contemptus erat, imo dolo-
 ribus afflictus, notabilis morbis seu poenis; quare
 nequaquam aestimabamus eum. — Se autem longe
 aberrasse, profitentur mox verbis sequentibus.

Jes. 53, 4.

אֲנִי חָלִינִי הוּא נָשָׂא וּמַכָּאֲבִינוּ סְבָלָם verum mor-
 bos nostros ille tulit, et dolores nostros
 portavit. — אֲנִי Alexandrinus: ὅτος, ortum ex οὗτος,
 vere, quod Vulgatus et Syrus retinuit; verum אֲנִי
 h. l. est particula adversativa: verum, ast. חָלִינִי
 est חָלִינִי cum suff., et plene scribendum esset חָלִינִי
 quod reapse exhibent codd. 11., pr. 1. Biblia Veneta
 1525 — 28, et aliae recentiores editiones 17. Singu-
 larem חָלִינִי habent quidem 6 codd., pr. 3., et Bi-
 blia Soncinenſia, sed omnes antiqui reliquis codicibus
 consentiunt, et exprimunt pluralem. Alexandrinus ver-
 tit: *τὰς ἀμαρτίας ἡμῶν*, quia nempe morbi specta-
 bantur ut effectus seu poenae peccatorum; alterum
 membrum vertit *καὶ περὶ ἡμῶν ὀδυναται*, non inepte;
 loquentes enim profitentur, hunc Dei servum poenas
 ipsorum tolerasse. — Morbi et dolores per metony-
 miam rursus veniunt pro poenis peccatorum. — נָשָׂא
 et סְבָלָם quidem synonyma sunt, sed ultimum ab He-
 braeis et Aramaeis de molestioribus oneribus usurpa-
 tur, Jes. 46, 4. 7. Gen. 49, 15. — Ante סְבָלָם inse-
 runt הוּא codd. 13, pr. 5, nunc 3, Biblia Münsteri

1534 et 1546, et Jesaias polygl. Thess. sine anno, nec non Syrus et Vulgatus, et plures editiones habent in margine קרִי קָרָה; id sensum non afficit. Locus hic, ex textu Hebraico traductus, transfertur Matth. 8, 17. ad sanationes morborum per Jesum: αὐτὸς τὰς ἀσθενείας ἡμῶν ἔλαβε, καὶ τὰς νόσους ἐβαστάσεν, — Chaldaeus: propterea ipse deprecabitur pro peccatis nostris, et delicta nostra propterea dimittentur; nempe morbos et dolores recte intelligit de peccatis seu poenis peccatorum, sed ferre male explicat auferre; nam est, ut constat, tolerare poenam.

וְאַנְחֵנוּ הִשְׁכַּנּוּנוּעַ מִכָּה אֱלֹהִים וּמַעֲנָה nos quidem putavimus eum a Deo caesum, percussum et afflictum. — נָנוּעַ generatim de ictu seu poena divina dicitur Ps. 73, 14. coll. v. 5., et נָנוּעַ quidem non raro de lepra usurpatur, propterea autem nostro loco sine omni alio iudicio de hoc morbo cogitandum non est, ut Vulgatus male vertit: quasi leprosum. — Pro מִכָּה habent quidem 15. editiones et duo codices מִכָּה, sed mendum est; nam omnes veteres excepto Alexandrino, qui vocem Deus omisit, exprimunt statum constructum, qui cum participio passivo, indicat Ablativum cum Praepositione. Conjunctionem Vau praemittunt quidem Alexandrinus, Syrus et Vulgatus, sed reperitur duntaxat in 3 codicibus Hebr.; quare illi interpretes proprio motu eam addidisse videntur. Verbum הִכָּה percussit, generatim quidem dicitur de poena divina, sed etiam de morbis immissis saepe recurrit Num. 14, 12. Deut.

28, 22. 27. — 28. 35. 1 Sam. 5, 9. Exod. 9, 15. Ceterum ex oppositione prioris et sequentis membri abunde liquet, intelligendum esse, eos existimasse, hunc Dei servum ob propria peccata fuisse a Deo punitum. Chaldaeus: et nos reputamur caesi, percussi a Jehova et afflicti. Quanta textus Hebraici inversio!

Jes. 53., 5.

וְהוּא מְחֻלָּל מִפְשָׁעֵינוּ מִדְּרָכָא מְעוֹנוֹתֵינוּ ipse autem perfossus est ob praevaricationes nostras, contritus est ob iniquitates nostras. — מְחֻלָּל tantum hoc loco occurrit, III. pass. a חָלַל perforavit, ut non modo ex derivatis, חֲלוֹן fenestra, חֲלִיל tibia, et ex phrasi חָרַב חֲלָלִי per fossi gladio, et latius רָעַב חֲלָלִי peremptifame,

Thren. 4, 9., apparet, sed etiam collato حَلَّ confirmatur, quod praeter non pauca alia etiam significat fidi linguam vel in lingua pullum camelinum, ne lactaret. Alexandrinus: τραυματισθη; et Vulgatus: vulneratus est, quod verbum significare potest; Syrus autem מִתְקַטֵּל occisus, utי חֲלָלִי חָרַב persaepe de interfectis occurrit, Gen. 34, 27. 2. Sam. 1, 19. Jcs. 14, 18. 22, 2. Ezech. 31, 17—18. 32, 20—32. 35, 8. — מִדְּרָכָא attritus, contritus; דְּרָכָא contrivit et comminuit, frequentibus ictibus contudit Jes. 19, 10., et hinc tropice violentam et frequentiore[m] laesionem significat usque ad vehementem oppressionem et ad ipsum quoque exitium, Job. 22, 9. Ps. 72, 4. 89, 10. 94, 5. Jes. 3, 15. 41, 10. — Mem

praezumere valere etiam ob, propter, ostendimus in Grammatica L. H. §. 121. p. 422. Nro. 4. — Chaldaeus: et ipse aedificabit domum sanctuarii, quod violatum est propter peccata nostra, et traditum est propter iniquitates nostras (: ::)

מוֹסֵר שְׁלוֹמֵנוּ עָלָיו וּבַחֲבֵרָתוֹ נִרְפָּא לָנוּ castigatio salutis nostrae super eum fuit, et vibice, vel vulnere ejus sanati sumus. — מוֹסֵר est coërcitio seu correctio vel castigatio, quae fit jam per doctrinam et per monita, jam per poenam immissam, quam hic contextus flagitat; יָסַר erudit, monuit, castigavit, punivit. שְׁלוֹם pax, incolumitas, omnis generis felicitas, seu salus; מוֹסֵר שְׁלוֹמֵנוּ est poena, qua nobis salus, felicitas, immunitas a poena procuratur, uti mox sequenti membro explicabitur. — חֲבֵרָה est vel vulnus, vel cicatrix, ut Syr. חֲבֵרָתָא; et ut חֵבֶר praeter alia etiam significat reerudit vulnus; vel vibex, qui Ps. 38, 6. tabescit; Jer. 13, 23. vox occurrit de maculis pardi, quae aliqua ratione vibicibus, sed non minus vulneribus similes videri possunt; plerumque jungitur ei פָּצַע Gen. 4, 23. Exod. 21, 25. Prov. 20, 30. Jes. 1, 6., quod si vulnus vel forte contusio est, apte respondebit vibex, quae a sanguinis collectione dici potest, a חֵבֶר conjunxit, consociavit, et conjunctus, consociatus fuit. Vulgatus vertit: livore ejus; Syrus, qui vocem Hebraicam potuisset retinere, maluit vertere בְּשׂוּמָתָה cicatrice

ejus, Alexandrinus τῷ μωλωπὶ αὐτῷ, qui teste He-
sychio in Biellii Thesaur. Philol. II. p. 375 est + ul-
nus, locus ex plaga sanguinolentus, cru-
entus dolor ex contusione vel plaga or-
tus — לָנוּ נִרְפָּא sanatum est nobis, i. e., sanati
sumus; ablato tropo, ut supra ad v. 3. ex etymologia
notionum Arabica ostendimus: immunitas a poena
nobis obtigit. Sententiam hanc ex versione Alexandri-
na, parum immutatam, adducit Petrus 1 ep. 2, 24.
ὁ τῷ μωλωπὶ ἰαθήτε — Chaldaeus: et in doctri-
na ejus multiplicabitur pax super nos;
et cum obedierimus verbis ejus, dimit-
tentur peccata nostra. Si id est interpretari,
ex quocunque loco, quae placent, extundi poterunt.

Jes. 53, 6:

כָּלָנוּ כְּצֹאן תַּעֲיִנוּ אִישׁ לְדֶרֶכוֹ פָּנֵינוּ nos om-
nes sicut oves errabamus, quilibet in vi-
am suam declinabamus. — פָּעָה אֲרָם. תַּעֲיָה =
طَعَا et طَعِيَ, aberravit, oberravit, er-
ravit, vagatus est; Psalter profugus errat sicut
ovis Ps. 119, 176.; alias haec comparatio indicat ab-
errationem moralem a mandatis divinis, quae rectum
tramitem praefiniunt, Ps. 58, 4. 95, 10. Ezech. 14, 11. 48.
11. Jes. 29, 24. — אֶשׁ Vulgatus recte vertit: unus-
quisque; ad litteram autem Alexandrinus ἀνθρώπος. —
לְדֶרֶכוֹ in viam suam declinabamus, vel nos ver-
timus, i. e., consiliis nostris erroneis obsecuti su-
mus. Loquentes his expriment sua erronea consilia,
studia mala, seu iniquitates suas, et inprimis religio-

nem falsam, cui adhaerebant, ut ^{طغوى} exorbitantia, transgressio, et usus verbi Syriaci נטו de haeresi, et in Thalmude de idololatria, innuit. Hunc locum respexit Petrus: ep. 2, 25. *ἡτε γὰρ ὡς προβата πλανώμενα.* — Chaldaeus: nos omnes quasi oves dispersi sumus (in praesenti exilio), unusquisque versus viam suam migravimus, quod repugnat sequentibus, in quibus de aberratione morali sermo est.

וְיִהְיֶה בּוֹ אֵת עֲוֹן כָּלֵנוּ Jehova autem immisit in eum iniquitatem omnium nostrum. — וְהִפְגִּיעַ, quod Syrus eodem verbo אִפְגַּע reddidit, est proprie fecit occurrere, incurrere, irruere; פָּגַע occurrit hostiliter, vel amice, unde forma IV. est etiam intercedere, qua notione occurreret infra v. 12.; non longe abit פָּגַע afflixit, moerore affecit. עֲוֹן iniquitas, metonymice et collective significat, ut alias per saepe, poenas iniquitatum. Alexandrinus circumloquitur: *κύριος παρέδωκεν αὐτὸν ταῖς ἁμαρτίαις ἡμῶν* — Chaldaeus: a facie Jehovae voluntas fuit, ut propter eum peccata nostra dimittat.

Jes. 53, 7.

נִגַּשׁ וְהוּא נִעְנָה וְלֹא יִפְתָּח פִּי exigebatur, et ipse subiecit se, et non aperiebat os suum. — נִגַּשׁ eum rigore exegit; VII. נִגַּשׁ rigorose exactum fuit, ut alibi docuimus, conf. ad Zach, 9, 9. Alexandrinus verbum hoc omisit.

mox sequens nomen ovis, ut nomina variemus. —
 יִכְדֹּל IV. pass. ab inus. יִכְדֹּל Aram. descendit, =
 וְיִכְדֹּל imbrem effudit, quasi fecit descendere. —
 וְיִכְדֹּל ovis adulta foemella, non occurrit nisi Gen.
 32, 15. 31, 38. et Cant. 6, 6.; Arabibus رَحْلٌ, رَحْلٌ
 et رَحْلَةٌ, (non رَحْل, ut habet Gesenius:) est ag-
 na. — וְיִכְדֹּל Hebr. et Aram. = וְיִכְדֹּל totondit, absce-
 dit, resecauit. — וְיִכְדֹּל obmutuit, quasi ore ligatus
 fuit, VII. ab וְיִכְדֹּל colligavit, Syria iratus fuit; וְיִכְדֹּל
 dolorem sensit, quasi a colligatione. — Obser-
 vatu digna est inconstantia temporum in versione Vul-
 gata: „oblatus est, quia ipse voluit, — non ape-
 „ruit---, ducetur, --- obmutescet, non ape-
 riet. „ Hunc locum respexit Johannes Baptista Joh.
 1, 29: ἰδεὶ ὁ ἀμνὸς τοῦ θεοῦ, ὁ αἰρῶν τὴν ἁμαρτίαν τοῦ
 κόσμου, quocum conf. 1. Petr. 1, 18—19. et Act. 8, 32
 35., ubi locus ex versione Alexandrina adducitur. —
 Chaldaeus: robustos populorum quasi ag-
 num ad victimam tradet et sicut ovem,
 quae coram tondente se tacet, et non erit,
 qui os aperiat in conspectu ejus, et loqua-
 tur verbum (!!!)

Jes. 53, 8.

כִּיעֲצָר וּמִשְׁפָּט לִקַּח וְאֶת־דִּוְרוֹ מִי יְשׁוּחָה ex
 oppensione et iudicio sublatus est; ge-
 nerationem autem ejus quis enuncia-

bit? — עָצַר quidem est clausit, occlusit, continuit, et עָצַר occlusio Prov. 30, 16., atque id est
 עָצַר cohibuit, detinuit, prohibuit; verum
 עָצַר Ps. 107, 39., flagitante contextu, est oppressio, ab עָצַר, quod praeter alia significat expressit succum, pressit uvas; atque ita fere vertit Alexandrinus: *ἐν τῇ ταπεινώσει*, et Vulgatus: *de angustia*; Syrus autem מִן חֲבוּשִׁיָּא ex carcere vel inclusione. — מִשְׁפָּט hoc loco vel forum seu tribunal est, vel sententia judicis condemnantis. Per hendiadin utraque haec vox idem valet ac: ex opprimente judicio, seu judicio oppressus. Alexandrinus neglexit conjunctionem Vau, et vertit: *ἐν τῇ ταπεινώσει ἢ κρίσις αὐτῆς ἤρσθη*. — הָיָה generatio vel praesens, vel praeterita, vel futura, quam ultimam h. l. intelligendam esse, tam membrum praecedens, quam locus parallelus 53, 10. comprobatur, quo sensu autem capiendus sit hic locus uterque, deinceps videbimus. — שׁוֹחָח (: III. a שִׁחָה:) meditatus est Ps. 143, 5., et elocutus est, enuntiavit Ps. 69, 13. Job. 12, 18.; longius abit שָׁח diligentiam et studium posuit in negotio. — Chaldaeus: ex castigationibus et ultione congregabit captivos nostros, et mirabilia quae fient inter nos diebus ejus, quis poterit enarrare? Refutationem non meretur.

כִּי נִגְזַר מֵאֶרֶץ חַיִּים מִפְּשַׁע עַמִּי נִגַּע לָמוֹ quia excisus est e terra viventium, ob praeva-

Arabs: $\mu\chi\sigma\eta$ eis *Savatov*, سَيْفٌ لِّلْمَوْتِ, ductus est ad mortem, i. e. נָּתַן לַמָּוֶת vel נָּתַן , pervenire factus est ad mortem; verum lectio haec in nullo codice reperta est, et unicus testis Alexandrinus eam comprobare non potest. Vulgatus: percussus eum, vix aliter legit, sed textum receptum, ut potuit, expressit; notatu tamen dignum est, eum לָכֵן quoque singulariter cepisse, uti nec facile aliter intelligi potest, nam de eodem patiente, de quo in praecedentibus, sermo est, qui hic populo opponitur. — Hic versus Act. 8, 33. ex versione Alexandrina adducitur. — Chaldaeus; qui ultra omnes limites exagatur, attentionem non meretur, vertit autem: quia auferet dominium populorum de regione Israelitarum; peccata, quae peccavit populus meus, usque ad eos pervenient.

Jes. 53, 9.

$\text{וַיִּתֵּן אֶת-רָשָׁעִים קִבְרוֹ וְאֶת-עֹשֵׂי רָע בְּמוֹתָיו}$ constructio impersonalis: dedit vel constituit (aliquis vel populus), vertenda passive: constitutum vel assignatum quidem sepulcrum ejus fuit apud sceleratos, verum apud divitem fuit in (insigni) morte sua. וַיִּתֵּן de dit, notione constituendi habes Gen. 41, 41. Deut. 17, 15. Jes. 55, 4. Jer. 1, 4. — עֹשֵׂי רָע dives; עֹשֵׂר et Aram. עֵתֵר dives fuit. Recentiores quipiam conferunt עֵתֵר caespitans, cui autem tribuunt notionem celesti, ut respondeat praecedenti רָשָׁעִים ; verum parallelismus poëticus non est

perpetuo synonymus, sed persaepe etiam antitheticus, et antithesis postulat h. l. membrum mox sequens, in quo innocentia hujus servi Dei, dicitur esse caussa, cur post mortem fuerit, non utique apud sceleratum, sed apud divitem. Accedit, notionem sceleris aut criminis in Hebraico verbo nullibi occurrere; et in Arabico quoque, etsi Castelli p. 2949 eam exhibet, valde suspecta est. Rosenmüllerus ad h. l. quidem ex Abulfaragii Hist. Dynast. p. 144., de sacerdotibus, Chrysostomo infensis, adducit locum; جَعَلُوا يُطْلَبُونَ عَثْرَةً عَلَيْهِ, quem autem nemo non vertet: coeperunt quaerere in ipso caespitationem, quae est improvidentia, non autem scelus dici potest; nam عَثَرَ est caespitavit, offendit, impegit, imminnit, desuper spectavit perspexitque, nec in derivatis ejus ullum occurrit sceleris vestigium. — בְּמוֹתָיו iidem recentiores deducunt a בְּמָה, excelsum, altare idoli, βωμος, unde extorquent notionem monumenti sepulchralis, quae in hac, persaepe recurrente voce nullibi occurrit. Accedit, primum Hametz in בְּמָה et בְּמוֹת esse immutabile, nec unquam remitti in Sch'va, sed dici cum suffixo בְּמוֹתֵינוּ Deut. 33, 29., et in statu constructo בְּמוֹת יָעַר Mich. 3, 12. Job. 26, 28., et בְּמוֹתַי Mich. 1, 3. Amos. 4, 13. Jes. 14, 14. 58, 14. Job. 9, 8. Quare, ut omnes veteres reddiderunt, vertendum erit: in morte sua; est scilicet מוֹתֵים pluralis magnitudinis, qui exprimit mortem violentam et insignem, ut Ezech. 28, 10. legitur de rege Tyri:

מֹתֵי עֲרָלִים תָּמוּת בְּיַד זָרִים morte (violenta) praeputiatorum morieris per peregrinos. Veteres interpretes non observarunt significationem תָּמוּת cum, apud, ut Gen. 10, 33. Lev. 19, 13. Num. 1, 5. Deut. 15, 3. Jud. 17 11. conf. Noldii Concord. Partic. p. 126.; hinc male Syrus; dedit scelestus sepulcrum suum, et dives in morte ejus; multo pejus Alexandrinus: καὶ δαῶτω τὰς πονηρίας αὐτοῦ τῆς ταφῆς αὐτοῦ, καὶ τὰς πλεονεξίας αὐτοῦ τῇ θανάτῳ αὐτοῦ, quod fere secutus est Vulgatus; et dabit impios pro sepultura, et divitem pro morte sua. — Chaldaeus pro more suo evagatur; et tradet in gehennam impios et divites opibus, qui vim attulerunt morte exitiosa.

עַל לֹא חָמָס עָשָׂה וְלֹא מְרֻמָּה בָּפִיו quia injuriam non fecit, nec dolus erat in ore ejus. — חָמָס vis, violentia, et etiam generatim injuria, Gen. 16, 5. Jud. 9, 24. Jes. 60, 18. Jer. 20, 8. 51, 35. 46.; חָמָס vim intulit, violenter tractavit, et ut Syr. III. אַחֲמָס arripuit, vel abripuit; חָסֵם vehementer, validus fuit, constans in religione, validus in praelio fuit — מְרֻמָּה dolus, a רָמָה, Aram. רָמָה = רָמָה fecit; Arab. etiam dictis impetivit; Hebr. II. de cepit, quasi conatus est eum dejicere, uti et Syr. רָמָה jaciens, et susurro. — Nec vi, nec dolo malum patravit; enumeratio poetica pro: nihil prorsus malifecit. Hunc locum respexit Johannes 1. ep. 3, 5. et

Petrus 1. ep. 2, 22. — Chaldaeus: ut non permaneant facientes peccatum, neque loquantur dolum in lingua sua; mirum est, virum, linguae non imperitum, malam suam fidem ostentare, et verba summa violentia contorquere.

Jes. 53, 10.

יְהוָה חָפֵץ דָּבָא הָהוּא Jehova autem voluit contereere cum, aegrotum reddidit, i. e., vel ellipsi conjunctionis suppleta: et aegrotum reddidit, vel הָהוּא venit pro Infinitivo: aegrotum reddendo, ut Jes. 42, 21. חָפֵץ יְהוָה, pro לְחַנּוּדָא et לְהַאדִיר, Jehova voluit magnificare doctrinam et gloriosam reddere. חָפֵץ voluit, exprimit decretum divinum. — Forma IV. הָהוּא more Aramaeorum formata, ac si esset pro הָהוּא, uti cum ultima Aleph. etiam derivatum הָהוּא Deut. 29. 21. Ps. 103, 3. Jes. 14, 4. 18. morbi, infirmitates, et ipsum quoque verbum 2 Paral. 16, 12. יְהוָה occurrit; verbum est הָהוּא supra explicatum. Ceterum morbos toto hoc capite non esse, nisi metonymice poenam peccatorum, supra ostendimus, quia omnes afflictiones, inprimis autem morbi, ut poenae peccatorum respiciebantur, cujus tropi latissimus est in Bibliis usus. — Alexandrinus, obnitente licet contextu, דָּבָא intellexit notatione Aramaea purificare, vertit enim: καθαρισαι αὐτὸν ἀπο τῆς πληγῆς. — Post hanc sententiam intelligendum est וְיִאֲכָל et dixit, quod in poësi saepe omitti, annotavimus in Herm. §. 21. p. 63.; in sequentibus enim Deus loquitur.

אם תשים אֶשֶׁב נִפְשׁוֹ יִרְאֶה זֶרַע יִאֲרֶךְ יָמָיו
 אם תשים אֶשֶׁב נִפְשׁוֹ יִרְאֶה זֶרַע יִאֲרֶךְ יָמָיו si ipse se fecerit sacrifi-
 cium pro delicto, videbit semen, prolon-
 gabit dies (vitae), et voluntas Dei per eum
 prospere succedet. — Foemina tertia persona
 תְּשִׁיבָה refertur ad nominativum נִפְשׁוֹ, quae vox co-
 gitatione repetenda est: נִפְשׁוֹ תְּשִׁיבָה אֶשֶׁב נִפְשׁוֹ,
 ubi primum נִפְשׁוֹ valet ipse, et secundum idem
 est, ac se ipsum, nempe: si ipse se ipsum fecerit
 sacrificium pro delicto, id enim valere אֶשֶׁב
 notum est ex Lev. 5, 5. — 7. 15. 24. 1 Sam. 6, 3. 2 Reg.
 12, 17. conf. meam (Germ.) Bibl. Arch. III. Th. §.
 100. 102. S. 388 — 390. S. 392 — 394. — §. 105. S. 400
 — 407. Ceterum repetitio vocis alicuius, mente sup-
 plenda, jam ad Ps. 110, 3. annotata fuit; addimus aliud
 exemplum ab interpretibus omnibus neglectum, Ps.
 10, 2: בְּנִאֲוֹת רָשָׁע יִדְלַק עֵנִי, quod idem est ac:
 בְּנִאֲוֹת רָשָׁע יִדְלַק עֵנִי in superbia impro-
 bi, improbus persequitur afflictum, i. e.,
 in superbia sua improbus etc. Syrus sensum
 utcumque perspexit, sed vertit passive: positum
 fuit peccatum super animam ejus; melius
 Vulgatus: si posuerit pro peccato animam
 suam. Sensus est: si sponte se morti obtulerit ad
 poenam alienorum peccatorum subeundam. Conf. Matth.
 26, 39 — 44. 52 — 56. 20, 28. Marc. 15, 35 — 41. Luc.
 22, 41 — 46. 24, 26 — 27. Joh. 10, 18. 18, 11. 10, 11.
 15. 17 — 18. Ad hanc sententiam, ut est in textu
 Hebraico, respexit Paulus 2 Cor. 5, 21. — זֶרַע se-
 men, posteritas; de quali posteritate, uti supra

de quali generatione, sermo sit, deinceps videbimus.
 יָמֵי יִאֲרִךְ prolongabit dies, i. e., longaevus
 erit; qua ratione hic servus Dei, violenta morte sub-
 latus et sepultus, nihilominus longaevus esse possit,
 aenigma est, cujus explicatio ex complemento vatici-
 nii petenda, quae infra se ipsa offeret. — Voluntas
 Jehovahae est consilium seu decretum Dei. Haec ul-
 tima verba Alexandrinus junxit sequenti versui, et
 ut cetera omnia, non intellexit; vertit enim: εαν
 δωτε (Schleusnerus conjicit δοθῇ) περι ἀμαρτίας, ἡ
 ψυχὴ ἱμῶν (Schleusnerus conjicit αὐτῶν) ὀψεται
 σπέρμα μακροβίον — Chaldaeus: a facie Jeho-
 vae voluntas fuit, conflare et mundare re-
 siduum populi sui, ut purificaret a pec-
 catis animam eorum; videbunt regnum
 Messiae sui, multiplicabunt filios et fili-
 as, prolongabuntur dies eorum, et facien-
 tes legem Jehovahae, beneplacito ejus
 prospere agent. (!!!)

Jes. 53, 11.

נָפְשׁוֹ יִרְאֶה יְשַׁבֵּעַ (בְּדַעְמוֹ) post aerum-
 nam suam videbit et saturabitur (cognitione sui)
 עָמַל labor, molestia, aerumna, miseria,
 Exod. 18, 8. Ps. 73, 5. Job. 7, 3. 11, 16. Num. 23, 21 —
 22; עָמַל Heb. et Aram. = عَل laboravit, ope-
 ratus est: נָפְשׁוֹ יִרְאֶה יְשַׁבֵּעַ ex aerumna animae su-
 ae, idem valet ac post aerumnam suam, seu
 post exantlatas aerumnas suas; nam praefixum
 Mem saepe idem valere ac post, notum est, ut Jos.

23, 1. Jud. 20, 23. Hos. 6, 2. conf. Noldii Concord. Partic. p. 465. nro. 24. — רָאָה videbit, supplenda est ellipsis טוֹב bonum, seu beatitudinem, et videre venit pro experiri, frui; adeoque experietur beatitudinem, fruetur beatitudine, quae jam 52, 13. 15. celsitudo dicta fuit. Vox טוֹב hac notione saepe addita verbo רָאָה legitur, ut Ps. 27, 13. 34, 13., hinc omissa facile intelligitur; et verbum רָאָה vidit, saepe idem esse ac sentire, experiri, frui, notissimum est, conf. Eccl. 8, 16. Ps. 77, 17. Habac. 3, 2. — שָׂבַע saturabitur, quodsi jungitur praecedenti, sensus est: experietur bona affluentia; videtur autem cum Alexandrino sequens vox בָּרַעְתָּו huc trahenda; nam verbum שָׂבַע etiam alias, construitur cum Beth praefixo, ut Ps. 65, 5. atque ita suffixum passive capiendum est: saturabitur cognitione sui, fruetur nempe illa beatitudine abunde, ut permulti cum agnoscant celsissimum benefactorem, qui salutem illis procuravit. Alii tamen fere omnes jungunt hanc vocem sententiae subsequenti, quare eam nos quoque praetermittimus.

בָּרַעְתָּו יִצְדִּיק צְדִיק עֲבָדִי לְרַבִּים וְעוֹנֵתָם יִסְפָּל
cognitione sua justos reddet justus servus meus multos, quia iniquitates (poenas) eorum portabit. Si בָּרַעְתָּו pertinet ad hanc sententiam, cognitio erit cognitio Dei, quae Hebraeis venit pro religione, Jer. 22, 16. Hos. 4, 1. 6, 6. Prov. 1, 7. 2, 5. 24, 4.; et quia refertur ad justificationem, erit cognitio Dei seu religio, quam alios do-

cebit. Quia autem verbum קִי־צַדִּיק justificavit, justum declaravit, nunquam occurrit constructum cum Beth praefixo; vox haec ad praecedentem sententiam, ut diximus, referenda esse videtur, ubi verbum עָנִי , etiam alias ita constructum, habetur. — קִי־צַדִּיק justos reddet, ambiguum videri posset, verum mox explicatur per sequentem sententiam: quia iniquitates, i. e. per metonymiam, poenas eorum portabit, seu sustinebit, et ita eos justos, i. e. a poena immunes reddet. — $\text{יָכֵן עַבְדִּי קִי־צַדִּיק}$ justus servus meus, i. e., innocens, ut ex praecedentibus, praesertim ex v. 9. patet; ceterum praeter morem, energiae causa, Adjectivum praemissum est Substantivo. His verbis explicatur illud, quod 52. 15. dictum erat יְיָ יַאֲסֵרֶנּוּ asperget, i. e. purificabit, mundabit gentes multas; et confirmantur etiam ea, quae loquentes 53, 3—9. diversis dicendi formulis expresserant; inprimis parallelum est, quod v. 5. dicunt: vibice vel vulnere ipsius sanati, seu a morbo, i. e. a poena peccatorum, liberati sumus. — Alexandrinus, qui hunc integrum versum jungit ultimae sententiae versus praecedentis, omnia perturbat; vertit enim (10) $\text{καὶ βλεπται κυριος}$ (11) $\text{αφελειν απο τε πονε της ψυχης αυτε, δειξαι αυτω το φως, και πλασαι}$ (Schleusnerus conjicit πλησαι) $\text{τη συνεσει, δικαιωσαι δικαιο, και τας αμαρτίας αυτων ανοισει}$. — Chaldaeus: a subjectione populorum liberabit eos; videbunt ultionem de inimicis suis, saturabuntur praeda regum ipsorum. In sapientia sua justificabit

justos, ut subjiciat multos legi, et pro peccatis ipsorum deprecabitur.

Jes. 52, 12.

דָּבַן אֶחָלֶק לוֹ כְּרָבִים וְאֵת עֲצוּמִים יִחְלֶק שָׁלַל
ideo dispertiam ei multos, et potentes
obtinebit praedam. Verbum חָלַק loco Accu-
sativi adsciscit etiam alias casum cum praefixo Beth,
ut Job. 39, 17. וְלֹא חָלַק לָהּ כְּבִינָה et non im-
pertivit ei intellectum, conf. meam Gramin.
L. H. §. 118. p. 405. nro. 17. Idem hoc verbum ne-
quaquam semper est distribuit, sed non raro quo-
que latius usurpatur, ubi idem valet ac obtinere,
ut Prov. 17, 2., ubi de servo sapiente dicitur:
יִחְלֶק גִּתְּהָ בְּתוֹךְ אֲחֵים יִחְלֶק נַחֲלָה inter fratres obtinet
haereditatem, conf. etiam Job. 27, 17.; hinc חֶקֶץ
non solum est pars, sed etiam possessio, Jer. 10.
16. 31, 19. Ps. 16, 5. 142, 6. Deut. 32, 9. 2 Reg. 9, 10.
36—37. — שָׁלַל exuviae, praeda, spoliū (אֶשְׁלַל
extraxit, detraxit, spoliavit), usurpa-
tur autem etiam latius pro lucro, et pro eo, quod
est instar praedae, Prov. 31, 11. Jer. 22, 9. 38, 18.
45, 5. 8. Exod. 15, 9. Ps. 119, 162. Praeda nostro loco
sunt ipsi potentes, עֲצוּמִים, qui 52, 15, dicti sunt
reges, prae reverentia obturantes os suum; nam cap-
tivi partem praedae constituebant. Tropice haec dici,
liquet ex eo, quod de bello et praelio nulla fit mentio.
Quare Vulgatus male vertit: fortium dividet
spolia, uti etiam Alexandrinus: τῶν ἰσχυρῶν με-
ρῶσι σκυλα, melius Syrus: potentes dividet
praedam. Mirandum omnino, hunc Dei servum con-

temtum et deformatum, pro peccatis aliorum violenta morte sublatum, et sepultum, nihilominus, ut supra legimus, fore longaevum, et, ut hic dicitur, multos ac magnos, seu potentes reges obtenturum tanquam praedam, seu ut absque tropo dicam, sibi subjecturum, quod postea explicabimus. Id modo omittendum non est, synonyma esse membra: generationem ejus quis enuntiabit? videbit semen seu posteritatem; impertiam ei multos; et potentes obinebit praedam, atque id ideo, quia innocens per passionem suam pro alienis peccatis justos reddet multos seu a poena liberabit. Sicut autem improprie dictum est, per violentam mortem potentes adepturum esse praedam quod proprie dicitur, impertiam ei multos: ita improprie dicitur ejus generatio, et ejus semen seu posteritas; nam hanc generationem et posteritatem seu semen illi ipsi constituunt potentes, reges, et multi, quos passione et morte sua reddet justos, seu liberabit a poenis.

הַחַת אֲשֶׁר הָעֵרָה לְמוֹת נַפְשׁוֹ וְאֵת פִּשְׁעֵים נִמְנָה
propterea quod profudit vitam suam ad mortem, et praevaricatoribus adnumeratus fuit, vel, se adnumerari permisit, quod aptius convenit spontaneae profusioni vitae ad mortem. Prior sententia respondet illis, quae a loquentibus supra dicta fuerunt: ex oppressione et judicio, seu oppressus judicio sublatus est, et: excisus est e terra vivorum v. 8.; id modo additur, etiam praevaricatoribus adnumerari se permisisse. — עָרָה nudavit, revelavit;

عري nudus fuit; Hebr. in II. et IV. etiam evacuavit, effudit, ut Gen. 24, 20. 2 Paral. 24, 11. Jes. 32, 15.; prorsus eadem phrasis occurrit Ps. 141, 8. אל הער נפשי ne profundas vitam meam. Suam autem propriam vitam profundere, est magno animo mortem oppetere, ut etiam Arabes de strenuo bellatore, vitam suam magno animo praesenti periculo objiciente, dicunt: اسل نفسه fecit fluere, seu profudit vitam suam. Sensus igitur est: quia se sponte morti obtulit, quod v. 10. expressum fuit: si fecerit seipsum sacrificium pro delicto. Alexandrinus sensum non est assecutus; vertit enim: ανθαν παραδοσθαι εις θανατον. — כנא Aram. כנא, numeravit, et, ut מני, definivit, constituit; in VII. adnumeratus est, vel adnumerari se permisit praevaricatoribus, etsi praevaricator non fuit; nullam enim injuriam fecit, nec dolus erat in ore ejus, v. 9. Ultima haec sententia adducitur Marc. 15, 28. et Luc. 22, 37. Ceterum conf. Philipp. 2, 5—11. Eph. 1, 20—23. Hebr. 1, 3—4. 1 Cor. 15, 24—27.

והוא חטא רבים נשא ולפשעים הפגיע et ipse peccatum (poenam) multorum tulit, et pro praevaricatoribus intercessit. Peccatum, praevaricationem, iniquitatem in integra hac sectione per metonymiam venire pro poena peccatorum, praevaricationum et iniquitatum, manifestum est.

Priori hac sententia confirmantur ea, quae a loquentibus v. 7. 8., et ab ipso Deo v. 10. 11. dicta fuerunt. Duo autem haec membra immediate respondent duobus mox praecedentibus, nempe poenam seu peccatum multorum portavit, respicit dictum: profudit vitam suam ad mortem; atque praevaricatoribus adnumerari se permisit, opponitur: pro praevaricatoribus intercessit — In Alexandrinam ultimae sententiae versionem: *καὶ διὰ τὰς ἀνομίας αὐτῶν παρεδόθη*, mendum irrepsisse videtur; nam interpretes ignorare non potuit, *πῶς* occurrit, in I. et IV. cum Lamed vel Beth constructum, uti Syris cum Beth, esse intercedere. Hunc locum respexit Petrus 1 ep. 1, 11. 2 ep. 2, 24., et Paulus 1 Cor. 15, 3—4. Chaldaeus integrum hunc versum circumloquitur, seu ut solet, ex dogmatica sua pervertit: ideo dividam ei praedam populorum multorum et divitias civitatum fortium; dividet spolia eo quod tradidit vitam suam morti, et transgressores subiecit legi, et ipse pro peccatis multorum deprecabitur, et transgressoribus peccatum dimittetur.

Versio Jes. 52, 13—53, 12.

(Sic ait Jehova:)

52.

„ Ecce prospere aget servus meus;

13.

„ Excelsus erit, et exaltabitur, et sublimis erit
valde.

„ Sicut obstupuerunt super eum multi,

14.

„ Adeo deformis erat species ejus, ut nullius viri,

- „ Et forma ejus, ut nullius hominis:
 „ Sic expiabit gentes multas. 15.
 „ Super ipsum occudent reges os suum,
 „ Quia quod ipsis nunquam narratum erat, vide-
 bunt,
 „ Et quod nunquam audierunt, percipient.“
 (Dicent:) 53.
 Quis credit quod audimus? 1.
 Et brachium Jehovae cui revelatum est?
 Nam succrevit ut surculus coram eo, 2.
 Et sicut radix e terra arida.
 Non erat ei forma, nec decor, ut eum respice-
 remus;
 Neque species, ut eum desideraremus.
 Despectus erat et novissimus virorum, 3.
 Doloribus conflictans et notus morbo,
 Et sicut qui faciem suam a nobis contegit;
 Despectus, ut non reputaremus eum;
 Verum morbos nostros ipse portavit, 4.
 Et dolores nostros toleravit.
 Nos quidem eum putabamus ictum,
 Percussum et afflictum a Jehova:
 Ipse autem ob nostras praevaricationes perfossus
 fuit, 5.
 Ob iniquitates nostras contritus fuit,
 Castigatio, qua nobis salus parabatur, erat super
 eum.
 Nos omnes sicut oves errabamus, 6.
 Unusquisque in viam suam se vertebat:

Jehova autem immisit in eum iniquitatem omnium
nostrum.

Exigebatur, et ipse se submitit, 7.

Et non aperuit os suum.

Sicut agnus ad mactationem ductus est,

Et sicut ovis coram tonsoribus suis, obmutuit,

Nec aperuit os suum.

Oppressus judicio sublatus est; 8.

Generationem autem ejus quis enarrabit?

Nam excisus est e terra viventium,

Ob praevaricationem populi mei plaga fuit ipsi.

Constitutum quidem erat sepulchrum ejus apud
scelestos, 9.

Sed apud divitem erat post mortem suam,

Quia violentiam non fecit,

Nec dolus fuit in ore ejus.

Jehova autem voluit conterere eum, et aegrotum
reddidit,

(Dicens:) „ si fecerit se ipsum sacrificium pro
delicto,

„ Videbit semen, et prolongabit vitam,

„ Et voluntas mea per eum prospere succedet.

„ Post aerumnas suas fruetur beatitudine et satu-
rabitur cognitione sui. 11.

„ Justos reddet justus servus meus multos,

„ Quia iniquitatem eorum portabit.

„ Ideo dispertiam ei multos, 12.

„ Et potentes obtinebit praedam,

„ Quia profudit vitam suam ad mortem,

„ Et praevaricatoribus se adnumerari permisit,

„ Et ipse peccatum multorum portavit ,

„ Et pro praevaricatoribus intercessit.“

Argumentum Jes. 52, 13 — 53, 12.

Deus ait Cap 52, 13—15. : servus meus, postquam quam maxime deformatus fuerit, expiabit multas gentes, et valde sublimis et excelsus erit, reges quoque venerabundos ad silentium rediget.

Tum hi expiati cap. 53, 1—9. dicent: admiranda, quae audimus, vix fidem inveniunt, et vix quisquam agnoscit opus Dei. Ille Dei servus, ex humiliata familia ortus, adolevit tenuis, nulla erat dignitate aut magnificentia conspicuus, sed prae ceteris contemptus, et doloribus ac afflictionibus jactatus; verum hac non erant, ut putabamus, propriorum, sed nostrorum peccatorum poenae, quae nobis pro peccatis nostris infligendae fuissent, a Deo autem ipsi immisae sunt, ut nobis salus, immunitas a poena, pareretur. Ipse innocens sponte se his omnibus, et ipsi quoque morti aequo animo subjecit, quin obloqueretur. Judicio oppressus, facinorosis adnumeratus, violenta morte sublatus fuit, verum innumerabilem progeniem, et sepulcrum, quod ei apud scelestos constitutum erat, apud divitem obtinuit, quia peccatum nullum commisit, sed Deus ipsum ob nostra peccata his plagis oneravit; nam Dei decretum erat 53, 9—12. :

„ Si sponte poenas alienorum peccatorum violenta morte lucrit: obtinebit posteritatem et longae-
 „ vitatem, potietur summa beatitudine et dignitate,
 „ et decretum meum per ipsam effectui dabitur, ut

„morte sua multos reddat justos, seu a poena immunes, quam ipse eorum loco sustinuit, ideoque ipsi „multos, atque etiam potentes, quasi praeda captivos, „i. e., obediētes assecclas dabo.“

Expositio Argumenti Jes. 52, 13—53, 12.

Quisnam sit hic Dei servus, diversae sunt interpretum sententiae, quae ad duas classes referri possunt. Alii enim censent, populum Judaicum; alii autem, singularem aliquam personam esse objectum hujus sermonis. Illi rursus in tres partes abeunt; non nemo enim opinatus est, servum Dei esse abstractum populi Judaici; aliqui putant, esse meliorem et probam populi partem, pejoribus et improbis oppositam; multi denique alii integrum populum, aut generationem finito exilio viventem, et ultimae emortuae generationi oppositam, esse hunc Dei servum arbitrantur. Qui existimant, singularem personam esse sermonis objectum, jam Mosen, jam regem Uziam, jam Josiam, jam Prophetam Jeremiam, jam Jesaïam, plerique autem Messiam esse hunc Dei servum autumant. Hac singulae sententiae excutiendae veniunt.

I. Abstractum populi Judaici servus Dei?

Populi seu societatis civilis populi Judaici abstractum, quod ut persona sistatur, et ipsi populo opponatur, ipsum sibi repugnat; societas enim sine sociis, et sociis opposita, nequidem cogitari potest. Si cogitanda sit ut idea constitutionis civilis, opponi non potest civibus; neque dici potest, ideam

constitutionis civilis pro peccatis civium affligi et violenta morte auferri; multo minus, crescere ut surculum e terra arida, aut esse sine specie et forma, contemptam, morbo notam, ferre morbos civium, ejus vibice vel vulnere sanari cives, sicut agnum duci ad mortem, sepulcrum, apud sceleratos constitutum, obtinere apud divitem; cujus aures haec ferre possunt? — Si Jerusalem Jes. 51, 17—52 3. et 54, 1—8., vel Zion Jes. 49, 14—21., vel Babylon Jes. 14, 3. seqq. 47, 1—15., vel respublica Hebraeorum Jes. 1, 5—6., sistitur ut persona, nequaquam abstractum concreto opponitur, sed concretum offertur cogitandum.

II. Proba populi pars servus Dei?

Meliorem seu probam populi partem esse vaticinii objectum, statuit Rabbi Lipman in פתח ד' p. 131. nro 236., ut refert Danz de Lytro Redemt. Human. §. IV. in Menschennii, N. T. ex Thalmude illustr. p. 838. Hanc sententiam nostra aetate rursus exornavit Paulusius in Memorabil. III. p. 175 — 192., et in sua Clavi in Jesaiam ad h. l. Summa ejus fere haec est: melior seu proba pars populi minime ob propria peccata, sed ob peccata pejorum seu improborum, cum his ipsis simul afflicta, poenam exilii toleravit, quod cernentes improbi in argumentum trahabant, proborum spem, Jehovam opem laturum esse, fuisse vanam; finito autem exilio, et revertentibus in patriam probis, observarunt, se errasse, et spem illam fuisse bene fundatam; hinc resipiscentes plan-

gunt, se non dudum resipuisse. — Haec proborum et improborum distinctio et separatio, non solum omni fundamento destituitur, sed etiam argumento hujus sermonis repugnat, ut ex sequentibus observationibus patebit.

I. Si hic Dei servus esset proba aut melior pars populi: id vel in ipso hoc sermone 52, 13—53, 12. saltem aliquo nutu innui, vel in praecedentibus idem hujus phraseos usus obtinere deberet, ut lector ad hunc sensum praeparatus deduceretur; verum neutrum obtinet. Nam in hoc quidem sermone servus Dei nequaquam opponitur peiori et improbae parti populi, sed ethnicis, מְרִבִּים multis 52, 14. 15., גִּוִּים gentibus multis, et מְלָכִים regibus 52, 15., qui nihil de eo audierant, quibus nunquam de eo quidquam narratum fuerat, et quos demum Deus 53, 12. huic suo servo, ut praedam, attribuit, seu ut obsequentes assecclas subjicit. — In praecedentibus autem inde a c. 40, occurrit quidem saepe servus Dei, qui autem nunquam est melior aut proba pars populi, sed vel ipse Propheta, ut 42, 1—9. 44, 26. 49, 1—13. 51, 4—11.; vel universus populus Jacob et Israel sine distinctione, et diserte ethnicis oppositus, ut 41, 1—7. 8—9—13. 43, 1—10. 44, 1—5. 6—8—20—24. 45, 4. 46, 1—3. 48, 20—22. 49, 3. Universus populus, ethnicis oppositus, dicitur 42, 17—19. 24. 43, 7—9. servus Dei coecus et surdus, qui legi non obtemperat; compellatur 46, 8. corde deficiens seu praevaricans; et 46, 12. 48, 1. 4. 8. durus corde, longinquus a probitate; perjurus et perfidus; ex his apparet, nequaquam me-

horum seu probam populi partem, sed universam multitudinem una cum improbis dici servum Dei, et nullam fieri probam inter et improbam partem populi distinctionem. Ita quoque alias ubique universus populus Jacob et Israel sine ulla distinctione compellatur, ut 43, 1. 15. 23. 28. 44, 1. 6. 21. 24. 45, 4. 46, 3. Pii et probi quidem nonnunquam memorantur, sed sine distinctione universo mox iterum populo comprehenduntur; sic 51, 1. 7. memorantur probitatem sectantes, et gratiam Jehovae implorantes, sed hi ipsi versu intermedio 4. populo universo comprehenduntur, et mox sequenti versu 13. diserte dicuntur obliti conditoris sui. Nulla igitur ullibi sub nomine servi Dei est proborum et improborum distinctio. — Si itaque, ut modo vidimus, neque in ipso hoc sermone 52, 13 — 53, 12. ullum est indicium, servum Dei esse probam populi partem, neque in antecedentibus lector ad hunc phrascosensum praeparatur: manifestum est, hanc interpretationem gratis sumi, et omni carere fundamento. — In subsequentibus 54, 1. — 66, 24. probi quidem ab improbis passim perspicue distinguuntur, sed nunquam vocantur servus Dei, עֶבֶר aut servus meus, עַבְדִּי, sed dicuntur in numero plurali servi Jehovae, עַבְדֵי יְהוָה 54, 17., vel servi tui, עַבְדֶּיךָ 63, 17., vel servi mei, עַבְדֵי מֶלֶךְ 65, 9. 13 — 14. Igitur neque in subsequentibus, in quibus probi ab improbis diserte distinguuntur, probi unquam dicuntur servus Dei, etsi haec subsequentia non possent lectorem praeparare, ut ip antecedente ser-

mone 52, 13—53, 12. servum Dei de proba parte populi intelligat.

II. Verum non solum deest omne indicium, servum Dei 52, 13—53, 12. esse probam populi partem, sed omnis haec probae et improbae partis distinctio etiam argumento hujus sermonis repugnat. Nam loquentes 53, 1—9. se sistunt ab afflictionibus et aerumnis prorsus immunes, et sese opponunt illi afflicto Dei servo; non plangunt semet ipsos, simul afflictos, sed solum illum Dei servum aerumnis conflictantem; dicunt, illum non ob propria peccata, sed ob peccata, quae ipsi commiserunt, afflictum, violenta morte sublatum, sepulcrum, destinatum quidem apud facinorosos, obtinuisse autem apud divitem, quae omnia dicere improbam populi partem, nequidem fingi potest, haec quippe improba populi pars in eodem exilio eadem cum probis infelici sorte utebatur; improbi et probi in exilium deportati sunt, et in exilio improbi iisdem, quibus probi, aerumnis premebantur; quam ob rem omittere non potuissent, se quoque ipsos plangere, nec se patienti servo Dei opponere potuissent. — Nec facile quisquam perspiciet, qua ratione proba et melior populi pars dici possit violenta morte sublata, et sepulcrum apud divitem obtinuisse, aut sponte se fecisse sacrificium pro delicto, et sponte vitam magno animo, profudisse ad mortem. — Si dicatur, illustres et nobiles, qui in exilium deportati et in exilio mortui sunt, esse hunc Dei servum: etiam his non conveniunt, quae mox annotavimus, et comprobari quoque non poterit, hos

constituisset meliorem populi partem; nam a Jeremia et Ezechiele prae reliquis corrupti sistuntur, ut Jeremias C. 5, 4—5. disertis verbis dicit, se adscripsisse perversitatem plebis inscitiae, ideoque accessisse ad magnates et proceres, sed reperisse, etiam hos jugum excussisse. — Taceo non solos illustres, sed omnes etiam plebejos in exilium deportatos fuisse, et reliquos aufugisse in Aegyptum, Jer. 39, 9—10. 41, 13—18. 43, 7. 13. 44, 1—2. et 52, 28—30. 2 Reg. 25, 11—13 et 22—26; uti demum reduces regionem desertam et incolis vacuum invenerunt. — Qui autem dixerit, apostatas Judaeos per ipsam apostasiam reddidisse sortem suam meliorem, prodit, se antiquiora illa tempora parum nosse, quibus quisque suum vel suos colebat deos, quia eos esse potentiores, et sibi magis favere opinabatur, nec quidquam curabat, quem quisquis aliam deum coleret, ut transiens ad cultum alterius dei nequaquam spe praesidii cultorum ejusdem dei, sed opinione, hunc deum esse potentiorum et clementiorum, duceretur, conf. Jer. 44, 15—19. Si forte unus alterve Judaeus apostata res suas auxit, id non erat consecrarium mutatae religionis sed industriae et prudentiae ipsius. Judaeis hujus generis, oppido paucis, et prorsus ignotis, opponere licet notissimos alios pios et probos, qui splendida fortuna usi sunt, ut Daniele et tres ejus amicos, Jechoniam e carcere dimissum, et reliquis regibus antepositum, Zerubabelem, et sequiori aevu Ezram, Mordochai, Estherem et Nehemiam, quibus similes certe erant plures alii.

Si igitur haec interpretatio, ut mode ostendimus, nec in ipsa hac nostra sectione, nec in praecedentibus aut consequentibus ullum habet praesidium, et ipsi etiam argumento hujus sectionis repugnat: in subsidium vocari nequit illa sententia v. 8. **כַּפְשֵׁי עַמִּי נָנַע לִמִּי**, qua Deus diceret: ob praeyaricationem populi mei (partis peioris) plaga ipsis (parti meliori); nam nimis abruptus esset sermo, si in praecedentibus et subsequenter in singulari numero compelleret Dei servum, nunc in hac unica intermedia sententia subito verteretur in pluralem, ne repetamus, quod ostendimus, in praecedentibus inde a c. 40 etiam improbos nomine servi Dei comprehendendi. Accedit, sine omni ratione statui, Dei esse haec verba; nam quilibet lector integra mente, non potest non observare, sermonem Dei demum post primam sententiam versus decimi inchoare. Si locus sensum sanum non funderet, nisi Deus loqui ponatur: evicta res esset; verum aliud supra ostendimus, ubi hunc locum alio sensu et quidem duplici commoda ratione explicavimus, quae utraque orationem nequaquam interrumpit, sed arctius conjungit, et usui loquendi innititur.

III. Universus populus Judaicus servus Dei?

De universo populo Judaico in praesenti exilio explicant hunc Dei servum Judaeus apud Origenem contr. Celsum L. I., R. Dav. Kimchi, R. Salemon Isaacides, Abenezra, Abarbanel, aliique Judaei recentiores, conf. Danz de Lytro Redemt. Hum. in Meu-

schenii N. T. e Thalm. illustr. p. 836—838. E Christianis quipiam intelligendum esse arbitrantur universum populum Judaicum in exilio Babylonico, ut Doederlein in Praef. et notis ad edit. III. versionis Jesaiae, Eckermann in Theol. Beytr. I. 12 seqq, et Schuster Comment. in Jes. 52, 7—53, 12.

Illorum Judaeorum interpretatio attentionem vix meretur; nam si populus Judaicus in praesenti exilio, esset hic Dei servus: Propheta ultra omnes limites evagaretur, et sermoni de reditu ex exilio Babylonico insereret liberationem ex exilio praesenti, quod vocant Romanum. Quare opus non est, de hac prorsus inepta interpretatione pluribus agere, valebunt tamen contra eam plura, quae infra dicentur.

Christianorum memoratorum sententia eo redit: Propheta prope finem exilii Babylonici, nomine exsulum 53, 1—9. annunciat exsulantibus, nihil minus quam reditum exspectantibus (!), peccata et ipsorum et majorum suorum per calamitates, quas emortua ultima generatio exantlavit, esse expiata; hinc eos e sepulcro politico (exilio) evocat ad vitam (reditum in patriam); ubi populus amplissimum adipiscetur imperium, et alias gentes, prout merita sunt, puniet, vel remunerabitur, quod Deus ipse 52, 13—15. 53, 11—12. promittit. Haec explicatio quidem per nexum cum praecedentibus c. 51—52. et subsequentibus c. 54—55, aliquam speciem verisimilitudinis exhibet, sed quilibet videt, esse artificiosam et violentam, et vel ideo saltem suspectam, quod autem amplius est, ipsi quoque argumento hujus sectionis repugnat, ut modo comprobabimus.

I. Si coetus generationis viventis de coetu ultimae emortuae generationis diceret v. 4.: ille nostras poenas tulit; nos quidem putabamus, ipsum ob propria peccata punitum, sed (v. 5) ipse ob peccata nostra contritus fuit, per ipsius aerumnas nobis parata est salus seu immunitas a poena; et si v. 11. Deus diceret: coetus generationis emortuae iniquitatem (poenam) eorum (qui tum vivebant) sustinuit: majores tulissent poenam posterorum, et ita poena praecessisset culpam. Hebraeorum quidem sententia erat, posteros non raro luere poenas majorum suorum; doceri autem non potest, ullum Hebraeum adeo fuisse insanum, ut statueret, majores tulisse poenas posterorum.

II. Servus Dei, haec omnia patiens, dicitur 52, 13 — 15. et 53, 10—12. fore valde sublimis et beatus; passa autem est generatio emortua, ergo et haec deberet praedicari sublimis et beata; verum ex hac hypothesisi non emortua, sed vivens generatio futura est excelsa et beata. — Hac interpretatione universus hic sermo perturbatur; nam 52, 13. servus Dei futurus sublimis est generatio vivens; 52, 14. servus idem Dei afflictionibus deformatus est generatio emortua; et 52, 15. idem servus Dei futurus sublimis rursus est generatio vivens, ubi tamen de uno eodemque servo Dei sermo est. Ita quoque 53, 10—11, servus Dei ferens poenas dicitur fore beatus, et sic esset simul generatio emortua, quae passa est aerumnas, et simul generatio vivens, quae beata est, eum ex hac interpre-

tatione sola generatio vivens beata, emortua autem afflicta et infelix statuenda sit.

III. Qui 53, 2—9. loquuntur, plangunt aliam pro ipsis patientem, se autem sistunt a poena immunes; si autem hi loquentes essent generatio praesens, non possent se a poena immunes sistere, quippe cum generatione emortua simul easdem exilii calamitates passi sunt.

IV. Loquentes 53, 1—9., qui existimantur esse generatio praesens, se distinguunt ab eo qui passus est, et se eidem opponunt, quod non possent, si hic patiens esset generatio emortua, quae cum generatione praesente erat unus idemque populus, qui non potest a se ipso distingui, et sibi opponi. Propheta noster ubique tam limatum iudicium prodit, ut personas ita invicem pugnantes certe non finxerit. Conf. Briefe über Jesaiac 53. in Eichhorn's allg. Biblioth. der Bibl.-Literatur VI. B. S. 919—995.

His addamus quaequam, quae in hac sectione occurrunt, et populo Judaico, quacunque ratione spectetur, repugnant, uti I. magis fuisse deformatum, quam ullam alium, 52, 4.; nulla dignitate, nulla spectabili fuisse forma, quae attentionem mereretur, sed contemptum et vilissimis parem, qui tamen habuit Danielem et ejus tres amicos ministros aulicos, et demum regem Jechoniam; 26 annis ante reditum ex carcere dimissum, et omnibus aliis regibus antepositum, unde splendor non potuit non in populum reflecti, Jer. 52, 31—34. 2 Reg. 25, 27—30. Per multos alios exsulantes commode vixisse, et meliori, quam in patria, fortuna

usos fuisse, liquet ex eo, quod concessa demum a
 Cyro redeundi facultate, in exilio perseverare, quam
 in patriam reverti maluerunt. II. Populus ex captivi-
 tate redux nequaquam ut sureulus e terra arida 53,
 2., sed inter gramina, sicut salices ad rivos aquarum,
 progerminaturus esse dicitur 44, 4. III. Populus Judai-
 cus in captivitate Babylonica nullatenus dici potest,
 poenas ethnicorum aut quorumcunque aliorum susti-
 nuisse, qui per ipsius aerumnas a poena liberati,
 seu justii redditi fuerint 52, 15. 53, 4—6. 11—12. Nam
 populus Judaicus ab Ezechiele et Jeremia gravissimo-
 rum scelerum, et inprimis idololatriae, quae in ipsum
 quoque templum irrepsit, arguitur; poenam itaque
 exsilii, propriis peccatis commeritam, sustinuit; ipse
 quoque noster Propheta ejus scelera saepius attingit,
 et 56, 10—59, 21. severe reprehendit. — In ipsam
 etiam Nebucadnezarem iterato rebelles erant, et vio-
 lato jurejurando regi Chaldaeorum dato, cum Aegypto
 clam contra eum foedus pepigerunt; qua igitur ra-
 tione de populo rebelle et perfido dici posset 53, 9.:
 violentiam non fecit, nec dolus fuit in
 ore ejus? Quid plura? ipse noster Propheta ait
 40, 2., Jerusalem pro omnibus peccatis suis dup-
 lam poenam tolerasse, conf. etiam 42, 24—25. 50, 1—
 2. IV. Populus Judaicus dici non potest se sponte sub-
 jecisse poenae exsilii 53, 7., se ipsum fecisse sacrifi-
 cium pro delicto 53, 10., vitam suam magno animo
 pro peccatis aliorum profudisse 53, 12., aut aequo
 animo exsilium tolerasse, nec aperuisse os suum 53,
 7.; nam inviti deportati sunt, de quo Jeremias amare

conqueritur; et Psalter Ps. 137, 8—9. in diras erumpit. V. Denique integer populus, nullatenus dici potest violenta morte sublatus, et sepulcrum obtinuisse apud divitem 53, 7—9. — Si haec omnia, quantumvis miſigaveris, tropos et imagines esse statueris, et in omnem partem te verteris, ut vaticinium populo Judaico aliqua ratione adeocomodes: apparebit tamen suspectum artificium et manifesta violentia, quam verbis et phrasibus et rebus ipsis intuleris. Recte itaque scribit Martinus Commentat. phil. crit. in Jes. 52, 13—53, 12. Rostochii 1791: p. 138: „quamquam „non ignoramus; gentem Judaicam universam frequenter nomine „יְהוּדָה insigniri; vix tamen exemplum „adferri posse putaverim, quod Prophetae continuata allegoria de populo universo tanquam de singulari „persona ita loquuti fuisse deprehendantur, ut argumenti, non ad individuum quoddam, sed ad nationem „ipsam referendi, nullum ne levissimum quidem vestigium eluceat. Deinde etiam hoc, quod, nisi nos „omnia fallunt, nonnulla huic oraculo insunt, quae „nonnisi durissime cum ratione ista conciliari posse „videantur. „ — Paulusius quidem exemplum producit et opponit Jes. 49, ubi tamen v. 14—23. prorsus alia est ratio. — Hansius quoque commentat. phil. theol. in Jes. 52, 13—53, 12. Lipsiae 1791 p. 60. apposite scribit: „ipsius hujus oraculi argumentum gravius et „sublimius illi sententiae (populum esse objectum) non „favet. Sub tali enim imagine Propheta vix potuisset „depingere nationem totam, (judicio iniquo sublatam) „miserrimam et omnium gentium odio ac contemptui

„expositam, quum oratio saepe tumidius atque frigidius justo videretur. — Obstare videntur praedicata ipsa illius subjecti, ut e. gr. *וְנָחָם* v. 4., et frequens repetitio Pronominis *נָחָם*. „

Quod contra urgeri potest, illud est unicum, in praecedentibus inde a c. 40. sermonem esse de reditu populi ex captivitate, et in iis quidem, quae immediate 52, 4—12. praecedunt, laetissimum ejus adventum Jerosolymis annunciari, et populum ad reditum provocari, atque in mox subsequentibus 54, 1—17. Jerusalem excitari, ut de multitudine civium et de futura felici conditione laetetur; hinc verisimile videri potest, etiam sectionem intermediam Jes. 52, 13—53. 12. de eodem populo, Jerosolyma reversuro, intelligendam esse. Verum mox supra argumentis comprobavimus, plura, quae hic dicuntur, de populo Judaico nullatenus dici posse, quapropter statuendum omnino est, de alio objecto esse sermonem, per quod series orationis et arctior nexus antecedentium et subsequentium, aliquatenus interrumpitur; et reapse quae 52, 4—12. de reditu populi dicuntur, apte respondent iis, quae 54, 1—17. de laetitia Jerosolymorum subsequentur, unde manifeste apparet, intermediam sectionem 52, 13—53, 12. esse digressionem. Hoc ipsum negari nequidem posset, si populus esset hujus sectionis objectum. Nam si populus 52, 4—12. provocatur ad reditum, et 54, 1—17, Jerusalem ad laetitiam de tanta civium multitudine, excitatur, intermedia autem sectione 52, 13—53, 12. populus sistitur afflictus et patiens, demum autem futurus beatus et sublimis:

nemo non videt, has afflictiones, medias inter populum redeuntem et laetitiam Jerosolymorum, esse digressionem, et reditum 52, 4—12. cohaerere cum laetitia urbis Jerusalem 54, 1—17. Cum itaque illi, qui hanc nostram sectionem de populo Judaico interpretantur, digressionem negare non possint: ex nexu antecedentium et consequentium argumentum petere, aut sententiam nostram impugnare nequeunt. Quodsi dixerint, ex sua sententia idem saltem in tribus his sectionibus manere objectum: id quidem non diffitebimur, dummodo etiam ipsi vicissim fateantur, sectionem intermediam nihilominus esse digressionem, quam jam ostendimus, de populo agere non posse.

Digressiones hujus generis nostro Prophetæ minime sunt insuetæ. Non commemorabo, Prophetam in antecedentibus inde a c. 40., jam loqui de reditu populi in patriam, jam de Deo liberationem et liberatorem annunciante et praeparante, jam de infinita Dei scientia et potentia, jam de vanitate idolorum, jam de querelis Hebraeorum, jam de expugnatione Babylonis, jam de peccatis Hebraeorum, et quae sunt alia similia; alias duntaxat quaspiam manifestas et fusiores digressiones adducam. Ita a liberatore Hebraeorum ex captivitate 41, 25—29., Prophetam digreditur 42, 1—9. ad suum munus propheticum, et in subsequentibus 42, 10—13. subjungit canticum, et demum rursus redit ad liberationem Hebraeorum ex captivitate. — Sermoni de expugnatione Babylonis et de secutura Hebraeorum constantia in religione Jehovæ 47, 1—43, 22., subnectit suum munus pro-

pheticum 49, 1—13., cui subjungit liberationem et multiplicationem Hebraeorum 49, 14—50, 3., et demum 50, 4—11. rursus ad suum munus propheticum dilabitur, atque in subsequetibus 51, 1—8. denuo ad liberationem Hebraeorum redit. — Denique 56, 10 — 59, 21 ab aetate aurea et a proselytis et eunuchis, de quibus in praecedentibus locutus fuerat, subito transit ad scelera Hebraeorum, et acerrime invenitur in idololatras, hypocritas, homicidas et injustos iudices, et rursus subjungit promissionem aetatis aureae, de qua ante hanc digressionem locutus fuerat.

IV. Singularis persona servus Dei.

Cum itaque digressiones nostro Prophetae sint usitatae: eo majori jure statuimus, nostram quoque sectionem esse ex earundem numero, quod aliunde, ut ostendimus, neque illi, qui nostrum Dei servum de populo Judaico interpretantur, penitus negare possunt, et omnes illi permulti interpretes agnoscunt, qui contendunt, hunc Dei servum esse singularem personam, etsi non conveniunt, quaeenam illa sit. R. Alschech censet esse Mos en, et R. Abarbanel, regem Josiam, ut refert Bänzius de Lytro Redemt. Hum. in Meusehenii N. T. ex Thalm. illustr. p. 835; R. Saadias et Grotius arbitrantur, esse Jeremiam; quipiam, Uzziām; Brentius, et Staeudlin in Neu. Beyträge zur Erläuterung der Bibl. Proph., Jesaiām; plerique autem existimant, adumbrari Messiam, non solum Christiani, sed etiam Judaei, imprimis antiquiores, ut Jonathan Paraphrastes Prophetarum, Tanchuma, et alii, ut testantur R. Alschech, Abenezra, Abarbanel, Jakut,

Nachmanides, Maimonidès, Thalmudici in Sanhedrin e. 10., Rabbith in Ruth, et Moses Gerundinensis apud Danzium de Lytro Redemt. Ham, in Mcuschenii N. T. ex Thalm. illustr. p. 838—840. De omnibus his sententiis singillatim agere, non est operae pretium; sufficiet, quaeprimam generatim praemittere, et demum de Messia diligentius tractare. Id modo observandum est, omnia, quae de hoc Dei servo dicuntur, et populo Judaico, utcunque spectetur, sine artificiis et tropis abnormibus accommodari non possunt, de singulari persona facilem habere interpretationem.

Si itaque haec sectio, uti ostendimus, est digressio, in qua nequaquam populus, sed singularis aliquis vir adumbratur: primo diligenter observandum est, quinam ejus characteres descripti sint; et dein inquirendum, cuinam aptissime convenient, ita ut nexus cum antecedentibus et consequentibus congruat, aut saltem non repugnet, et ita apta sit digressio.

Characteres servi Dei Jes. 52, 13—53, 12.

Characteres, quibus hic Dei servus insignitus est, sunt fere sequentes:

I. Sicut surculus radices e terra arida succrevit, i. e., ex familia humiliata, sicut surculus ex radicibus arboris succisae, ortus est, 53, 2. conf. Jes. 11, 1.

II. Sine singulari specie, seu sine dignitate et magnificentia, quae hominum oculos attraxisset, adolevit, contemptus et vilissimis hominibus deputatus fuit, 53, 2—3.

III. Mirum in modum afflictus, 53, 4., et demum,

56 Charact. servi Dei Jes. 52, 13—53, 12.

judicio oppressus, violenta morte e vivis sublatus fuit, 53, 8.

IV. Reputabatur ob propria peccata a Deo punitus, et, tanquam facinorosus, facinorosis adnumeratus fuit, 53, 4. 12.

V. Ipse autem ex decreto Dei ob peccata aliorum aerumnas et mortem violentam passus est, 53, 5—6. 8—10. 12., ut multi alii justī, seu a poenis immunes redderentur, 52, 15. 53, 11.

VI. Passus est omnes afflictiones et ipsam violentam mortem aequo animo, ut nequidem obloqueretur, 53, 7.

VII. Imo sponte se sententiae mortis subiecit, 53, 7.; sponte vitam suam fecit sacrificium pro delictis aliorum, 53, 10; et sponte magno animo vitam suam ad mortem profudit, 53, 12.

VIII. Ipse autem prorsus innocent erat, et hinc sepulcrum, quod ipsi apud facinorosos constitutum erat, apud divitem obtinuit, 53, 9.

IX. Hic Dei servus, violenta morte sublatus, et sepultus, nihilominus est longaevus, 53, 10.; bonis seu beatitudine fruatur abunde (vel sui cognitione saturatur) 53, 11., et ad summam dignitatem et sublimitatem evehitur, ut etiam reges ad taciturnam reverentiam moveat, 52, 15.

X. Denique amplissimam posteritatem, cujus poenam sustinuit, adipiscitur, 53, 8., seu permultos et etiam potentes, nempe reges et magnates obtnet assecras, 52, 15. 53, 12. Nam semen seu posteritas ejus, 53, 10., et generatio seu posterī ejus, 53, 8., non

sunt alii, quam illi multi et etiam potentes, quos Deus ipsi 53, 12. tanquam praedam, i. e. obedientes, attribuit, et qui 52, 15. per ipsum expiantur, ac 53, 11. justii redduntur, seu a poenis liberantur, et quorum poenas 53, 5—6. 8. 11—12 ipse subivit. Semen autem, זרע, esse ejus discipulos et sectatores seu assecclas, docet ipse Jesaias c. 1, 4, ubi זרע כרעם sunt assecclae a celeratorum, זרע כרעם filii seu discipuli corrupti conf. Jes. 57, 4. Hic usus loquendi orientalibus adhuc dum sollemnis est; nam Christianos dicunt

من ميلاد المسيح de nativitate vel genere Messiae, Schulz in der Saml. der Reis. von Paulus VII. Th. S. 49.

Quibus hi characteres non conveniunt?

Hos omnes characteres Mosi, Uzziæ, Josiæ, Jeremiæ et Jesaiæ non convenire, nec sine contortis artificijs et violentia, dictionibus et phrasibus illata, adcommodari posse, quilibet facile videt. Jeremias quidem saepe et vehementer afflictus fuit, sed reliqua omnia ab eo aliena sunt, et, ut id solum commemorem, constat, ipsum de suis aerumnis saepius acerbè conquestum fuisse, Dei vindictam implorasse, et diæi nativitatis suæ dira imprecatum fuisse, Jer. 20 7—13—18. 15, 10—21. 11, 18—12. 6. 17, 14—18. 18, 18—23. Staedlinò facile damus, Jesaiam sub rege Manasse potuisse interfici, sed reliqua omnia, quæ de eminenti hoc Dei servo dicuntur, a Jesaia longe distant, nec sine vi ei adcommodari possunt. Praeterea de omnibus his viris, ut reliqua taceamus, neque in

praecedentibus, neque in subsequentibus ulla fit mentio, ut hoc loco quasi e nubibus delapsi, et mox rursus in nubes ascendisse videantur, quin Alector moneatur, cur, aut unde venerint, et quo abierint. Noster Prophetam se ipse quidem nomine servi Dei compellat, 42, 1—9. 44, 26. 49, 1—13. 51, 4—11. 16., et conqueritur de contemptu, contumeliis et injuriis sibi illatis; verum in omnibus his locis tam clara sunt de objecto sermonis indicia, ut nemo dubitare possit, Prophetam esse hunc Dei servum; nostro autem loco nullus vel minimus nutus observatur, servum Dei esse Prophetam nostrum. Accedit, Prophetam ipsum, ut praetermittamus alia, scribere non potuisse, se interfectum esse, et sepulcrum, praeter spem, apud divitem obtinuisse; si id ex revelatione didicisset futurum esse, profecto alio longe modo enunciasset. Prophetam noster etiam in locis, ubi de ignominia et contumeliis queritur, 59, 7. 50, 6., minime tam tristem sibi exitum vaticinatur, sed Dei nititur auxilio, quod Deus ipsi quoque discrete promittit, 49, 7—13. 50, 8—10. 51, 16. Si Staeudlin in subsidium vocat hypothesin, alium Prophetam in exilio, haec de Jesaia, olim sub Manasse interempto, cecinisse: redit illud, quod supra diximus, nullam in praecedentibus et subsequentibus de Jesaia fieri mentionem, nec ullum adesse indicium, de hoc Prophetam esse sermonem, ne repetamus, reliquos characteres omnes ipsi repugnare.

Characteres Jes. 52, 13—53, 12. soli Messiae convenient.

Dubitandum itaque non est, hunc Dei servum non esse alium, quam Messiam Jesum, cui soli, characteres omnes sensu plano et facili tam accurate convenient, ut ab ipso depromti esse appareant, quod adeo manifestum est, ut supervacaneum sit, id repetita recensione ostendere. Inprimis illud aenigmatice dictum, servum Dei innocentem, judicio oppressum, violenta morte sublatum, apud divitem sepultum, nihilominus longaezum fore, quod sine vi et artificio nulli alteri accommodari potest, pleno et facili sensu locum habet in Jesu, qui a morte redivivus resurrexit, sedetque ad dexteram Dei, ubi jam non moritur, mors illi ultra non dominabitur, Rom. 6, 9. Ita etiam summa hujus servi Dei, facinorosis adnumerati, et morte violenta sublatis dignitas, et innumerabiles atque etiam potentes asceclae, nulli convenient nisi Messiae Jesu, et sic de ceteris characteribus, huic Dei servo attributis.

Hoc igitur vaticinium de primo Messiae adventu agit, et pluribus exponit, quod Zachariam 9, 9—10. paucioribus complexum fuisse vidimus, cum vaticinatur, adventurum regem justum, afflictum quidem, sed salvatum, asino vectum seu prorsus pacificum, et nihilominus sine armis latissimo imperio potiturum, atque hunc regem, quem antiquiores Prophetae, Jeremias, Ezechiel, alique, uti et ipse noster Propheta, cum reditu ex exilio jubebant, Zacharias ultra tempora Alexandri removet,

neque tamen in visione optica ex longinquo, tempus hujus primi ejus adventus discernere poterat, quod Daniele secundo ejus adventui definivisse vidimus.

Utro quidem professi sumus supra, hoc vaticinium esse digressionem, neque tamen propterea omnis nexus cum antecedentibus et subsequentibus desideratur. Nam quemadmodum Zach. 9, 3, — 10, bellatori Alexandro opponitur venturus Messias justus afflictus, salvatus et pacificus, qui sine bellis vastissimum imperium adipiscetur: ita nostro loco felicitati reditus in patriam Jes. 52, 4—12., opponitur beatitudo multo major et latior, paranda per Messiam, quem Deus 52, 13—15. annunciat humiliatum quidem et deformatum primum, sed dein fore celsissimum. Inducuntur deinde 53, 1—9. gentiles admirabundi, narrantes, ipsum sponte poenas peccatorum alienorum luisse, quod demum Deus 53, 10—12. confirmat, et ejus beatitudinem et celsitudinem, atque innumerabiles, etiam potentes assecclas ei subjectos, i. e., latissimum ejus imperium, repetit. Subsequenti capite 54. regreditur oratio ad reditum, et Jerosolymis interim promittitur multitudo civium, dilatatio finium et divina protectio. Verum c. 55. rursus promittitur Messias. Praemissa enim invitatione, ut haec praesentia, gratis et immeritis oblata beneficia reditus, acceptentur, subjungit Deus v. 3—5.

Nam pangam vobiscum foedus (promitto)

3.

Beneficia Davidis permanentia.

Ecce doctorem populis dabo eum,

4.

Principem et praeceptorem populis.

Ecce gentes, quas non noveras, vocabis, 5.

Et gentes, quae te non noverant, ad te current

Propter Jehovam Deum tuum,

Et propter Sanctum Israelis, qui te glorificabit.

Quaquam enim beneficia Davidis, **חֲסִדֵי דָוִד**
 2 Paral. 6, 42, esse fortasse possint generatim bene-
 ficia a Deo Davidi collata, additum tamen nostro lo-
 co epitheton: permanentia, stabilia, perpe-
 tua, **נְאֻמִּים**, hunc sensum non admittit, sed ampli-
 us aliquid innuit, quam illa, minime perpetua, bene-
 ficia collata Davidi, qui pluribus annis a Saulo exagi-
 tatus, in bello Nisibeno magnas clades passus, a filio
 Absolomo regia pulsus, et denique peste castigatus
 fuit; respicitur itaque illa stabilis et firma promissio
 throni perpetui in familia Davidis, quae refertur 2 Sam.
 7, 13—16. 2 Paral. 17, 12—24., et explicatur Ps. 89,
 29—38. Conf. Act. 13, 34. Sensus igitur est: dabo
 vobis illud grande et perpetuum benefi-
 cium Davidi promissum, nempe Messiam, ut
חֲסִדֵי דָוִד הַנְּאֻמִּים sit pluralis magnitudinis. Id con-
 firmatur subsequente mox versu 4., qui medias inter
 promissiones verti non potest in praeterito, sed ne-
 cessario, uti praecedentia et sequentia, in futuro ver-
 tendus est, et alterum Davidem promittit doctorem,
 principem et praeceptorem vel legislatorem gentium,
 sicut etiam Jeremias 30, 9., et Ezechiel 34, 23—24. et
 37, 24—25. Messiam compellant nomine Davidis; et
 ultimo quidem loco Ezechiel diserte dicit, Davidem
 fore perpetuum Hebraeorum principem. Ita etiam
 conversio gentium ad verum Deum, quae sequenti

versu 5. promittitur, et alias Messiae jungitur, hunc loci sensum confirmat. Ceteram עַר v. 4. non significare testem, sed doctorem aut monitorem, parallelismus נָנִיד et מִצֹּה evincit, et confirmatus verbi העִיד de doctrina et monitis, Exod. 19, 21. 23. 1 Reg. 2, 36. 42. 2 Reg. 17, 13. 15. 2 Paral. 24, 19. Neh. 9, 26. 29. 30. 34. Jer. 11, 7. 42, 19. Ps. 50, 7. 81, 9. Et תַּעֲזֶרָה Jes. 8, 16. 20. quoque de doctrina usurpatur. Verbum etiam Arabicum عَال med. Vau non solum est: rediit, reversus est, sed etiam evasit doctus, et in il. assuevit, edocuit, consuetudinem introduxit praecepitque, unde عَالٌ et عَالِيَةٌ est gnarus, exercitatus, conf. et Schleusneri Lexic. in N. T. P. II. p. 68 — 69 in μαρτυρ et μαρτυρῶ, quae verba respondent Hebraicis עַר et העִיד.

Dissentientium argumenta.

Ne dissentientes prorsus praeteritis videamur, in exemplum adducemus et examinabimus praecipua argumenta, quibus Ammon in Bibl. Theolog. Germanice edita P. II. p. 40. seqq. probare contendit, characteres hujus servi Dei non convenire Messiae Jesu. Sunt autem sequentia.

I. „Jesus non fuit ita deformatus et contentus, qualis a Propheta describitur servus Dei; sed, ut Lucas scribit, profecit sapientia et gratia apud Deum et homines, et erat spectabilis doctor populi.“ — Idem Lucas nihilominus diserte

narrat, Jesum non solum ex humiliata et in obscuritate delapsa prosapia Davidis ortum, sed etiam Bethlehem in stabulo natum esse, et sine ulla dignitate, sine familiaritate cum eruditibus, proceribus, sacerdotibus et summis pontificibus adolevisse, praeter unicum congressum cum doctoribus in templo Luc. 2, 41 — 50. ex ejus juventute nihil memorabile refert. Quod Lucas 2, 51. 52. scribit, Jesum juvenem, uti aetate, ita sapientia et gratia, apud Deum et homines profecisse, non amplius dicit, quam illam morum innocentiam praesetulisse, quae Deo et hominibus accepta et grata est, nequaquam autem innuit externam dignitatem, splendorem, magnificentiam aut gratiam magnatum, illustrium et procerum. Matthaeus 13, 55. et Marcus 6, 3. referunt, Jesum in adolescentia artem nutritii sui exercuisse, ideoque a Judaeis fuisse contemptum. Judaei Joh. 7, 15 dicant, eum nequaquam eruditus magistris usum, nec more eruditorum instructum fuisse, quod illi honorem conciliasset. Hinc et Apostolos suos ex hominibus plebejis selegit, nec ullibi legimus, eum proceres salutasse. Pauci eruditi et illustres, qui ipsi consentiebant, sententiam suam celabant, Matth. 27, 57—59. Marc. 15, 43—45. Luc. 23, 50—51. Joh. 19, 38. Nicodemus eum noctu convenit, Joh. 3, 1—21. Reliqui eruditi et proceres eum dicebant violatorem sabbathi, peccatorem, blasphemum, commensatorem et potatorem, peccatoribus familiarem, per Beelzebul ejicientem daemonia, seductorem, et rebellem in Caesarem, Matth. 10, 25. 12, 24. 20, 17—20. 26, 67—68.

27, 27—31. 38—44. 63. Marc. 3, 22. 10, 33—34. 14, 65. 15, 16—20. 25—32. Luc. 5, 21. 30—31. 7, 34. 11, 15, 15, 1—2. 16, 14. 18, 32—33. 19, 7. 22. 62—65. 23, 8—12. 32—34—39. Joh. 7, 7. 12. 15. 20. 27. 32. 42. 47. 48. 49. 53. 8, 49. 52. 9, 16, 22. 24. 28. 10, 19—21. 31. 39. 57. 1^a 20. 18, 22. 19, 2—5. 12. 18. — Ceterum nostrum vaticinium non adeo munus doctoris, quam passionem et mortem Jesu respicit, ut nihil proficiat, qui dixerit, Jesum fuisse spectabilem populi doctorem.

II. „Per Jesum Judaei non sunt redditi feliciores, „ut Jes. 53, 5. promittitur; sed sibi ipsi exitium arcessiverunt.“ — Mirandum profecto, Christianum theologum felicitatem moralem non discernere a felicitate civili. Illam promittit vaticinium, et consecuti sunt etiam Judaei permulti, qui in Jesum crediderunt; increduli autem utramque propria culpa amisserunt, et, prout Malachias et Daniel praedixerant, civitate eorum eversa, etiam patria pulsi sunt. Si de his nulla est in nostro vaticinio mentio, meminisse oportet, hoc vaticinium de primo ejus adventu agere, et etiam illud in memoriam revocandum, vaticinia non esse historias, nec quaelibet complecti omnia illa, quae futura erant. Denique non sunt Judaei, sed ethnici, qui in nostro vaticinio sibi gratulantur de salute seu immunitate a poena, quae ipsis per passionem hujus servi Dei obtigit.

III. „Servus Dei moritur, quin aperiat os suum, „cujus contrarium de Jesu legitur Matth. 27, 26.“ — Quis non miretur, hoc dictum excidisse theologo?

nam in vulgus notum est, non aperire os suum, consuetam esse loquendi formulam, cum dicere volumus, se non operose defendere, quod aliunde innocenti, injuste oppresso non solet prodesse. Sic legimus Ezechiel. 16, 63. 29, 21. פֶּתַח פִּיהוֹ a p e r t i o n e m o r i s pro defensione, pro libertate et fiducia loquendi, et ita quoque, sed alia ex causa, Prov. 24, 7. בִּשְׁעַר לֹא יִפְתָּח פִּיהוֹ in porta (in foro judiciali) non aperit os suum. Ita et Syri alio flexu dicunt נִפְקָה רִוְחִי exiens fuit, i. e. exhibat halitus, i. e. defendit se, et מִפְּקֵי רִוְחִי e d u c t i o h a l i t u s mei, i. e. defensio mea. Nec aliter Chaldaei, ut docet Buxtorfius in Lexic. Chald. Thalm. Rabb. sub voce פֶּתַח. — Jesum autem non multa oblocutum fuisse iudicibus injustis, sed ultro suscepisse mortis sententiam, legimus Matth. 26, 62. 27, 13. 14. Luc. 22, 67 — 68. 23, 9. Marc. 14, 60 — 61. 15, 5. Joh. 18, 19 — 24. 33 — 37. 19, 9 — 11. conf. meam Germ. Bibl. Arch. II. Th. II. B. §. 361 — 371. Apte nostrum locum circumlocutus est Petrus 1 ep. 2, 23. : ὅς λαιδοῦμενος ἐκ ἀντελαιοῦ, πασχών ἐκ ὑπείλει, παρεδίδωκε τῷ κρινωτῇ δικαίως. — Si theologo visum est, ita argutari, litem etiam Prophetæ movere poterit, qui scripsit, oves coram tonsoribus suis non aperire os suum; nam constat, eas non raro balare.

IV. „Servus Dei in hoc vaticinio e terra vivorum tollitur in perpetuum, Jesus autem e sepulcro redivivus prodiit., — Id fere est, velle fraudem facere lectoribus incautis; qui enim intelligunt, quod

legunt, non observare non possunt, servum Dei morte violenta sublatum, et v. 10 nihilominus longae-
vum, non aliud innuere, nisi fore redivivum. Conf. Joh.
12, 34—36.— Sed jam satis est argutiarum, quas lec-
toribus dijudicandas relinquo. Id unum iterum ite-
rumque non monere non possum, omnes difficultates,
quae moventur, esse quacsitas et artificiosas, quae
unico responso refutantur, vaticinium hujus generis,
Judaeis promulgatum, et ab ipsis opere complendum, si
clarius fuisset, nunquam opere compleri, ideoque non
clarius revelari potuisse.

Observatio de antiquioribus vaticiniis.

Vidimus hactenus praedictum fuisse Messiam, do-
minum templi, nempe illum summum Dei legatum
Jehovam qui olim cum Hebraeis foedus pepigit, et qui
nequaquam, ut optabant Hebraei, gentes a Deo alienas,
sed ipsos improbos Hebraeos, inprimis posteros
Levi, severe puniturus, et regionem eorum perpetua
interneccione deleturus esset, Malach. 2, 17—3, 1—6.
13—21. vidimus praedictum fuisse principem unctum
seu inauguratum, qui definito tempore (a reditu ex Ba-
bylone post 622 annos) per venturum populum ever-
surus esset Jerusalem et templum sine ulla spe resti-
tutionis, ut gens Hebraea, populus Dei, jam non sit
futura populus illius principis, Dan. 9, 25—27; vi-
dimus praedictum fuisse regem, sedentem ad dexteram
Dei, seu gubernationis divinae participem, judicem
gentium belligerantium, populos vincentem, seu om-
nia impedimenta regni sui amolientem, et sacerdo-
tem perpetuum more Melchizedeki, Ps. 110; vidimus

autem, eum quoque praedictum fuisse regem, post Alexandri tempora venturum justum, et afflictum quidem, sed salvatum, pacificum, et nihilominus sine bellis latissimo imperio potiturum, Zach. 9, 9—10.; vidimus denique, ipsum ex humiliata prosapia oriturum, sine dignitate, sine splendore aditum, imo contemptum fore, innocentem pro peccatis aliorum afflictum, et judicio oppressum violenta morte sublatum iri, se ipsum sponte oblaturum pro peccatis, aliorum sacrificium, sepulcrum, etsi apud facinorosos assignatum, adepturum apud divitem, et nihilominus fore longaevum; per haec omnia multos redditurum esse justos seu a poena liberaturum, eosque etiam potentes et magnates, obtenturum discipulos et sectatores, ac ipsi fore subjectos, seu amplissimum imperium adepturum esse, et ad summam dignitatem et celsitudinem evectum iri, Jes. 52, 13—53, 12. — Alia autem antiquiora de Messia vaticinia, quae nunc tractanda veniunt, ab Ezechiele, Jeremia, Jesaia, Micha, Hosea et Amoso edita, alterius sunt generis; laetiora enim promittunt, prout genti, a propriis regibus et ab hostibus, inprimis ab Assyriis et Chaldaeis afflictas, congruebant, ut vexati malis, et oppressi calamitatibus, spe et expectatione venturi aliquando liberatoris reficerentur, et ita in religione veri Dei corroborarentur, atque hac ratione cognitio et cultus Jehovae usque ad tempora hujus magni sospitatoris propagaretur. Salus autem illa moralis, et aeterna, quam Messias allaturus erat, nec discrete annunciari, nec propriis verbis exprimi poterat; animi enim illa aetate infantiae aut adolescentiae hu-

manitatis, nondum erant praeparati; nec illa, in vita futura felicitas proborum, per Messiam paranda, verbo tangi poterat, quia nequidem aliqua sortis proborum et improborum post mortem diversitas cognita erat, quam Judaei demum post exilium, fortasse per Mehestanos attentiores redditi, ex aequali fere proborum et improborum in hac vita sorte, et ex infinita Dei justitia, rite concluderunt. Mors violenta, cui Messias pro peccatis aliorum se ipse offeret, ut vidimus, praedicta quidem fuit, sed dictionibus et phrasibus expressa, non omni ex parte perspicuis et definitis, quae ab implimento vaticinii illustrationem exspectabant. Ut Messias disertis verbis sisteretur spiritualis animorum rex, abrogator legis Mosaicae et doctor religionis perfectae, quae adultae demum humanitati accommodata esset, non erat locus illa aetate, qua adulta humanitas et religio perfectior quam Mosaica, ignorabatur. Promissio hujus generis, homines, quales illis temporibus erant, non recreasset et nequidem movisset. Quae igitur de Messia dici poterant, laetioribus ecclesiae et civitatis Mosaicae involucris tegenda, et imaginibus, ab adjunctis illorum temporum, et inprimis a felici Davidis aetate depromptis, exprimenda erant. Qui alia clariora, et terminis propriis concepta de Messia vaticinia ab antiquis Prophetis requirunt, et, quia non inveniunt, haec ipsa, quae habemus, magnifice contemnunt et explodunt, non norunt se transferre in statum humanitatis illorum temporum, uti etiam ipsimet facile intelligent, si, qualis fuerit illis seculis humanitatis conditio,

majeri contentione investigare et considerare velint. — Tractabimus itaque nunc promissiones Messiae laetiores quidem, sed obscuriores et minus definitas; quare memores esse oportet, imagines esse, quae nec proprie intelligendae, nec ad vivum resecandae sunt. Prophetæ hi jungunt Messiam, ut jam supra obiter indicavimus, fere semper cum reditu ex exilio, quia in optico e longinquo prospectu intervalla temporum non discernebant. Hinc nasci facile posset suspicio, illos viros Dei fuisse dubios, an non Messias futurus esset ductor illorum, qui quondam ex exilio redituri erant; verum nullus Prophetarum hanc sententiam diserte proficitur. Temporibus illorum Prophetarum, qui exilium Assyriacum et Babylonicum praedicebant, de eo inprimis agebatur, ut Hebraei edocerentur, Messiam, seu alterum Davidem, quo nomine ipsum fere perpetuo compellabant, non jam illo tempore, ut hostes coaevos caedat, et captivitatem amoliatur, esse venturum; necessarium omnino erat, ut diserte et clare praediceretur exilium et reditus in patriam, cui quidem, ut mox diximus, in orationibus suis Messiam jungebant, sed tempus adventus indefinitum relinquebant, quia ipsis revelatum non fuit, nec ad rem, de qua agebatur, pertinebat. — Haec observatio, ex adjunctis illorum temporum deducta, alta mente reposita maneat, cum vaticinia sequentia ordine retrogrado, ut jam consuevimus, interpretabimur.

Ezechiel.

Ezechiel quatuor locis eversioni regni Judae subjungit promissionem, thronum Davidis aliquando re-

stitutum iri, quia venturus esset Messias, quem nomine Davidis compellat; illis namque temporibus alia non erat imago, quae notior esset et magis congrueret. Primum hujus generis vaticinium legitur:

Ezechiel. 17, 22—24.

Quinque vel quatuor annis ante eversam civitatem Judaicam Ezechiel c. 17, 1—10. duabus imaginibus (nempe rami, ab aquila ex cacumine cedri decerpti et Babylonem deportati, atque vitis ad aquas plantatae), et mox v. 11—21 verbis propriis sistit regem Jojachinum seu Jechoniam, a Nebucadnezare Babylonem deportatum 2 Reg. 24, 8—17. Paral. 26, 29—30., et Zidkiam ab eodem ad thronum evectum, et sacramento ad fidem adstrictum, qui autem clam foedus cum rege Aegypti pepigit, quatenus nefanda violatione jurisjurandi nihil proficiet, nec illis suppitiis Aegyptiacis juvabitur, sed capitur et Babylonem deportabitur, asseclae et milites ejus partim gladio peribunt, partim dispergentur, et ita prosapia Davidis throno privabitur. His infaustis casibus Deus, qui hoc capite loquitur, opponit promissionem allegoricam priori similem:

„Demum accipiam ego (Jehova) ramum 1) 22

1) מִצֵּמָה de ramo, seu collective de ramis, nempe aliquem, seu ramum quempiam. Haec vox duntaxat Ezechiel. 17, 3. 22. 31, 3. 10. 14. occurrit, ubi autem notio rami per substratam materiam figitur, et confirmatur collato ^{///} צֶמַח gracilis fuit

„de illa cedro procera 2), et figam illum in humum 3); de vertice ramorum ejus tenerum decerpam 4), et plantabo ego 5) eam super montem

uti et mox cum **רֶךְ** tener, permutatur, et Ezech. 31, 3. opponitur ramis crassioribus, **עֲבוֹתִים**. Antiquorum nullus vocem intellexit: Alexandrinus vertit: **ἐκ τῶν ἐκλεκτῶν**, et Syrus, ipsum secutus, **מִן** **עֲבוֹתִים** ex selectis; Vulg. de modulla; Chaldaeus autem tropum sustulit, et rem ipsam expressit, **דֶּרֶךְ מִמְּלֻכְוֹתָא דְּבֵית דָּוִד** aliquem de regia familia Davidis. — Ego accipiam, opponitur Nebucadnezari, qui ramum (regem) sustulerat, et alium plantaverat.

- 2) **הָאֵרֶץ הַרְמָה**, cum articulo, certam et celebrem cedrum altam, nempe prosapiam Davidis, designat, ut jam observavit Chaldaeus.
- 3) **וְנָתַתִּי** et dabo, intellige: illum ramum, i. e., ponam, figam illum in humum; respondet enim sequenti synonymo membro: **וְשָׁתַלְתִּי** et plantabo.
- 4) **אֶקְטֶה** decerpam, respondet praecedenti membro **אֶקְחֶה** accipiam; **קְטֶה** occurrit de vellendis spicis Dent. 23, 26, de decerpendis vel amputandis ramis Ezech. 17, 4. 22, de abscondendo junco et halimo Job. 8, 12. 30, 4; **قَطَبٌ** vindemiavit.
- 5) Repetitum ego, **אֲנִי**, oppositum est, ut jam annotavimus, aquilae, quae ramum decerpit v. 3, et vitem plantavit v. 5., seu Nebucadnezari, qui Jojachinum regno destituit, et Zidkiam regem designavit

„altum et elevatum 6); super montem excelsum re- 23
 „gionis Israelitarum 7) plantabo ipsum, qui edet ra-
 „mos, feret fructus, et fiet cedrus magnificen-
 „tissima 8), sub qua commorabuntur aves omnis
 „generis; commorabuntur sub umbra ramorum
 „ejus. 9) Inde agnoscent omnes arbores campi, 24

6) תָּלָל *talal*, Chald. תָּלָל; תָּל Hebr. et Aram.

= תָּל *tal* tumulus, collis; hinc quod est ex-
 aggeratum seu elevatum.

7) עַל הַר מְרוֹם יִשְׂרָאֵל *al har merom israhel* super montem celsitu-
 dinis (exelsum) Israelis. i. e. super montem
 Zion, conf. Ezech. 20, 40. 34, 14.

8) אֶרְוֶה אֲדִיר *erweh adir*, in
 gradu superlativo, cedrum magnificentissi-
 mam indicare, series orationis, et quae mox se-
 quuntur, indicant. Cedrus est imago regis, Ezech.
 17, 3. 31, 3—5. Jes. 2, 13. Rami et fructus indicant
 felicitatem regni, et pertinent ad integritatem ima-
 ginis.

9) דְּלִיּוֹתָיו *dliotav* palmites vel rami ejus; Syrus vo-
 cem retinuit, quae descendit a דָּלָה *dalah* extraxit,
 et, ut טָל *tal*, hausit ope situlae aquam, in V. pro-
 pendit deorsum, ut ramus; unde דָּלִי *dali* situ-
 la, et, דָּלִיָּה *daliya* ramus, Jer. 11, 16. Ezech. 32, 7. 9.

12. עוֹף כָּל-בִּיָּהּ *of kol-biya*, collective: aves omnis alae, i. e.
 gentes omnis generis, Ezech. 31, 6. Dan. 4, 9; com-
 moratio sub umbra ramorum arboris, designat

„esse me, qui arbores altas deprimō, et arbores
 „humiles exalto, arbores virides arefacio, et ar-
 „bores aridas revirescere facio. 10) Ego Jehova
 „id promitto et praestabo.”

Expositio Ezechiel. 17, 22—24.

Vaticinium itaque promittit, ex prosapia Davidis, postquam amisso sceptro humiliata fuerit, aliquando, tempore prorsus indefinito, et singulari prorsus modo, oriturum regem celsissimum, cujus imperio et tutelae se committent homines ex omnibus gentibus, et Deum verum agnoscent summum omnium gubernatorem. — Hunc regem non esse Zerubabelem, ut censuit R. Kimchi et Grotius, quilibet facile videt; nam hic non erat nisi dux et praeses novae Judaeorum coloniae non magnae, et ab imperio diversarum gentium tantum abfuit.

protectionem et praesidium, quod rex ille celsissimus praestabit.

10) Quemadmodum cedri excelsae sunt reges: ita arbores campi, oppositae cedris montis Libani, sunt homines reliqui, qui agnoscent verum Deum summum gubernatorem omnium, cujus opus est elevatio et humiliatio regum. Innuitur itaque, illum regem celsissimum ex humiliata prosapia Davidis, et quidem ex sera ejus posteritate, oriturum esse, quia ramus ex vertice cedri decerpendus dicitur v. 22.; atque ita inaugurandum et exaltandum esse, ut appareat, esse opus potentiae divinae.

ut neque reliquis extra Judaeam Hebraeis praesesset. Hinc plures quoque Judaei doctissimi locum de Messia interpretantur, cujus vastissimum imperium in diversissimas gentes, quin ulla bellorum fiat mentio, praedicitur, et qui admirabili modo ad tantam dignitatem evehendus dicitur, ut appareat, esse opus divinum.

Ezechiel. 21, 29—32.

Quatuor vel tribus ante eversionem Jerosolymorum annis Ezechiel c. 20, 1—44 perversos et scelestos procures, qui eum consulebant, reprehendit, et adjicit promissionem, illos, qui resipuerint, aliquando in patriam redituros; nunc autem c. 21, 1—28. Jerusalem evertetur, et c. 21, 29—32 (vel juxta alias editiones v. 24—27) sequenti comminatione et promissione concludit:

„Quapropter „, sic ait Dominus Jehova: „quia 29 „ita agitis, ut in memoriam redeant iniquitates „vestrae 1); nam praevaricationes vestrae sunt

- 1) **עַן הַזְכָּרָה** propter revocare vos in memoriam, i. e. quia in memoriam revocatis, seu quia ita, ut c. 20, 1—38. et c. 21, 1—22 dictum fuit, agitis, ut in memoriam redeat **עֲוֹנֵיכֶם**, perversitas vestra, seu collective, iniquitates vestrae. In memoriam revocantur iniquitates, ut puniantur; oblivioni tradi dicuntur, cum dimittantur, et impunitae manent.

„manifestae 2), et peccata vestra conspiciuntur 3)
 „in omnibus actionibus vestris; quia itaque ipsi
 „vosmet in memoriam reducit 4): manu capie-
 „mini. 5) Quod autem ad te attinet 6), profane 7) 30 4

2) כְּהִגְלוֹת in revelari, i. e., eum revelantur, manifesta fiunt; a נָלַה revelavit, nudavit.

3) לְהִרְאוֹת ad videri, i. e., ut conspiciantur.

4) עַן הִזְכַּרְתֶּם ob revocari vos in memoriam, seu quia in memoriam reducit vos, vel reduceimini, nempe actionibus vestris malis, ut poena sequatur.

5) בְּחַתְפָּשׁוֹ manu, i. e. praevalente potentia, capiimini; ante בְּחַח intelligendum est praefixum Beth. Recte circumloquitur Chaldaeus: in manum, i. e., in potestatem, regis Babylonis trademini.

6) וְאַתָּה Nominativus absolutus: quod ad te attinet.

7) חָלִל hoc loco non esse perfossum, vel perforandum, aut morte dignum, ut Chaldaeus interpretatur, a חָל, sed profanum, a חָל solvit, quasi sacris solutum, (ut Lev. 21, 7. 14. חָלִלָה profana), docet sequens רָשָׁע sceleratus. Hic est Zidkias, quocum Jeremias, qui sub ejus imperio degebat, mitius et submissius agit, quam hic Ezechiel, qui in ditione Nébucadnezaris commemoratur.

„scelerate princeps Israelitarum! dies tuus 8)
 „venit tempore poenae extremae. 9) Sic ait Je-
 „hova: auferam cidarim, tollam diadema 10); hoc 31
 „jam non amplius erit hoc; humilem exalta-
 „bo, et altum humiliabo. Inversum, inver-
 „sum, inversum 11) faciam istud; etiam hoc 32

8) כִּימָו אֲשֶׁר בָּא יוֹמָו *cujus venit dies ejus, i. e. ve-*
nit dies tuus, ut vertit Syrus, nempe emphatice,
ut Chaldaeus circumloquitur: dies interitus,
tempus retributionis peccatorum tuo-
rum. Conf. Job. 18, 20. Ps. 37, 10. I Sam. 26, 10.
Ezech. 21, 34.

9) בְּעֵת עֵץ קֵץ *tempore iniquitatis finis, i. e.*
metonymice: tempore poenae finis, seu fina-
lis, vel extremae, uti Ezech. 35, 5., ubi עֵץ קֵץ
permutatur, ut synonymum, cum בְּעֵת אֲדָם tem-
pore calamitatis, ceu poenae eorum.

10) כִּצְנֹפֶת *cidaris sacerdotalis, in Bibl. Archaeol.*
Germ. I. Th. II. B. §. 150 p. 125—126. descripta, nos-
tro autem loco, quo sermo ad regem dirigitur, est
mitra vel infula regia, et sequens עֲטָרָה est dia-
dema, conf. meam Bibl. Arch. II. Th. II. B. §.
165. p. 125. seq. — הָאֲסִירִים et הָרִים infinitivi sunt
pro finito, vel intelligendum est אֲסִירִים et אֲרִים ut
Ezech. 23, 30. Lev. 6, 7. Jes. 57, 15.; nam Deus allo-
quitur principem; si imperativos esse statueris,
summa sensus non mutatur.

11) עֲוָה ἀπαξλ., ab עָוָה II. invertit, subver-

„non erit 12), donec veniat ille, cujus est regnum 13), et conferam ipsi. 14)“

Expositio Ezechiel. 21, 29—32.

Cum Prophetae, et inprimis Ezechiel, ut c. 17, 22—23, vidimus et c. 34, 22—30. 37, 21—28. porro videbimus, eversioni civitatis et regni Judaici subnectere soleant spem felicioris aevi et alterum Davidem, i. e. Messiam: dubitandum non est, eundem etiam nostro loco v. 32. indicari; nam etsi non memoratur diserte, latet tamen in sententia: donec veniat is, cujus est regnum, et conferam ipsi, uti et Judaei, Abarbanel et Abendana agnoscunt, immo etiam Para-

tit 2 Reg. 18, 34. 19, 13, Jes. 24, 1. 37, 13, ut **יָפַץ** sit inversio, subversio, seu inversum, subversum. Repetitio intendit significationem, conf. meam Gram. L. H. §. 41. p. 119. et Jer. 22, 29. 7, 4. Repetitionem trinam sortem Jojakimi, Joachini, et Zidkiae respicere, nimis quaesitum et artificiosum est. Ceterum vel pro neutro venit, vel ad diadema refertur.

12) Etiam hoc non erit, nempe quod nunc est; alii referant ad diadema, quod jam non erit.

13) **מִשְׁעֶט** in hoc sermone de cidari regia et de diademate, est regnum, ut Ps. 72, 1. conf. Exod. 28, 25. et **שֵׁפֶט** in libro Judicum. Respici ad Gen. 49, 10., jam observarunt Onkelos, Pseudo-Jonathan et Jerosolymitanus ad Gen. 49, 10.

14) In **נָתַתִּי** suffixum exprimit Dativum ut Jos. 15, 9.

phrastae Chaldaei perspexerunt, qui Gen. 49, 10. elipsini ex collato nostro loco suppleverunt, et verba ultima Gen. 49, 10. de Messia interpretati sunt. Nee opus erat, ut Ezechiel alterum Davidem diserte nominaret, quia verba ejus ex c. 17, 22 — 23 et ex 2 Sam. 7. 1. Paral. 17., ac etiam ex Gen. 49, 10. lectori cuilibet erant liquida. — Qui hanc sententiam Prophetæ ad Nebucadnezarem trahunt, ut sensus sit: tale quid, ut diadema auferretur, non accedit, donec veniret is, qui jus, a me ipsi tributum, haberet, vel, qui jus (ut 2 vel 4 codices נל pro יל legunt) non haberet, nisi a me ipsi tributum fuisset, nempe Nebucadnezar, vocem נשך cidari et diademati parallelam, male per jus reddunt, ac ex mente ipsius quoque Rosenmülleri ad h. l., saltem jejenum et languidum sensum verbis affingunt, præterquam quod in analogiam vaticiniorum peccant, quæ, non quidem semper, sed plerumque comminationi promissionem subjungunt. Accedit, quod hæc sententia, ita expositæ, minus apte cohaereant cum præcedentibus. Ceterum nostro loco nullus Messiae character, nisi regnum, annuntiatur.

Ezechiel. 34, 22—30.

Pridie quam ad Judæos, in ripis fluvii Rhebar seu Cabor exulantes, venit nuncius de eversione Hierosolymorum, Ezechiel c. 33, 21 — 32. prædicit plenum incolarum exitium, ruinas urbis et vastationem regionis. Inde invehitur c. 34, 1 — 7. in pastores, i. e., in reges, qui sua imprudentia et perversa gubernatione extremam hanc calamitatem genti induxe-

runt; quare 34, 8—10. munere suo movebuntur, uti c. 17, 1—21. et c. 21, 30—32. praedixerat; dehinc 34, 11—16. jam Deus ipse erit pastor ovium suarum dispersarum, i. e. erit rex, gubernator et curator populi sui in exilium ejecti, qui autem aliquando in patriam revertetur. Propheta 34, 17—21 digreditur ad reprehensionem arietum et hireorum gregis, i. e., procerum et praefectorum, qui populum petulanter, jam dolo, jam violentia, opprimebant et vexabant, sed, 34, 22—30. etiam ab his Deus populum suum eripiet, ei regem unicum Davidem praeficiet, et eum proteget et fovebit. Verum ipsa haec verba Dei, qui loquens inducitur, audiamus.

„Liberabo oves meas, ut non sint amplius 22
 „in praedam; et justitiam administrabo inter ovem
 „et ovem. 1) Praeficiam eis 2) pastorem unum 3), 23
 „ut pascat eas, servum meum Davidem;
 „hic pascet eas, et hic erit pastor earum. Ego

1) Deus jus dicet infirmioribus civibus contra opulentos, proceres et praefectos, i. e., illos eripiet ex oppressionibus et tuebitur, hos autem perversos magistratus puniet et tollet, ut populus respiret.

2) וְהִקְמֹתִי עֲלֵיהֶם et constituam super eos, i. e., praeficiam eis, ut Deut. 28, 36. Suffixa in hac oratione jam sunt masculina, jam foeminina pluralia, quia collectivum עֲלֵיהֶם includit pluralitatem, et est generis communis.

3) וְהָיָה אֶחָד רֹעֵם pastorem unum, i. e., prorsus sin-

„Jehova ero eis Deus 4), et servus meus David 24
 „erit princeps inter cos, ego Jehova id promitto.
 „5) Pangam pro ipsis foedus pacis 6), et abigam 25
 „feras malas ex regione 7), ut possint secure ha-
 „bitare in desertis, et dormire in sylvis. 8) Red- 26

gularem, excellentissimum, vel unum, non duos, ut olim reges Israel et Juda; verum de hac phrasi plura dicemus infra c. 37, 25., ubi reccurret.

- 4) Ego ero eis Deus, non tantum agnoscar Deus, sed, ut ex sequentibus adparet, me Deum benefactorem et protectorem eorum opere ipso ostendam, ut ex v. 22. 25. liquet, cf. Ezech. 11, 20. 36, 28. 37, 24 — 25.
- 5) **דברתי** locutus sum, i. e., promitto, ut substrata materia docet.
- 6) **קָרַת** secuit, scidit; de pangendis foederibus usurpari, in Archaeol. Bibl. Germ. P. III. §. 104. p. 396 — 400. ostendimus. Cum Lamed, nomini personae praefixo, promissionem huic personae, aut in commodum ejus factam exprimere solet, ut Jos. 9, 6. 1 Sam. 11, 1. Exod. 23. 32. 34, 12 — 15. Deut. 7, 2. Foedus pacis cum feris pro ovibus, harum securitatem designat; promittitur itaque securitas ab hostibus, prout in sequentibus exponitur.
- 7) **בְּיַד הָאָרֶץ** ex terra, i. e., ex regione Palaestina, de qua in sequentibus sermo est.
- 8) Imago securitatis ab hostibus, uti v. 27. et 28. propriis verbis exprimitur.

„dam eos circa collem meum felices 9); demittam
 „pluviam tempore suo, imbres erunt fertiles. 10) 27
 „Arbores campi ferent fructus suos, et terra pro-
 „ducet fruges suas; erunt in regione sua securi, et
 „agnoscent, me esse Jehovam, cum fregero vec-
 „tes jugi eorum, et eos eripuerō de potestate illo-
 „rum, qui eis utebantur servis 11). Non amplius 28
 „erunt gentibus in praedam, et ferae terrae non
 „vorabunt eos, sed habitabunt securi, nec erit 29

9) Felices, בְּרָכָה benedictio (abstractum pro con-
 creto), benedicti, i. e, felices.

10) Intelligitur pluvia autumnalis et vernalis, et haec
 nec nimia, nec parca, sed sufficiens, quae sit ferti-
 lis. Conf. meam Germ. Bibl. Arch. I. Th. I. B,
 §. 29. S. 153. 155 — 156. Hinc sequitur v. 27. descrip-
 tio fertilitatis, ex illa pluvia oriturae.

11) Agnoscent, Jehovam esse verum Deum, cum eos
 ex captivitate Babylonica liberaverit, uti et contigit;
 nam Judaei post exilium erant in religione sua con-
 stantes, et, cum aetate Antiochi Epiphanis non pau-
 ci deficerent, reliqui tamen magno animo vitam pro
 religione profundebant. Id in exilio, in quo Judaei,
 teste ipso Ezechiele, in religione valde vacillabant,
 sola ratione duce praevideri non poterat: יַעֲבֹדִים
 בְּרָם qui eis utebantur servis; עֶבֶד cum
 Beth, personae praefixo, usurpatum, est aliquo
 uti servo, ut Lev. 25, 39, 46. Jer. 22, 13. 30, 8.
 34, 9

„qui exterreat. Constituam eis plantarium incly-
 „tum 12), nec erunt jam, qui in regione fame ab-
 „sumantur, nec ferent amplius contumeliam gen-
 „tium. 13) Agnoscent, me Jehovah Deum eorum 30
 „ipsis adesse, et ipsos esse populum meum, fa-
 „miliam Israelis" 14.), est effatum Domini Je-
 hovae.

12) מִצְעָה veteres interpretes vertunt φυτον, plan-
 tam, germen; recte autem observavit Rosen-
 müllerus, formam hanc auctam per Mem, significa-
 re locum plantationis, quod elucet quoque
 ex Ezech. 17, 7. 31, 4. Mich. 1, 6. Additum עַשׂ
 h. l. significat famam, honorem, celebra-
 tem, cujus locum alias in similibus sententiis oc-
 cupat לְהִרְפָּאָה ad gloriandum, seu, ut de eo
 gloriari possim. Jes. 60, 21. 61, 5. conf. et Deut.
 26, 19. Jer. 13, 11. Zeph. 3, 19. Deus faciet eis
 plantarium inclytum, i. e., rempublicam gloriosam
 condet.

13) אֶסְפִּי רָעֵב collecti, seu consumpti fame,
 ut Zeph. 1, 2. Contumelia gentium, nempe,
 ut mox praecedens membrum postulat, contumelia,
 quae a gentibus ob famem infertur, quasi Deus nol-
 let aut non posset eos juvare, et ipsis fertilitatem
 concedere, alias autem dicitur alio respectu, ut
 Ezech. 36, 6. 15.

14) Ex beneficiis, quae praedicta sunt et com-
 plebuntur, imprimis ex reditu in patriam,
 agnoscent, Jehovah ipsos eripuisse et protegere, et

Ezechiel. 37, 21 — 28.

Praecedenti vaticinio mox subjungimus alterum perquam simile, et eodem aut non multo post tempore editum. Series orationis est haec: Propheta c. 35. Edomitis, qui Hebraeis infesti erant, Ezech. 25, 12 — 14 conf. Jer. 49, 7 — 22. Obad. 1 — 21. Ps. 137, 7., exitium, Hebraeis autem c. 36. reditum ex exilio in patriam vaticinatur, quem 37, 1 — 14. sub imagine resurrectionis mortuorum sistit, atque praedicit 37, 15 — 20., olim in patriam restitutos, non rursus in duo regna, Juda et Israel, divisos, sed unum fore populum, qui abjecta idololatria Jehovah sincere colet, et unum habebit regem, et quidem in perpetuum, nempe Davidem. Verba huc pertinentia sunt:

Loquere ad eos: sic ait Dominus Jehova: 21 „ecce ego sumam Israelitas ex gentibus 1), ad quas

sese esse populum ipsi consecratum et dilectum, ut jam v. 27, praecessit. Hanc descriptionem securae commorationis in patria, et fertilitatem regionis non ad Messiam; sed ad tempora post reditum ex exilio pertinere, quilibet facile videt; in prospectu autem prophetico distantia temporum non observatur nec annotatur.

1) אֲנִי לֶקַח ego sumens ero; i. e. sumam; de futuro enim tempore sermo est. מִכֵּן הַגּוֹיִם de inter gentes; i. e., ex gentibus, seu ex commoratione inter gentes Conf. Ps. 36, 24:

„abierunt; congregabo eos undique 2), et addu-
 „cam eos in regionem suam. Faciam eos popu-
 „lum unum in regione, in montibus Israelitarum;
 „et rex unus erit ipsis omnibus 3); non erunt
 „rursus duae gentes, nec separabuntur rursus
 „in duo regna 4); nec rursus idolis suis abo- 23
 „minandis 5) et omnibus suis praevagationibus

2) קָבַצְתִּי congregabo; קֶבֶץ = קָבַץ digitis
 cepit, קָבַץ et קָבַץ manu cepit, compre-
 hendit, congregavit. — מִכָּבֵּיב de circui-
 tu, i. e. ex omni parte, seu undique. Eadem iis-
 dem verbis promittuntur Ezech. 36, 24. 10, 17. 20,
 34. 41. 39, 27. 28. 34, 13.

3) וְיִמְלֹךְ אֶחָד יְהִיָּה לְכֻלָּם לְמֶלֶךְ et rex unus erit
 ipsis omnibus in regem, quod ultimum
 abundat.

4) וַיִּחַצֵּן, VII. a וַיִּחַצֵּר proprie dimidiavit, in du-
 as aequales partes divisit; dein autem etiam ge-
 neratim in duas partes divisit, Ps. 55, 24;
 proprie videtur fuisse discidit, cui affine est
 חָצַע castravit exsectis testiculis. Ceterum conf.
 v. 19—20. hujus capitis.

5) גִּלּוּלִים non conferendum cum גִּלּוּל notione mag-
 nificus et illustris fuit, sed cum ejusdem
 notione stercus collegit, quia mox sequitur
 שְׁקוּצִים abominabilia, et alias jungitur cum
 תַּעֲבוּרֹת abominations, abominanda; indi-
 cantur idola, quae sunt trunci similes volabili pe-

„contaminabuntur; nam liberabo eos ab omnibus
 „habitaculis, in quibus peccaverunt. 6) Mundabo
 „eos, et erunt mihi populus, et ego ero illis Deus,
 „ac servus meus David erit rex super
 „eos; nam pastor unus erit ipsis omnibus; 24
 „ad jussa mea se conformabunt 7), et decreta
 „mea custodient, et exsequuntur ea. Habitabunt 25
 „in regione, quam servo meo Jacobo dedi, in
 „qua habitaverunt majores eorum; habitabunt in ea
 „ipsi et filii eorum et filii filiorum ipsorum in per-
 „petuum, et David servus meus erit prin-
 „ceps eorum in perpetuum. Pangam cum eis 26
 „foedus pacis; foedus cum ipsis erit perpetuum. 8)

culum excremento; a נָלָל volvit, נָלָל ster-
 cus, 1 Reg. 14, 10. Adjunctum שְׂקָרִים videtur
 hendiadis esse, idola abominabilia.

6) Liberatio ab habitaculis, in quibus pec-
 caverunt, videtur innuere loca exilii, in quibus
 permulti colebant idola; possunt tamen quoque
 intelligi sacraria idolorum, quae in Palaestina olim
 erant frequentia. Ceterum expressiones hujus ver-
 sus occurrunt quoque Ezech. 5, 11. 14, 11. 23, 3. 30.
 34, 22. 36, 25. 29.

7) בְּמִשְׁפָּטֵי יְלֵכֵהוּ in judiciis meis ambula-
 bunt, i. e., ad jussa mea vitam suam instituent,
 seu leges meas observabunt, quas reapse post ex-
 silium sollicitè custodiebant.

8) אֹתָם, loco אֲתָם, permutatio in scriptis recen-
 tioribus satis frequens.

„Plantabo eos, et multiplicabo eos, et dabo
 „sanctuarium meum inter eos, in perpetuum.
 „Habitaculum meum erit apud eos, et ero ipsis
 „Deus, ac ipsi erunt mihi populus. Tum agnos- 28
 „cent gentes, me esse Jehovam, qui sanctificat
 „Israelitas 9), cum sanctuarium meum perpetuo
 „apud ipsos erit.“

Expositio vaticiniorum Ezechielis.

Vidimus primo Ezechielis vaticinio 17, 22 — 24.
 annunciari, regem celsissimum, a Deo ex po-
 steris Davidis, throno privatis, demum
 aliquando excitandum, qui, modo prorsus
 singulari et divino, ad summam eminens-
 tiam evehatur, et sine vi armorum, omnium
 gentium homines verum Deum agnoscen-
 tes, praesidio suo fovebit, conf. Joh. 10, 16. His
 altero vaticinio 21, 29 — 32. nihil additur; id
 enim solum repetitur, regnum istud illi
 regi celsissimo, cui competit, a Deo tra-
 ditum iri. Postremis autem modo explicatis duo-
 bus vaticiniis, 34, 21 — 30. et 37, 21 — 28., ille idem
 celsissimus rex compellatur servus Dei David, qui

-
- 9) Alluditur ad significationem nominis יהוה, qui
 promissa sua opere complet. Ceterum monitione
 non indiget, sanctuarium et habitaculum Jehovae
 esse templum, et Jehovam sanctificaturum Israe-
 litas, idem esse ac collatis beneficiis monstraturum,
 populum esse sibi consecratum, quem fovet et pro-
 tegit.

rex Hebraeorum fore dicitur unus et perpetuus. Epitheton unus, מֶלֶךְ 37, 24. diserte quidem opponitur antiquis duobus regibus Juda et Israel, et indicat, nullum fore schisma, sed unum futurum universi populi regem. Videtur tamen, non exclusa hac oppositione, aliquid amplius sublatere; nam annunciatum jam 17, 22—24. rex celsissimus, diversis etiam gentibus sine bellis imperaturus, et 34, 23. sine illa oppositione dicitur unus, et 37, 25. additur, ipsum fore regem Hebraeorum in perpetuum, מְלֶכְךָ. — Dicitur quidem hoc ipso loco 37, 25. etiam segura et felix Hebraeorum habitatio in regione fore perpetua, מְלֶכְךָ, et nihilominus solummodo de diuturna felici post exilium in patria commoratione intelligitur; verum exemplis innumerabilibus constat, vocem eandem, in eadem orationis serie, diversa notione usurpari; unde liquet, perpetuitatem, regi illi tributam, de vera aeternitate intelligi posse, et etiam intelligendam esse, quia Hebraei dicuntur quidem ipsi, filii eorum, et filii filiorum ipsorum, in regione habitaturi; de unico autem illo rege perpetuo nulla successio, nulli posteri memorantur, sed ipse dicitur fore rex unicus in perpetuum. Aliunde abnormis esset phrasis, qua longa series successorum diceretur rex unicus et perpetuus. Dubium, quod remanet, tollit Malachias, qui hunc regem expectatum dicit Dominum templi et legatum, qui olim foedus cum Hebraeis pepigit; et vidimus quoque supra auctorem Ps. 110. divinam eidem dignitatem tri-

buisse, ac Daniele eandem tacite innuere. Ex his omnibus collatis elucet, epitheton **אֶחָד**, saltem Ezechiel. 34, 23., ubi sine oppositione duorum regnorum occurrit, idem dicere, ac singularem et incomparabilem, uti haec vox Ps. 27, 4. Job. 9, 22. Gen. 49, 16., et in malum sensum ab ipso etiam Ezechiele 7, 5. usurpatur; atque haec notio, dialecto quoque Arabica confirmatur, in qua **وَاحِدٌ** est unus fuit, et incomparabilis fuit; **أَوَّاحِدٌ** unus, incomparabilis; **وَاحِدُ الدَّهْرِ** unicus seculi sui, i. e., incomparabilis; **أَحَدِي الْأَحَدِ** una unius, i. e., res admiranda, et **أَحَدُ الْأَحَدِينَ** unus unorum, i. e. incomparabilis. Accedit denique, jam Ezech. 17, 24. dictum esse, hunc regem modo prorsus incomparabili ad summam eminentiam evectum iri. Hac ratione ambiguitas vocum **עוֹלָם** et **אֶחָד** etiam complemento vaticinii figitur; quod si aliqua obscuritas superesse videtur, non est alia, quam quae vaticiniis, quae non sunt historiae, propria est, et per subsequens lumen historiae illustratur. — Si forte quispiam moneat, in vaticiniis verba non ita esse premenda: audacter respondemus, consentiente complemento prorsus ita premenda esse, sicuti ubi Jesus dicit se tertia die a morte ressurecturum, aut ubi praedicat Petro trinam abnegationem ante galli cantum, et ita contigit. Matth. 26, 34. Marc.

14, 30. Luc. 22, 34. Joh. 13, 38. et conf. Matth. 26, 69—75. Marc. 14, 66—72. Luc. 22, 56—62. Joh. 18, 27. Et interrogare liceat, an ipsi hi, qui id monent, non premant illos 70 annos a Jeremia captivitati prae-fixos, ut eos Prophetæ et nobis cripiant, uti alibi dicemus.

Haec quatuor vaticinia itaque annunciant Messiam gloriosum, seu secundum ejus adventum, de quo etiam Mal. 3, 1. Ps. 110. Dan. 9, 25—27. sermonem esse vidimus; verum haec modo allegata loca cum nostris vaticiniis pugnare videntur; nam Malachias et Daniel praedicunt, Messiam eversurum esse Jerusalem, et regionem vastaturum; Ezechiel autem 34, 22—30. et 37, 21—28. promittit, Hebraeos illo tempore securos et felices in patria sua esse habitaturos, et templum fore celeberrimum. Difficultas haec, quae quibusdam videtur inextricabilis, disparebit, si meminerimus non cuilibet Prophetæ fuisse revelata omnia, quae de Messia praedicenda erant, sed alteri hoc, alteri illud, et omnia vaticinia non esse nisi fragmenta quæpiam, quae invicem conferenda sunt, 1 Cor. 13, 9. Dein in memoriam revocandum est, quod jam saepe repetivimus, Prophetas in prospectu optico intervalla temporum non potuisse discernere, et hinc, quae prospiciebant, sine distinctione in unam adumbrationem congressisse, quod innuit Petrus 1 ep. 1. 11—12. scribens, Prophetas investigasse, quod aut quale tempus spectaret, qui in ipsis erat spiritus Christi. Ita Ezechiel non potuit discernere temporum diversitatem, nec hunc celsissimum regem, perpetuum Da-

videm, et securam habitationem in regione Canaan post exilium dissociare, nisi fortasse haec non sit nisi symbolum felicitatis alterius generis. Quia hac observatione in sequentibus saepius utendum erit, proderit eam alio exemplo illustrare.

Quemadmodum in nostris his vaticiniis Messias jungitur reditui Hebraeorum ex exilio et securae felicitique commorationi in patria: ita Jeremias c. 50—51. jungit non solum expugnationem sed etiam plenam eversionem Babylonis reditui Hebraeorum, etsi Babylon, per Cyrum insidiis capta, de antiquo splendore et munitione vix quidquam amisit; nam paulo post, munimentis suis confisa, defecit a Dario Hystaspis; rursus quidem dolo occupata fuit, sed etiam tum non nisi portae aereae ei ademptae sunt, et altitudo moenium imminuta fuit. Alexander meditabatur ei antiquum splendorem reddere, sed morte praeventus est. Postquam autem 293 ante Christum Seleucus Nicator Seleuciam ad Tigrim aedificasset, multi incolae Babylonis eo commigrarunt. Anno 130 ante Christ., cum multi cives Babylonis levissimis de causis in servitutem redigerentur, et in Mediam venderentur, ac etiam magna pars urbis incendio consumpta esset: incolae eo magis imminuebantur. Nihilominus adhuc 40 anno post Christum Babylon, teste Josepho Arch. XVIII. 9, 8—9., non paucos numerabat cives. Ast seculo demum IV. et V. post Chr. penitus derelicta erat, et teste Hieronymo Comment. in Jes. 13—14., reges Parthiae moenibus pro vivario utebantur; posthac non memorantur nisi rudera, quae hodie dum adeo te-

nia sunt, ut non observentur nisi quaerantur ab illis, qui locum, quem Babylon olim occupavit, bene noverunt. Conf. meam Germ. Bibl. Arch. II. Th. I. B. §. 50. S. 227. ff. §. 57. S. 247. ff. §. 58. S. 250. §. 73. S. 314. §. 82. S. 348. ff. Jamaudiamus Jeremiam, qui omnia haec quasi simultanea adumbrat.

I. Exercitus hostilis contra Babylonem adveniet ex septemtrione, Jer. 50, 3. 9. 14. 16. 41 — 46. 51, 1 — 3. 48. Ejus duces erunt reges Mediae, Jer. 51, 11^a — 13., sub quibus militabunt Ararat, Mini et Aschkenaz, Jer. 51, 27 — 28. 53. Bellum geretur pluribus annis, Jer. 51, 46.

II. Babylon capietur, nec dii, nec suppetiae impedire poterunt, Jer. 50, 2. 14 — 16. 21 — 29. 46. 51, 30 — 40. 57. Capietur sub gaudio, i. e., sub convivio Babyloniorum, Jer. 50, 11. 51, 39 — 40. 57. Capietur insidiis Jer. 50, 24. 51, 12., exsiccatione aquae (Euphratis) Jer. 50, 38. 51, 36., exustis arundinetis Jer. 51, 30 — 32. Cursores inducuntur regi nunciantes, vada esse capta et exusta, Jer. 51, 31 — 32. Clades Babyloniorum, depredatio, incendium, Jer. 50, 21 — 22. 36 — 37. 51, 1 — 4. 30. 49. 54 — 58.

III. Urbs penitus vastabitur, ut nec homines, nec jumenta, sed ferae diversae in loco ejus commoraturae sint, Jer. 50, 13. 15. 39 — 40. 45. 51, 25 — 26. 29. 37 — 39. 43 — 44. 58. 62. Moenia funditus diruentur, Jer. 50, 16. 51, 44. 48. Denique Babylon a superficie terrae ita disperebit, sicut lapis in Euphratem projectus, Jer. 51, 63 — 64. coll. 51, 42.

IV. His omnibus interseritur dimissio Hebraeorum ex captivitate, et reditus eorum in patriam, Jer. 50, 4 — 8. 17 — 20. 51, 5 — 6. 45. 50 — 53. Quare durante diuturniori bello animos non despondeant, Jer. 51. 46 — 50.

Quae nro I et II recensuimus, contigerunt, quando Cyrus cepit Babylonem, et tertio abhinc anno captivi Hebraei dimissi sunt in patriam, cujus dimissionis promissiones nro IV collegimus; illa autem plena urbis eversio nro III. abhinc mille circiter annis subsequuta, in vaticinio nihilominus, quasi simultanea, juncta est occupationi urbis et reditui Hebraeorum. Hi eventus, tanto temporis intervallo distantes, juncti leguntur etiam Jes. 13, 1 — 19 — 22. 14, 1 — 2 — 20. Plurima hujus generis exempla congerere, parum esset negotii, nisi attentus et historiae gnarus lector ipse facile observare posset. Mirum itaque videri non potest, nec argutandum est, si Messias jungitur reditui Hebraeorum, aut securae habitationi in Palaestina, quae Hebraeis contigit sub regibus Persis, Graecis et dein Hasmonaeis; nam inde minime sequitur, haec tempora esse Messiae simultanea, uti mox vidimus, plenae eversionem Babylonis, junctam quidem reditui Hebraeorum, multis tamen seculis esse posteriorem. In vaticiniis hujus generis sensum subjectivum ante complementum valde fuisse obscurum, ideoque a sensu objectivo, qui ex eventu hauriendus est, sollicito distinguendum esse, res ipsa loquitur.

Jeremias.

Jeremias, Ezechieli coaevus, sed ab eo, ad fluvium Cabor exsulante, longissimo terrarum tractu distans, eidem tamen in omnibus consentit, nisi quod c. 1, 10. a Deo inprimis constituitur super gentes et regna, ut diruat, evellat, extirpet, et evertat, atque rursus aedificet et plantet, i. e., ut praedicat, gentes et regna evertenda et rursus condenda esse. Hoc munus suum, quod saepius memorat, 18, 7 — 10. 31, 28. 42, 10. 46, 4., sedulo administrat, nec unquam fines ejus transilit, raro confinia attingit, uti conversionem gentium Jer. 3, 17. 11, 1 — 7. 16, 19 — 21., et Messiam Jer. 23, 1 — 8. 30, 4 — 11. et 33, 14 — 26., qui tamen locus ultimus non omni dubio excutitur. Si itaque Jeremias, ut mox videbimus, non alium Messiae characterem praeter regiam ex stirpe Davidis originem et regnum ejus, attingit, meminimus, amplius ad provinciam, ipsi a Deo assignatam, non spectasse, nec illis temporibus et lectoribus necessarium fuisse, sed illud unum suffecisse, ut spes liberatoris aliquando venturi alcretur, nec tamen jam tunc ad amolendam captivitatem venturus exspectaretur.

Jerem. 23, 1 — 8.

Postquam Jeremias capite 22, 1 — 30. perverso regi Jojakimo, quem Necao, rex Aegypti, viginti circiter annis ante eversionem Jerosolymorum, deportato in Aegyptum Joachazo suffecerat, 2 Reg. 23, 30 — 36. 2 Paral. 36, 1 — 4., pradixisset, cadaver ejus, projectum extra urbem, sine luctu sepultum

iri, et filium ejus Jojachinum seu Jechoniam migraturum Babylonem; nec ullum posterorum ejus adepturum sceptrum, sed regnum Juda evertendum esse; conf. Jer. 22, 30. cum 36, 30.: reprehendit subsequenti c. 23, 1 — 2., sicut Ezechiel c. 34, 1 — 7., pastores seu reges Juda, sed paucioribus quam Ezechiel; mox autem v. 3 — 6., ut Ezechiel 34, 8 — 30., subjungit reditum Hebraeorum ex captivitate; et promittit, non solum rursus post reditum aliquando reges eisdem praefuturos, sed etiam insignem ex Davidis genere regem; hinc autem v. 7 — 8. denuo revertitur ad adumbranda illa post reditum tempora; atque orationem v. 9 — 40. acri reprehensione pseudoprophetarum et universi populi concludit. Verba huc spectantia sunt Jer. 23, 1 — 8.

„Vae pastoribus abigentibus 1) et dispergentibus oves pascui mei!“ est effatum Jehovae.

-
- 1) מְאַבְדִּים facientes oberrare, II. ab אָבַד, quod proprie est, erravit, oberravit, ut ex Ezech. 3, 4. Ps. 119, 176. Deut. 6, 5. 32, 18. Jer. 27, 18. liquet, et confirmatur Arabico اَبَد, quod non tantum est substitit, perennavit, sed etiam pavidum indomitumque fugit animal; alteri notioni verbi Hebraici periit, amissum fuit, respondet idem verbum Aramaicum, et etiam Arab. اَبَد med. Je. Itaque מְאַבְדִּים facientes oberrare, idem est ac abigentes, synonymum mox sequentis מְפַצִּים, defective pro

Nam sic ait Jehova Deus Israelitarum ad pastores, pascentes populum ejus 2): „vos dispergitis „oves meas, et dispellit is eas. 3), nec requiritis

מפיצים, dispergentes, uti mox sequitur הפיצתם, pro הפיצתם dispergitis, IV, a פיצן dispersi, a quo non longe abest פאס med. Je effugit manum, exivit, prodiit, abiit celerius. Ceterum monitione vix indiget, pastores esse reges, oves autem Hebraeos, ac pascuum esse Palaestinam, ex qua reges perversa gubernatione abigebant incolas.

- 2) Populum ejus, עמי proprie: populum meum; mutatio personae Hebraeis usitata, in versione autem non ferenda, et hinc emollienda erat. Primum Participium רעים substantive usurpatur pastores, alterum autem, ut ex adjecto Accusativo patet, vicem Verbi subit.
- 3) Populum ejus, תרחום extruditis, expellit is eos, IV. a תרח idem cum דרח דרח et דרח, uti etiam propinqua sibi sunt, נדח valide in cecidit, allisit, apulit navis; נדח dilatavit, in V dispersae et longe a caulibus digressae sunt oves; חס occuluit, impulit, trusit, ac חס expandit impulit, trusit, projecit, disjecit.

„eas! Sed ecce, ego animadvertam 4) in vobis
 „malitiam operum vestrorum“, est effatum Je-
 hovae; „et ego ipse congregabo reliquias ovium 3
 „mearum ex omnibus regionibus, in quas per-
 „misi ipsas dispergi, et reducam eas in pascua
 „sua, ubi foetificabunt et multiplicabuuntur. Prae-
 „ficiam eis pastores, qui pascant eas, ne rursus. 4
 „timeant, et exterreantur, et non requirantur“
 „5), est effatum Jehovae. „Ecce dies venient“, est 5
 effatum Jehovae, „quibus suscitabo Davidi
 „germen justum 6), et regnabit rex,

4) Duplicem, alibi expositam notionem verbi פָקַד
 in hoc loco obtinere, materia substrata docet.

5) Qui pascant, vel pascent, i. e. gubernabunt
 eas, seu curam earum gerent, non negligent eas,
 ut illi, quos reprehenderat. Hi sunt reges Macca-
 baei seu Hasmonaei, de quibus Jeremias etiam c.
 30, 21. loquitur. — יָחַתָּו VII a חָתַת fregit; נָחַת
 VII. fractus, territus, consternatus fuit,
 a quo non longe abest חַת diffusus est, de-
 fluxit ut folia a ramis, rasit, abrasit; ast
 Syris contrarium notat, confirmavit, com-
 probavit. Ceterum verbum hoc loco est prae-
 gnans; nam idem valet, ac: ne exterritae dif-
 fugiant.

6) צֶמֶח דָּוִד germen justum, genuinum; arbori
 Davidi simile, nempe sobolem Davidis et simul
 Davidi similem, cf. supra Ezech. 17, 22 — 23.

„prosperè aget 7), et faciet jus et justitiam in
 „regione. 8) Diebus ejus salva erit Judaea 9), 6
 „et Israël secure habitabit; atque hoc est nomen
 „quo vocabitur: Jehova justitia nostra. 10)

7) Prosperè aget, *וְהַשְׁכִּיל*, cf. dicta ad Jes. 52, 13.

8) Recta administratio justitiae (cf. 22, 15. 2 Sam. 8, 15.) est imago felicitatis, ab aetate Davidis desumpta, quae explicationem ab eventu expectabat.

9) Verbum foemininum *וְהָיָה שָׁכֵן* ostendit, non de populo Juda, sed de regione Judaea esse sermonem; contra autem subsequens verbum masculinum: *וְיָשָׁב*, habitabit, indicat, non de regione, sed de Israelitis intelligendum esse. Ceterum quae hoc versu enunciantur, rursus imago sunt ab aetate Davidis deprompta, aut, quod magis placet, Propheta in prospectu suo tempora post exsilium non discrevit ab adventu Messiae.

10) *וְקָרָא* vocabit eum (vocans), seu vocabunt eum, vel vocabitur. Suffixum referri ad vocem mox praecedentem *יִשְׂרָאֵל*, adeo clarum est, ut mirandum sit, ab interpretibus multis ad germen illud justum relatum fuisse. Nempe populus Israel tum merito dicere poterit: Jehova est justitia nostra, ubi abstractum pro concreto venit, Jehova est, qui nos justos, i. e., a poena exsilii immunes, reddidit; significatur itaque divina liberatio ex captivitate, et habitatio in patria, quae, ut Jer. 31, 23. legitur, tum dicetur habitatio

„Nam 11) ecce venient dies (tempora),“ est effa- 7
 tum Jehovae, „quibus non amplius dicent: per
 „vitam Jehovae, qui adduxit Israelitas
 „ex Aegypto, sed: per vitam Jehovae, 8
 „qui deduxit et adduxit progeniem
 „Israelis ex regione Aquilonis et ex
 „omnibus regionibus, in quas permisi eos
 „expelli; et habitabunt in regione sua. 12)“

Argumentum Jer. 23, 1 — 8.

Hoc justum Davidis germen exoriturum, seu hic
 rex ex stirpe Davidis nasciturus est idem, quem ab
 Ezechiele c. 17, 23. pleniori allegoria sisti vidimus
 ut ramum tenerum de alta illa cedro (Davidis familia)
 a Deo decerpendum, et in alto monte regionis Israc-
 litarum plantandum, qui in magnificentissimam cedrum

justitiae, mons sanctus, seu habitaculum
 a poena liberatum et Deo sacrum. — Syrus, Chal-
 daeus et Arabs expriment יְהוָה , quod exhibent
 quoque de Ross. codd. 4, pr. 2, et editt. 7; verum
 etiam recepta punctatio eundem sensum fundit.

- 11) לֵבָן vel nam, ut Jcs. 26, 14. Ezech. 5, 10. Jer.
 23, 3. Job. 34, 25., vel certe, omnino, ver-
 tendum est, ut Num. 16, 11. Jer. 5, 2. Job. 20, 2.
 12) Mutatio formulae jurandi indicat, tanta fore nova
 beneficia divina, ut fere abolitura sint memoriam
 veterum. — Alexandrinus duos versus 7. et 8.,
 omisit, qui occurrunt etiam Jer. 16, 14 et 15., ubi,
 etsi intrusi videntur, ab Alexandrino sistuntur.

exerescet, et avibus omnis generis umbram et latibulum praebebit, nempe Messias; quare Jeremias ipsum aliis Hebraeorum post exilium regibus, nempe Hasmonaeis, opponit, nec successoris ullius meminit, nec bella ei tribuit. De Messia esse sermonem, agnoscit quoque Paraphrastes Chaldaeus Jonathan et Kimchius. — Justa autem justitiae administratio et secura Hebraeorum in regione habitatio sensu obiectivo non est nisi imago, a regno Davidis desumpta, qua sistitur felicitas sublimioris generis per Messiam procuranda quae illa aetate verbis propriis exprimi non poterat; vel, si ita placet, designat generatim tempora post exilium, quae Propheta ab adventu Messiae discernere non potuit. — Qui arbitrati sunt, Zerubabelem describi, immemores erant, ipsum Jeremiam mox praecedenti capite 22, 30., et rursus c. 36, 30. praedicere, nec Jojakimo avo, nec Jojachino patri Zerubabelis fore posteros, qui sceptrum obtineant, ut taceamus, Zerubabelem non fuisse regem, nec opponi potuisse regibus Hasmonaeis. De Zidkia autem eo minus cogitari potest, quia de temporibus post exilium sermo est:

Jerem. 30, 4 — 11.

Integrum vaticinium Jer. 30, 1 — 31, 40. agit de reditu ex captivitate Babylonica, unde quipiam concludunt, editum fuisse deportatis jam Hebraeis et eversis Jerosolymis; quia autem Jer. 30, 1. Propheta jubetur, hoc vaticinium literis mandare, alii censent, ante 4tum Jojakimi annum fuisse vulgatum; quia ab hoc anno Jeremias aliunde omnia sua vati-

cinia dictabat Barucho, ut subsequenti demum tempore mandatum illud, ut vaticinium scribat, super-
vacaneum esset. Lis ad nostram tractationem non
pertinet. Verba, quae expendenda veniunt, sunt:

Hi sunt sermones 1), quos loeutus est Jehova 4
de Juda et Jsrael. 2) Sic nempe 3) ait Jehova: 5
(dicent 4): vocem trepidationis 5) au-
dimus; tremor est et nulla quies. 6) —

1) Sermones, דְּבָרִים, hoc loco sunt promissiones
de reditu Hebraeorum ex captivitate, quae sequun-
tur.

2) אֵל de, ut Jer. 22, 11. 40, 16. Ezech. 10, 3.

3) כִּי postulante serie orationis valet nempe, vel
abundat, ut 1 Reg. 1, 13. 1 Sam. 10, 19. Jos. 2,
24. Ruth. 1, 10.

4) Series orationis docet, supplendum esse יֹאמְרוּ
dicent, nempe Hebraei orto aliquando bello
Medos inter et Chaldaeos, sequentia dicent vel di-
cere poterunt. Michaelis quidem explicat de bellis
Maccabaeorum, de quibus autem nullum indicium
occurrit.

5) Vox trepidationis, est vox trepidantium;
תָּרַד trepidavit, tremuit, Aram. fricavit;
חָרַד intendit, retinuit, iratus fuit; notio-
nes irascendi et contremiscendi connexae
sunt, ut in רָגַז contremuit, et Aram. timuit.

6) שָׁלוֹם pax, tremori opposita, est quies.

„Interrogate et videte, an mares par- 6
 „turiant; quare video omnes viros im-
 „ponere manus lumbis suis 7), et omnes
 „facies conversas in flavedinem 8)?” —
 „Heus! magnus, qualis nunquam fuit, erit ille 7
 „dies 9), et tempus angustiae erit (populo) Jacob;

7) יָבֵר mas, et יָבֵר vir, collectivè significant. Alludi-
 tur ad difficiliore partus, in quibus parturientes,
 testibus obstetricibus et medicis, tremunt, et manus
 lumbis inponunt, quo dolores dorsi mitigare se
 posse sperant.

8) יִרְקָן Alexandrinus vertit *ικτερος*, morbus re-
 gius, quo color cutis vertitur in flavum, album,
 aut nigrum; voce autem hac flavedinem indicari,
 patet ex affini יִרְקָק, quod Ps. 68, 14. de colore
 auri usurpatur; atque hinc et morbus segetum

יִרְקָן, אֲרָקָן et אֲרָקָן, denominatur, cf. meam
 Bibl. Arch. I. Th. I. B. 71. S. 331. Facies qui-
 dem ex terrore, qui h. l. indicatur, pallescunt, in
 fusca autem aut fulva Palaestinorum cute pallor
 in flavedinem vergere videtur. Ceterum notum est,
 dolores partus Hebraeis tropice venire pro magnis
 calamitatibus, quae felicem habent exitum, cf. Bibl.
 Archacol. meam P. I. T. II. §. 212. S. 355. Sensus
 itaque est, illas ærumnas, ex bello Medorum con-
 tra Chaldaeos orituras, fore quidem magnas, sed
 laetam Hebraeis sortem allaturas esse, cf. v. 8.

9) Magnus ille dies et tempus angustiae est
 bellum Medos inter et Chaldaeos.

„verum ex eo liberabitur. Nam die (tempore) 8
 „illo“, est effatum Jehovae omnipotentis, „con-
 „fringam jugum ejus de collo tuo 10), et disrum-
 „pam vincula tua 11), ut (Israelitae) non am-
 „plius in eo serviant alienigenis 12), sed ser-
 „viant Deo suo et David regi suo, quem 9
 „suscitabo eis. Tu itaque serve mi (popu- 10
 „le) Jacob, ne timeas“, est effatum Jehovae,,
 „et ne terrearis (popule) Israel; nam ecce ego
 „liberabo te ex longinquo, et progeniem tuam e
 „regione captivitatis suae; redibit (populus) Ja-
 „cob, ac quietus et tranquillus erit 13), nec

10) Confringam jugum ejus de collo tuo, i.
 e., finiam captivitatem. Suffixum in ילל jugum
 ejus, spectat ad hostem, nempe ad Chaldaeos.

11) Vincula, quibus nempe jugum collo jumentū
 jungebatur.

12) עבד cum Beth personae praefixo, valet quidem,
 aliquo uti servo; verum בן h. l. non ad po-
 pulum Hebraeum, sed ad jugum pertinet; quare
 simpliciter est servire, uti patet ex sequenti mox
 opposito membro, sed serviant Jehovae etc.

13) שקט quievit, quietus fuit = סָכַת ta-
 cuit, et, ut סָכַן quievit, sedata fuit
 ira; nam verba tacendi ad quietem et tranquillita-
 tem transferuntur. Ceterum videtur esse verbum re-
 centioris aevi; nam in Pentateucho non occurrit,
 et Syris prorsus deest. — נָשַׁן, repetita litera ul-

„erit qui exterreat. Nam praesto tibi ero 14),
 „ut te librem ” est effatum Jehovae. „De- 11
 „lebo omnes gentes 15), inter quas permisi te dis-
 „pergi, te autem non delebo; attamen juste te
 „castigabo 16), nec inpunem te relinquam. 17)

tima, intendit significationem, a שָׁנָא, Syr. II. שָׁנָא
 tranquillum reddidit.

- 14) אֲנִי אֶתְּךָ tecum ego, seu sum, perfrequens
 phrasis, tutelam et auxilium indicat, uti hic mox
 additur לְהוֹשִׁיעָךָ ad liberandum, salvan-
 dum te.
- 15) אֶעֱשֶׂה כָּלָה faciam consummationem, i. e., de-
 lebo, exstinguam, sicut et alibi saepe praedi-
 citur, Hebraeos nunquam prorsus delendos fore;
 Jer. 4, 27. 5, 10. — 18. 8, 19. 46, 28. et al. l.
- 16) לְמִשְׁפָּחָא adjus, seu juste; fortasse innuitur
 illa strages a Romanis in bello Judaico illata, vel,
 si id longius petitum videtur, vertendum est: in
 aequitate, quam Hebraei peculiari voce a ju-
 stitia non distinguunt, sed per seriem orationis
 et substratam materiam indicare solent.
- 17) נִקְיָה לֹא אֶנְקֶה Chaldaeus Paraphrastes, Kimchius,
 Raschi, alique non pauci etiam Christiani recen-
 tiores, tam h. l. quam Jer. 46, 28. Nch. 1, 3. et
 Exod. 14, 18. 34, 7. 18., vertunt: non penitus
 te delebo, quia id mox praecessit; verum id
 repugnat notioni verbi נִקְיָה purus, innocens
 fuit, unde in II. purum fecit vel declaravit,

Argumentum Jer. 30, 4—11.

Objectum hujus sermonis, ut supra diximus, est reditus Hebraeorum ex captivitate, qui acerrimum illud Medos inter et Chaldaeos bellum consequetur, et huic reversioni in Palaestinam, ut Jer. 23, 5., jungitur alter David, seu Messias, nullus autem ejus character indicatur, nec tempus adventus propius definitur; altum tamen est de successore et etiam de bellis silentium, quae non pauci interpretes recentiores Messiae in vaticiniis constanter tribui clamant.

Jer. 33, 14—26.

Jeremias ultimo ante eversionem Jerosolymorum anno, in praetorio captivus, vatioinatur 33, 1—6., urbem captum et eversum iri, sed 7—13., Hebraeos aliquando reduces eam restauraturos, et rebus pro-

a poena liberum et impunem pronuncia-
vit; ita etiam ^{נָקָה}נָקִי et ^{נָקָה}נָקָה medullam exemit,
ac ^{נָקִי}נָקִי mundando selecta et exquisita
fuit res. Dubium omne eximit phrasis similis in
forma VII. ^{לֹא הִנָּקָה}הִנָּקָה nequaquam purus,
a poena immunis eris, et: ^{הִנָּקָה הִנָּקָה}הִנָּקָה an
innocens, a poena immunis eris? Jer. 25,
29. 49, 12. Ceterum duo versus, 10 et 11, desunt in
versione Alexandrina; ast Jer. 46, 27 — 28. legun-
tur, etsi h. l. in textum Hebraicum intrusi fuisse
videntur, de quo paulo post plura dicemus.

speris usuros esse. His v. 14—26 subjuncta leguntur sequentia, quae gravibus difficultatibus non solum dogmaticis, sed etiam criticis laborant, de quibus postea agemus. Cum locus sit saltem suspectus, operae pretium erit, in observationibus versioni subjectis notare voces et phrasestum Jeremiae familiares, tum insolitas et rariores, ut genius linguae et stilus, an Jeremiae sit, dijudicari possit.

„Ecce dies veniunt 1) „est effatum Jehovae,” 14
 „quibus implebo laetam illam promissionem 2),
 „quam annunciai familiae Israel et familiae Ju-
 „da. 3) Diebus illis et tempore eo faciam proger- 15

1) יָמִים בָּאִים dies venientes (sunt), i. e., venient, phrasis Jeremiae perfamiliaris, ut 7, 32. 9, 24. 16, 14. 19, 6. 23, 5. 7. 31, 27. 31. 38. 48. 12. 49, 2. 51, 47. 52.

2) הַדְּבָר הַטוֹב sermo bonus, h. l. juxta materiam substratam: laeta promissio, quo sensu phrasis duntaxat Ps. 45, 2. occurrit; articulus certam aliquam, nempe illam promissionem 2 Sam. 7. 1 Paral. 17. innuit; alias haec expressio sermonem jucundum vel amicabilem, ut Prov. 12, 25, vel aliquid boni significat, ut 1 Reg. 14. 13. — הַקִּימוֹתִי faciam stare, i. e., implebo, ut Dan. 9, 12. 1 Reg. 6, 12. 1 Sam. 1, 23. 3, 12. Integra haec phrasis alibi in Jeremiae libro non legitur.

3) דְּבַרְתִּי locutus sum, idem valet ac annunciai. — בֵּית domus, uti alias et in ipso etiam Jeremia

„minare Davidi germen justum 4), quod faciet jus
 „et justitiam in terra. 5) Diebus illis salva erit 16
 „Judaea 6), et Jerusalem habitabitur secure 7),
 „atque hoc est nomen, quo vocabunt eam: Je-
 „hova justitia nostra. 8) „Nam sic ait Je- 17

persaepe venit pro familia, pro posteris, pro
 progenie.

4) אֶצְמִית לְדוֹר צִמְחָה צִדְקָה, in simili sententia Jer.
 23, 5. pro אֶצְמִית germinare faciam, legitur
 אֶצְמִית הַקִּימוֹתִי faciam surgere, seu excitabo.
 Phrasis בָּעֵת הַהִיא occurrit etiam Jer. 3, 17. 4,
 11. 5, 1. 31, 1.

5) וְעָשָׂה מִשְׁפָּט וְצִדְקָה verbotenus aderat Jer. 23,
 5., ubi tamen praecessit: regnabit rex et pro-
 speret ager; hic vero praecedit germen, cui tro-
 pico termino non accurate respondet dictio propria
 seu administratio justitiae; hinc in codd. 22, et
 in 2 codd. in margine, atque a Syro, ab Arabe in
 codd. Oxoniensi, ac in Tharg. mss. de Rossi 737
 ex c. 23, 5. huc translatum legitur וְיִמְלֹךְ מֶלֶךְ
 וְהִשְׁכִּיל

6) יְהוּדָה foeminine constructum, ut Jer. 23, 6.,
 regionem indicat Judaeam.

7) תִּשְׁכֵּן intransitive (habitabitur) usurpatur eti-
 am Jer. 46, 26. 50, 39. et Jes. 13, 20. Loco hujus
 sententiae legitur Jer. 23, 6.: Israel habitabit
 secure.

8) יִקְרָא לָהּ vocabit (vocans) eam, seu voca-
 bunt eam, nempe Jerusalem, seu vocabitur,

„hova:“ non deficiet Davidi vir 9) insidens thro-
 „no familiae Israel, et etiam sacerdotibus et Levi- 18
 „tis non deerunt offcientes coram me holocausta,
 „et adolentes ferta, et sacrificantes victimas omni-
 „bus diebus. 10)“

Porro locutus est Jchova ad Jeremiam di- 18
 cens 11), sic ait Jeohava „si irritum feceritis foe- 20

pro quo Jer. 23, 6.: vocabunt eum, nempe
 populum Israel, ut nomen: Deus justitia ho-
 stra, tribuatur populo, hic vero urbi.

9) לא יִכָּרֵת non exscindetur, i. e. non defi-
 ciet, idem legitur de familia Davidis 1 Reg. 2,
 4. 8. 25. 2 Paral. 6, 16. 7, 18. Haec phrasis etiam
 Jer. 35, 19. de posteris Jonadab occurrit, qui
 clade per Chaldaeos inferenda, non delendi prae-
 dicuntur.

10) עֹלָה holocaustum, כִּנְחָה fertum, et נֶכֶח
 victima, collective usurpantur. — Omnibus
 diebus, i. e., in perpetuum, phrasis satis fre-
 quens, in Jer. quoque occurrit 31, 36. 32, 39.
 35, 19.

11) Ita vertipossunt verba: וַיְהִי דְבַר יְהוָה אֶל-יִרְמְיָהוּ
 לֵאמֹר quae formula in Jeremia saepe recur-
 rit, in loco tamen simili Jer. 31, 35. non legitur.

12) תִּפְּרוּ fregeritis, a פָּרַר et פֹּר, ut alibi di-
 ximus. Foedus, בְּרִית, hoc loco est lex, qua
 dies et noctes sese sequuntur: sicut haec lex
 nunquam fiet irrita: ita etc. Fortasse respici-

„dus metum 12) cum die et nocte, ut jam non sit
 „dies et nox suo tempore 13): etiam irritum red- 21
 „dam foedus meum cum servo meo David, (ut
 „non habeat filium regnantem in throno suo), et
 „cum sacerdotibus ministrantibus mihi. Quemad- 22
 „modum non potest numerari agmen coelorum,
 „nec mensurari arena maris: sic multiplicabo
 „posteror servi mei David et Levitas mihi mini-
 „strantes. 14)“

tur ad illud foedus post diluvium Gen. 9, 9 — 17.
 Verbum וְהָיָה occurrit quoque Jer. 11, 10. 31,
 32. 14, 1.

- 13) Simile, paulo tamen diversum et cum alia prorsus comparatione legimus Jer. 31, 35 — 36, ubi dicitur, progeniem Israelis perpetuo duraturam, quod Jeremias saepe repetit, ut 4, 27. 5, 10. 18. 8, 19. 30, 11.
- 14) Si, ut manifestum est, promittuntur beneficia, repugnare videtur tanta posterorum Davidis et Levitarum multitudo, quae, a populo laute alenda, non posset non esse valde onerosa. Paradoxa hujus generis sententia est comminationi similior quam promissioni, et nec in Jeremia, neque in aliis libris ullibi legitur. Praeterea advertendum est, hunc versum 22 non satis apte cohaerere cum v. 21.; nam ut nunquam desint sacerdotes, Levitae, et reges ex stirpe Davidica, non est opus tanta et tam onerosa multitudo posterorum.

Rursus locutus est Jehova ad Jeremiam di- 23
cendo : „nonne vides (audis), quid populus 24
„iste dicat 15) ? Jehova rejecit has duas
„familias 16), quas elegerat. Ita populum
„meum contemnit, qui coram ipsis jam non est
„populus. „Sic autem ait Jehova:“ si foedus me- 25
„um cum die et nocte non amplius fuerit, (si)
„statuta (leges) coeli et terrae non amplius posu-
„ero 17) : etiam progeniem Jacobi et servi mei 26
„Davidis rejiciam, ut non sumam ex progenie ejus

15) Populus iste, non Hebraicus, qui ipse se non
adeo contemnebat; spem enim habebat felicioris
aliquando rediturae sortis. Alius intelligendus est
populus, qui mox populo Dei opponitur, non
autem, ut putavit Schnurrerus, populus Aegyptia-
cus, qui Hebraeos, posthac in Aegyptum profugos,
contemserit, ut hoc vaticinium sit fragmentum a
Jeremia in Aegypto demum editum; quid enim
opus est, populum contemnentem tam longe quae-
rere, qui ante moenia erat, nempe exercitus Chal-
daeorum?

16) משפחות שני duae familiae sunt regnum Ju-
da et regnum Israel, ut Jes. 8, 14.

17) In loco simili Jer. 31, 36. ut supra not. 13. ob-
servavimus, eadem quidem conditio ponitur, sed
dicitur, progeniem Jacobi nunquam defectu-
ram. Promissio plurium post exsilium Davidis suc-
cessorum alibi non apprehenditur, etsi reges ali

„18) imperantes posteritati Abrahami, Isaac, et
„Jacobi; nam reducam captivos, et ipsorum mi-
„serebor.

Argumentum Jer. 33, 14—26.

Quae in tribus versibus Jer. 33, 14 — 16 le-
guntur, fere verbotenus conveniunt cum Jer. 23,
5—6; supra explicatis. Duo versus Jer. 33, 20. et
25. similes sunt illis, qui habentur Jer. 31, 35-36;
ubi, sicut aliis locis, perpetua conservatio posterorum
Jacobi asseritur, nostro autem loco perpetua successio
posterorum Davidis, sacerdotum et Levitarum asse-
veratur, quae alias nullibi praedicitur. Quae v. 22.
interseritur immensa multiplicatio posterorum Davidis
et Levitarum, a populo laute alenda, ideoque onero-
sa, et comminationi similior quam promissioni,
nihil simile habet in Jeremia et in aliis Prophetis.
Vaticinium hoc nec hucusque opere completum fuit;
nec futuris temporibus compleri unquam potest, quia
posteri Davidis et Levitarum, etsi Aharonidae ex
sententia Judaeorum fortasse dignosci possint, dis-
cerni jam nequeunt, et prosapia Davidis dubio pro-
cul ante multa jam secula emortua est.

promittuntur, scilicet Hasmonaei. Vaticinium ita-
que analogiae vaticiniorum repugnat.

18) Ex progenie seu semine ejus, יְהוֹשֻׁעַ, nem-
pe Davidis; artificiosum est, suffixum referre ad
Jacobum, quod tentavit Dathius.

Qui posteros Davidis de regibus Christianis, qui fuerunt, sunt et erunt Davidi similes, et posteros Levitarum de ministris ecclesiae Christianae explicant, non observant; Levitis his et sacerdotibus, disertis verbis tribui ministerium holocaustorum, fectorum, et victimarum Mosaicarum, quae ministris Christianae ecclesiae non conveniunt; atque pios reges Christianos dici posteros seu semen Davidis, nimis abnorme est, praeterquam quod v. 21 successio in throno Davidis promittitur. — Spohn in *Jeremia* e versione Judaeor. Alexandrinor. 1794. Praef. p. 12—14, censet, verba haec non esse ad vivum resecanda, quibus non sistatur nisi imago temporum felicitum, qualia sub Davide erant, et integram hanc pericopam redire ad hanc summam, Hebraeos, ex captivitate reduces, restitutos esse Jerusalem et templum, in quo rursus ministrabunt sacerdotes et Levitae, neque defuturos reges Davidi similes; reliqua autem, quae adjecta sunt, non esse nisi exaggerationes poëticas, quae premendae non sint. Plausibilis expositio, cui acquiescere possemus, si modo Jeremias unquam, ut Jesaias et Ezechiel, et quipiam alii Prophetæ, hujus generis imagines expingeret; verum quaerenti in hi per integrum Jeremiae volumen nihil simile se obtulit. — Qui perditum in eo quaerunt praesidium, Prophetas vaticinatos fuisse plura, quibus eventus non respondit, et his accensendum esse comma nostrum, nodum secant, non solvunt.

Examen criticum Jer. 33, 14—26.

An vaticinium hoc sit genuinum et incorruptum Jeremiae eloquium, non solum argumentum, cui, ut mox diximus, nihil simile in Bibliis deprehenditur, sed interpret quoque Alexandrinus dubium movet non contemnendum, quia totum hunc locum omittit, quem demum Origenes adjecit; unde concludere pronum est, in codice Hebraico interpretis Alexandrini non exstitisse. Quia autem hic interpret plura alia, breviora et longiora commata hujus libri, non exhibet, et etiam vaticinia contra gentes Jer. 46 — 51. alio ordine subjungit capiti 25, oritur quaestio latius patens, unde haec omnis versionis Alexandrinae discrepantia a textu Hebraico, descendat: an loca illa ab interprete ex ositantia, vel consulto omissa fuerint, aut reapse in ejus codice Hebraico non exstiterint, vel etiam a librariis minusculis praetermissa fuerint, et an genuina, vel spuria sint.

Michaëlis et Eichhorn quidem consentiunt, Jeremiam curasse duas vaticiniorum suorum editiones; dissentiant autem in eo, quae sit purior et melior. Michaëlis illam editionem, ex qua fluxit versio Alexandrina, genuinam, et ab intrusis scholiis puram esse censet, nostrum vero textum Hebraicum depravatum fuisse scholiis arbitratur, quibus deputat locum nostrum Jer. 33, 14—26. Eichhorn e contrario textum nostrum Hebraicum arbitratur esse editionem secundam plenioram, quam Jeremias exsulibus in Babylonia Hebraeis exaraverit; versionem autem Alexandrinam manasse ex editione prima et minus plena. Ab utroque jure

merito recedit Spohn in Jeremia e vers. Judaeor. Alex. Praef. p. 1 - 12.; duplicem enim editionem negat, quae profecto, quia Jeremias non fuit amans scribendi, nec vaticinia sua literis mandavit, et cum a Deo jussus esset, eloquia sua scribere, non ipse scripsit, sed notario utebatur, verisimilis non est; vero autem prorsus dissimile esse videbimus, quod Spohn addit, interpretem Alexandrinum habuisse nostrum textum Hebraicum cum omnibus illis partibus in versione Alexandrina omissis; contendit enim, interpretem loca, quae bis occurrunt, ne bis vertenda essent, consulto omisisse, quorum numerum ad 6 vel 7 redigit; alia autem 18 vel 19 repetita loca ideo non praetermisit, quia vel paucis verbis absolvuntur, vel adeo longe a se invicem distant, ut interpres repetitionem non observaverit. Laborat tamen ipse Spohn c. 1. p. 6. in commate Jer. 49, 19—21., quod mox 50, 44—46. recurrit, et neutro loco in versione Alexandrina omissum est. Quae Eichhorn in der allgem. Biblioth. der bibl. Literat. VI. Th. S. 344—348., huic conjecturae opposuit, parum ponderis habere mihi videntur; diligentius autem examinata hac caussa deprehendi, longe graviora, quae hypotheses Eichhornii, Michaelis et Spohnii penitus subruunt, et simul evincunt, nostrum comma Jer. 33, 14—26. spurium, aut corruptum, aut saltem admodum suspectum esse.

Repetita saepius attenta lectione totius libri Jeremiae offendi commata bis occurrentia, non ut Spohnius dicit, 26, sed 42 vel 57, prout nempe fusiora sola, vel etiam breviora numerare lubet; ex his alter-

utro loco omissa sunt in versione Alexandrina 6 aut 7 sequentia, nec plura Spohnius invenit:

In vers. Alex. omissa,	leguntur
8, 10—12. —————	6, 13—15.
17, 3—4. —————	15, 13—14.
*30, 10—11. —————	46, 27—28.
33, 14—26. —————	23, 5—6. 31, 25—26.
*39, 4—13. —————	52, 10—16.
*48, 40—41. —————	49, 22.

Spohnius addit comma Jer. 23, 7—8 omissum, quia etiam 16, 14—15. occurrit, fatetur tamen, fini capitis 23 subnexum esse.

Mirum profecto est, virum perspicacem non animadvertisse, interpretem non potuisse in prioribus omittere, quae demum in subsequentibus, longiori etiam intervallo distantibus, recursura erant, qualia sunt loca 30, 10—11. 39, 4—13. 48, 40—41. a nobis supra asterisco notata. Dein ex nostro commate 33, 14—26. duntaxat versus tres 14—16. praecesserant 23, 5—6.; et v. 25—26 tantum aliqua ratione similes sunt 31, 25—26., ac intermedii versus 17—24 nullibi repetiti leguntur, ut ob repetitionem omitti non potuerint. Denique c. 17. non tantum, ut Spohnius refert, v. 3 et 4., sed etiam v. 1. et 2. in versione Alexandrina omissi sunt, qui nec 15, 13—14., nec alibi repetiti leguntur, ideoque ob repetitionem omitti non poterant. Verum propius ad rem ipsam accedamus, et observabimus facili negotio, non tantum aliqua horum locorum, quae alibi repetuntur, sed etiam alia plura non con-

sulto, sed per oscitantiam ob similiter desinentia praetermissa fuisse. Ita

I. Comma 39, 4—13. nequaquam ob repetitionem 52, 10—16, sed ob similiter desinens ab interprete vel a librario Hebraeo omissum fuit; nam v. 3. aequae ac 13. terminatur verbis כִּלְךָ בְּכֵל, ob quod idem similiter desinens etiam 27, 12—14. omissus est v. 13., atque ob aliud affine similiter desinens בְּכֵלָה c. 29, v. 16—20. desideratur.

II. C. 27, 18—21. plura occurrunt similiter desinentia, quae omissionibus diversis occasionem praebuerunt, ut ex quolibet versu aliqua tantum verba remanserint, quae adeo male cohaerent, ut hi errores ab interprete committi non potuerint, sed culpam librorum Graecorum intercessisse, dubitandum non sit, prout cuilibet locum legenti et conferenti cum textu Hebraeo patebit.

III. Ita etiam a librario aliquo Graeco omissus est v. 27. c. 7., quia et v. 27. et 28. incipiebat καὶ ἀρξαις, ubi in Hebr. v. 27. legitur וְדִבֶּרֶת, et v. 28. וְאָמַרְתָּ

IV. Ast c. 25. rursus ab ipso interprete vel librario Hebraeo praetermissus est v. 14, qui, ut v. 15, inchoat אֵי

V. Omissio interpretis vel librarii Hebraei ob similiter desinens oculos ferit etiam c. 30, 14—15.; nam v. 14. terminatur verbis, quae leguntur etiam v. 15: עַל רֹב עֲוֹנֶךָ עָצְמוּ חַטֹּאתֶיךָ

VI. Ita etiam penultimum membrum versus 28. c.

38. omissum est, quia et hoc et ultimum membrum terminatur verbis נְלַכְדָּהּ יְרוּשָׁלַם

VII. C. 48 desunt v. 45—47, quia et v. 44. et 47. terminatur in " נָא

VIII. Denique c. 52. desideratur v. 15., omissus ob similiter desinens v. 14. et 15. רַב טַבָּחִים

Ex his observationibus liquet, plures omissiones versionis Alexandrinae, nec ex duplici editione, nec ex deliberato consilio interpretis ob repetitionem locorum, sed ab oscitantia interpretis, vel librariorum Hebraicorum vel Graecorum descendere, prout in Introduct. (Germ.) in LL. SS. V. F. P. II. §. 137. diximus. Atque his viam nobis stravimus ad quaestionem, an etiam omnes aliae omissiones ex his iisdem fontibus repetendae sint. Id vero dissimile esse, aequus rerum iudex facile dabit; nam cogitari vix potest, interpretem aut librarios Hebraicos et Graecos in hoc uno libro adeo fuisse negligentes, ut tot loca omitterent, in quibus nullum similiter desinens, uti nec in nostro commate Jer. 33, 14—26., observatur. Reapse alium praeterea omissionum fontem aperit attentior consideratio nonnullorum locorum, quae partim ab Alexandrino omissa, partim quidem traducta sunt, sed manifestam produnt interpolationem, uti nunc ostendemus.

I. Jer. 9, 1—25. et 10, 17—24. scelera exprobrantur Judaeis, et praedicitur excidium urbis et exsilium civium; intermedio autem commate 10, 1—16. decem tribus regni Israel, tum jam fere 150 annos in exilio Assyriaco degentes, monentur de vanitate idolorum,

quod sermonem incommode interrumpit, et prorsus nihil ad regnum Juda, de quo in praecedentibus et sequentibus agitur, pertinebat. Accedit, hanc motionem interrumpi v. 11 Chaldaico, qui etsi ad rem non facit, in versione Alexandrina exhibetur, sed omittitur v. 6—8. et 10.; unde paulo aptior exsurgit sermonis nexus. Nec praetermittendum est, Jer. 10, 13 — 16. etiam apto loco 51, 15 — 19, tum in textu Hebraico, tum in versione Alexandrina legi. Videtur profecto totum hoc comma c. 10, 1—16. ex margine irrepsisse, et in codice interpretis Alexandrini nondum integrum exstitisse.

II. Quare lac Jeremiae 15, 10—11. interrumpuntur v. 12—13 sermonis ad regnum Juda, ac v. 14. sermonis ad Jeremiam, et deum v. 15. continuantur. An non illi tres versus 12—14 loco incommodo ab aliena manu inserti sunt? Alexandrinus eos quidem hoc quamvis incommodo loco vertit, sed c. 17, 3—4, ubi apto nexu cum antecedentibus et consequentibus, recurrunt, omittit, quod profecto non ex deliberato consilio descendit. Hinc tuto colligere licet, hos versus in diversis codicibus jam hoc, jam illo, jam utroque loco, primum in margine notatos, et dein textui illatos fuisse, atque Alexandrinum interpretem nactum esse codicem, in quo 15, 12—14. dicerant, et 17, 3—4. aderant.

III. Ita etiam vaticinium de eversione Jerusalem et de deportatione civium 16, 1—21. interruptum est v. 14—15. per promissionem laetissimorum temporum post reditum. Interpres Alexandrinus hos versus qui-

dem incommodo hoc loco exhibet, sed ipsos omittit 23. 7—8, ubi loco apto recurrunt, ut deliberato consilio ibi vertisse et hic omisisse censi non possit. Hinc rursus colligi potest idipsum, quod in fine praecedentis numeri II. observatum fuit.

IV. Inscriptio capitis 27, v. 1. dicit, vaticinium editum esse initio regni Jojakimi, quod repugnat versui 3. 12. et 20., ubi iter repetitur, vulgatum fuisse sub Zidkia. Manifestum igitur est, hanc inscriptionem, quam Alexandrinus non exprimit, ex 26, 1. inepte huc translata esse.

V. Ita etiam inscriptio generalis vaticiniorum contra gentes 46, 1. in versione Alexandrina nec c. 25, nec c. 26. legitur, ut dubio procul adjecta sit ab illo, qui his vaticiniis contra gentes, ultimum libri locum assignavit.

VI. Ultimi duo versus 27—28 capitis 46, Hebraeis securitatē promittentes, prorsus non pertinent ad Nebucadnezaris expeditionem contra Aegyptum, de qua in praecedentibus v. 13—26. sermo est; in versione Alexandrina quidem hoc incommodo loco leguntur, sed desiderantur 30, 10—11., ubi in textu Hebraico locum aptum occupant, ut interpretes eos consilio deliberato non omiserit, nec potuerit ob repetitionem omittere, quia c. 30, 10—11. nondum noverat, hos versus, capite adeo distante 46, 27—28. rursus recursuros esse, unde liquet, reapse in codice ipsius non exstitisse. *

*) Schnurrero suspecta quoque fuit narratio de Propheta Uria, ex fuga retracto et interfecto, Jer. 26, 20—24., quae

Ex his, opinor, liquet, non omnes versionis Alexandrinae omissiones ex uno eodemque fonte pro-
manasse, ut consent Michaelis, Eichhorn et Spohn;
sed alias similiter desinentibus et negligentiae inter-
pretis vel librariorum Hebraeorum et Graecorum de-
beri, prout supra vidimus; alias autem, ut modo ex-
emplis comprobavimus, ex eo descendere, quod inter-
pres in suo codice Hebraico haec commata reapse non
reperit; nam si deliberato consilio omisisset, nequa-
quam locis, quibus apte congruunt, neglexisset, et
locis incongruis vertisset. Cum e contrario locis con-
gruis omittat, et incongruis exhibeat: aliud conclu-
di nequit, nisi commata haec locis congruis abfuisse,
ubi, si adfuissent. nec ulla erat ratio omittendi, nec
toties ex oscitantia omissa fuissent. Hinc consequitur,

ex margine inserta fuerit, ut patefieret, quanto in dis-
crimine versatus sit Jeremias c. 26, 1—23. Ast Alexan-
drinus eam exhibet. — Merito autem in quaestionem vo-
catur v. 13. capitis 25, quo dicitur, omnia opere com-
plenda esse, quae in hoc libro contra Babylonem scrip-
ta sunt, quae tamen demum c. 50—51. scripta fuerunt,
nec a Jeremia tempore illo c. 25. quidquam literis man-
datum erat; nam Propheta primum c. 30, 1. et 36, 1. jube-
tur vaticinia sua conscribere. Versio autem Alexan-
drina versum hunc 25, 13. sistit, sed omittit sequentem
v. 14. — Suspectum videri quoque potest comma 39, 1
—2.; nam versus ultimus capitis praecedentis 38, arcte
cohaeret cum 39, 3. Contra vero Jer. 40, 7—9. fere ver-
botenius usurpavit auctor libri 2 Reg. 25, 23—24., ut
etiam Jer. 40, 1—3. in compendium contraxit 2 Reg. 25,
25.; usus nempe est libro Jeremiae, quia ex his ultimis
temporibus annales historici, ex quibus hauriret,
non adervant.

voluminibus Jeremiae quaequam jam commodo, jam incommodo loco illata fuisse, et librariorum utroque loco bona fide descripsisse, quae reperiebant. Interpretes autem Alexandrinus utebatur codice, in quo inserta hujus generis segmenta locis quidem incommodis, nondum autem locis commodis, aut etiam prorsus nullo loco legebantur. — Nec longe quaerenda est via, qua additamenta haec in textum Hebraicum irrepere potuerint. Notum enim est, Jeremiam primis 23 annis muneris sui (ab anno 13 Josiae usque ad 4 annum Jojakimi Jer. 25, 1 — 3. 36, 1 — 2. 27 — 31.) duntaxat oretenus vaticinatum esse, nec quidquam scripsisse, donec anno 4 Jojakimi a Deo jussus esset vaticinia sua literis mandare. Prophetam oretenus perorantem non paucos nactum esse auditores cultos et illustres, atque horum plures dicta ejus probavisse, vel ex eo adparet, quod multi, vaticiniis Jeremiae fidem adhibentes, ad Chaldaeos defecerunt, a quibus illudi timebat rex Zidkias, si se Chaldaeis dederet, Jer. 38, 9. Illustrium transfugarum eximium exemplum praebet Gedalias, demum a Chaldaeis provinciae praefectus, cujus pater Achikam, filius Schaphan, erat vir tantae auctoritatis, ut Jeremiam ab extremo supplicio eripere potuerit, qui itaque et ipse sicut filius ejus, vaticiniis Jeremiae minime diffidebat, Jer. 26, 1 — 24. — Illi etiam aulici, qui Jeremiam et notarium ejus Baruchum, irae regis subtraxerant, et librum ejus igni eripere adnisi sunt, Jer. 36, 19. 25., ipsius vaticinia profecto nequaquam spreverunt. His accedit Ebedmelech,

eunuchus regis, vir insignis, Jeremiae amicus, Jer. 38, 7 — 13. Ipse denique rex Zidkias his Jeremiam secreto consuluit, Jer. 37, 16 — 24. et 38, 14 — 28. Illi viri, et dubio procul plures alii his similes, Jeremiam attente auscultabant, et quae audiebant, memoriae, et quaeprim etiam literis mandabant, ac demum obtento libro Jeremiae aliqua notata sua jam commodo, jam incommodo loco inferebant, quaeprim fortasse. fallente memoria, mutabant; hinc descendunt illa supra allata, alienis locis obtrusa segmenta, quae quia nonnisi longiori temporis intervallo in omnes codices immigrarunt, in codice interpretis Alexandrini nondum omnia aderant.

Atque his additamentis accensendum esse arbitror nostrum comma Jer. 33, 14 — 26., quod Alexandrinus interpret in suo codice nondum legebat. Reliqua quidem, supra recensita inserta, possunt esse genuina Jeremiae verba, ab ipso, ut leguntur, saltem quantum ad sensum spectat, oretenus prolata; nostrum autem comma fallente memoria depravatum fuisse videtur; nam argumentum repugnat omnibus Jeremiae et omnium aliorum Prophetarum vaticiniis, quae omnia in unico post exilium venturo Davide subsistunt, nec ullum ejusdem successorem, multo minus tantam posterorum Davidis et Levitarum, multitudinem memorant, quae sub specie beneficii promittitur, reapse autem populo, cujus sumtibus laute alenda fuisset, gravissimam creasset molestiam. Nec omittendum est, promissionem, posteros Davidis, sibi successores in perpetuum reges, consolari moe-

stos Judaeos non potuisse; nam recens docebat experientia, eos perdere rempublicam, nisi Davidi similes sint, quod de omnibus successoribus sperare, eadem recens experientia prohibebat. Undequaque igitur hoc segmentum est suspectum, et, quod alias in argumentum interpolationis trahitur, si hos versus omnes omiseris, nihil deesse observabis, sed sermonem v. 13 apte finiri advertes. *)

„Ast stilus hujus commatis, fatentibus omnibus „criticis, est Jeremiae; verba et phrases fere omnes „sunt Jeremiae usitatae, et ipsa quoque verba rariora, „ut מִשְׁלַּח 33, 21., ac מִשְׁלַּח 33, 26., occurrunt quo- „que Jer. 22, 11. 51, 46.“ — Genus loquendi quidem,

*) Si quipiam hac sententia fortasse commoventur, quod eam decreto concilii Tridentini sess. IV. repugnare opinantur, meminerint, comma hoc etiam defuisse in versione Alexandrina, et demum ab Origene cum asterisco adjectum esse, quam versionem concilium Tridentinum minime reprobavit, nec reprobare potuit, quippe Graecis Catholicis usitatam. Qui huius observationi acquiescere detrectat, legat, quae Sixtus Senensis in sua Sanct. Biblioth. p. 44. scripsit, et nihilominus Benedictus XIV. dedicationem libri, ab editore Milante 1724 oblata, benevole acceptavit. Conf. meam Germ. Introd. in LL. SS. V. F. P. II. §. 235. p. 889 — 890. Hinc apparet, memoratum concilii Tridentini decretum nequaquam esse tam strictae interpretationis, et minime pertinere, ut Sixtus Senensis ait, ad pannonosa hujus generis additamenta. Ceterum oclamo cuilibet: „si quid novisti rectius istis, candidus „imperti — Et cum Cicerone profiteor: Cu- „pio refelli, quid enim laboro, nisi ut veri- „tas in omni quaestione explicetur?“

non diffiteor, simile est stilo Jeremiae, sed vix alia ratione, quam ea, qua liber consolationis inter opera Ciceronis, phrasibus et verbis Ciceronianis consarcinatus est, et nihilominus exercitatus Ciceronis lector stili et sententiarum differentiam sine negotio observat. Versus duos aut tres 33, 14 — 16. ex 23, 5 — 6. mutuatos, atque versus 33, 17 — 26. imitando 31, 35 — 37. compilatos esse, nemo non animadvertit, et hinc stilo multum differre non possunt, atque argumentum aliis Jeremiae de Messiao vaticiniis repugnare, supra annotavimus.

Jesaïas.

Duo de feliciore futura aetate loca Jesaïae 9, 1 — 6. et 11, 1 — 10., similia quidem videntur; promittunt enim verbis non multum dissimilibus regem prorsus singularem, et vaticiniis de clade Sancheribi subjuncta sunt; verum nexus est alius, et vis expressionum in utroque loco non videtur esse eadem. Vaticinium posterius 11, 1 — 10. satis clare Messiam pollicetur; quare hoc praemittimus.

Jes. 11, 1 — 10.

Ramus ex stirpe Jsai succrescet 1),

1

וְהָיָה, duntaxat Prov. 14, 3. recurrit, Aram. רוֹטְרָא

baculus = ^cחָטַב hasta; h. l. postulante substrata materia et parallelismo sequentis membri: ramus. — נֶטֶם stirps, seu truncus arboris succisae in terra relictus, ut Jes. 40, 24. Job. 14, 8.; concinit Thalm. et Syr. נֶטֶם Radix Hebr. et Syr.

Surculus ex radicibus ejus progerminabit. 2)

Super ipsum requiescet spiritus Jehovae 3),

Spiritus sapientiae et intelligentiae 4),

deest, sed Arabes offerunt ^{جذع} secuit, rese-
cuit, cui affine est ^{جذع} manu, naso, aure,
labio mutilavit, amputavit, atque Hebr.
^{גָּרַע} non tantum fregit, sed etiam cecidit ar-
borem, Jes. 9, 10. — ^{יָצָא} exivit, de ramo
dictum: succrevit; verum in futuro vertendum
esse, quilibet facile videt.

2) Membrum hoc praecedenti synonymum est: ^{חֹמֶר}

hic dicitur ^{נֶצֶר} surculus, a ^{נָצַר} viruit, eni-
tuit; et pro ^{נֶצֶר} hic legimus ^{שְׁרָשֵׁי} radices ejus,
stirpis Isai. — ^{יָפְרָה} a ^{פָּרָה} fructuosus fuit, et
progerminavit, ut Jes. 32, 12. 45, 8. Sublatis
tropis sensus est: ex humiliata familia Davidis pro-
dibit rex. Pro surculo Chaldaeus ^{מִשִּׁידָא} sublato
tropo posuit.

3) ^{רוּחַ} ventus vehemens, vis divina seu
insignis, et saepissime spiritus propheti-
cus, qui in mox sequentibus latius describitur. Re-
quiescet, ^{נָחָה} (a ^{נָחָה}), i. e., non recedet ab eo,
seu semper hoc spiritu animatus erit.

4) ^{חֵכְמָה} sapientia, quae rectam vivendi rationem
docet, ut patet ex phrasi: initium sapientiae
timor Jehovae. — ^{בִּינָה} intelligentia, seu

- Spiritus consilii et fortitudinis 5),
 Spiritus cognitionis et timoris Jehovae 6),
 Et delectatio ejus erit timor Jehovae. 7)

3

judicium, quod subtiliter discernit rectum, et ut
 fons illius sapientiae spectari potest.

- 5) עֵצָה consilium, singularem futurorum perspi-
 ciam, vel spiritum propheticum indicat, a יַעֲזֹר

= עָזַר, monuit pecul. referens quid futu-
 rum esset ad praemium vel poenam per-
 tinens; Hebr. consuluit. — נִבְּרָה in hac
 orationis serie est ea fortitudo, qua, quod
 sapienti consilio seu futurorum perspicacitate de-
 cretum fuit, magno animo perficitur. De fortitu-
 dine bellica ob sequentem pacis descriptionem
 intelligi nequit.

- 6) יָדַעַת וִירָאָת " cognitio et timor Jehovae
 est religio, et quidem cognitio vel agnitio Jehovae
 objective, ac timor seu reverentia Jehovae sub-
 jective; itaque indicatur animus Deum agnoscens,
 eique addictus atque Deum reverens, ejusque
 mandatis obsequens. Cf. Jes. 28, 9. Job. 28,
 28. 36, 4. 37, 16. Ps. 73, 11. 111, 10. Prov. 1,
 7. 9, 10. 15, 33. 16, 5. 31, 30.

- 7) הִרְיָחוּ, verbum vexatum, a רִיחַ Syr. = رَاح med.

Vau odoravit, cui affine est Hebr. רִיחַ halitus,
 ventus, quo odores advehuntur, IV. הִרְיָח olfecit;
 cum Beth, ut h. l., constructum, grate
 olfecit, odore oblectatus est, et simplici-

Non ex conspectu oculorum suorum judicabit 8),

Nec ex auditu aurium suarum discernet 9);

Sed juste judicabit tenues 10),

4

ter oblectavit se. Alii, coll. IV. אָרַח spiravit, vertunt sensu parum mutato: spirare ejus, seu respiratio ejus. — His omnibus describitur insigne donum propheticum, junctum singulari religiositati, sanctitati, fortitudini animi et constantiae.

8) לְמַרְאָה עֵינָיו juxta conspectum vel speciem oculorum suorum, seu oculis oblatam, i. e., non respiciet divites et potentes, nec pauperes et miseros; verbo: sine omni partium studio judicabit.

9) Inaccessibilis quoque erit falsis persuasionibus, commendationibus, adulationibus, omnibusque illis suggestionibus, quibus illudi solet judicibus. יוֹכִיחַ h. l. synonymum est יִשְׁפֹּט, discernet, judicabit; alias הוֹכִיחַ est litigavit, arguit, castigavit, punivit, IV. ab inusitato יָכַח וְכָח valide conculcavit.

10) בְּצַדִּיק in justitia, i. e., juste. — תְּלֵילִים tenues, exhausti, pauperes, a תְּלֵילִים exhaustus, debilis fuit.

11) בְּמִישׁוֹר in rectitudine, i. e., recte. — עֲנִי אֶרֶץ mansueti terrae, qui in priori mem-

Et recte jus dicet mansuetis terrae. 11)

Terram autem feriet baculo oris sui 12),

Et sceleratos interficiet halitu labiorum suorum.

Justitia erit cingulum lumborum ejus,

5

bro tenues dicti fuerunt; nam tenues et pauperes plerumque simul mansueti sunt; per additamentum terrae opponuntur divitibus et proceribus, uti populus terrae saepe est plebs, cf. dicta ad Zach. 9, 9.

12) שֶׁבֶט פִּי *baculus oris ejus*, i. q. sequenti membro רוּחַ פִּי *halitus oris ejus*, nempe sententia judicis condemnantis. Scite observat Rosenmüllerus, etiam

عَصَا, *baculus*, in Lexico Camus exponi اَدَبٌ

castigatio, et لِسَانٌ, *lingua*; unde apparet,

linguam baculo comparari. Alexandrinus sublato tropo recte vertit τῷ λόγῳ, uti etiam Chaldaeus

בְּמִימְרָא *verbo*, qui pro sequenti quoque halitu

substituit eloquium. — Terra h. l. tropice signi-

ficat incolae regionis poena dignos, quibus sequenti

membro respondent scelerati; nam רָשָׁע *col-*

lectivum esse liquet. Chaldaeus enim ineptit, qui

intelligit Armillum, fictum immanem et ultimum

Judaeorum hostem, a Messia interficiendum, de

quo cf. Eisenmenger Entdecktes Judenthum II. 705

— 715. et Buxtorfii Lex. Chald. Thalmud. Rabb.

col. 221 — 224.

Et clementia cingulum femorum ejus. 13)

Tunc commorabuntur lupi cum agnis 14), 6

Et pardi cum hædis recumbent.

Vituli, catuli leonum et pecora saginata erunt
simul,

Et puer parvus ducet ea.

Vaccae cum ursis pascent, 7

Pulli earum una cubabunt.

Leones sicut boves, stramen vorabunt.

Lactentes se ad foramina aspidum oblectabunt, 8

13) צִנְיָה proprie est firmitas, ut ex Exod. 17, 12. liquet; hinc veritas, ac deinde sinceritas, fides, seu fidelitas in promissis, quam nostro more de Deo loquentes dicimus clementiam, conf. Ps. 88, 12. 25. 89, 3. 92, 3.; fortasse aptissima vox ad id omne exprimendum esset constantia, cf. Ps. 119, 92. — Cingulum orientales nunquam deponunt et singulari ornatui deputant. Sensus itaque est: in omnibus ejus actionibus resplendet justitia et clementia.

14) Nomina et Verba singularia, quae abhinc sequuntur, collective intelligenda sunt.

15) אֲסִיָּה esse aspidem, docuit Bochartus Hieroz. P. II. L. III. c. 5. T. III., 161 — 176 ed. Rosenmüll., et ita vertunt Alexandrinus, Symmachus, Syrus et Vulgatus, ac alibi etiam Theodotio. Aspis est serpens vix ultra pedem longus, sed crassitie fere brachii humani, et instructus veneno, quod mor-

Et ablactati 16) manus suas ad luminaria basiliscorum extendent. 17)

tem, per modum somni, intra 24 horas accelerat.

Aspis Ps. 58, 5: dicitur non audire vocem incantatorum, et nomen surdi gerit adhucdum in insula Cypri, ut refert Mariti Reis. von Jerus. durch Syrien II. S. 160: Haselquist Reis. S. 239, et Pococke Beschr. des Morgenl. II. §. 402.

16) נָמַל ablactatus, a נָמַל, quod non solum est retribuit bonum vel malum, sed etiam ablactavit, ut Jes. 28, 9. Gen. 21, 8. 1 Sam. 1, 22. 24. 1 Reg. 11, 20. Dialecti Verbum cum his notionibus non habent.

17) מְאוֹרָה, pro מְעוֹרָה antrum, caverna, positum esse, colligunt aliqui ex foraminibus membri praecedentis paralleli; verum parallelismus non semper adeo stricte synonymus est, et etymologia penitus repugnat ac poscit luminaria, nempe oculos, qui apte congruunt. Nam basiliscus, quem nomine צִפְּעִי et צִפְּעִי indicari, docuit Bochartus Hieroz. P. II. L. III. C. 10 — 11. T. III. p. 182 — 193. ed. Rosenm., serpens quidem est parvus, vix spithamam longus, sed veneno plenus putatur, ut solo flatu alios longe majores serpentes enecet; versus hujus luminaria extendere manum vix quisquam audebit. Michaelis in Suppl. ad Lex. H. p. 2129 — 2131. censuit, tentacula hujus serpentis dici luminaria, quia, in arena latens, ea movet,

Non nocebunt, neque laedent in universo monte 9
mihi sacro 18),

Quia terra ita impleta erit cognitione Jehovae 19),
sicut aqua contegit mare.

et ita allicit aves; adeoque usum oculorum supplere videbantur viro doctissimo; verum id a longe petatum et artificiosum esse, quilibet videt. Ceterum serpens hic dicitur basiliscus, regulus, et etiam cerastes, a tentaculis, quae jam coronae, jam cornibus similia visa sunt. — Verbum הָרָה ἀπαξλ., Arab. et Aram. duxit.

- 18) הָר קָדְשִׁי mons sanctitatis meae, i. e., mihi sacer et conscratus, Zion, vel potius regio montosa Palaestinae, quia membro sequenti commemoratur terra seu regio.
- 19) " יָדַעְתָּ יְהוָה cognoscere Jehovam, seu cognitio Jehovae, quae juneta est studio se ei probandi; nam יָדַע scivit, cognovit, etiam est curavit, Gen. 39, 6. Prov. 27, 23. Ps. 144, 3. 36, 11. 9, 11. Hos. 2, 8. Infinitivus pro Substantivo usurpatus est, ut Gen. 19, 46. Num. 20, 2. Deut. 1, 27. 10, 11. Hos. 3, 2. Sensus est: terra repleta erit colentibus Deum, et ideo ferae et serpentes neminem laedent. Hinc liquet, praecedentem descriptionem aetatis aureae esse tropicam, et non amplius indicare, quam gentes hostiles cum cultoribus veri Dei in unam religionis societatem congressuras esse, ut sequenti mox versu clarius dicitur.

Tempore illo radix Isai 20)

10

Prostabit in signum populorum 21);

Gentes se convertent ad eam 22),

Et erit locus quietis ejus gloriosus. 23)

20) Radix poetice, nempe quae germinavit et succrevit, ut sit antecedens pro consequente, vel causa pro effectu.

21) דָּן signum in longa pertica vel trabe super altum montem erectam, quod in Bibl. Arch. (Germ.) P. II. T. II. §. 135. p. 465. descripsimus. Hic tropice usurpatur, et sensus est: ille surculus ita succrescet et eminebit, ut populi ad eum properaturi sint, sicut ad signum militare in alto monte erectum confluere solent.

22) קָרַשׁ quae sivit, solet hic explicari de quaerendis eloquiis divinis, ut occurrit Gen. 25, 22. Exod. 18, 15. Deut. 18, 11. 2 Reg. 22, 13.; verum incommoda est phrasis, a radice quaerere eloquium; quare potius vertendum est: convertent se, ut verbum hoc Ps. 9, 11. 14, 2. 22, 27. 34, 5. Jer. 8, 2. 2 Paral. 15, 13. 17, 3 — 4. et alibi usurpatum legimus.

23) מְנוּחָה locus quietis, Num. 10, 33. Mich. 2, 10., nempe locus ubi consistet, seu sine tropo, palatium, ut Ps. 132, 8. 14.; quod autem, ut supra descripta regis justitia, solummodo ad integritatem imaginis pertinet.

Argumentum Jes. 11, 1—10.

Vaticiniū hoc Jes. 11, 1—10., quod praecedenti vaticinio de sylva excisa, i. e., de clade exercitus Sancheribi, Jes. 10, 33—34. conf. 2 Reg. 18, 13—37. 2 Paral. 32, 1—21., opponitur, promittit aliquando fore, ut, sicut ex trunco et radicibus succisae arboris aurculus insignis sucrescit, ita ex humiliata et sceptro privata familia Davidis nascatur insignis rex, pientissimus simul propheta futurus, et juste non solos Hebraeos, sed etiam gentes, sese sponte subjecturas, gubernaturus sit. Hanc promissionem sequitur Jes. 11, 11—16. praedictio redditus ex captivitate, et promissio victoriarum sub Maecabaeis seu Hasmonaeis. Pientissimus itaque ille rex et simul propheta sistitur quidem medius cladem Sancheribi inter et redditum ex captivitate, nequaquam tamen est Hizkias, qui temporis ordine, in vaticiniis autem non usitato, sequitur; nam hic princeps tempore hujus vaticinii jam erat 15 annos natus, promitti itaque non potuit futuro demum aevo ex humiliato et sceptro privata familia Davidis nasciturus, et quamquam erat pientissimus, propheta tamen non erat, nec gentibus se sponte offerentibus imperabat; legatio enim regis Babyloniorum, Jes. 39, 1—8. 2 Reg. 20, 12—21. 2 Paral. 32, 25—33. narrata, neque hyperbolice hac expressione designari potest, et adeo non fuit felix, ut e contrario tristissimum vaticinium commuerit, Jes. 39, 4—8. Nec redditus Hebraeorum ex diversis regionibus, de Judaeis per irruptionem et strages Sancheribi dispersis, et post ejus cladem re-dituris exponi, neque adjuncta promissio victoriae

de bello Hizkiae contra Philistaeos 2 Reg. 48, 9—12, explicari potest; nam nostro loco non tantum Judaeorum, sed etiam decem tribuum reditus ex Assyria 11, 11—13. promittitur, et non solum bellum contra Philistaeos, sed etiam contra filios orientis, i. e., Arabes, ac contra Edomitas, Moabitas et Ammonitas praedicitur, quos demum Hasmonaei debellarunt, Hizkias autem nunquam aggressus est. Hic itaque pientissimus propheta rex alius esse nequit quam Messias, qui hic a Jesaia, sicut ab Ezechiele 17, 23., in summa pace gentibus se sponte subjecturis imperaturus praedicitur. Describitur quidem rex, mansuetis pauperibus jus dicturus, et juste regnaturus; ast meminisse oportet, quod saepius monuimus, illis temporibus Messiam sisti non potuisse nisi imagine regis, uti et nobis vita post mortem futura non potest verbis propriis, quae de hoc felicitatis genere omnibus linguis desunt, describi, sed diversis imaginibus regni, convivii, sinus Abrahami, horti seu paradisi, coronae etc. adumbratur, Luc. 22, 29—30. 23, 13. Matth. 14, 15. 19, 27—30. 26, 29. Rom. 5, 2. 2 Cor. 4, 17. 2 Tim. 2, 10. et al. l. Denique praetermittendum non est, Messiam nostrum, gubernationis divinae participem, reapse regnare, et esse judicem vivorum et mortuorum, ut vaticinium sensu eminenti completum sit. Ceterum verum nostri vaticinii ionum adducit Paulus Rom. 15, 12.

Jes. 8, 19—9, 6.

Vaticinium, quod tractandum venit, inchoat quidem 9, 1.; verum ob seriem orationis, et quia 9, 1.

arcte cohaeret cum ultimo versu capitis praecedentis, etiam ultimi 5 versus hujus 8vi capitis explicandi sunt, quibus irruptio Sancheribi, et calamitas inde oritura, ac demum secutura liberatio praedicatur.

Si dixerint ad vos: quaerite respon- 19
sum a necromantis et hariolis, pipi-
entibus et mussitantibus 1); (responde-
te): nonne populus (quilibet) responsa
quaerit a Deo suo? num pro vivis (res-
ponsa) a mortuis (quaerenda)? 2)—Ad legem 20
et doctrinam (revertimini.) 3) Nisi reddiderint

1) Si dixerint etc., nempe in illa irruptione San-
cheribi. — נִחֵן necromanten esse, ex 1 Sam. 28,
7—29. liquet, ab אָב sen אָב mcd. Vau redi-
it, reversus est, nisi sit Aegyptiacum εἰς
sacerdos incantationibus occupatus, Scholz in
Eichhorns Repertor. III. 19. Jablonski
Opusc. T. I. p. 180—181. — חֲדָשִׁי sciulus, ha-
riolus, praestigiator. Utrumque hoc genus
impostorum jam Lev. 19, 31. 20, 6. 17. Deut. 10, 11.
occurrit. Necromantae nomine animarum, ab in-
feris excitatarum, responsa debili halitu pipiebant
et mussitabant, vel syllabatim pronuntiabant, (quod
proprie dicit מְחַדְּשִׁים, IV. ab חֲדָשָׁה) praetendentes,
umbras defunctorum efficacius loqui non posse.

2) et 3) Ita supplendae sunt ellipses.

hunc sermonem 4), cui nulla inest fascinatio 5):
circuibunt in ea (regione) afflicti et esurientes 2,
6); et si esurierint, irascentur, et maledicent re-

4) אָמְרוּ כְּדָבָר הַזֶּה quod si non dixerint
juxta sermonem hunc, si non reddiderint ser-
monem hunc, seu si huic provocationi non, ut oportet,
responderint.

5) Qui vertunt hanc sententiam tanquam apodosin:
non erit eis aurora, non observant, non esse:
eis, לָהֶם, sed: ipsi, לֵן, nempe sermoni, cui
aurora aptari non potest. Vox שָׁחַר quidem vige-
sies in Biblijs auroram significat; ast Verbum שְׁחָרָה
etiam Jes. 47, 11. opponitur כִּפְּרָה expiare
eam, ut vertendum sit: ex cantatione depel-
lere eam, et ita vertendum est etiam nostro lo-
co, incantatio, fascinatio; scilicet שָׁחַר
est quaesivit, et niger fuit, atque ut
שָׁחַר, fascinavit, unde nostrum Schwarz-
kunst, prout alibi annotavimus, descendere vide-
tur. Respicitur nempe ad incantationes necroman-
tarum et hariolorum, de quibus sermo praecepsit.

6) נִקְשָׁה induratus, et duriter tractatus,
afflictus, uti verba Arabica duritici, ad duram
tractationem et afflictionem transferuntur. Cete-
rum verba haec omnia collective capienda esse,
aliunde liquet. — רָעֵב esuriens, رَعِبَ, amplo
ventre, gulosus, vorax fuit; alii conferunt
رَعِبَ terruit, et vertunt territus; ast nulla ur-
get ratio ab usitata verbi notione recedendi.

gi suo et deo suo 7); respicient in superna, et intue- 22
buntur terram 8), et ecce (ubique) angustiae et
tenebrae 9), languor angustiae 10) et caligo ex-

7) Maledicent --- deo suo, nempe suo idolo; nam
de illis, qui necromantas consulebant, et idolola-
triae dediti erant, sermo est.

8) Ultima verba versus 21., arcte cohaerent cum
primis verbis v. 22., et, ut reliqua, collective intelli-
genda sunt.

9) Tenebras et caliginem esse imagines calamitatum
et miseriae, notum est.

10) כְּעֵיף et sequens כְּעֵיף derivavimus ab עֵיף =

غاف, med. Je nutavit, in II. pusillanimis

fuit, أَغْيَافٌ capite nutans citra som-
num, adeoque ex pusillanimitate, fatigatione, languo-
re; concinit Syr. עֵיף non tantum, ut עָפָה, duplica-
ri, sed etiam viribus deficere, et in II. pass.
deliquium pati; unde Hebr. עֵיף fessus, de-
lassatus, proprie fame deficiens, ut ex 2
Sam. 17, 29. Ps. 63, 2. appareat, cf. 1 Sam. 14, 28.
31. Job. 22, 7. Gen. 25, 29. Ps. 134, 6. Jes. 32,
2. Jer. 31, 25. Prov. 25, 25. Haec nostra versio
convenit praecedenti fami esurientium. Alii dua-
bus his vocibus tribuunt notionem caliginis, et pro-
vocant ad parallelismum et ad Job. 11, 17., ubi tamen
etiam notio volandi (עָרַף) locum habere potest.

pausa. 11) Verum non erit languor (perpetuus 23 illi regioni), cui erat angustia, prout 12) regio Zebulon et regio Naphthali vilipensa fuit tempore antiquo 13), et tempore quoque posteriori aggravatus fuit 14) hic tractus ad mare

11) מִרְחָּךְ protusus, expansus, genere discordat ab אֲנִיחָהּ, quod autem non est rarum.

12) Caph in כֶּתֶת, tanquam praepositionem temporis, neglexerunt omnes antiqui, et solum versum retulerunt, uti recentiores, ad sequentia, qui mihi quidem videtur referendus ad praecedentia, et Caph esse particula similitudinis, ut Jes. 5, 24, 18, 3. Ps. 12, 9, 68, 3; nexus est illi regioni (Judaeae in irruptione Saneheribi) non erit perpetua calamitas, vilipensio et aggravatio, sicut et olim erat et nunc est regioni Zebulon et Naphthali, tractui ad mare Gensareth cis Jordanem, Galilaeae gentium; sed rursus laetiora Judaeae tempora redibunt, ut c. 9, 1. in opposito membro diserte dicitur.

13) וְהִאֲחִירָן Vau praefixum nequaquam indicat apodosisin comparisonis aut oppositionis, nec ullus antiquorum sequens membrum reddidit ut apodosisin prioris; Vau hoc exegeticum est: nempe, scilicet.

14) הִכְבִּיד aggravavit (aggravans), seu aggravatus fuit, ut praecedens הִקַּל (קָלַל) vilipendit (vilipendens), seu vilipensus fuit. Qui הִכְבִּיד ver-

15) cis Jordanem 16), Galilaea gentium. Sed populus ille ambulans in tenebris „(incolae Judaeae in irruptione Sancheribi)“ videbit lumen magnum, habitantibus in umbra mortis orietur lux. 17) Multipli-

tunt honoravit, notionem formae II. propriam, sine idoneo argumento trahunt ad formam IV. Regio Zebulon et Naphthali, tractus ad mare cis Jordanem et Galilaea gentium sunt synonyma; regio haec olim sub regibus Israel incursionibus Syrorum patuit, et aetate Jesaiae incolas amisit, qui a Thiglathphileser in exilium deportati sunt, adeoque regio antiquo et posteriori tempore afflicta erat; ast ita non erit Judaea.

15) *וְיָרֵךְ הַיָּם* via maris, nempe Gennesareth, quod erat limes orientalis tribus Zebulon; *וְיָרֵךְ* adverbialiter h. l. venit pro versus, ut Deut. 1, 2. 19. Ezech. 8, 5. 21, 2. 40, 20.; id hic commode exprimitur tractus.

16) Cis Jordanem, *עַכְרָ* significat cis et trans; ambiguitas contextu, substrata materia, aut adjecto quopiam figitur, ut Deut. 3, 8. 4, 49. 1 Sam. 31, 7. Jos. 1, 15. 9, 1. 12, 1. Num. 34, 15. 35, 14.

17) Populus ille (cum articulo) ambulans in tenebris et habitans in umbra mortis' i. e. caligine densissima, est ille, qui 8, 21—22. in angustia, tenebris et caligine languebat, nempe populus regni Judae in irruptione Sancheribi, cujus sors misera nequaquam sorti Zebulon et Naphthali similis erit, sed felicitas ipsi redibit, quae ortu la-

cabis gentem, augbis ei 18) laetitiam, et laetabuntur coram te sicut in laetitia messis, sicut exsultant, qui dividunt praedam; 19) quia jugum onerosum, et vectem humeri, et baculum exactoris, sicut in die Madian 20),

cis significatur; sine tropo: Judaei per clade'm Sancheribi a jugo Assyriorum liberabuntur. Quia לך collectivum est, jungitur participio plurali לך. Locus hic ex versione Alexandrina, ob quampiam similitudinem ad commodatur Matth. 4, 13 — 15, ut Jes. 53, 4. Matth. 8, 17.

18) Textus receptus exhibet לך non, cum לך, (lege לך ipsi), quod in textu sistunt codd. 13, forte 3, nunc 1, pr. 4., Syrus, Chaldaeus, Saadiah Haggaon, et postulant praecedentia de luce seu felicitate, et subsequencia de laetitia, quae utique de clade et fuga Sancheribi permagna erat.

19) De gaudio tempore messis et distributionis praedae consule meam Germ. Arch. Bibl. P. L. T. I. §. 71. p. 333 et P. II. T. II. §. 246. p. 514 — 516. Qui solas primitias messis, et donaria, ex praeda templo et sacrificiis sacrata, indicari putant, sensum nimis coarctant.

20) לך jugum oneris ejus, i.e. onerosum, quod, uti vectis, humero jumentorum incumbens, uti vectis humeri et baculus exactoris jumenta impellentis, vel operarios urgentis, est imago servitutis. Sensus est: clade Sancheribi recuperabitur libertas ab aliena dominatione. Dies Midian est praelium, quo Midianitae per Gideonem prostrati sunt, Jud. 7 et 8.

confregisti. Nam omnes calceantes se, non- 4
 nisi ad trepidationem (se calceabunt 21): vestes ve-
 lutabuntur in sanguine, et erunt incendio, pa-
 bulum ignis. 22) Nam paer nobis natus, et filius 5
 nobis datus est 23), in cuius humero crit impe-

Haec liberatio iisdem fere verbis praedicitur etiam
 Jes. 10, 26—27.

- 21) **יָנַד יָנַד** calceando se calceans, a Syriaco
יָנַד calceavit, et **נָנַד**, ut Chald. **נָנַד** et **נָנַד**,
 calceus, cf. Bar. Hebr. Dynast. p. 347. lin. 18. De
 calceis vel ocreis militaribus sermo est, de quibus
 vide meam Bibl. Arch. P. II. T. II. §. 220 p. 412. Spe-
 cies pro omni genere armorum ponitur, et sensus
 est: milites frustra se armabunt; non enim erit nisi
 trepidatio; **שָׁמַיִם** nunquam est strepitus, ut qui-
 piam h. l. vertunt, sed semper trepidatio, com-
 motio.
- 22) Vestimenta sanguine corrupta, uti et arma con-
 fracta, a fugientibus hostibus relictis, concrema-
 bantur, Ps. 49, 9—10 Ezech. 39, 9—10.
- 23) His et sequentibus exponitur, per quem Iudaei a
 iugo Assyriorum liberabuntur, nempe per Hizkiam
 filium regis Achaz, tum jam saltem 15 annos natum;
 quare haec verti nequeunt in Futuro, nisi nexum
 cum prioribus rumpere velis. Humeris huius filii
 fulciatur imperium. Qui haec de Messia explicant,
 connexionem cum praecedentibus violenter dila-
 cerant.

rium, et vocabitur 24) nomen ejus admirabilis 25), consiliarius 26), deus 27), fortis 28), pater

24) וִּיקְרָא et vocabit (vocans), i. e., vocabitur, vel vocari poterit.

25) פֶּלֶא admirandus, admirabilis, quod nomen Hizkiae adprime convenit, tum ob inconcussam in Deum fiduciam et admirabilem liberationem a Sancheribo, tum ob illam, a Jesaia praedictam sanationem morbi, Jes. 38 et 39. 2 Reg. 18, 3 — 8. 2 Paral. 29, 1—32. Nomen quidem פֶּלֶא sibi vindicat ille legatus Jehovae et simul Jehova Jud. 13, 18; inde autem non consequitur, nomen esse ubique divinum.

26) יוֹעֵץ consiliarius; perspicacia et consilio praeditus erat Hizkias, se non dedens Sancheribo, ut eventus comprobavit. Quod Jes. 11, 2. legitur רוּחַ עֵצָה spiritus consilii, ut vidimus, aliud edicit; ex usu enim loquendi in illo orationis praesertim nexu est spiritus propheticus.

27) אֵל, uti אֱלֹהִים, etiam de viris eminentibus usitatum est, sicut de Nebucadnezare Ezech. 31, 11. et de iudicibus Ps. 82, 1. Ezech. 32, 21 Job. 41, 17; significat enim proprie fortem, qualis erat Hizkias.

28) גִּבּוֹר heros, potens, passim de hominibus occurrit; de Deo autem fere semper cum articulo הָאֵל הגִּבּוֹר Deut. 10, 17. Jer. 32, 18. Neh. 9, 32; raro sine articulo, ut Jes. 10, 21.

seculi 29). princeps pacis. 30) Non erit finis magnitudinis imperii et pacis super throno Davidis, et regni ejus ad firmandum et stabiliendum ipsum per jus et justitiam a nunc usque in seculum. 31) Aemulatio Jehovae omnipotentis 32) hoc perficiet.

Argumentum Jes. 9, 1—6.

Propheta 8, 19—22 graviter monet, ne in irruptione Sanheribi se ad deos et idola convertant, aut necromantas et hariolos consulant, sed ut legem observent, quod nisi fecerint, in acerbissimas calamitates incident.

29) אבִּי עַד pater seculi. Arabibus haec phrasis possessorem significat, Hebraeis autem non solum auctorem Gen. 4, 20—21., sed etiam gubernatorem Jes. 22, 21. — עַד, sicut עוֹלָם, etiam de longo tempore usurpari, notissimum est. Sensus itaque est: gubernator longi temporis, seu sui temporis, fere idem ac pater patriae, sicut Jes. 22, 21. Eliakim dicitur pater incolarum Jerusalem.

30) Excepto unico bello 2 Reg. 18, 8. Hizkias pacem coluit.

31) Hyperbolica descriptio regni Hizkiae, qui reapse thronum Davidis, irruptione Sanheribi concussum, in diuturnum tempus firmavit, cultum divinum restituit, et 2 Reg. 18, 15. omnibus aliis regibus praefertur.

32) Aemulatio Jehovae pro Hebraeis, seu amor quo Jehova Hebraeos complectitur, et fovet.

Attamen hae Judaeorum, calamitates 8, 23—9, 6., non erunt, ut calamitates regionis Zebulon et Naphthali, perpetuae aut diuturnae, sed in magnam convertentur felicitatem et laetitiam, quia ab aliena dominatione, ut olim a Midianitis, subito liberabuntur, et quidem per regem, qui tum juvenis erat, aliquando autem, regnum adeptus, omnibus admirationi erit, prudens, forti animo, pater patriae, et pacificus, ac thronum Davidis recta justitiae administratione in longum tempus firmabit. — Qui attente consideraverit, ea, quae dicuntur 8, 23—9, 6., arcte cohaerere cum illis, quae 8, 19—22. de calamitate praecedunt: negare non poterit, utrobique de eodem tempore esse sermonem. Quodsi igitur, quod perspicuum est, et a nemine negatur, comma 8, 19—22. de irruptione Sancheribi intelligendum est; profecto 8, 23—9, 6. de clade Sancheribi, de liberatione Judaeorum et de Hizkia agit. — Qui vaticinium nihilominus de Messia interpretantur, nec non magnopere repugnantem habebunt, si ostenderint, Prophetam potuisse Messiam, in prospectu prophetico visum, tam arcte cum liberatione a Sancheribo, nectere, imo et dicere, puerum jam natum, et filium jam datum esse, qui omnia restitutus est. Grandia autem illa epitheta, quae huic, jam tum nato regi tribuuntur, Hizkiae adprime convenire, in notis versionibus subjectis vidimus. — Siquis haec de Immanuele Jes. 7, 11—14. dici putat, immemor est, hunc Achazo promitti in portentum, nullum autem ipsi tribui regnum; nam terra vel regio Immanuelis Jes. 8, 8. non amplius in-

naît, nisi patriam ejus, sicut Gen. 32, 1. patria Abrahami dicitur terra seu regio ejus.

Mich. 5, 1 — 3.

Vaticinia Michae 1, 2 — 5, 14. uno sermone decurrunt; quare, ut nexus segmenti 5, 1 — 8. perspiciatur, paucis exponenda sunt.

Propheta orditur 1, 2 — 5. praedicendo calamitates, quae utrique Hebraeorum regno ob idololatriciam aliaque scelera imminabant, et mox 1, 6 — 7. Samariae impendens plenum vaticinatur excidium, (quod per Salmanassarem sexto anno Hizkiae 2 Reg. 17 consecutum est). Calamitas autem attinget etiam regnum Juda, Jerusalem et urbes finitimas, 1, 8 — 16. (Irruptio Sancheribi 2 Reg. 18, 13 — 19, 37. 2 Paral. 32, 1 — 21. Jes. 36, 1 — 37, 38). Dein Propheta scelera, quae e. 1, 2 — 5. attigerat, exponit, et reprehendit 2, 1 — 5. illos, qui, libidine acquirendi, atroces violentias exercebant, quas sequetur castigatio. (In utroque regno: eversio regni Israel, et irruptio Sancheribi in regnum Juda.) Corripit dein 2, 6 — 10. illos, qui, infausta haec vaticinia abhorrentes, postulabant laeta, etsi et ipsi violenti erant raptores et poena digni, quam eis etiam impenderé affirmat, nempe exilium. (Id ad utrumque regnum pertinet) Subsannando pergit. Micha 2, 11 — 13, 30. acceptum fore prophetam, si fausta, etsi falsa, promitteret; ast ipse e contrario 3, 1 — 4 — 7 — 12. injustos et crudeles carpit magistratus, pseudoprophetas pro mercede laeta promittentes, et avaros

sacerdotes, atque 3, 12. diserte praedicit, propterea montem Zion in campum arabilem, et Jerusalem in acervum lapidum redigendam esse, (per Chaldaeos 2 Reg. 24, 18 — 25, 30. 2 Paral. 36, 11 — 21. Jer. 39; 1 — 18. 52; 1 — 34.) Ast templum (cum urbe dirutum 3, 12; aliquando autem restitutum) 4, 1 — 7. fiet celeberrimum, et a gentibus quoque frequentabitur; Hebraei etiam ipsi, ex exilio reduces, Deum constanter colent (sub monarchia Persarum et Graecorum), et v. 8. rursus habebunt reges proprios (Hasmonaeos). Ante autem quam id futurum sit, Judaei (per Chaldaeos) acerbissima calamitate opprimuntur, reges suos amittent; et migrabunt in Babyloniam 4, 9 — 11, ut jam 3, 12. per eversionem urbis insinuatum fuit. Aliquando autem 4, 12 — 14. Judaei rursus erunt hostibus superiores, eosque, etsi contumeliose tractati, debellabunt, (Syro-Macedones post exilium sub Maccabaeis, seu Hasmonaeis, sicut jam 4, 7 — 8. obscurius dictum fuit) Prodebit denique 5, 1 — 3. ex Bethlehém Ephratha, ex stirpe ab antiquis temporibus celebri, rex insignis; praecedet autem magna calamitas, (oppressio Antiochi Epiphanis.) Rex vero ille a Deo roborabitur, et excelsa Dei potentia nixus subsistet, atque celebrabitur usque ad terminos terrae. Sequi-

tur denique 5, 4 — 14. vaticinia de victoriis (Maccabaeorum), prout 4, 8. 12 — 14. praecesserat. *)

Promissio itaque regis, e Bethlechemo egressuri, media est inter vaticinia de victoriis Hasmonaeorum; ast temporis ordinem in vaticiniis non observari, jam multis exemplis comprobatum est, ut turbare neminem possit.

Mich. 5, 1 — 3.

„Tu autem Bethlechem Ephratha, minor 1
„quidem es, quam ut sis inter millia Judae 1);
„ex te tamen prodibit, qui sit dominator Israeli-

- 1) Bethlechem, aliunde ignobilis, et solummodo, quia solum natale erat Davidis, celebris, sex milliaribus Romanis (1 1/5 mill. Germ.) a Jerusalem ad austrum distans vicus, cognominatur Ephratha, ut distinguatur a Bethlechem in tribu Zebulon, Jos. 19, 15.; hinc etiam Matth. 2, 6. additur γη Ιουδα. Non habebat 1000 cives, ut majoribus familiis accenseri posset, et proprio chiliarchae pareret. Exod. 18, 21. Deut. 33, 17. Jos. 22, 14. 2 Paral. 17, 24. Eruditi Judaei Matth. 2, 6., vel interrogative legerunt hanc sententiam, unde sensus negativus emergebat, vel sensum expresserunt: etsi parva, tamen etc., ὅπως ελαχιστή ἐν τοῖς ἡγεμοσίν,

*) V. 4. e. 5. non pertinet ad regem e Bethlechem progressurum, sed ad sequentia, et וְשָׁלֵו non significat pacem, sed felicitatem; nam de felicibus armis et bellis sermo est.

„tarum 2), et cujus prosapia antiqua et a tempore „vetusto (celebris est 3).“ Verum (Jehova) tradet eos, donec parturiens pepererit 4), et reliqui fra-

enunciarent nempe מְאַלְפֵי, cf. Kvi Noel Comment. in L. L. Hist. N. T. T. I. p. 43 — 44. Ceterum Bêthlechem masculine construitur, uti nomina urbium etiam in dialecto Arabica nonnunquam masculine usurpantur. — הִי est Dativus commodi, quem in versione negleximus.

2) מֶשֶׁל dominans, dominator; מֶשֶׁל dominatus est, notio Hebraeis priva; ast מֶשֶׁל parabola, similitudo, sententia, proverbium,

= Aram. מִתְּל Arab. مَثَل similis fuit, assimilavit, similitudine, parabola aut carmine usus est. Hunc dominatorem esse Messiam agnoscebant Judaei aetate Christi Matth. 2, 5 — 6. Joh. 7, 41 — 42., et omnes etiam recentiores confitentur.

3) מוֹצֵאֵתָיו exitus ejus, pluralis magnitudinis. Vox quidem alias de prosapia non occurrit; ast מוֹצֵא hac notione usurpatur, Jes. 11, 1. 48, 1. 51, 1. Gen. 16, 6. 25, 25. Ceterum in hac sententia supple: celebris est.

4) לָבֵן non tantum ideo, propterea, sed etiam verum, nihilominus, ut Jer. 16, 14. 30, 16. Hos. 2, 16. Jcs. 7, 14. 30, 18. Ezech. 39, 25. — יִתֶּנֶם dabit, i. e., tradet eos Jehova hostibus, quos recentiores quipiam censent esse Chaldaeos,

tres ejus redierint ad Israelitas. 5) Tum consistet 6)

ut c. 4, 13.; verum hi medium inter Syro-Macedones 4, 14. et 5, 4, seqq. locum sibi vindicare non possunt; intelligendi sunt Syro-Macedones sub Antiocho Epiphane. — Parturiens est filia Jerusalem, seu populus Judaicus, qui ut matrona sistitur; et persecutiones Antiochi Epiphanis comparantur doloribus partus, cf. Bibl. Arch. P. I. T. II. §, 212. p. 355. Hac imagine utitur Propheta etiam c. 4, 10., ubi eam quoque explicat. Nec obstat, quod praecessit: tradet eos; nam notissimum est, Hebraeos in eadem orationis serie non raro propria jungere in propriis, et tropica propriis.

- 5) Fratres ejus (dominatoris) sunt Israelitae, qui audita felici contribulum suorum sorte, qua, devictis Syro-Macedonibus, usuri sunt, revertentur in patriam. Dicuntur redituri ad Israelitas, **יְרֵאֵל**, quia non solum regnum Juda aut regnum Israel, sed integra gens; cujus potior pars illo aevo in Palaestina erit, et reapse erat, designanda erat, conf. Mal. 1, 1. Zach. 12, 1.

- 6) **וַעֲמַד** Vau praefixum valet tunc, tum, ut Jud. 15, 10. 2 Sam. 12, 5. 1 Reg. 1, 21. Dan. 8, 17. 1 Paral. 19, 11. — **עָמַד** stetit, et etiam constitit, perstitit, perseveravit, ut Exod. 30, 23. Ps. 33, 11. Amos 2, 15. Ezech. 13, 8. 1 Sam. 30, 9 — 10. Jer. 32, 14. 48, 11. Arabibus **عَمَد** est gravavit, sed in IV fulcro sustinuit, i. e. consistere fecit.

et regnabit 7), roboratus a Jehova 8), per excel-
sam potentiam Jehovae Dei sui. 9) Habitabunt ita-
que (secure 10), quia tunc magnus erit usque ad
terminos terrae. 11)

Argumentum Mich. 5, 1 — 3.

Rex insignis, qui promittitur, non armis, non bellis
sed operatione divina et singulari Dei potentia per-

7) וְרָעָה et pascet, i. e., regnabit; persistet
et regnabit, i. e. perseveranter regnabit

8) בָּעֶז׃ in robore, vel per robur aut po-
tentiam Jehovae, i. e., a Jehova roborat-
us, seu operatione divina regnabit.

9) בְּגִאוֹן in celsitudine, loco Adjectivi, ex-
celsa. — שֵׁם nomen Jehovae, jam idem est ac
Jehova, jam gloria, majestas Jehovae,
jam etiam potentia Jehovae, ut Ps. 20, 2. 33,
21. 44, 6. 54, 3. 75, 2. 89, 25. 124. 3. Act. Apost.
4, 7., et hanc notionem postulat praecedens עֶז׃
robur, potentia. — In celsitudine potentiae
Jehovae, i. e., excelsa et eminenti potentia Je-
hovae (non armis et bellis) confirmatus per-
severanter regnabit.

10) וְיָשְׁבוּ (mente supplendum est לְבֶטֶחַ) et habi-
tabunt secure, quod ad integritatem imaginis
pertinet.

11) עַד אֶפְסֵי אֶרֶץ usque ad terminos terrae,
non solius Palaestinae; nam id reliquis encomiis
minus esset, sed usque ad fines orbis terra-
rum, seu latissime.

severanter regnaturus, et usque ad fines orbis terrarum celeberrimus 5, 3., oppositus est aliis post exsilium regibus nempe Hasmonaeis 4, 8., et egressurus dicitur ex Bethlechem, quod quidem tropice de stirpe Davidis seu Isai Jes. 11, 1., intelligi posset, a Judaeis autem aetate Jesu proprie exponebatur de loco nativitatis, Matth. 2, 4 — 6. Joh. 7, 14., quod eventu comprobatum fuit. Matth. 2, 1. Luc. 2, 4—7. Tempus adventus etiam aliquatenus definitur; venturus enim dicitur, postquam matrona partum ediderit, i. e., populus Judaicus magnam rerum conversionem subierit, qua quidem captivitas Babylonica et reditus in patriam intelligi potuit, vero similis autem, eventu comprobante, simul persecutio Antiochi Epiphanis et revolutio per Maccabaeos adducta, indicatur. Hinc liquet, his nequaquam Hizkiam, aut ullum alium regem adumbrari nisi Messiam, qui, cum illo aevo verbis propriis describi nec potuerit nec debuerit, astitit imagine regis terreni, usque ad terminos orbis terrarum celeberrimi, et civibus suis sine vi armorum securam habitationem, seu sine imagine, salutem et felicitatem paraturi, ac simul perpetuo regnaturi, quod ipsum etiam supra vidimus Ezechielem 37, 25. discretis verbis praedixisse, nec ullibi alterius Davidis successorem memorari deprehendimus; hinc Judaei Joh. 12, 34. dicunt: ἡμεῖς ᾤκησάμεν ἐκ τῆ νόμῃ (quo nomine etiam omnes libri sacri appellabantur), ὅτι χρίστος μένει εἰς τὸν αἰῶνα, nos audivimus ex lege (e libris sacris), Christum mansurum in perpetuum.

Dixit porro Jehova ad me: „age! ama mulie- 1
 „reni, quae amatur a marito et moechatur 1),
 „sicut Jehova amat Israelitas 2), qui se vertunt
 „ad alios deos, et amant mel uvarum passarum.
 „3)“ Emi itaque eam mihi 4) quindecim argenti. 2

1) לך vade, idem valet ac age; a ילך ivit. — אהב
 ama, h. l. idem ac desponsa tibi, ut patet ex
 sequenti emtione v. 2. — רע amicus, proxi-
 mus, h. l. est maritus, et cum participio passivo
 אהבת, amata, constructum, in Ablativo vertendum.

2) כאהבת secundum amorem, Substantivum
 pro Infinitivo, qui venit pro modo finito, sicut
 amat; similem syntaxim vide Deut. 7, 8. 10, 15.
 1 Reg. 10, 9. Hos. 9, 15. 2 Paral. 2, 11. 9, 8.

3) אששים alias, ut Jes. 16, 7., sunt funda-
 menta, sicut أسيس, Syr. אשיתא, et Chald.
 אשיא; verum h. l. venit pro אשישה massa ex
 musto uvarum decocta, uti Syrus vertit: mel
 uvarum passarum, de quo cf. Olearii Reis.
 S. 577. vel Gesenii Lexicon p. 69 et Michaelis
 Suppl. p. 140 — 142. Dulcedines sunt illecebrae
 mulierum; sine tropo: Hebraei amant illecebras
 idololatriae.

4) אכרה emi; Dagesch in Caph est euphonicum,
 כרה non tantum fodit, sed etiam emit, ut Deut.

2, 6.; affine est סר conduxit.

(siclis) atque Chomero et Lethecho hordei. 5)
 Dixi autem ad eam: „diuturno tempore me ex- 3
 „spectabis 6); non scortaberis, nec eris alterius
 „7), neque ego ero tuus. 8)“ — Nam 9) diuturno
 tempore manebunt Israelitae sine rege, sine prin- 4

5) De emtione sponsarum, de siclis, Chomero et Lethech, vide Bibl. Arch. Latinam §. 114. — 116 p. 200 — 203. et §. 153. p. 160, Chaldaeus exponit symbolum: „redemi eos בְּחֵמֶרִי; per verbum „meum, 15 mensis Nisan, et dedi in redemptionem „vitae eorum argentum siclorum, et praecepi, ut „offerrent coram me manipulum hordei“ etc.; quid symbolo reapae designetur, exponitur v. 4 — 5.

6) וְתַשְׁבִּי לִי sedebis mihi, i. e., exspectabis me, cf. Exod. 14, 14. Jer. 3, 2.; nempe nuptias exspectare iubet, quas inter et desponsationem aliunde fere spatium anni relinquebatur, quod hic in longius indefinitum tempus extenditur, cf. meam Arch. Germ. P. I. T. II. §. 179. p. 250.

7) Non eris vel non fies alterius nempe sponsa vel uxor.

8) וְנָתַתִּי אֵלַיךְ (intelligendum est לֹא ex praecedenti membro, ut Ps. 9, 19. 38, 2. coll. 6, 2. 44, 19.) et ego (non) ad te (accedam), seu te non per nuptias domum deducam.

9) Intellige: ut adumbretur, quod Israelitis immolet; nam etc., vel si magis placet, וְ verendum est: sic.

cipe, sine sacrificio, sine statua, sine Ephod,
 10) sine Theraphim 11). Deinde rursus quaerent 5
 Israelitae Jehovam Deum suum et David regem
 suum 12), et venerabundi venient 13) ad Jeho-
 vam et ad felicitatem, quam illo futuro tempore
 largietur. 14)

10) Ephod summi pontificis descripsimus in Germ.
 Bibl. Arch. P. III. §. 90. p. 351 — 352.; simile
 vestimentum etiam in regno Israel summus sacer-
 dos vitulorum aureorum, qui hic nomine statuae,
 מַצֵּבָה veniunt, usurpasse videtur; ad praesentem
 enim tum temporis rerum statum respicit Propheta:
 erunt sine his omnibus, quae nunc ha-
 bent.

11) De Theraphim consule Germ. Bibl. Arch. P. III.
 §. 9. p. 44. et §. 135. p. 504.

12) יָשׁוּבוּ וְיִבְקְשׁוּ revertentur...et quaerent,
 i. e., rursus quaerent, nempe gratiam et
 favorem Jehovae etc.; intellige: et inve-
 nient eum; est enim contrarium praecedentis
 versus, ubi Israelitae, etsi ab idololatria alieni,
 gratia et favore Dei destituuntur. Convertent
 se et quaerent, ut aliqui vertunt, praecedenti.
 bus repugnat, ubi sistuntur sine idololatria.

13) וְיִפְחַדּוּ אֵל וְיִפְחַדּוּ אֵל et trepidabunt ad Jehovam,
 sententia praegnans pro: venient trepidantes,
 venerabundi.

14) וְאֵל טוֹב et ad bonum, vel benignitatem

. Argumentum Hos. 3, 1 — 5.

Hoseas c. 1. per Gomer, filiam Diblaim, primam suam uxorem adulteram adumbraverat idololatricam et corruptionem regni Israel, atque per nomina trium prolium, quas uxor illa peperit, indicaverat imminuentem poenam, scilicet excidium et exsilium, a Deo irrevocabiliter decretum, cui c. 2, 1 — 3. subjungit promissionem reditus in patriam. Utrumque deinde c. 2, 4 — 25. sine symbolis, verbis propriis exposuit. Jam c. 3., ut vidimus, subjungit symbolum secundae uxoris, quam aequae adulteram sibi desponsat, ea tamen lege, ut longiori tempore honestam et pudicam sponsae vitam vivat, nec alterius fiat sponsa aut uxor, neque ipse eam per nuptias domum deducat, ut ita adumbretur futura Israelitarum diuturna conditio, nempe exsilium, in quo, etsi deos alios non colent, Deum tamen non habebunt maritum faventem, donec futuro aliquando tempore rursus tum Dei, tum regis Davidis gratiam quaerant et consequantur.

Hoc vaticinio, si ordini insistere liceret, aliud indicaretur exsilium, quam illud Assyriacum, quod jam c. 1. et 2. praedictum fuit; hinc quipiam Judaei, ut paraphrastes Jonathan et Abenezra, praesens longum omnium Hebraeorum exsilium intelligunt, ex

favorem, felicitatem quam eis parabit. אַחֲרֵית הַיָּמִים
postremitas dierum, est tempus futurum indefinitum.

quo, ut sperant, Messias ipsos reducet in patriam. Christiani autem interpretes permulti censent, praedici, Judaeos in moderno exsilio aliquando Messiam Jesum agnituros, quod etiam Paulus Rom. 11, 25—26. praedixit. Verum Hoseas non de omnibus Hebraeis, sed de 10 duntaxat tribubus, quas hoc c. 3., sicut c. 1. et 2. vocat בְּנֵי יִשְׂרָאֵל, loquitur; quare de praesenti omnium Hebraeorum exsilio sine violentia explicari vix potest.

Repetit potius, more aliorum prophetarum, et ex alia parte sistit Assyriacum decem tribuum exsiliū, quod jam c. 1. praedixerat, et adumbrat ipsum ut longiori tempore duraturum, et demum secuturum reditum, atque huic reditui, ut alii prophetae, jungit promissionem Messiae, quin tempus adventus definiat, aut ullum ejus characterem praeter originem ex prosapia Davidis prodat. — Qui pro praesenti omnium Hebraeorum exsilio provocant ad v. 4, quo exulantes sistuntur ab idololatria alieni, non observant, hunc statum non esse omnium Hebraeorum, sed duntaxat decem tribuum, et opponi idololatriae et τῇ μωσχαλᾶττειᾳ actate Prophetarum, ac in exsilio Assyriacoper multos Israelitas fuisse fideles Dei cultores, dubitari non potest, de reliquis autem, idolololentibus, hic non est sermo.

Amos 9. 11—15.

„Tempore illo 1) erigam tugurium Davidis, 11

1) בֵּינֵי הָהָאן dic, seu tempore illo indefinito post exsiliū, de quo sermo praecessit.

„quod collapsum erit 2), obsepianque rupturas
 „ejus 3), ac diruta ejus restaurabo 4), et aedifica-
 „bo ipsum, quale erat temporibus pristinis. 5) Ideo 6)

2) סִכָּה (a סִכָּךְ texit) tugurium, sine tropo, pala-
 tium, seu dignitas regia; Amos pastor tropos a pa-
 storibus, e quibus et David olim fuerat, desumere
 amat. — הַנִּפְלֶת quod cadens, i. e., collapsum
 erit. Qui contendunt, Participia cum articulo sem-
 per sisterè tempus praeteritum, refelluntur locis
 Gen. 14, 7. Exod. 11, 18. Num. 13, 18. 14, 15.
 et al.

3) גִּרְתִּי obsepian; tuguria pastorum ramis con-
 struuntur aut macerie, de qua Num. 32, 16. occur-
 rit derivatum גִּרְהָ = جِدِيرَة sepimentum. —

rupturas eorum; suffixum plurale mag-
 nitudinem innuit; פָּרַץ ruptura; פָּרַץ rupit =

פָּרַץ secuit, laceravit.

4) הָרַס diruit, destruxit = הָרַס contudit vehementius. Suf-
 fixum masculinum singulare refertur ad Davidem.

5) כִּימֵי עוֹלָם sicut diebus seculi, i. e., tem-
 poribus pristinis.

6) לְמַעַן propter, h. l., ut saepe, duntaxat *εὐβατῆως*,
 ubi verti potest ideo, sicut Hos. 8, 4, Exod. 11, 9.
 Jer. 27, 15. Ps. 30, 13. Haec ambiguitas particu-
 lae nostram sententiam ambiguum reddit; si veritas
 ut, pertinebit ad restitutam dignitatem regiam; si

„acquirent reliquias Edomitarum 7) et omni- 12
 „um gentium, quae a nomine meo denominabun-
 „tur 8) „est effatum Jehovae, qui hoc praestabit. 13
 „Ecce dies venient“, est effatum Jehovae, „qui-
 „bus arator attinget messorum, et calcator uva-
 „rum seminantem 9), et montes stillabunt musto,
 „ac colles redundabunt. 10) Reducam enim cap- 14
 „tivum populum meum Israel. Aedificabunt urbes
 „vastatas, et habitabunt (eas) ; plantabunt vi-
 „neas, et bibent vinum earum; serebunt hor-
 „tos, et manducabunt fructus eorum. 11) Nam 15

autem veritas i d e o, sententia pertinet ad aetatem auream, quae mox describitur secutura post reditum ex exilio, et ita vertendum esse, non solum eventus, sed etiam collatio vaticiniorum, quae supra pertractavimus, docet.

7) Alexandrinus in cod. Alex. *ἔτιως ἐκζητήσωσιν* *οἱ λοιποὶ τῶν ἀνθρώπων τὸν κύριον*, et ita adducitur locus Act. 5, 17. ; legit itaque *יְיָ* pro *יְיָ*, et *דָּם* pro *דָּם*; verum lectiones hae in nullo codice repertae sunt, probari itaque vix possunt.

8) Quae nempe cum Hebraeis coalescentes vocabuntur populus Jehovae, cf. 63, 19. Jer. 14, 9.

9) Similis promissio ubertatis legitur Lev. 26, 5.

10) V. 13. est descriptio aetatis aureae, quae secutura sistitur post reditum ex captivitate.

11) His contraria non raro comminantur Prophetae,

„plantabo eos in regione sua 12), ut non rursus
„evellantur e regione, quam eis dedi“, ait Jeho-
va Deus tuus.

Argumentum Amos 9, 11—15:

Propheta Amos, inde a c. 1, 2. usque ad c. 9, 10. totus in eo est, ut regno Israel exprobet idololatriam et aliaque scelera, ac annunciet excidium et exilium, in quo autem, ut c. 9, 7—10. addit, probi conservabuntur, atque his promittitur c. 9, 11. restitutio ever-sae dignitatis regiae in familia Davidis. Quae v. 12—15. sequuntur, pertinent ad tempora post reditum ex captivitate, quibus Idumaeam aliasque regiones occupabunt, quarum incolae superstites religionem Jehovae amplectentur, et cum Hebraeis in unum Dei populum coalescent, uti demum sub Hasmonaeis contigit. Aetas aurea, seu prospera tempora, quae in sequentibus promittuntur, sunt illa omnia secula, quibus Hebraei post exilium in regione sua habitarent. — Haec omnia una imagine adumbrantur, quia Prophetarum distantiam temporum non discernebant. Ce-

quibus significant irruptiones hostium, qui consumerent fruges et fructus, quos Hebraei ex labore suo expectabant. Itaque h. l. promittitur imminuitas ab irruptionibus hostium, et secunda habitatio in patria, quae sub imperio Persarum et Graecorum secuta est.

12) In regione sua, quasi arbores, quae in solo ipsis proprio et apto plantatae, laetae crescunt.

terum Amos, sicuti in vaticiniis hucusque pertractatis observavimus, nullam bellorum in novo regno Davidico mentionem facit; nam acquisitio Edomitaram aliarumque gentium non ad hunc alterum Davidem, sed ad Hasmonaeos spectat. Restitutio ever-sae dignitatis regiae juncta quidem, ut in aliis vaticiniis, redditui ex captivitate, sed magis vaga et indefinita est, et ex collatione vaticiniorum, quae supra pertractavimus, explicanda et illustranda, cf. Mich. 5, 1—3. Jes. 11, 1—6. Jer. 23, 5. 30; 9. Ezech. 34, 23—24. 37, 24. Id unum notatu dignum est, Amosum sumere, tugurium Davidis fore collapsum, i. e. familiam ejus fore humiliatam aut sceptro prorsus privatam, quod ab aetate Prophetæ longo temporis intervallo distabat.

Ps. 89, 29—38.

Vaticiniis modo pertractatis, tum argumento, tum aetate, parallelus est Psalmus 89.; nam auctorem ejus non esse, quem inscriptio praefert, coaevum Davidi Ethanem-Ezrachitam, satis constat, et quamquam in constituenda ignoti Psaltis aetate sub judicelis est, haec tamen nostra parum refert; nam sive aetate Hiz-kiae et Jesaiae, ut mihi quidem videtur, sive aetate Jeremiae et Ezechielis vixerit, prout censet Mün-tinghe Anmerk. zu den Psalmen S. 145—146.: ad eam temporis periodum pertinet, cujus Prophetas modo excussimus, quibuscum etiam argumentum Psalmi convenit. Psalter orditur v. 2 — 3. a laude divinae clementiae, cujus mox insigne documentum v. 4 — 5. subjungit, scilicet promissionem per-

petui in familia Davidis throni; hinc v. 6—19. immensam Dei benignitatem et potentiam celebrat, qui, quod promisit, praestare potest et praestabit. Redit dein rursus ad illam promissionem, eamque pluribus exponit v. 20—28., et illam throni perpetuitatem v. 29—38 de vera aeternitate explicat. Erumpit demum in querelas de misera nunc familiae Davidis sorte, et precibus concludit, v. 39—52. Illam throni aeternitatem Deus, quem Psaltes loquentem inducit, sequentibus exponit:

Perpetuo conservabo ei (Davidi) gratiam meam, 29
Et foedus meum cum ipso erit stabile. 1)
Nam in aeternum sustinebo progeniem ejus 2), 30
Et thronum ejus sicut dies coeli. 3)
Si dereliquerint posteri ejus legem meam, 31
Et constitutiones meas 4) non observaverint;
Si statuta mea profanaverint, 32

1) כְּרִית foedus, auctori hujus Psalmi est promissio, quae foederi inest. — נֶאֱמְנָת firmata, firma, stabilis, fidelis; participium VII. ab אָמֵן = אֱמֵן confisus est, אָמֵן securus fuit, fidem habuit, concredidit, אֱמֵן fidus fuit.

2) Sustinebo, שְׁמַתִּי proprie ponam vel faciam nempe firmum.

3) Dies coeli, i. e., quamdiu coelum persistet, quo explicatur praecedens לְעֶד in aeternum.

4) מִשְׁפָּטִים judicia h. l. sunt constitutiones, decreta.

Et praecepta mea non custodiverint :	
Virga 5) animadvertam in praevaricationem eorum,	32
Et plagis in iniquitatem eorum;	
Ast gratiam meam non retractabo 6),	34
Nec contra veracitatem meam mentiar 7);	
Non profanabo foedus meum 8),	35
Nec mutabo eloquium labiorum meorum. 9)	
Semel juravi per sanctitatem meam 10):	36

- 5) שֵׁבֶט virga, baculus, sceptrum; h. l., ut Prov. 23, 12., virga venit de mihi et paterna castigatione.
- 6) אֶפְרָר propr. frangam (IV. אֶפְרָר et פֹּרָר), quod, ut alibi diximus, de violatione et irritatione foederis usurpatur; de amore et gratia alibi non occurrit; codd. 10. et pr. 3. ac Syrus, Chaldaeus et Hieronymus exhibent אֶפְרָר removebo, ast id ex 1 Paral. 17, 13. huc translatum esse videtur.
- 7) Beth praef. postulante contextu vertendum est contra, cf. meam Gram. L. H. §. 118, p. 401, nro. 5.
- 8) Non profanabo, oppositum est v. 32.: si profanaverint.
- 9) מִצֵּא שִׁפְתַּי exitus labiorum meorum, i. e., quod ex labiis meis exivit, nempe eloquium, seu promissio.
- 10) אֶחָד una, et etiam semel. Deus per sanctitatem suam, i. e., per seipsum jurat, de quo autem in promisso, quod 2 Sam. 7. 1 Paral.

Si Davidi mentiar: — — 11)

Progenies ejus 12) in aeternum manebit, 37

Et thronus ejus erit coram me sicut coelum,

Firmus erit in aeternum sicut luna, 38

Et sicut testis in nubibus persistens. 13)

17. refertur, et hic respicitur, nulla fit mentio; verum promissio divina vim jurisjurandi habet. Ita etiam de foedere, quod memorat auctor carminis, 2 Sam. 7 et 1 Paral. 17. nihil legitur; ast promissio divina et acceptatio Davidis rationem foederis sistit. Sanctitas Dei est ipse Deus quatenus est incomparabilis et summe venerandus.

11) Imprecatio: non sim Deus, reticetur, Num. 14, 23. 1 Sam. 24, 22. Jes. 22, 14. Sensus est: juro, me non mentiri, seu incommutabiliter spondeo.

12) זרעו semen ejus est progenies, posteritas, tenens thronum, qui, ut membro sequenti parallelo edicitur, persistet, quamdiu coelum manebit. Ambiguum לעולם sequentibus tribus membris, et etiam praecedenti v. 30. de vera aeternitate exponitur.

13) נאמן firmus Jes. 22, 23. 25.; persistens, perdurans, stabilis, 1 Sam. 2, 25. 25, 28. 1 Reg. 1, 38. 2 Sam. 7, 16.; fidus, fidelis, Deut. 7, 9. Jes. 49, 7. cf. dicta ad v. 29. Qui hunc testem in nube, seu collective, in nubibus persistentem, vel si mavis, fidum, fidelem, aut veracem, faciunt Deum, non advertunt, parum congruere praecedentia: sicut coelum, sicut luna; et de Deo dictum fuisset potius in coelo,

Argumentum Ps. 89, 29—38.

Quanta est horum verborum de duratione throni Davidici claritas, tanta contra est obscuritas, an perpetua successorum series intelligenda, an vero unus aliquando e familia Davidis in perpetuum regnaturus, sperandus esset, quod ultimum quidem ab ordine rerum humanarum tam longe abest, ut vix cuiquam in mentem venire potuisse videatur; nihilominus in recentioribus vaticiniis, quae supra pertractavimus, vidimus, Prophetas de unico alio Davide, post exilium venturo, exponere, et de successoribus ipsius altum observare silentium, ac Ezechielem c. 37, 25. unico alteri Davidi disertis verbis perpetuum regnum tribuere, ut nec opus sit, ad Mal. 3, 1. Ps. 110, 1. 5. Dan. 9, 26. provocare. Sublata ergo fuit per Prophetas illos obscuritas, quam Psalter reliquit, et quam majorem deprehendimus in ipsa promissione Davidi facta, quam Psalter adductis sententiis circumloquitur, et mox interpretabimur.

2 Sam. 7, 11—16. coll. 1 Paral. 17, 10—14.

David, devictis hostibus exoptatam pacem nac-

quam in nube; qui autem lunam esse voluit hunc testem, immemores sunt, eam jam praecessisse, et adjectum: in nubibus, lunae tribui non posse; rectum itaque viderunt, qui iridem interpretantur, quae in tenuibus nubibus resplendescit, et Gen. 9, 12 — 17. Noe in signum foederis constituta fuit,

tus, et domum magnifice exstructam incolens, consilium cepit, etiam arcae foederis, utpote throno supremi regis Jehovae, aedificandi domum, seu sacrum tabernaculum in magnificum templum convertendi. Propheta Nathan, nequaquam adulator regis 2 Sam. 12, 1—14., probat quod rex meditabatur, quia aequum et justum videbatur, 2 Sam. 7, 1—3. 1 Paral. 17, 1—3. Verum paulo post divinitus edoctus, regi refert responsum Jehovae, non ab ipso, sed a filio ejus aedificandam esse hanc domum Jehovae, 2 Sam. 7, 4—12. 1 Paral. 17, 4—11.; Jehovam autem Davidi aedificaturum esse domum, i. e., largiturum esse posteritatem tenentem thronum in perpetuum. Verba promissionis sunt:

Sed annunciat tibi Jehova, se tibi facturum 11
esse domum. 1) „Quando completi erunt dies tui, 12
„et dormies apud patres tuos: excitabo post te se-
„men seu filium tuum 2), qui exiverit ex visceribus

- 1) David decreverat, arcae, foederis, throno Jehovae, aedificare domum; Jehova autem ei nuncium mittit, se ipsi facturum domum; lusus in voce בֵּית domus, quae et aedificium significat, et familiam, de qua domus mox in sequentibus explicatur.
- 2) זרע semen, est progenies, posteritas, proprie collectivum posterum, attamen de unico etiam filio usurpatur; nostro loco, ubi regnum et thronus in perpetuum promittitur, de longa posterorum serie intelligendum est, sicut David ipse in actio-

„tuis 3), et firmum reddam regnum ejus. Ipse 13
 „aedicabit domum nomini meo 4), et firmabo
 „thronum regni ejus in perpetuum. Ego ero ei
 „pater, et ipse erit mihi filius, quem, si per-
 „verse egerit 5), castigabo virga humana et pla-
 „gis humanis 6); gratia autem mea non recedet 15
 „7) ab eo, sicut subtraxi ipsam a Saulo, quem

ne gratiarum 2 Sam. 17, 19. 1 Paral. 17, 17. explicat:

לְמַרְחֹק גַּם יִתְּרֹבֵר וְאֶל־בֵּית עַבְדְּךָ לְמַרְחֹק sed etiam
 longe dissita promissisti domui (i.e. fami-
 liae, posteris) servi tui. Ast ubi de aedificatione
 templi sermo est, solum Salomouem notat.

3) Euphemismus generationis.

4) Nomini meo, i. e., mihi, seu throno meo super
 arcam foederis.

5) Quem, refertur ad filium, qui dicitur semen seu
 posteritas, ut David 2 Sam. 17, 19. 1 Paral. 17, 17.
 exponit, adeoque non de unico Salomone dictum
 est. — בְּהִעָוֶתוֹ in perverse agendo ipsum,
 i. e., cum perverse egerit; IV. ab עָוָה curvus,
 perversus fuit, perverse egit.

6) Proprie: virga hominum et plagis filiorum
 hominis, i. e., clementer, non sicut Saulum,
 ut mox sequitur, nempe: non eum throno privabo.

7) יָסוּר Alexandrinus cum Arabe, Syrus et Vulgatus
 exprimunt אָסִיר removebo, ut 1 Paral. 17, 13;
 quipiam codd. sine sensu אָסִיר, Ps. 89. 34. substitu-
 tum legimus אָפִיר, uti supra vidimus.

„removi ante te. 8) Domus tua et regnum tuum subsistet coram te 9) in perpetuum, et thronus tuus firmus erit in perpetuum.

Argumentum 2 Sam. 7, 11 — 16.

Hoc divino Prophetæ Nathanis nuncio longam seriem posterorum, qui sceptrum retenturi sunt, promitti, nullam relinquitur dubium; et si attentius consideretur, quod dicitur v. 14., semen seu posteros Davidis ob perversam vitæ et gubernationis rationem non, ut Saulum, rejiciendos fore a throno: profecto regnum in familia Davidis subsistet, quamdiu coelum, sol, luna et iris erit, ut explicat auctor Psalmi 89, 30. 37 — 38.; nam etsi id ipsum nostro loco non, ut Ps. 89, 30. 37, 38. disertis verbis exprimitur, conditio tamen omnis, quæ exceptionem innueret, discrete excluditur.

Non desunt quidem alia nonnulla loca, in quibus aeternitas regni Davidici a conditione rectæ vitæ et justæ gubernationis suspenditur. Ipse David, morti proximus, 1 Reg. 2, 3—4. hortatur successorem Sa-

8) מִלְפָּנֶיךָ ante te; cod. Kenn. 474., Alexandrinus cum Arabe, Syrus et Vulgatus מִלְפָּנַי coram me; verum correctio est, quæ ex eo descendit, quod reges Hebræorum coram Jehova sedere dicuntur.

9) Auctor Paralipomenon L. I. 17, 14. sensum exprimit verbis: et stabiliam eum in domo mea (populo Israel), et in regno meo in perpetuum.

lomonem ad custodienda Dei mandata, ut Jehova opere compleat promissionem, quam refert his verbis: „si filii tui (posterì) custodierint viam suam, ut „ambulent in veritate (in vera religione) ex toto corde et ex tota anima sua —: non deficiet tibi vir super throno Israelitarum.“ Hoc ipsum dictum patris Davidis filius repetit Salomo 1 Reg. 8, 25. 2 Paral. 6, 16. in precibus, quas in dedicatione templi fudit. Atque ita canit etiam eadem aetate *) auctor Ps. 132, 11—12.: „Juravit Jehova Davidi veritatem, a qua „non recedet: de fructu ventris tui ponam super „thronum tuum; si custodierint filii (posterì) tui „foedus meum et doctrinas meas, quas eos docebo: „filii eorum in sempiternum, sedebunt super thronum „tuum.“ — Ast in patris adhortatione ad custodienda divina mandata 1 Reg. 2, 3—4, prorsus conveniens fuit, conditionem rectae rationis vivendi et regnandi memorare, quae ad bonum, faustum felixque regnum pertinebat; absurdum enim fuisset dicere ad Salomonem, regnum adeuntem: „thronum tenebis, sive bene, sive male egeris.“ — Ita etiam Salomo preces in dedicatione templi publice fundens 1 Reg. 8, 25. 2 Paral. 6, 16., ubi aliunde non refert nisi illa ultima verba Davidis, non potuit promissionem divinam sine

*) Psalmum 132 exaratum fuisse ad dedicationem templi, liquet ex v. 8, ubi commemoratur arca foederis in templum transferenda; falluntur igitur, qui hoc carmen rejiciunt in aetatem post exilium, quando arca foederis dudum perierat, et ad capiendam in templo sedem invitari non poterat.

conditione illa referre in hunc modum: „si posteri „tui mandata mea neglexerint: castigabo eos modo paterno, non autem eos, ut Saulum, rejiciam;“ id enim in ore regis, publice orantis, absonum fuisset, et vix non occultam propensionem in vetitum prodidisset, cum preces e contrario animum emendare et in bono firmare debeant, ut quae id non praestant, potius blasphemiae quam preces censendae sint; addam etiam illud, Salomonem in precibus utique non de alio quam de felici regno loqui potuisse, ad quod custodiam divinorum mandatorum necessariam esse, promissio illa 2 Sam. 7, 14. diserte edixit. — Denique auctor Psalmi 132., arcae translationem in templum canens, et regem Salomonem per obliquum de observatione legis, ut felix fortunatumque esset regnum ejus, monens, promissionem non potuit referre absolutam et a nulla conditione pendentem; ineptum profecto et consilio monendi contrarium fuisset canere: „jura- „vit Jehova Davidi: posteri tui, etsi scelesti et injusti „ac idololatrae fuerint, sedebunt super thronum tuum „in sempiternum.“ Si itaque his locis divina promissio, quae erat absoluta, a conditione suspenditur: manifestum tamen est, tempus, substratam materiam, genus orationis et finem loquentis non admisisse, ut conditio regni felicitis omitteretur, quam aliud agens auctor Psalm. 89, 31—34., sicuti etiam Nathan in promissione 2 Sam. 7, 14., disertis verbis excludit.

Gen. 49, 8—10.

Qui adstruunt, caput 49. Geneseos non ante

aetatem Davidis, per quem sceptrum ad tribum Juda delatum est, fuisse exaratum, fundamentum sententiae locant in lubrico admodum atque instabili loco, nulla nempe esse aut esse posse talia, qualia essent Gen. c. 49 scripta, vera vaticinia, quod non est idoneis argumentis demonstratum, nec demonstrari potest. Quae alia argumenta recentioris aetatis adducuntur, sunt ejus generis, ut emendicata esse adpareat, prout vel ex libello recentissimi ac Davidi infensissimi adversarii Joh. Christoph. Friderich Segen Jacobs Breslau 1811 liquet. Argumenta ejus singula confutare, parum negotii esset, si locus admitteret. Suffecerit monere, linguam Hebraeam et poësim hujus capitis ab aetate Davidis et Salomonis prorsus esse alienam: benedictionem Josephi, imperante tribu Juda, non facile sisti potuisse tam eminentem v. 22—26.; nec potuisse dispersionem inter posteros Jacobi, v. 7., Simoni, et in primis Levi in poenam deputari; nam si quis id post Mosen scripsisset, se risui omnium propinasset; tribus enim Levi a Mose tanta praerogativa ornata fuit, ut mox invidiam omnium reliquarum tribuum excitarit, Num. 16, 1—3, 12—17. coll. 17, 1—11., et dispersio, 42 urbibus compensata Num, 35, 1—8., poenae rationem adeo amisit, ut in maximum Levitarum commodum cesserit. Hinc jam Deut. 33, 8—10. de hac tribu non nisi honorifica canuntur. Praeterea observandum est, v. 7. solum edici, hos duos fratres aut eorum posteros a se invicem separandos esse, ne colludentes rursus tam nefaria consilia ineant, qualia Gen. 34, 6—31. inaniert, et Gen. 49, v. 5 — 6. Jacobus detestatur. —

Verum haec disputatio nunc quidem et nostro hoc loco pertractanda non est, quo sensum duntaxat commatis v. 8 10. investigamus, quem David 1 Paral. 28, 4., et auctores Ps. 60, 9 et 108, 9. 78, 67—68. respiciunt; promissionem tamen Messiae multo obscuriorem, magis vagam et minus definitam, quam 2 Sam. 7, 13—16. et 1 Paral. 17, 13—14., reperiemus.

Gen. 49, 8.

יְהוּדָה אָמַר יְהוָה אֱמִיךָ tu, es Juda (laus vel laudabilis), te laudabunt fratres tui. — יְהוּדָה laudabunt te, alludit ad notionem nominis יְהוּדָה laus, gratiarum actio; nomen derivatum ab Aor. II. formae IV. יְהוּדָה, pro יְהוּדָה Neh. 11, 17., sicut יְהוּדָה, laus, est a יְהוּדָה laudabis. Lea mater Judae, post partum dixit Gen. 29, 35.: "הַפֶּעַם אֹדְדָה אֶת" hac vice, seu nunc laudo Jehovam, et hinc proli nomen יְהוּדָה, laus, imposuit. Sensus est: ut primogenitum suspicient te fratres tui.

יָדְךָ בְּעֶרְףְּ אֶבְיָה manus tua (erit) in cervice hostium tuorum, i. e., hostibus instabis et praevalabis. — עֶרֶף cervix, conf.

אֶבֶר longa cervice praeditus, jubatus; hinc denominativum עָרַף cervicem fregit, alias stillavit Deut. 32, 2. 33, 28. — Tribus Juda prima erat in acie Num. 2, 3—9. 10, 14. Jud. 1, 1—3. 20, 18.

יִשְׁתַּחֲוּוּ לְךָ בְּנֵי אָבִיךָ adorabunt te (coram te venerabundi se inclinabunt) filii patris tui; respondet praecedenti membro: laudabunt te etc.

— Fratres tui, i. e., fratres germani; filii patris tui, i. e., fratres ex aliis patris uxoribus nati, sicut noverca dicitur uxor patris. — **הִשְׁתַּחֲוֶה** proprie se inclinare honoris exhibendi causa, cf. meam Gramm. L. H. §. 53. p. 170. lisdem fere verbis Isaac Gen. 27, 29. Jacobo contulit jus primogeniti, cf. Gen. 25, 30. 34.

Gen. 49, 9.

נֹחַ אֲרִיָּה יְהוּדָה catulus leonis est Juda.

— **נֹחַ**, Syr. **נֹרִיא** = **נֹר** catulus generatim, sed Hebraeis duntaxat de juvene leone dicitur. — **אֲרִיָּה**, Syr. **אַרְיָא**, leo: Fortitudo bellica indicatur, quae praecedenti membro expressa erat: manus tua erit in cervice etc. Ceterum leo, cui comparatur Juda, est rex ferarum et symbolum regis; videtur itaque simul significari, familiam vel tribum Judam aliquando fore regiam.

מִמָּוֶר בְּנֵי עָלִיתָ de praeda, fili mi! cresces — **עָלָה** ascendit, et crevit = **עָלָה** in altum excrevit herba, et magni (alti) pretii fuit, cf. Gen. 40, 10. Ezech. 19, 3. Jes. 34, 13. 5, 6. In futuro vertendum esse, contextus et substrata materia monet. Leunculus Juda ex praeda crescet et fiet adultus et magnus leo, id est: per victorias ab hostibus reportandas magnam potentiam consequetur.

כָּרַע רֶבֶץ בְּאַרְיָה וּבְלֵאנָה procumbet, cubabit ut leo et ut leaena. Futurum rursus contextus et materia substrata flagitat. — **כָּרַע** in genua procubuit, ut leo et alia plura animalia pro-

cubitura solent; Syr. כרעא crus, tibia; Arab.

سوس os admovit aquae sorpsitque eam non ex manu aut vase, quod fit procumbendo in genua, et se inclinando, cf. Jud. 7, 5—6. 1 Reg. 8, 54. 2 Reg. 1, 13. — רבץ, Aram. ربيع cubuit, procubuit; ربيع cubuit complicatis pedibus, pectori incubuit leo, canis, avis — לביא, et Ezech. 19, 2. לביאה = لبوة, لبوة, لبوة leaena, quae leone quidem minor, sed ipso, quando catulos alit, multo saevior est. Leo satur cubat tranquillus, et neminem laedit, nisi provocetur, quod autem omnes sollicite cavent. Plinius VII. 19. cf. meam Hermeneutic. §. 34 p. 103. in nota. Hinc additur; מי יקיימנו quis faciet surgere eum? i. e., nullus eum excitabit, provocabit. Judam, victoriis relatis potentem, offendere omnes gentes cavebunt, sicut aetate Davidis et Salomonis reapse contigit. Expressiones hae occurrunt etiam de integro populo Hebraico sub Mose in vaticinio Bileami Num. 24, 9.; videntur itaque hae phrases illo antiquo aeo multum tritae fuisse, et fere rationem proverbii induisse.

Gen. 49, 10.

לא יסור שֵׁבֶט מִיהוּדָה non recedet sceptrum a Juda. — Vocem שֵׁבֶט baculus, notione honorifica usurpari, integra orationis series clamat; et sceptrum indicari, docet praecedens comparatio cum leone, qui consuetum orientalibus est sym-

bolum regis. Hinc Alexandrinus et Theodotio, sublato tropo, vertunt αρχων, Symmachus εξουσια, Aquila σκεπτρον, Onkelos עֲבֹר שׁוֹלֵטִין exercens dominationem, Jonathan et Jerosolymitanus מלכין reges.

וּמַחֲקֵק et decernens, seu legislator, rector, dux; occurrit de Deo Jes. 33, 22., de dominante tribu Juda Ps. 60, 9. 108, 9., de ducibus seu rectoribus Deut. 33, 21. Jud. 5, 14., et verbum מַחֲקֵק usurpatur de principibus decernentibus jus et justitiam Prov. 5, 15.; nec alia notio subest Num. 21, 18., ubi מַחֲקֵקֵם vertendum: (effoderunt eum generosi e populo) cum (Mose) legislatore baculis suis; nulla igitur est ratio, qua vertendum esse suadeatur: vexillum; nec voces מַחֲקֵקֵם et חֲקִיף, quas quipiam conferunt, significant vexillum, sed aptum, dignum; חֲקִיפָה quidem praeter veritatem, etiam id quod quis tueri debet, pec. vexillum denotat; verum vexilli notio loco allegato non facile aptari potest, et nostro loco incondita est phrasis, vexillum non recessurum de inter pedes ejus. Ceterum ad hunc locum respicit David 1 Paral. 28, 4., et auctor Ps. 60, 9. 108, 9.

וּמִן רַגְלֵי de inter pedes ejus, more poetarum elliptico, pro מִן רַגְלֵי וְצֵאתָ מִן רַגְלֵי qui exiit de inter pedes ejus. Euphemismus generationis, qui interpretibus crucem fixit, etsi clarus adest locus parallelus Deut. 28, 57., ubi הִצֵּאתָ מִן רַגְלֶיהָ quae exiit de inter pedes ejus, permutatur

eum אשר הִלֵּךְ quem, vel quos genuit. Locus quidem allegatus de foemina agit; ast similes phrasae etiam de viris usurpantur, ut de Jacobo Gen. 35, 11: יֵצְאוּ מִחֲלָצִיךָ יִצְחוֹ et reges ex lumbis tuis exhibunt; Exod. 1, 4: יֵצְאוּ יֶרֶךְ יִשְׂרָאֵל exeuntes (qui exierunt) ex femore Jacobi; de Davide 2 Sam. 7, 12: יֵצֵא בְּמִעֶיךָ exhibit ex visceribus tuis, cf. Gen. 15, 4. 46, 26. 1 Reg. 8, 19. 2 Paral. 6, 9. 2 Sam. 16, 11. Jud. 8, 30. Atque hunc sensum expressit Onkelos et Jerosolymitanus מִבְּנֵי בְנוֹתָי, a filiis filiorum ejus; Jonathan: מִזְרְעֶיךָ a semine seu posteritate ejus; versio Persica: e medio filiorum ejus. Lectio Samaritani textus et versionis: דִּגְלָיו de vexillis ejus, correctio est, velut in cod. de Rossi 223. lapsus librarii; quare merito rejicitur.

עד כִּי־יָבֹא donec veniat. Qui עד trahunt ad praecedens membrum (non recedet - - - in aeternum, quia veniet) turbant parallelismum et aequalitatem membrorum, praeterquam quod עד sequente כִּי nunquam ita usurpatur. Stange in Symmiktis p. 231. utramque particulam vertit quia, ratione adjuncta, quod particulae hujus generis compositae, plerumque vim solius ultimae retinent; verum ipsas reapse plerumque utramque significationem suam conservare, patebit insipienti Noldii Concordantias particularum, cf. Gen. 22, 5. 26, 13. 41. 49. 15, 16. 44, 28. Num. 14, 19. 1 Sam. 1, 16. 7, 12. Exod. 7, 16. Jos. 17, 14. Neh. 2, 16. 2 Sam. 23, 10. 2 Paral. 26, 15. et a. l. Quare, ubi particula utraque

significare potest, ab usu loquendi recedendum non est. Alia autem est recta observatio, hanc expressionem non semper figere terminum iis, quae sequuntur, sed idem valere ac usque ad --- et etiam postea, ut non excludatur sequens, sicut Gene. 26, 13. 41, 49. 2 Paral. 26, 15. An autem id nostro etiam loco obtineat, non est ita liquidum, ut multi censeant; in serie orationis nihil reperitur, quod hanc notionis extensionem postulet. Ceterum שָׁלָה de hominibus proditoris usurpari, liquet ex Ps. 71, 18. Ecol. 1, 4.

שִׁלָּה Tractatio critica, quam de hac voce, Germ. Introductioni in SS. LL. V. F. P. I. p. 507 — 520. annexui, nunc retractanda est, quia ab eo tempore (1802) aliae motae sunt difficultates, quae excutiendae veniunt.

Primum quidem observandum est, falli Stangeum, qui in Symmiktis p. 238 — 241. contendit, nullam vocis esse variam lectionem, sed diversam tantum orthographiam, שִׁלָּה et שָׁלָה; nam, ut nunc de aliis antiquis interpretibus taceamus, Alexandrinus, qui in Pentateucho magnam linguae notitiam et eruditionem prodit, et Aquila, qui literae tenacissime inhaeret, exprimunt שָׁלָה, quod etsi solis vocalibus a שִׁלָּה differt, reapse tamen est aliud vocabulum et alia lectio. Tertiam autem varietatem שִׁלָּה ex versione Vulgata frustra fingi, facile damus; nam Hieronymus versionem suam: qui mittendus est, vel ex שָׁלָה extorsit, vel errore oculorum, de quorum caligatione ipse conqueritur, שָׁלָה pro שִׁלָּה

legit, sicut etiam Gen. 10, 24. שֵׁלָה cum שָׁלַח confudit, cum scribit: s e l a, ut ei (שֵׁלָה), vel dimissio (שָׁלַח) Vide opp. Hieronymi T. III. col. 842. Jam de duabus lectionibus videamus, quid statuendum sit.

שֵׁלָה

Lectio longe plurimorum codicum et omnium editionum, excepta sola Sanctandreana, adeoque fere omnium testium recentiorum est; nec interpretes, qui eam certe legerunt, sunt antiquiores.

I. Græcus Venetus, ab Anmonio editus, non antiquior seculo XI., qui exhibet Σιλω, cf. Michaelis Orient. Biblioth. XVI. 185 — 190.

II. Arabs, ab Erpenio editus, seculi XIII. interpres, qui vocem retinet شيلہ, reliquis ergo recentioribus consentit.

III. Adhuc recentior auctor commentarii Samaritani, qui שֵׁלָה, sprete analogia grammatica, derivat a שָׁלַח, et exponit ademptio juris, cf. Schnurrer in Eichhorn's Repertor. XVI. 168. et de Sacy Memoire sur la version Arabe des Livres de Moïse à l'usage des Samaritains. Paris 1809. p. 41.

IV. Pseudojonathan, seculi VII, vel si placet, antiquior paraphrastes, saltem dubius est; nam versionem hujus vocis: זַעִיר בְּנִי, multo facilius aut saltem non minus facile ex שֵׁלָה, qui ei, nempe suppleta ellipsi, nasciturus est, quam ex שֵׁלָה elicere, vel potius extorquere potuit; majori enim molimine et pluribus ambagibus opus fuit, ut שֵׁלָה compararet et confunderet cum שְׁלֵיחַ, pro quo etiam שֵׁלַח et שָׁלַח

dictum fuisse gratis sumeret, ut inde explicaret שִׁלְהָ vel שְׁלָה proles ejus, quod ipsum nondum est זֶעִיר בְּנִי (natu) minimus filiorum ejus.

Lectio itaque שִׁלְהָ; pro qua nullus certus, seculo undecimo antiquior testis deponit; qua ratione critico probari possit, difficulter perspicitur. Accedit autem, hanc lectionem vix admittere interpretationem, quae orationi et substratae materiae congruat, ut mox ostendemus.

Qui שִׁלְהָ interpretantur filius ejus, et vocem confundunt cum שְׁלָה proles, vel secundina; suspectum artificium produnt; nam Hebraeis prorsus ignota vox est שִׁל, filius, unde שְׁלָה sit foemininum filia; nec derivatio commoda ostendi potest; nam quae Stangeus in Symmiktis p. 252. profert hujus formae exempla, non faciunt ad rem; quippe vel ad fictas radices referuntur, ut שִׁין, גִּישָׁן, quorum radices, prorsus ignotae, pro libitu finguntur, et nomina videntur esse exotica; vel minus recta est derivatio, ut קִיצוֹן extremus, exterior, notionem quidem mutuatur a קָצָה abscidit; sed formam habet a קוֹץ fastidire; quae duo verba permutantur; nullum autem exstat Verbum שָׁל; quocum שְׁלָה, radix vocis שְׁלָה permutari posset. Adest quidem קִטְוֹר a קָטַר, et צִיָּגָה a צִיָּג; primum quidem satis frequens; alterum autem duntaxat Jer. 29, 26.; verum neutrum significatione formali convenit; illud enim est fumus, hoc autem carcer, ut juxta hanc analogiam שָׁל deberet esse tranquillitas.

Tellerus, quem secutus est Rosenmüllerus in Scholiis in Pent., existimat, esse nomen urbis Silo, quod tamen in textu impresso nunquam, in codicibus autem tantum duobus vel tribus שִׁילָה, in aliis omnibus, ut in textu typis excuso, constanter שִׁלָּה vel שִׁלֹּן legitur. — Neque urbs Silo ullam habet ad tribum Juda relationem, a cujus limitibus septemtrionalibus, teste Eusebio et Hieronymo, 24 miliaribus Romanis (fere 5 mill. Germ.) distabat, cf. Relandi Palaestin. p. 371 et 377 ed. Norimberg. 1716. — Denique nullatenus conciliari potest cum sequenti mox obedientia populorum urbs Silo, ubi nec David, nec Salomo, ad quos sententiam referunt, rex omnium tribuum inauguratus est, cf. 2 Sam. 5, 1 — 3. 1 Paral. 11, 1 — 3. 12, 23. 1 Reg. 1, 33 — 38. — Si autem cuiquam in mentem venit, sententiam referre ad sequentem v. 11 — 12. descriptionem fertilitatis regionis Judae: rediversa observatio, Siluntem ab hac fuisse longedissitam. — Id viderunt omnes antiquiores interpretes, quorum nullus de hac, alioquin celeberrima urbe cogitavit.

Ante dimidium fere seculum celebris erat explicatio hujus vocis tranquillator, quae nostris diebus postliminio revocata est; verum si שִׁילָה a שָׁלָה descenderet, non posset esse nomen agentis, prout ipse etiam Stangeus nullum protulit hujus formae et significationis exemplum; nam קֵיצוֹן est extremus, שִׁיבָה est reditus a שׁוּב (nequaquam captivitas, a שָׁבָה); קִיטוֹר ut mox diximus, est fumus, et צִיָּקא carcer; קִרִּי אֵתָוֶן Ezech. 40, 14., quod Stan-

geus p. 252. h. e. profert, et pro נִתְּנָה positum censeret, dubio procul est falsa lectio; nam הַשַּׁעַר הַנִּתְּנָה status constructus cum articulo: porta ingressus, nimis invenuste peccat in Grammaticam, a quo vitio K'thib immune est: הַשַּׁעַר הַנִּתְּנָה porta, qua ingreditur.

Michaelis (Alt. Or. Biblioth. IX. S. 228.) contulit سَيْلٌ, quod vertit inundatio, quae notio occurrit in Abulfedae Annal. Moslem. III. 392; verum, sive ad Nebucadnezareem, sive ad Judam referatur, abnormis est phrasis, ut inundationi sit populorum obedientia, quae mox sequitur.

שָׂדֶה

Haec est lectio omnium antiquorum, qui sec. XI. praecesserunt, non paucis recentioribus quoque testibus suffulta.

I. Legitur in omnibus exemplaribus Samaritanis, tum impressis, tum manuscriptis, non tantum quae in Europam translata sunt, sed etiam quae in Asia habentur, prout Sichemitae in Epist. ad Hiob Ludolph. in Eichhorn's Repertor. XIII S. 281. testantur. Atque etiam olim ita lectum fuisse, testis est versio Samaritana, seculo fortasse IV. exarata. Puncta quidem, quae Samaritani non habent, desunt; ast non שָׂדֶה, sed שָׂדֶה, qui ipsi, vel quod ipsi, a Samaritanis enunciari, docent variae lectiones, vel potius correctiones, et explicationes vocis in codicibus versionis Arabicae in usum Samaritanorum, primo dimidio seculi XIII. ab Abu Said exarata; nam, referente Cl.

de Sacy (in *Memoire sur la Version Arabe des Livres de Moïse* 1809 p. 40 in T. IV. des *Memoires de l'Academie des Inscriptions et de belles lettres*), vera quidem lectio est **شله**, quae reperitur in cod. Lugdunensi, et dubio procul exstabat etiam in cod. Taylora seu secundo Oxfordiensi, quia spatium tantum has tres literas capere potest; rescriptum autem fuit ejus loco **الذي له**, et in margine **الملك**, quod spatium in textu non capiebat: ille cujus est regnum, quod est **שלה** cujus est, suppleta ellipsi regnum; ex **שלה** autem extendi non poterat. Similis explicatio vocis **שלה** intrusa est in codicem Barberinum **سليمان**, qui eo dignus est, vel qui ipsum meruit, quod itidem ex **שלה** extorqueri non potuit. In codice Usserii seu primo Oxfordiensi, et in secundo et quarto Parisiensi legitur quidem alia, ex Dogmatica Samaritanorum petita explicatio: **سليمان**, Salomo, quod nomen autem in secundo codice Parisiensi erasum, et rescriptum est **من له الملك** ille cujus est regnum. Cf. De Sacy c. l. p. 5 — 9. Ex his liquet, Samaritanos pronunciationem **שלה** prorsus ignorare,

II. Versio Alexandrina, trecentis fere annis ante Christum exarata, in antiquissimis codicibus, Vaticano et Cottiniano, exhibet **τα αποκειμενα αυτω**, et in codice Oxfordiensi seu Alexandrino **ω αποκειται**, quod in hac versione olim quoque reperit auctor antiquae versionis Latinae, ex qua Hieronymus in Ezech. L. V. c. 17. refert: cui repositum est; ita Alexandrinum vertisse contendit quoque Justinus in Apo-

logia majori §. 32, et in Dial. cum Tryphone §. 52. et 120, ubi quidem etiam adducit, sed non probat alteram lectionem *τα αποκειμενα αυτω*, uti etiam Epiphanius lectionem utramque allegat Haeres. 20., et aliam ignorat. Neutra autem lectio elici potuit ex *הל'ש*, sed ex *הל'ש* utraque prono fluit alveo. Cf. Eichhorn's Repert. II. 95. IV. 20.

III. Seculo secundo post Christum Aquila et Symmachus vertunt *ὡς αποκειται*, et Theodotio *τα αποκειμενα αυτω*. Eusebius in Demonstr. Evang. L. VIII. 370. in allegatione Aquilae non exhibet quidem *ὡς αποκειται*, sed omissio oscitantiae librariorum debetur; nam *μικρολογος* hic interpret, praesertim vigentetunc lite cum Christianis, profecto non omisit id, in quo cardo controversiae vertebatur. — Quod Stangeus contendit, hos interpretes secutos esse Alexandrinum, probari nequit; sed esto, attamen Aquila tenacissime inhaeret literae, Theodotio versionem Alexandrinam emendavit, et Symmachus sensum expressit; itaque Aquila *ὡς αποκειται* literae, et Symmachus sensui consentire, et Theodotio *τα αποκειμενα αυτω* non indigere emendatione deprehendit. Eodem seculo Justinus, ut supra diximus, utramque lectionem adducit, et in Dial. cum Tryph. §. 120. diserte vindicat lectionem *ὡς αποκειται*, sed nec ipse, probabiliter linguae Hebraicae non prorsus ignarus, nec Judaeus aliam lectionem, aut pronunciationem *הל'ש* vel *הל'ש* novit.

IV. Eodem secundo post Christum seculo Onkelos, qui Graecam versionem Alexandrinam nec intellexit, nec consulere potuit, vertit: *הל'ד'ד' אק'ש'ש'*

מלכותא Messias, cujus est regnum, quod nec ex שִׁילָה neque ex שִׁלָה extundi potuit, et qui non videt esse versionem שִׁלָה, soli lucenti oculos claudit.

V. Eodem seculo secundo, aut si mavis tertio, Syrus venit: מִן דִּילָה הִי, vel, ut ab Ephraemo allegatur: דִּילָה הִי ille cujus est. Hic interpres Onkelosum, cui coaevus erat, aut quem saltem certe non novit, inspicere non potuit; et tamen cum eo convenit; si autem Alexandrinum consuluit, ipsum tamen non est secutus, sed Hebraeum שִׁלָה accuratius expressit.

VI. Seculo quarto ad finem vergente supra memoratus Epiphanius (Haeres. 20 p. 45 ed. Petav.) refert, Herodianos putasse, Gen. 49, 10. Herodem M., ad quem, origine Idumaeum, sceptrum a Judaeis translatum fuit, praedictum fuisse, et ipsum esse illum, ὃ ἀποκείται, et ad quem spectant τὰ ἀποκειμένα αὐτῷ. Epiphanius, qui linguam Hebraicam, utpote Judaeo-Christianus, profecto non penitus ignoravit, nequaquam tamen respondet, textum Hebraicum habere שִׁילָה, quod sit urbs Silo, vel filius ejus, vel tranquillator, sed reponit, Herodi repugnare quod sequitur: καὶ αὐτὸς προσδοκία εἶναι. Cf. Michaelis Alt. Or. Biblioth. IX. S. 217.

VII. In Thalmude quidem, ut Stangeus, nescio qua auctoritate, dicit, plerumque allegatur שִׁילָה; verum an hanc lectionem etiam codices Thalmudis manu scripti exhibeant, et an non ab editoribus שִׁלָה in שִׁלָה mutatum fuerit, quaestio est non contem-

nends, inprimis, cum Coccejus (in duobus Titul. Thalmudis Sanhedrin et Maccoth p. 359.) testetur, in Sanhedrin c. 11. allegatum esse שלח.

VIII. Thargum Jerosolymitanum h. l. a Pseudojonathane, quem (non vero Onkelosum, ut Stangeus ex male intellecto Michaelis Alt. Or. Bibl. IX. 217. concludit) alias fere ubique presse sequitur, recedit, et vertit cum Onkeloso: מלכא משיחא דדילה היא rex Messias, cujus est regnum; unde adparet, aetate hujus compilatoris, ut antiquiori quoque aevo, lectum fuisse שלח, et Pseudojonathanem, ut supra observavimus, ex hac lectione versionem וְיָצֵא (natu) minimus filiorum ejus, procudisse.

IX. Neque seculo dimidiante X Saadias Haggason in codicibus Aegypti, unde oriundus erat, et in codicibus Babylonis seu Seleucia, ubi Academiae praefectus fuit, aliam lectionem invenit; vertit enim الذي هو له, ille cujus est, quae verba exhibent non solum Polyglotta Parisiensis et Loudinensis, sed etiam editio Constantiupolitana. — Quod Stangeus asserit, Pentateuchi versionem Arabicam Polyglottorum non manasse ex textu Hebraico, sed ex versione Alexandrina, dudum explosum est; constat enim, esse versionem Saadiae.

X. שלח sine punctis, vel cum punctis שלח legitur adhucdam in 40 codicibus seculi XIII. et XIV., quos recensuit de Rossi in Var. Lect. V. T. et in Appendice, unde in meam Biblior. Hebr. editionem transtuli, et puncta שלח, auctoritate antiquiorum versionum et Rabbiorum, qui explicant cujus est,

subjeci, quae nunc, non adjecisse optarem, quia video, quospiam mihi tribuere sententiam, haec puncta in codicibus adesse. Notatu dignum est, seculi XIII. codices duos exhibere k'ri שלו; unum cod. habere שילה mutatum in שלה; tres e contrario שלה mutatum in שילה, et nūm שלו mutatum in שילה; atque seculi XIV. codicem unum sistere שלו cum k'ri שילה, et ejusdem seculi unum et seculi XV. unum שלו mutatum in שילה, cf. de Rossi Lect. Var. V. T. T. IV. Append. p. 217. et Schol. Critic. seu Supplem. ad Var. Lect. p. 8. Hinc adparet, seculo praesertim XIII. et XIV. lectionem שילה fuisse in codicibus propagatam.

XI. Ita etiam in Medrasch Echa Rabbadi p. 58. ed. Ven. dicitur שלה k'thib, et שילה k'ri; et contra in Matthanoth Cheuna apud Norzium שלה k'thib, et שלו k'ri; R. Nathan in Concordant. Hebr., et R. David in Zemach David seu Lexico Hebr. Ital. allegant שלה. Imo auctor Commentarii Bereschith Rabba apud Salom. Ben Melech, Tanchuma, auctor Lexic. manuscr. de Rossi nro 637., et R. Salomo Jarchi seu Raschi (in codd. manuscriptis et in editionibus) non solum allegant שלה, sed etiam explicant; מִי שְׁמִלּוּכָהּ שְׁלָה, ille cujus est regnum, de Rossi V. L. V. T. T. IV. Append. p. 218.

Stangeus in Symmiktis omnes hos testes Judaeos ex eo impugnatur, quod versio Onkelosi et paraphrastis Jerosolymitani מְלִכּוּתָא הִיא דְּדִילָה, ac שְׁלָו Rabbiporum, non sit explicatio vocis שלה, sed circumlocutio, aut nomen Messiae; et prooveat ad Bux-

torum, qui in Anticritica scribit: „quae sequuntur
 (adducta mox ex Onkeloso verba) vel honoris causa
 „erga Messiam addita sunt, sicuti vulgo eum מלכא
 „משיחא, regem Messiam, vocant, vel aliam et
 „arcanam vocis ejusdem mysticae explicationem con-
 „tinent, desuntam ex arte cabbalistica נוטריקון,
 „qua alluditur in שילה ad שלו, quasi nempe שילה
 „ideo dicatur שלו, quia ejus sit regnum?
 „vel ex ראשי תיבת ratione scribendi per
 „abbreviaturas, ac si שילה diceretur Messias qua-
 „si שיש לו המלכות, cujus sit regnum? etc.
 — Quis non videt fluctuationem et artificium Buxtorfii,
 ut salvet palladium שילה? Non id quaeritur, sitne
 versio Onkelosi et שלו Rabbinorum circumlocutio,
 et שילה nomen Messiae, sed unde et illa versio, vel
 circumlocutio, aut hoc nomen, ortum trahat; neu-
 trum profecto ex שילה extorqueri potuit, sed mani-
 feste utrumque ex lectione שלה ortum est, quod
 omnes usque ad seculum undecimam testes unanimes
 referunt. Violentum est, quod Buxtorfius ex Kabba-
 la adduxit, nec ullo Kabbalae testimonio comprobavit,
 adeoque mera inanis est conjectatio; et quid? di-
 cetne Buxtorfius et Stangeus, jam interpretem Ale-
 xandrinum suam versionem his incertis artificiis Kab-
 balisticis ex שלה extorsisse? — aut etiam Samari-
 tanos ex hoc turbido fonte hausisse? — Manet itaque
 ratum, illos antiquos legisse שלה, et ex hac antiqua
 lectione descendere codicum manuscriptorum et Rab-
 binorum שלה et שלו

XII. Succurrit autem testis nostrae lectionis multo antiquior, Ezechiel, qui, ut supra vidimus, c. 21, 32. (al. 27.) nostrum locum respiciens, manifeste שְׁלָה circumloquitur, ubi Deum inducit, eversionem regni Juda annunciantem, et eloquium his verbis concludentem: וְנָתַתִּי לוֹ הַמְּשָׁכָם וְנָתַתִּי אֶשְׁרָא usque ad adventum ejus (donec veniat), cujus est regnum, et dabo ei, ubi אֶשְׁרָא est nostrum שְׁלָה; et ellipsis nostri loci שְׁכָם suppletur permutatum cum הַמְּשָׁכָם, quod idem valet; atque membrum in nostro loco sequens: et ipsi sit obedientia populorum, exprimitur per וְנָתַתִּי et dabo ei. Nullus dubito, locum hunc jam antiquis interpretibus lucem praeuisse; Onkelosum saltem et Jerosolymitanum paraphrastem hinc suum הָדִילָה הִיא מְלִכּוּתָא hausisse, ipse quoque Rosenmüllerus (Schol. in Ezech. T. II. p. 63), qui alioquin in alia omnia abit, non diffitetur.

His accedunt argumenta interna; nam I. vidimus supra Nro. X., seculo praesertim XIII. et XIV. שִׁילָה cum Jod, in codicibus fuisse propagatum; origo autem ipsius ex eo descendit, quod Dagesch forte non raro supplebatur vel indicabatur per insertum Jod, quod porro descriptum, שִׁילָה punctatum, et, quia Christianis minus favebat, in codicibus propagatum fuit. II. Lectio שִׁילָה ut supra ostendimus, vix commode explicatur; שְׁלָה autem non tantum contextui congruentem fundit sensum, sed a parallelismo flagitatur; nam cum praecedentia duo membra: non recedet sceptrum a Juda, et legislator de poste-

ris ejus, sint synonyma: oportet, ut sequentia quoque sint synonyma, quod praestat שָׁלָה: donec veniat cujus est (nempe sceptrum), et ipsi sit obedientia populorum. III. Suffixum Aramaeum He convenit orthographiae hujus carminis; nam mōx v. 11. in עֵירָה et סוּרָה recurrit. Si autem ob stare videtur Schin praefixum, quod alias in Pentateucho non occurrit, observandum est, plures esse hujus generis voces, neque tamen ideo suspicionem movent, ut אָן tantum Num. 23, 21.; דַּעֲיִיר duntaxat Deut. 32, 11., פּוֹג solum Gen. 44, 26; עָטָה tantum Gen. 30, 24., פָּנָה solum modo Exod. 27, 2.; פְּלִיטָה, פִּלְטָה duntaxat Gen. 32, 8. 48, 7. et Exod. 10. 5., quae voces in posterioribus libris sunt frequentissimae. Dein cogitandum est, loqui h. l., aut loquentem induci Jacobum, qui 20 annos inter Aramaeos exegit, et relativo praefixo Schin, ad imitationem Aramaei praefixi Daleth adsuevit; Moses autem, qui 40 annos inter Arabes vixit, huic praefixo desuevit, ut mirandum non sit, ipsum eo alias non uti, unde non sequitur usitatum non fuisse; nam post centum fere annos in cantico Deborahae Jud. 5, 7. recurrit, ut usus ejus in poëmatibus negari non possit. — His argumentis lis de hac voce dirimenda esse nobis quidem videtur; nunc ad interpretationem revertimur.

וְלֹא יִקְרָה עַמִּים et ipsi (sit) obedientia populorum. — יִקְרָה non recurrit nisi Prov. 30, 17. de obedientia matri praestanda, אֲדָבָה obedivit.

Quae v. 11—12. sequitur descriptio regionis fertilis, quam Juda in Canaan occupaturus esset, donec veniret, cujus est sceptrum, non magis cohaeret cum antecedentibus, quam in benedictione Josephi promissio v. 25—26. cum laudatione v. 22—24 nexa est; aliquem tamen nexum nostri loci paulo post annotabimus.

Versio Gen. 49, 8—10.

Tu es Juda (laus), te laudabunt fratres tui, 8
 Manus tua erit in cervice hostium tuorum;
 Inclinabunt se coram te filii patris tui.
 Catulus leonis est Juda; 9
 De praeda, fili mi! cresces.
 Procumbet, cubabit ut leo,
 Ut leaena, quis suscitabit eum?
 Non recedet sceptrum a Juda, 10
 Et legislator a posteris ejus,
 Donec veniat, cujus est (sceptrum),
 Et ipsi sit obedientia populorum.

Argumentum Gen. 49, 8—10.

Ut hic locus intelligatur, meminisse oportet, duas (praeter sacerdotium familiae, Exod. 24, 5. Num 18, 15—16.) fuisse primogeniti praerogativas: I. duplicem hereditatis portionem Deut. 21, 17.; et II. eminentiam et quasi patriam potestatem inter fratres, cf. Gen. 27, 29. 36. cum 25, 30. 34. et meam Arch. Bib. Germ. Arch. Bibl. Germ. I. Th. II. B. §. 190. S. 283 — 284. Has praerogativas Jacobus primogenito suo Rubeni, ob nefarium incestum Gen. 35, 22., ademit Gen. 49, 3—4., ac jus duplicis ex hereditate portionis Gen.

48, 1—7. transtulit in Josephum, cujus duos filios, Manasse et Ephraim, adoptavit, quorum dein pot-
 teri ex hac causa duas tribus constituebant, et duas
 quoque sortes regionis obtinuerunt. Alterum autem
 primogeniti jus, scilicet eminentiam et quasi patriam
 inter fratres potestatem, Jacobus nostro loco Gen.
 49, 8—10. transfert in Judam (cf. 1 Paral. 5, 1—2. et
 Num. 1, 5. 13, 5. ac meam Germ. Bibl. Arch. II. Th.
 I. B. §. 13. S. 25); et, quia tum Abrahamo Gen. 17,
 6. 16., tum ipsi Jacobo Gen. 35, 11., promissi erant
 reges, ex posteris descensuri, Jacob etiam hanc pro-
 missionem Judae assignat, quae aliunde cum eminen-
 tia primogeniti cohaerebat; ipsam quoque debellatio-
 nem hostium, Abrahamo Gen. 22, 17. et Jacobo Gen.
 28, 14. promissam, inprimis huic eminenti inter fratres,
 Judae, attribuit. Hinc Juda demum ubique primas
 tenuit, cf. Num. 2, 3. 7, 12. 10, 13. Jud. 1, 2. 17. 20, 18.,
 atque hinc orta est illa aemulatio duas Josephi tribus
 inter et tribum Judae, quae post obitum Salomonis
 in perniciosum schisma erupit, cf. meam Germ. Bibl.
 Arch. II. Th. I. B. §. 13, S. 75. Verschuir Dissert. Phi-
 lol. Exeg. p. 66—84. Michaelis Mosaisch. Recht. I. Th.
 §. 47.

Observandum porro est, מִשְׁכָּב esse vocem am-
 biguam; non solum enim sceptrum regium, sed etiam
 baculum illum significare potest, quem divites ad pom-
 pam, et magnates in signum potentiae suae gestabant,
 Gen. 38, 15. Num. 21, 18. cf. Herodot. I. 195. Strabo
 p. 746. et 783. et Arch. Bibl. Germ. I. Th. II. B. §. 152.
 S. 141. Ipse etiam baculus pastoralis, quem Moses

Exod. 4, 2. gestabat, demumerat symbolum potentiae ducis; et baculi Num. 17, 2. profecto erant illi, quos principes tribuum in signum eminentiae et potestatis suae gestabant. Quare, cum ante Davidem dici non potuerit, non recessurum a Juda sceptrum regium, quod Juda nondum habebat, neque tamen hoc Jacobi testamentum, ut supra paucis comprobavimus, aetate adco recenti; quo David e tribu Juda sceptrum tenuit, hoc tenore scribi potuerit: **שֵׁבֶט** in primo membro v. 10. de baculo, symbolo eminentiae et potestatis generatim, intelligendum est, ut hac ratione in sequenti membro accurate respondeat **כֹּהֵן**: non recedet sceptrum eminentiae a Juda, et legislator seu dux a posteris ejus. Quod enim Stangeus contendit: non recedet, idem valere ac obtimebit, nec usu loquendi probari, nec cum sequenti membro: et dux de posteris ejus, conciliari potest. Notione autem sceptri regii **שֵׁבֶט** elliptice intelligendum est tertio hujus 10 versus membro: donec veniat cujus est intellige: sceptrum regium, cui respondet membrum quartum: et ipsi sit obedientia populorum, non tantum Hebraeorum, sed etiam extraneorum, quorum subjugatio Abrahamo et Jacobo promissa fuit, Gen. 22, 17. 28, 14. Quemadmodum obedientia populorum in membro quarto explicat ellipticum **שֵׁבֶט** membri tertii de scepro regio: ita legislator seu dux in membro tertio explicat **שֵׁבֶט** membri primi de scepro eminentiae et ducis. Similis lusus verborum ambiguerum non tantum in aliis Bibliorum locis, ut supra 2

Sam. 7., 12—13. vidimus, sed etiam in ipso hoc cap. Gen. 49, observatur, ut v. 13—14. יָתֵר *excessus*, et יִתְרוֹר *excellens eris*, ac v. 8. יְהוּדָה *nomen proprium et laus*, cui respondet יִירֹדוּ *laudabunt te*; denique v. 19. נֶדָר *nomen proprium, ac fortuna, et etiam turma*, atque נֶדְרֹנוּ וְהוּא יִגְדֶּךָ *turmac invadent eum, et ipse invadet eos ad calcaneum, seu fugientes*.

Sensus itaque est: *Juda gaudebit eminentia et quasi patria potestate, seu tenebit sceptrum eminentiae inter reliquas tribus, et erit dux, donec veniat ille cujus est sceptrum regium, et qui populis dominetur. Eminentiam hanc tribus nullo non tempore retinuit, sub ipso quoque Saulo, a quo tribus Juda eo redigi non poterat, ut Davidem latentem traderet, et eo interfecto Davidem elegit regem, cui demum etiam ceterae tribus se sponte subjecerunt. Dein quoque facto schismate decem tribuum, emiuit tamen regnum Juda legitimo templo, sacerdotibus, Levitis, sacrificiis, prophetis, et custos erat arcae et tabularum foederis; imo denique, per Nebueadnezarum scepro regio privata, adeo manet eminens, ut omnes reliqui Hebraei se ei adjungerent, et ab ea denominarentur Judaei. Sceptrum etiam regium a Juda prorsus nunquam recessurum, verba Jacobi non edicunt diserte, ab Ezechiele autem, ut supra observavimus, c. 21; 32. ita intelliguntur et explicantur, ut regnum eversum aliquando rursus alteri Davidi restituendum sit, qui princeps Hebraeorum futurus sit in perpetuum, Ezech. 37, 24—25., et quidem celsis-*

simus, cujus protectione homines omnium gentium gaudebunt, et verum Deum agnoscent ac colent, Ezech. 17, 22—24.; huic explicationi reliquos prophetas consentire, supra vidimus. Per obscurum itaque, vagum et indefinitum est hoc Jacobi effatum, quod de Messia exponi vix potuisset, nisi Prophetæ lucem accendissent.

Promissiones Patriarchis factae.

Promissiones Abrahamo, Isaac et Jacobo, saepius repetitae, sese mutuo respiciunt, et posteriores pro notis ponunt priores, ac omnes ejusdem sunt argumenti, nisi quod aliae sunt aliis copiosiores; quare eas uno tenore subjicimus.

Caput 49. Geneseos proxime cohaeret cum capite 48., ubi Jacobus filios Josephi adoptaturus, v. 3—4. commemorat, Deum sibi adparuisse in Luz, et promisisse multitudinem posterorum ac possessionem regionis Canaan; huic promissioni innixus, non tantum illud testamentum, quod Gen. 49. legimus, condidit, sed etiam Josepho praeter duas regionis partes, quas duo ejus filii, Ephraim et Manasse, ab ipso adoptati, adepturi erant, donat urbem Sichem Gen. 48, 21—22.; memor enim erat promissionis Gen. 46, 1—4 coll. 15, 13—14., Deum aliquando posteros suos ex Aegypto in Canaan reducturum esse.

Quam Jacobus Gen. 48, 3—4. commemorat adparitionem in Luz, legimus duplicem, alteram Gen. 35, 9—12., et alteram Gen. 28, 10—15. Illa Gen. 35 9—12. Jacobo, reduci ex Haran, obtigit, cum amotis ex ampla familia sua idolis et oblato Jehovae sacri-

scio, ipsi confirmatur mutatio nominis *Jacob* in *Israel* (cf. Gen. 32, 28—29.), et promissio innumerabilium posterorum, etiam regum, ac possessio regionis Canaan. Haec visio respicit priorem Gen. 28, 13—15., quae oblata est ei proficiscenti in Haran, et in Luz pernoctanti, ubi in somnio vidit Deum, summitati scalae, a terrâ in coelum pertingentis, insidentem, qui ipsi benedictionem patris Isaac sequentibus verbis confirmat Gen. 28, 13—15.

„Ego sum Jehova, Deus Abrahami, patris 13
 „(avi) tui, et Deus Isaaci! regionem in qua cu-
 „bas, dabo tibi, nempe progeniei tuae.
 „Erit enim tua progenies sicut pulvis 14
 „terrae, et erumpes versus mare (occa-
 „sum) et versus ortum, versus septemtrionem et
 „versus meridiem, et omnes familiae ter-
 „rae per te, scilicet per progeniem
 „tuam, benedicentur. En! ego tibi prae-
 „sto erō, et custodiam te, quoque ibis, et 15
 „reducam te in hanc regionem, nec derelinquam
 „te, donec perfecero, quae promitto.“

Ex hoc ominoso somnio evigilans Jacobus, et memor benedictionis paternae Gen. 28, 2—5. 27, 27 — 29. mox reputat, quae suarum essent partium, et spondet, Jehovam, Deum patris et avi sui, sibi fore Deum, quem colat, cui bona, quae sibi obtingent, in acceptis referat, et decimas omnium facultatum suarum consecret, ac locum hunc sibi fore sacrum; hinc rediit ex Haran. ut supra diximus, sublatis ex familia sua idolis, ex decimis Deo in hoc eodem loco,

sacrificia obtulit, et hæc officium ad posteros suos transmisit.

Isaacus, cujus Deum se esse Jehova, Gen. 28, 13. Jacobo professus est, non solum promissiones a Jehova Abrahamo factas, filio suo Jacobo inculcavit Gen. 28, 2—4 27, 27—29., sed ipse etiam divinam earum confirmationem in somnio obtinuit Gen. 26, 23—24., et antea quoque, quum orta fame Geraram tenderet, Deum audivit dicentem Gen. 26, 2—5. :

„Non descende in Aegyptum, (sed) mane in re- 2
„gione, quam tibi dico. Commorare in regione hac, 3
„et praesto tibi cro, atque benedicam tibi; nam
„tibi, nempe progenituae, dabo omnes regiones
„istas, et complebo jusjurandum, quod juravi
„Abrahamo patri tuo.” (Gen. 15, 1—16. 22, 16.)
„Multiplicabo enim progeniem tuam 4
„sicut stellas coeli, et dabo progeniei
„tuae omnes regiones istas, et omnes
„gentes terrae per progeniem tuam
„benedicentur, quia Abraham obtinperavit 5
„mihi, (et custodivit, quae custodienda mandavi,
„praecepta mea, decreta mea et legem meam.” *)

Promissiones, quae hic memoranturj Abrahamo datae, huic Patriarchae saepius repetitae fuerunt; :

*) Ultima haec verba, parenthesi inclusa: וְיִשְׁמֹר בְּשִׁמְרָתִי
מִצְוֹתַי הַקְּטָנִים וְהַגְּדֹלִים, quae alibi in Genesi non le-
guntur, et legem Moysis sapiunt, a recentiori manu ex
lege Moysi, in qua saepius recurrunt, huc translato
fuisse videntur.

proxima ordine retrogrado legitur Gen. 22, 16—18., ubi Jehovae legatus, qui etiam ipse est Jehova, Abrahamum ab immolatione filii prohibet, et ipsi adclamat:

„Per me ipsum juro (est effatum Jehovae *), 16
 „quia fecisti hanc rem, et unicum tuum filium.
 „mihi non denegasti: benedicam tibi, et mul-
 „tiplicabo progeniem tuam sicut stel- 17
 „las coeli, et sicut arenam, quae est
 „in littore maris; progenies tua obtine-
 „bit portas (urbes) hostium tuorum, atque
 „omnes gentes terrae per progeniem 18
 „tuam benedicentur; quia obtemperasti
 „mihi.“

Huic promissioni compar est alia paulo antiquior, qua ille legatus Jehovae cum duobus aliis ab Abrahamo convivio exceptus, in discessu suo promissionem itidem antiquiorem confirmat Gen. 18, 17—19.

„An celem Abrahamum, quod facturum sum? 17
 „Nam Abrahamus fiet gens magna et potens, 18
 „et per ipsum omnes gentes terrae be-
 „nedicentur. Novi enim eum: praecepturus 19
 „est filiis suis et familiae suae post se, ut custo-
 „diant viam (religionem) Jehovae, faciendo quod

*) „EJ“ alias in Genesi non occurrit, imo et in Pentateucho non legitur, nisi Num. 14, 28. et 24, 3. 15. 16.; quare insertum esse videtur ab aliquo, qui ignoravit, legatum hunc esse ipsum Jehovam.

„justum et aequum est, ut Jehova adducat supra
„Abrahamum, quod ipsi promisit.”

Verba haec ponunt; adprime nota fuisse promissa,
quae praecesserant, quorum proximum legitur Gen.
17., ubi Deus Abrahamo ex Sara pollicetur amplissi-
mam posteritatem, et in ea etiam reges, ac possessionem
regionis Canaan; nomen Abram, pater ex-
celsus, mutat in Abraham, pater multarum
gentium, et nomen Sarai, domina princeps,
in Sara seu ut in versione Alexandrina scribitur
Sarra, pariens principes; praecipit autem in-
tegritatem morum, veram religionem, et circumci-
sionem ut symbolum consecrationis ad hanc religionem
observandam. Antiquior promissio innumerabilium
posterorum et regionis Canaan, ritibus foederum et
solenni jurejurando firmata, narratur Gen. 15, 1—21.,
et simplicior minusque copiosa Gen. 13, 14—17.; pri-
ma autem, quae ei data est, his verbis consignata
legitur Gen. 12, 1—3.:

Dixerat 1) autem Jehova ad Abramum: „mi-
„gra ex regione tua et ex cognatione tua et ex
„domo patris tui in regionem, quam ostendam”

1) Ita in Plusquamperfecto vertendum est **וַיֵּמָר**,
quia ultimo capitis praecedentis versu narrata fuit
mors Therachi anno aetatis 205 Gen. 11, 32.; Ab-
rahamus autem, anno Therachi 70 natus Gen. 11, 26,
et jam cum erat 75 annorum Gen. 12, 4., adeoque
60 annis ante obitum Therachi emigravit.

„tibi; et faciam te gentem magnam, ac 2
 „benedicam tibi, et magnum faciam nomen tuum,
 „erisque benedictus. 2) Benedicam benedicenti- 3
 „bus tibi, et maledicam maledicentibus tibi 3),
 „et per te omnes familiae terrae bene-
 „dicentur.”

Benedictio omnium gentium Patriarchis
 promissa.

Omnes hae promissiones, et, quae demum eis
 superstructa fuit, Mosaica reipublicae Hebraicae con-
 stitutio, eo collineant, ut inundante tunc temporis
 orbem superstitione et idololatria, conservaretur Dei
 cognitio, vera religio et studium religiosae morum
 probitatis, donec ad alias gentes propagari posset,
 quod benedictione omnium gentium per progeniem
 horum Patriarcharum, exprimitur. Id tam perspicue

2) Erisque benedictus **וְהָיָה בְּרָכָה** et esto be-
 neditio, imperativus pro futuro, et abstractum
 pro concreto; quod utrumque non est nimis raram.
 Benedictio autem in omnibus his locis spectatur in
 effectum, et venit pro beatitudine, quam Deus largie-
 tur; sensus itaque est: eris beatus.

3) **מְבָרְכֶיךָ** est quidem singularis, sed collective intel-
 ligendus; hinc jam Alexandrinus, Syrus et Vulgatus ver-
 terunt in plurali, nisi forte legerint **מְבָרְכֶיךָ**, quod
 exhibet textus Samaritanus, et codex Kennicotti 206
 ac forte 155, videtur tamen esse correctio gramma-
 ticorum.

um est, ut mirandum sit, esse multos, qui contra dicunt, et has promissiones vel in mythos convertunt, quos, in vastissima omnium gentium mythologia nihil simile habentes, opere compleverit casus fortuitus, qui tamen, omnibus fatentibus, sub singulari Dei omnium etiam minimarum rerum gubernatione locum habere nequit; vel speciosis artificiis exegeticis ad alia omnia detorquere malunt, quam sine artificio, eo sensu exponere, quem verba offerunt, et eventus ostendit. His ut satisfiat, pluribus comprobandum est, huic benedictioni, per progeniem Patriarcharum omnibus gentibus obventurae, reapse nihil subesse aliud quam propagationem verae religionis. Et primum quidem ipsa harum promissionum verba inter se conferenda et collata conspectui subjicienda, ac demum diligentius expendenda sunt. Verba, quae ad nos spectant, sunt:

וְנִבְרַכְּוּ בְּךָ כָּל מִשְׁפְּחוֹת הָאָרֶץ Gen. 12, 3. I.

וְנִבְרַכְּוּ בּוֹ כָּל גּוֹי הָאָרֶץ Gen. 18, 18. II.

וְהִתְבָּרַכְּוּ בְּזֶרְעֶךָ כָּל גּוֹי הָאָרֶץ Gen. 22, 18. III.

וְהִתְבָּרַכְּוּ בְּזֶרְעֶךָ כָּל גּוֹי הָאָרֶץ Gen. 26, 4. IV.

וְנִבְרַכְּוּ בְּךָ כָּל מִשְׁפְּחוֹת הָאָרֶץ וּבְזֶרְעֶךָ Gen. 28, 14V.

Ex hac collatione liquet I., ultimam, [Gen. 28, 14. Jacobo datam promissionem esse ceteris uberiorem et clariorem; nam בְּךָ per te, diserte explicatur praeposito Yau exegetico per וּבְזֶרְעֶךָ et, i. e., nempe, per progeniem tuam, quae expressio etiam in textu Abrahamo Gen. 22, 18. facta, et demum in

quarta Isaaco Gen. 26, 4. repetita promissione substituitur expressionibus **בְּךָ** per te, et **בִּי** per eum, quae in prima et in secunda promissione leguntur. Adparet II. permutari **כָּל נְיִי הָאָרֶץ** omnes gentes terrae Gen. 18, 18. 22, 18. 26, 4., cum **כָּל מִשְׁפְּחֹת הָאָרֶץ** omnes familiae terrae i Gen. 12, 3. 28, 14., ut **אֶרֶץ** non possit exponi de sola regione posterorum Abrahami, Isaaci et Jacobi, uti etiam oppositio posterorum hujus familiae patriarchalis docet. Patet III. formam septimam **נִבְרָכְךָ** in prima, secunda et quinta promissione Gen. 12, 3. 18, 18. 28, 14., permutari cum forma quinta **הִתְבְּרָכְךָ** in tertia et quarta promissione Gen. 22, 18. 26, 4., utramque igitur formam hujus Verbi prorsus idem valere.

Perspicuum itaque est, I. de omnibus aliis gentibus et familiis orbis terrarum, quae posteris Patriarcharum opponuntur, et II. de benedictione, quae illis non per ipsos Patriarchas, sed per progeniem seu posteros eorum continget, sermonem esse. Neque III. dubitari potest, benedictionem in effectu, seu felicitatem esse intelligendam. Id ultimum quidem impugnavit Jurieu Hist. Crit. Vol. I. c. 1., qui plures nostra aetate sequaces obtinuit. Hi **נִבְרָכְךָ** et **הִתְבְּרָכְךָ** exponunt de actione mutua: sibi invicem bona adprecabuntur, ut sensus sit: gentes omnes a sibi invicem bona adprecabuntur, dicendo: Deus te reddat ita beatum ut Abrahamum Isaacum et Jacobum, i. e., ut posteros horum Patriarcharum. Ut hanc artificiosam inter-

pretationem aliqua saltem ratione comprobent, provocant ad Gen. 48, 20., ubi autem nec quinta, nec septima, sed secunda nostri Verbi forma, et quidem cum adjecta explicatione legitur. בָּרַךְ יִשְׂרָאֵל per te benedicet (populus) Israel, dicendo: Deuste faciat sicut Ephraimum et Manassen. Quis non videt, locum hunc adductis supra promissionibus prorsus dissimilem esse? Observanda autem simul est altera disparitas, quod hoc loco non sit mentio de progenie Josephi, ut supra simul progenies Abrahama, Isaaci et Jacobi, commemoratur; nec perspicere facile potest, cur haec explicatio de posteris vel progenie, illis promissionibus adjecta esset, siquidem hi Patriarchae tanta prosperitate usi sunt, ut in exemplum trahi potuerint, nec opus fuerit, eorum quoque progeniem memorare. Nec reticendum est, Gen. 48, 20. diserte de adprecatione bonorum et quidem de singulis Israelitis esse sermonem, gentes vero integras, de quibus in nostris promissionibus sermo est, non solere sibi invicem bona adprecari. Occurrit autem, quod hoc interpretationis artificium penitus subruit, scilicet usum loquendi repugnare; nam etsi diffidendum non est, quintam et septimam Verborum quorundam formam nonnunquam gaudere notione actionis mutuae, ut הִתְפַּתֵּל et גָּאֲבַק colluctatus est, נִדְבָר collocutus est, נִזְעַן consultavit; id tamen nequaquam pro arbitrio de omnibus Verbis harum formarum fingendum, sed de singulis comprobandum est usu loquendi, qui desideratur in nostre

Verbo, ejus quidem forma septima alibi non recurrit, verum, ut supra memorata permutatio docet, certum est, eam valere idem ac formam quintam, quae legitur I. Deut. 29, 18. : וְהִתְבָּרַךְ בְּלִבּוֹ, quod verbi nullatenus potest aliter quam: et benedicat sibi in animo suo, i. e., sibi bona polliceatur, seu, se felicem reputet. — Ita etiam II. Jes. 66, 16: legitur : הַמִּתְבָּרֵךְ בָּאָרֶץ יִתְבָּרַךְ בָּאלֹהִי אֱמֵן : וְהַנִּשְׁבַּע בָּאָרֶץ יִשְׁבַּע בָּאלֹהִי אֱמֵן, ubi oppositio notionem Verbi perspicue definit: qui sibi benedicet in terra, benedicet sibi per Deum verum; et qui jurabit in terra, jurabit per Deum verum; nam sicut qui jurat, non alteri sed sibi mala imprecatur: ita etiam, ut oppositio sibi constet, vertendum est; qui sibi (non alteri) bona adprecabitur etc. III. Eadem haec istorum duorum Verborum oppositio eodem prorsus sensu legitur Jer. 4, 2., ut de notione formae quintae הִתְבָּרַךְ nullus relinquatur dubitandi locus. Hinc IV. notio alia ipsi nec Gen. 22, 18. 26, 4, nec Ps. 71, 17. obtrudenda est, inprimis quia ubique locum suum commode tenet; quare Ps. 71. 17.: יִתְבָּרְכוּ בּוֹ כָּל וְאֶשְׁרֵיהֶם vertendum erit: per eum benedicent sibi, i. e., felices erunt, vel felices se reputabunt omnes gentes, et depraedicabunt eum. Alibi haec hujus Verbi forma non recurrit. Cum itaque tribus prioribus locis propria sit haec notio, etiam tribus locis posterioribus, quibus non minus apte convenit, repudianda minime est, aut cur rejicienda sit, ratio philologica et exegetica reddenda,

quae de Verbo alibi non recurrente reddi nunquam poterit.

Ne autem ambiguum relinquere videamur, quodnam genus felicitatis per progeniem Patriarcharum ad omnes gentes terraquei derivandum, de quo gentes omnes sibi gratulabuntur, intelligendum sit: etiam de hoc plura dicenda veniunt, quamquam idipsum attento Pentateuchi et imprimis libri Geneseos lectori, cujus mens integra, nec ulla opinione praecoccupata est, obscurum esse vix potest. Nam qui historiam Patriarcharum diligentius et libera mente meditatus est, non potuit non observare, omnium eorum, quae piis illis viris et eorum posteris promissa fuisse legit, finem esse conservationem verae religionis, et religiosae probitatis; in hanc enim tanquam, in centrum, omnia illa de externa, domestica et civili felicitate promissa, prout illi adolescentiae humanitatis congruebant, concurrunt. Nam promissa fuit prosperitas externa hac conditione, ut verum Deum, Dominum et creatorem et rectorem omnium, religiose agnoscerent, pie colebant, et sedulam religiosae morum probitati operam navarent, prout disertis verbis expressum legitur Gen. 17, 1. „Cum Abram esset 99 annorum, adparuit ei Jehova, et dixit ad eum: ego sum Deus altissimus, „ambula coram me, et esto perfectus, i. e., „mihi servito, me religiose cole, et esto „integer vitae,” cf. Ps. 119, 1. Ita etiam Gen. 18, „17 — 19. legitur: „et dixit Jehova: num celabo (i. e. non „celabo) Abrahamum, quid facturus sim? nam Abraham fiet gens magna et potens, et benedicentur (fo-

„lices reddentur) per eum omnes gentes terrae; nam „novi eum, praecepturus enim est filiis suis et familiae suae post se, ut custodiant „viam Jehovae (religionem) faciendo justum „et aequum, ut adducat Jehova super Abrahamum, „quod promisit ei,“ ad quod pertinet etiam promissio de benedictione omnium gentium. Cf. quoque Gen. 22, 16—18. 26, 5. Atque Abrahamum, Isaacum et Jacobum hac de re edocuisse filios, domesticos et servos, testantur non solum loca Gen. 24, 3. 12. 26—27. 27, 28 —29. 28, 2. 4. 10—15. 29, 32—35. 30, 2. 6. 8. 17. 18. 20. 23 35, 1—7—15., sed ipsi quoque posteriores eorum, verum Deum colentes testantur ipso facto, se a majoribus suis ita edoctos fuisse. Hunc promissionum illarum finem indicat etiam mutatio nominum Abram, Sarai et Jacob, in Abraham, Sara, Israel, Gen. 17, 5. 15. 32, 28—29. 35, 10.; nam nomina nova inponebantur servis recenter acquisitis et ministris regum ad majorem dignitatem evectis, cf. meam Arch. Bibl. Germ. I. Th. II. B. §. 189. S. 280—281.; unde adparet, Deum hac nominum immutatione indicasse, ut viri hi et eorum posteriores deinceps huic Deo serviant. Circumcisio quoque, quae non solum Abrahamo, sed etiam domesticis ejus, servis et omnibus posteris mandata fuit, erat (more sacerdotum Aegyptiorum) consecratio ad cultum divinum, Gen. 17, 9 —14. — Si itaque felicitas Patriarchis et posteris promissa, externa quidem, domestica et civilis, verae tamen religioni arctissime connexa fuit: cogitare certe non potuerunt Patriarchae, felicitatem, per ipso-

rum posteros ad gentes propagandam, eidem verae religioni nulla ratione junctam fore. E contrario, si, prout vidimus, vera religio conservanda, erat causa et fons felicitatis Patriarchis et posteris eorum promissae: cogitare profecto debuerunt, eandem hanc religionem fore causam et fontem felicitatis ad omnes gentes propagandae. Aliunde benedictionem seu felicitatem ad omnes gentes derivandam, fore mere externam, domesticam et civilem, cogitare non poterunt, quia Gen. 22, 16. diserte promittitur, progeniem Abrahami portis, i. e., urbibus hostium potituram, et Gen. 28, 14. additur, posteros Jacobi, aliquando non solum Canaan possessuros, sed etiam versus omnes mundi plagas erupturos esse, unde patebat, illarum urbium hostilium et harum regionum finitimarum incolae per posteros Patriarcharum nequaquam externam, domesticam et civilem felicitatem consecuturos esse, et promissionem illam de hac saltem sola proprie intelligi non posse. Non alia igitur benedictio seu felicitas per progeniem Patriarcharum ad omnes gentes derivanda relinquitur nisi propagatio verae religionis, ad quam conservandam, promovendam et propagandam omnes promissiones amice conspirant.

Non deerunt fortasse, qui dicant, felicitatem Patriarchis eorumque posteris promissam, etsi religioni junctam, esse tamen externam, domesticam et civilem; ejusdem igitur generis felicitatem intelligendam esse eam, quae ad omnes gentes derivanda esse praedicatur; verum inprimis observandum est, veram re-

ligionem, in effectu spectatam, i. e., functione officiorum efficacem, non parum promovere felicitatem externam, domesticam et civilem, ut qui, vera religione ducti, praestant quae praestanda sunt, multo aliis tranquillores et feliciores vivant, sive laeta sive adversa fortuna utantur. Dein nemo, nisi historiae humanitatis prorsus ignarus, negabit, promissionem hujus modi generalem, ideoque obscuriorem, aut saltem minus perspicuam, illi aevo congruisse, nec illi infantiae vel adolescentiae humanitatis convenisse, disertis et propriis verbis exponere illam multo eminentiorem felicitatem, quae demum adulta jam humanitate reapse ad omnes gentes propagata est. Denique tenendum imprimis est, caput principale in omnibus his promissionibus esse veram religionem per posteris Patriarcharum conservandam, adeoque demum etiam ad omnes gentes propagandam. Hujus generis sunt pleraeque revelationes, ut obiter et inconsiderate legentibus ambiguae aut obscurae videantur, conferentibus autem plura effata, eaque meditantibus et expendentibus satis clarae sint.

Etsi autem propagatio verae religionis ad omnes gentes per progeniem Abrahami, Isaaci et Jacobi, satis liquide promittitur: nulla tamen fit mentio de aetate, de auctore et de modo tantae mutationis generis humani, cujus impedimenta et difficultates non perspicit, nisi qui antiqua illa tempora et sensus hominum illius aevi diligentius perscrutatus est et intime novit, uti vel ex Platonis sententia colligi aliquatenus potest, cum scripsit, difficile esse, auctorem seu ar-

chitectum mundi invenire; et cum inveneris, indicare in vulgus, impossibile, vel ut Cicero in Timaeo seu de universo nro. 2. p. 2106. T. IV. ed. Ernest. vertit, nefas esse. Beneficium itaque ingens, sed terminis genericis promittitur. Obscuriores itaque sunt hae promissiones quam omnes aliae, hucusque pertractatae; quippe non nisi generatim attingunt unicum beneficium per progeniem Patriarcharum omnibus gentibus praestandum, quod autem recentiori aetate a Prophetis saepe et diligenter commendatum, et auctori Messiae tributum fuit, in N. demum F. persaepe laudatur, ac ex his promissionibus, quae Patriarchis datae sunt, deducitur, Luc. 1, 54—55. 72—75. 2, 32. Joh. 8, 36. coll. Matth. 13, 17. et Luc. 10, 24. Act. 3, 25 — 26. Rom. 4, 13. 16. 9, 7. 11, 1. Gal. 3, 8. 16. 19. Hebr. 2, 6.

Gen. 3:

Unus reliquus est locus Gen. 3, 15., qui honorem quidem protoëvangeli meruit, non minus tamen obscurus quam vexatus est, neque id mirum videbitur cuiquam, qui perpenderit, narrationem hoc capite comprehensam descendere ex prima humani generis aetate, quando protoparentes nostri ab infantibus non differabant; nam etsi corpore adulti erant, et expeditas habebant omnes corporis et animi facultates, iis tamen uti nondum didicerant, vix quaspiam paucas notiones rerum sensibilibus et aliquas ideas acquisiverant, linguam vixdum inventam pauperrimam loquebantur, toti a sensibus pendebant, et res in somniis oblatas opinabantur reapse actas esse, prout ex Gen.

2, 21—23 liquido adparet. Hinc demum mox consequente etiam tempore, ditata aliquantum lingua, illa, quibus in prima infantia aut adolescentia suae actis Gen. 2, 16—17. 3, 1—24. vehementius commoti fuerant, alia, quam qua primitus perceperant, ratione narrare non poterant. Haec, illo infantili modo concepta narratio, etsi lingua temporis progressu ditata, mansit qualis erat, et per Methuschelachum et Noachum propagata est ad Abrahamum, et demum in linguam quoque Hebraicam transiit, minutiis quidem fortasse quibusdam (uti Gen. 3, 1. serpentem fuisse astutissimum animal, et Deum dixisse, quae Gen. 3, 22—23. leguntur) aucta, in rei summa autem immutata et depravata non fuit, prout non solum haec infantilis, primae illi hominum aetati adprime conveniens ratio narrandi, et ipsa quoque somniorum ut rerum vere peractarum descriptio, sed etiam insignis linguae paupertas, nominum praesertim pluralium penuria, ac perfrequens collectivorum usus testatur, atque certitudo quoque traditionis (non scholasticae volubilis, sed) certae et constantis domesticae et patriae, inprimis in tanta illorum hominum longae-vitate, confirmat, ut Abrahamus historicum hanc ex ore Semi et ipsius quoque Noachi, et Noachus ex ore Methuschelachi, atque hic ex ore ipsius Adami saepe numero audire potuerit. Ipsa quoque obscuritas huius loci, et difficultas rem, quae narratur, intelligendi, non aliunde venit, quam quod genuina est primorum hominum vix dum adolescentium simplex et (absit invidia verbo) puerilis narratio, quae, ut intelliga-

tur, requirit lectorem, qui omnium recentiorum ob-
liviscatur, et se totum transferat in infantilem illum
et simplicissimum protoparentem statum, quod eo dif-
ficilius est, quo plura et graviora e mente amandan-
da sunt, id est, quo cultior et doctior est lector.
Quod, quia paucissimi possunt, peperit tantam inter-
pretationum varietatem, quanta vix in alio sacrae scrip-
turae loco deprehenditur. Nihilominus subeundum
est, si non prorsus, saltem quodam modo novae inter-
pretationis periculum, cui si forte succumbemus, dif-
ficultate ipsa excusabimur; abs re tamen non fuerit
adjicere observationem doctissimi presbyteri Oratorii,
Rich. Simon lettres choisies T. IV. p. 48. : „c'est le
„sort ordinaire des auteurs, d'avoir à se défendre
„contre une foule de demisavants prevenus en favé-
„ur de certaines opinions communes, principalement
quand il s'agit des faits, qui regardent quoi-
„qu'indirectement la théologie. Mais il vient
„un tems, où ce que l'on a condamné d'abord comme
„une erreur, est reçu ensuite comme une vérité. Les
„docteurs de Paris ont condamnée au commencement
du dernier siècle plusieurs sentiments de Jaque le
„Fevre d'Estaples et d'Erasme comme des nouveau-
„tés dangereuses. Ces sentiments, qui paroissent
„alors dangereuses à nos sages maîtres, sont aujourd-
„hui reçus de tout ce qu'il y a d'habiles gens.“

Opportune tamen, ne omnis nostra qualiscunque
commentatio, consueta adversarii exceptione, hanc
narrationem esse mythum, praecladatur, praemitten-
dum est monitum; hominem, expeditis licet omnibus

humanitatis facultatibus instructum per se ipsum, sine externa alterius alicujus institutione nunquam ad aliquem, etsi primum et infimum humanitatis gradum eluctari, quod jam aliquatenus colligi potest ex illis, qui nati sunt surdi et muti; nam quamvis multis exemplis hominum, quae visu percipiunt, ad humanitatem evehi et excoli posse videantur, cum tamen non assequuntur, sed manent bruta animalia sine idea numinis, religionis et moralitatis; nec aliis momentis nisi instinctu et stimulis naturalibus ducuntur; neque alio medio quam baculo coerceri possunt, nisi sermonem aliquem humanum saltem per signa edocti, ac ita porro instituti fuerint. Multo autem luculentius idem comprobant homines, qui in infantia sua casu quopiam infausto e societate hominum elapsi vel exclusi fuerunt, et inter feras adoleverunt, quorum exempla, quia parum sunt nota, paucis adducere, operae pretium est.

Puer triennis, a lupis raptus, demum adolescens 1544 in Hassia repertus, didicerat quidem more luporum quadrupes celcritur currere et salire, sed omni usu superiorum animi facultatum destitutus erat, et etiam, ut erectus incederet, nonnisi asserculis corpori alligatis assuefieri potuit. Sermonem deinde humanum edoctus, asseruit, se a lupis molliter fuisse educatum, et cum ipsis se malle quam cum hominibus esse.

Adolescens 20 circiter annorum, 1649 in Lithuania inter ursos captus, pilosus erat, quadrupes incedebat, et vix tenuae quodpiam rationis humanae in-

dicium prodebat, non solum sermone, sed etiam voce humana carebat, et non absque magna difficultate demum demitus et mansuefactus est; paulatim didicit saltem ad parietem inclinatus consistere erectus, more hominum manducare, et denique etiam, voce tamen non penitus humana, loqui. Eorum, quae in feritate sua egerat, recordari non poterat.

Puer fere novem annorum, 1661 acque in Lithuania inter ursos captus, primum contra aggressores dentibus et unguibus se defendebat, quibus armis alter puer, ejus socius, venatoribus praevalens, se subduxit. Ille autem, qui demum Josephus Ursinus dictus fuit, quadrupes ambulabat, vix se erigere potuit, et non absque magna molestia erectus incedere didicit. Etsi socium habuit sibi similem, omni tamen humano sermone carebat, sed fere ut ursus murmurabat, nec unquam sermonem humanum edoceri potuit. Cf. Schweikard de statu animae hominis inter feras adolescentis 1757 Argentorati. Hinc adparet, temere asseruisse Herderum, homines hujus generis feros facile sermonem humanum discere et notitiis necessariis excoli:

Ferus juvenis Bambergensis, a Cammerario commemoratus, vitam boum vivebat, et alter, qui a Tulpio describitur, ut ovis balabat, gramine et foeno victitabat, quadrupes currebat, et difficulter mansuefactus est.

Puella, quae, 16 fere menses nata, raptafuerat et demum aetate 19 annorum 1717 in Hollandia cap-

ta, cute erat fusca, dura et aspera, coma longa et densa, lingua balbutiente, ac herbia et arborum foliis vescebatur; erecta tamen ambulabat, et pudenda tegumento stramineo tegebat, sed admodum pavida erat; etsi in regione adeo populosa adolevit, nihilominus vix semihomo erat, facile tamen deinceps hominibus adsuevit, et sermonem humanum aliquatenus didicit.

Silentio praetereundi non sunt duo pueriferi, qui 1719 in Pyrenaeis montibus, instar rupicaprarum, a scopulo in scopulum salire visi sunt.

Adolescens 13 annorum, 1724 captus, et Petrus Hamelensis dictus, filius cauponis Muhringensis in Paderborna, hebetis ingenii fuisse putatur, sermonem humanum etiam deinceps perdiscere nunquam potuit. Blumenbach in Voigt's Physicalischen Magazin 4 B. 3 St. 41.

Puella 10 circiter annorum, Cataloni ad Marnam in Gallia 1731 deprehensa, quae demum nomine le Blanc innotuit, facultatibus animalibus mixtum in modum exercitata erat; nam celerrime saliebat, in arbores reptabat, in aqua natabat, crudis piscibus et ranis vescebatur; sed magna demum cum difficultate sermonem humanum didicit, et saepe in antiquam feritatem relabebatur. Notatu dignum est, ipsam habuisse sociam, quam paulo ante quam caperetur interfecerat, neque tamen sermonem aliquem humanum inveni-erat vel didicerat. Cf. Uebersicht über die allgemeine Geschichte der Menschheit und Verschiedenheit der Völker. Altona

1794. Ith. Anthropologie 2te Auflag. 1803. S. 339 u. 527. Koenig Schediasma de hominum inter feras educatorum statu naturali Hamburgi 1737. Raff, Natürgesch. S. 589. ff.

Praeterendum denique non est, quod narratur ab Herodoto II. 2., Psammetichum, regem Aegypti, pastori tradidisse duos pneros recens natos, ut inter capras educarentur, nec verba hominum audirent, qui demum biennes non aliam protulerunt vocem nisi *βexos*, quae est imitatio soni, quem caprae mutientes edunt, unde rursus adparet, homines sine alterius institutione non invenire aliquem sermonem humanum, sine quo superiores hominis facultates non excoluntur.

Ex his tristibus miseriae humanae exemplis liquet, hominem, non tantum solitarium, sed etiam cum socio sibi simili, inter animalia viventem, esse et manere animal brutum, superiores animi facultates non exercere, usum rationis non adipisci, nec ullum sermonem humanum assequi, et neque incessum erectum, licet naturae hominis convenientem, tentare. Quid, si illi, quos adduximus, homines inter feras inventi, procreassent sui similes? quid censemus posteros eorum, si non filios et nepotes, certe pronepotes et abnepotes futuros fuisse nisi bruta, nullius jam institutionis capacia? Cf. Weillers Ideen zur Gesch. der Entwicklung des religiösen Glaubens II. Th. S. 97—98. Kelle's Vorurtheilsfreye Würdigung der Mosaischen Schrift. II. Th. S. 17—103. Ewald's Religions-

lehren der Bibel I. B. S. 97. Hinc consequitur, protoparentes quoque nostros, etsi duos, sed ambos aeqne incultos et rudes, inter animalia constitutos, sine externa alicujus alterius institutione ex statu animali non potuisse emergere, nec ad exercitium superiorum animi facultatum eniti, et nequidem ullum sermonem humanum, sine quo nullus est animi cultus, invenire, imo neque incessum erectum tentaturos fuisse, sed incessu et modo agendi et vivendi brutis similes mansuros, et eorum posteros prorsus in genus brutorum degeneraturos fuisse, ut paucas post generationes etiam omnis institutionis culturae humanae, atque ipsius etiam erecti incessus incapaces redderentur. Id jam Plato aliquatenus perspexit, cum in Politic. p. 175 de primis hominibus scribit: Θεός ενομευε αὐτοὺς αὐτοῖς ἐκίστατων, καθάπερ οἱ νῦν ἀνθρώποι, ζῶντων ἑτερώων θείοτεροι, ἀλλὰ γένη φαυλοτέρᾳ αὐτῶν νομειῦσι: „Deus pascēbat eos, ipse eorum „erat praeses, sicut nunc homines, aliis animalibus „diviniores, alia genera viliora pascunt.“ Ut igitur protoparentes ad usum rationis, ad effingendas primas ideas moralitatis, religionis et Dei, ac ad initia sermonis humani excitarentur, necessaria omnino erat externa quaeprimam institutio, quae alia esse non poterat nisi divina revelatio; atque illam, quam Gen. 1, 28 — 30, 2, 16—17. 19—20. 3, 8—19. legimus, illi protoparentum infantiae adprime convenisse, primis initiis sermonis humani occasionem praebuisse, et usum rationis practicae excitasse, quis est, qui negare pos-

sit? Haec conclusio eo firmus fundata est, quo experientia, cui innititur, omnibus philosophorum minutis conclusiunculis firmior est, ut dici possit: non audio verba, ubi facta loquuntur.

Locis mox allegatis Gen. 1, 28—30. 2, 16—17. 19—20., Deus se patrem primorum hominum manifestat, prima sermonis humani initia adparat et promovet, ac salubria alimenta, quae sunt prima infantum cura, adsignat, provide autem simul cavet, ne de noxio fructu arboris, quae erat in medio illius districtus frugiferi, seu horti, manducent, cujus esum consequeretur mors; comminatio, quae adhucdum infantibus non raro annunciari solet, etsi mortem nondum norint. Fructum hunc, ut plures jam olim interpretes observarunt, reapse protoparentibus fuisse noxium, experientia modo insuperabili docuit; nam eo manducato Gen. 3, 7. curam nuditatis suae, cujus rationem antea non habebant, gerere incipiunt, quod invicto argumento est, cibum hunc nervos corporis nimium irritasse et hinc certo modo debilitasse. Prohibitio autem illa, et haec, transgressionem subsequuta corporis perturbatio, atque annunciata demum poena, erat aptissima, ut moralis seu practica horum infantum ratio ad exercitium et usum, ad discernendum bonum et malum, et ad agnoscendum Dominum et Judicem Deum excitaretur; atque ab hoc effectu arbori inditum fuit nomen cognitionis boni et mali, quae phrasis Deut. 1, 39. Jes. 7, 15—16. moralem rationis usum significat. Haec quo-

que castigatio, quae praevaricationem secuta est, exsiliū nempe ex loco illo frugifero, et laboriosior hominis conditio, erat ejus generis, ut deinceps, non solum protoparentibus, sed etiam posteris eorum, perpetua esset monitio, ne usum rationis practicae negligērent. Verum haec et similia ab aliis non paucis fuisse explicata sunt; quare his nunc quidem missis ipsum caput Geneseos tertium exponamus.

Gen. 3.

Astutissimum vero omnium animalium campi 1), quae Jehova Deus fecerat, erat serpens

- 1) עָרוֹם perspicax bono et malo sensu, nempe prudens, ut Prov. 15, 5. 29, 25.; et astutus, ut I Sam. 23, 22., sicut Syr. עָרִים prudens et astutus. Supra autem Gen. 2, 25. עָרוֹמִים nudi, et Gen. 3. 10. 11. עָרוֹם nūdus = עָרָם, ut Gauhari et Phiruzabad exponunt, decorticavit arborem, avulsit carnem ab osse, i. e., denuclavit, et etiam (non ut Golius habet lactavit, sed) suxit seu vulsit puer ubera matris; ast עָרָם et עָרָם malignus, impudens fuit. unde a Syris et Hebraeis ad malevolam prudentiam seu astutiam transfertur. — חַיֵּית הַמִּדְבָּר animans campi, collective, alibi ferae, oppositae animalibus domesticis; nostro autem loco, ut Gen. 1, 25. חַיֵּית הָאָרֶץ, sunt animalia terrestria, opposita aquatilibus et volucris.

2); nam dixit ad mulierem 3): etiam ne dixit Deus 4): de nulla arbore 5) horti man-

2) **הַנָּחָשׁ** serpentem, et nequaquam diabolum designare, liquet ex eo, quod diabolus nullatenus dici potuit astutissimus omnium animalium terrestrium. Lectio textus Samaritani **הַכֹּחַשׁ** mendax, huic seriei orationis repugnat, et ingeniosam quidem, sed ineptam correctionem prodit.

3) Nam dixit ad mulierem. Vau praefixum in **וַיֹּאמֶר** caussale est; verbum autem hoc usurpatur quidem, absolute positum, etiam de cogitationibus: ast cum adjecto: dixit ad (mulierem), hoc sensu intelligi nequit; haec itaque expositio Cardinalis Cajetani aliorumque, mulierem haec, quae sequuntur, duntaxat cogitasse, usui loquendi repugnat. An autem serpens reapse locutus fuerit, mox videbimus.

4) **הָאֵף כִּי** alias valet quanto magis, quanto minus, omnino, quum, quia, ut Noldius in Concord. p. 97. exemplis docet; nostro autem loco, prout Noldius p. 787 nro. 489 adjicit, et series orationis flagitat, est interrogativum pro **כִּי הָאֵף**, unde Onkelos vertit: **בְּקוֹשְׁטָא אֲרִי** in veritate quod, seu vere ne; Syrus an vere, et Alexandrinus **τι ὅτι**. Hic hujus particulae usus archaismus est, alibi non recurrens. Ceterum observatione dignum est, scriptorem constanter uti expressione **אלהים**, serpentem autem et mulierem simplici nomine **אלהים**, quia nomen **יהוה** illa prima hominum aetate nondum aderat.

5) Ita vertendum esse, docet constans et perpetuus

ducate? Mulier vero ad serpentem dixit: de fructibus arborum 6) horti manduca-

Hebraeorum usus loquendi, ex quo כָּל לֹא et לֹא כָּל semper generatim omnia negat, cf. Exod. 12, 16. 43. 48. 15, 26. 22, 21. Lev. 2, 11. 3, 17. 6, 23. 7, 23. 16, 17. 17, 12. 14. etc. Vide meam Grammat. L. H. ed. III. p. 394. et Noldii Concord. Part. p. 387. Ut exprimatur non omne, circumlocatione opus est, ut Num. 23, 13. Haec interrogatio non solum supponit falsum, sed etiam adeo inepta est, ut nec diabolo, ut quipiam volunt, nec mulieri, ut contendit Cajetanus, conveniat; sed quo ineptior est, eo manifestius prodit, hoc loco narrari somnium, quale etiam Gen. 2, 21—23. legimus, quod protoparentes, utpote infantes, a re vere acta discernere nondum didicerant, et hinc, narrabant, prout opinabantur, reapse accidisse. Somnio interrogatio hujus generis adprime convenit, quod mythologus, quem multi haec scripsisse existimant, non hac ratione narrasset, quin indicasset. Somnio haec inepta quaestio et loquens serpens adprime convenit; nam somnianti nihil magnum; et nihil tam praepostere, tam incondite, tam monstrose cogitari potest, quod non possimus somniare.

- 6) עֵץ arbor, lignum, פֵּרִי fructus, et quamplurima alia Nomina in tribus primis Geneseos capitibus sunt collectiva, et rarior est forma pluralis numeri, quod remotissimam antiquitatem redo-

mus; ast de fructu arboris, quae est 3
 in medio 7) horti, Deus dixit: non man-
 ducate de illō, nec attingite eum, ne
 moriamini. Serpens autem dixit ad mulierem: 4
 nequaquam moriemini, sed novit De- 5
 us, manducantibus vobis de eo 8) aper-

let. Nomen גן, hortus, esse recentius per se intelligitur, designat autem regionem fertilem, arboribus frugiferis consitam. Situs ejus, quia accuratior aetate scriptoris non amplius notus erat, Gen. 2, 8—14. duntaxat obiter describitur in confinio fluviorum, Euphratis, Tigridis, Gihon seu Oxi, et Phischon seu Phasis, adeoque circa mare Caspium. Observandum autem, in hac descriptione Gen. 2, 10., nomen נהרות esse collectivum, et quatuor illos fluvios indicare, ac, נהרות אשם non esse brachia, sed fontes fluviorum, prout usus loquendi Arabicus et Syriacus docet, ut mirum sit, eruditos interpretes id non animadvertisse.

7) בתוך in medio, non raro quidem idem valet ac in; sed hoc loco indicat situm arboris, nequaquam autem, ut aliunde intelligitur, mathematicè definitum, quod non fuisset monendum, nisi Michaelis in notis ad versionem Germanicam de eo cogitasset, ideoque vertisset in.

8) כיום אכלכם die comedere vos, i. e., quando manducabitis, seu vobis manducantibus.

tum iri oculos vestros 9), et vos fore sicut deos, scientes bonum et malum, Tum vidit mulier, arborem esse bonam ad manducandum, et jucundam oculis 10), et exopta-

9) וַתִּפְתָּח עֵינֶיהֶם וַתִּבְקֹרְהוּ *aperientur oculi vestri, nempe tropice, ut mox sequentibus explicatur, scietis, perspicietis, discernetis bonum et malum, ut lege et doctore non sit opus. Supponitur, Deum invidere hominibus hanc perspicaciam, et hinc fructum arboris interdixisse; suspicio haec alias in mente mulieris, videntis serpentem vorare fructum hunc sine noxa, orta esse videtur. Nunc ea in vicinia arboris dormiente, serpens more suo arborem conscendit, atque strepitu et sibilo occasionem somnio praebeuit; evigilans mulier conspexit serpentem de fructu vorantem et multo vegetiorem, ex quo conclusit veritatem somnii, et de fructu manducavit. Si diabolus, ut Sap. 2, 24. et in N. F. dicitur, intercessit, serpentem duntaxat illo ipso tempore, quo mulier ibi dormiebat, subornavit, ut arborem conscenderet, quod ipsum tamen in hac narratione non attingitur, nec, quia protoparentibus nostris ignotum erat, attingi potuit.*

10) Tum vidit, expegefacta nempe attentius arborem aspexit, et observavit vorantem de fructibus ejus serpentem nullam noxam ferre, sed esse vegetiorem, unde conclusit, fructum esse salubrem cibum. — תִּאֲוָה הוּא לְעֵינַיִם *desiderium est oculis, i. e. arbor jucunda oculis, seu pulchra.*

tam esse arborem ad obtinendam sapientiam 11);
sumsit itaque de fructibus ejus, et manducavit,
ac dedit quoque viro suo, (qui erat) cum ipsa,
qui etiam manducavit. Tum aperti sunt oculi am- 7
borum, ut adverterent 12), se esse nudos, quare
folia 13) ficuum connectebant, et sibi subligacula
parabant. 14)

11) נִחְמָדְךָ desideratus, desiderabilis, seu
exoptatus, bonus. — לְהַשְׁכִּיל ad sapientem
reddendum, vel ad sapiendum, ad obtinen-
dam cognitionem; nam הַשְׁכִּיל persaepe intransi-
tive usurpatur.

12) וַיֵּדְעוּ et cognoverunt, seu ut cognoscerent,
animadverterent, vel potius enrarent, quae notio
huic Verbo saepe inhaeret, ut Job. 5, 27. Ruth. 3,
4. Gen. 39, 6. Prov. 27, 23. Ps. 9, 11. 36, 11. 144, 3.
Amos 3, 2. Nah. 1, 6.

13) עֵלֶף folium, collective folia, ut vertunt an-
tiqui interpretes; lectio aliquorum codicum עָלִי
est correctio librariorum, qui non observarunt,
vocem, uti alias multas inprimis in his primis ca-
pitibus voces, collective usurpari.

14) Ex hoc esus consecratio, curae ipsis fuisse nu-
ditatem, quam antea non curaverant, liquet, fruc-
tum exseruisse in corpore vim nimis irritantem ner-
vos, et hominibus, saltem in illa juventute sua,
fuisse noxium.

Tum audiverunt vocem Jehovae Dei 15) am- 8
 bulantis 16) in horto circa vesperam 17), et ab-
 scondit se homo et mulier ejus a Jehova Deo in- 9
 ter arbores horti. 18) Jehova Deus autem voca-
 vit hominem, et dixit ad eum: ubi es? 19) Qui 10
 respondit: vocem tuam audivi, et timui,
 quia nudus sum, ideoque abscondi me.
 — Dixit porro: quis annuntiavit tibi, te 11

15) קוֹל vox vel sonitus Jehovae potest qui-
 dem significare strepitum ambulantis, alias tamen
 denotat tonitrua, quae etiam h. l. intelligenda esse
 videntur, inprimis cum mox timor hominum com-
 memoretur.

16) מְתַהַלֵּךְ ambulans, fortasse melius strages
 edens, quod tonitribus et timori hominum melius
 convenit; prima certe Verbi forma הֵלֵךְ signi-
 fikat etiam grassari, strages edere, Exod.
 9, 23. Prov. 6, 12. Ps. 73, 9. Nah. 2, 12. Korân II. 200 et
 ١٥١ Vita Timuri I. p. 12.

17) לְרוּחַ הַיּוֹם ad ventum diei, i. e., circa ves-
 peram, qua ingruente in illis regionibus refrige-
 rans aura spirare solet, cf. meam Archaeol.
 Bibl. Germ. I. Th. I. B. §. 29. S. 152—153 et Rus-
 sel Naturgesch. von Aleppo I. 57.

18) Infantium more se abscondunt. מְתוֹךְ הָעֵץ in me-
 dio arborum, i. e. inter densiores arbores.

19) Haec et quae sequuntur illi protoparentum infan-
 tia ad amussim convenire, nemo non videt.

esse nudum? au ex arbore, de qua praeceperam tibi, ne manducares ex ea, 12 manducasti? Respondit homo: mulier, quam dedisti mihi, dedit mihi ex arbore, et manducavi. Dixit itaque Jehova 13 Deus ad mulierem: quare hoc fecisti? quae respondit: serpens decepit me 20), et manducavi. Tum dixit Jehova Deus ad serpentem: quia hoc fecisti, maledictus eris omnibus jumentis et omnibus feris 21); supra ventrem tuum gradieris, et pulverem terrae comedes omnibus diebus vitae tuae. 22) Inimicitiam con- 15

20) Serpens decepit me, nempe in somnio, et dein esu suo exemplum praebedo.

21) אָרֶר כָּל non esse comparativum: magis maledictus quam omnia etc., facile intelligitur, quia jumenta et ferae non sunt maledictae, infelices vel execrabiles; sensus itaque est: maledictus ab omnibus, i. e., horribilis, execrabilis eris omnibus jumentis et feris. Hinc rursus liquet, serpentem non esse diabolum, qui irrationabilibus animantibus non est execrabilis, nec ipsis comparari potest.

22) Simili modo reprehendere et castigare, imo etiam verberare solemus animata et inanimata, quae occisionem infantibus praeberuunt, ut ipsi se per illa laederent, atque tali castigatione innocentium animatorum

stituo 23) inter te et mulierem, inter progeniem tuam et progeniem mulieris 24); haec (progenies mulieris) petet caput tuum, et tu petes calcaneum ejus. 25) Ad mulierem vero dixit: augebō dolores 16

et inanimatorum, solatium quodpiam parvulis, qui se per illa laeserant, suppeditamus. Hae ratione Deus, ut pater, in solatium protoparentum, qui non erant nisi infantes adulti, reprehendit serpentem, et in speciem poena afficit, quae reapse non est poena; serpentes enim etiam antea supra ventrem gradiebantur, pulverem vero terrae nec ante, nec post lapsum protoparentum comederunt, nisi forte cum herbis aliquantum terrae deglutiant, quod autem non pauca alia animantia non minus faciunt. Phrasis haec: pulverem terrae manducare vel glutire, alias significat subjectionem ac humilem et abjectam conditionem, Jes. 49, 23. Mich. 7, 17. Ps. 72, 9. 102, 10.

23) אָשִׁית ponam, vel pono, quod autem junctum inimicitiae, Latinis valet deponere finire inimicitiam; contrarium vero dicit verbum Hebraicum, et ideo vertimus: constituo.

24) זָרַע semen, i. e., progenies, posteri. Qui serpentem esse diabolum opinantur, viderint, qua ratione posteros diaboli commode et apte explicent.

25) הָוָא respicit זָרַע semen seu posteros mulieris, qui petent caput serpentis. — הִיא ipsa,

conceptus tui; in doloribus paries preles 26); nihilominus ad virum tuum erit appetitio tua, ipse autem tui dominabitur. 27) Ad hominem deni-

nempe mulier, duntaxat codices 2, et forte 5, quae-
piam manuscripta versionis Alexandrinae, et nos-
tra Vulgata sistunt; Hieronymus vero constanter
allegat: ipsum, nempe semen, quod etiam in
quibusdam codicibus Vulgatae legitur. — Petes,
et petet, notionem Verbi פֶּתַח optime expri-
mit; nam etsi Ps. 139, 11. contextus flagitat no-
tionem operiendi, contegendi, nostro ta-
men loco uti etiam Job. 9, 17., series orationis de-
poscit notionem hostiliter petendi, quae la-
tet in פָּתַח med. Vau, quod Golius quidem ver-
tit odoratus fuit, sed Scholista Divan Hudeil,
a Schultensio Job 5, 5. et a Rosenmüllero Gen, 3,
16. adductus, phrasim פָּתַח וְחָשָׂה explicat פָּתַח
venatus est feram, i.e., hostiliter petivit, quia
nempe odoratu canum latibulum ferae investigatur.

26) Mulier etiam absque hoc peccato, natura ita pos-
tulante, dolores partus sensisset, quos jam tum in
parturientibus animalibus aliquatenus animadvertere
poterat; hinc duntaxat de multiplicatione dolo-
rum sermo est, quae videtur esse consecrarium il-
lius degustati fructus, qui nervos reddidit magis
irritabiles.

27) תְּשׁוּקָה Desiderium, amor sexus, ut patet ex

que dixit: quia obtemperasti 28) mulieri
 tuae, et ex arbore manducasti, de qua
 praeceperam tibi, dicens: ne mandu-
 ces ex ea: maledicta erit terra propter
 te 29); cum labore (laboriose) manduca-
 bis ex ea omnibus diebus vitae tuae. 18
 Spinās et tribulos tibi progerminabit,
 et gramine campi vesceris. In sudo- 19
 re vultus tui vesceris cibo; donec re-
 vertaris in terram, de qua sumptus es;

شاق, quod, teste Gauhario et Phiruzabadio,
 impulsione cupiditatis et commotionem amoris
 designat. Appetitio viri in foemina, et dominium
 viri in mulierem, in natura fundatum est, et lo-
 cum sine dubio habuisset, etiam si lapsus protopa-
 rentum non accidisset. De majori itaque vehemen-
 tia appetitionis, quae ex illa nervorum irritatione
 orta est, intelligendum est, quod h. l. legitur

28) שמעת לקול שמימי audisti vocem, i. e.; obtempe-
 rasti.

29) Pro בעבורך propter te; cod. de Rossi 99 si-
 stit בעבוריך in operibus tuis, quod exprimit
 Alexandrinus, Symmachus, atque Vulgatus: in opere
 tuo; id ex errore oculorum ortum esse videtur,
 quo literae similes Resch et Daleth permutatae fu-
 erunt.

nam pulvis es, et in pulverem reverteris. 30)

Vocavit autem homo mulierem suam Chavva (vivificantem), quia futura erat mater omnium viventium 31). Tum Jehova Deus fecit ho-

30) Terram, etiam si protoparentes lapsi non fuissent, progerminaturam fuisse spinas et tribulos, et homines manducaturos fuisse diversa graminum seu olerum genera, ac terram laboriose colendam fuisse, nemo non videt; imo et protoparentes natura sua mortales fuisse, saltem eatenus, ut potuerint mori, vix ullus negabit; poena igitur ad id solum redit, ut nunc homines variis et pluribus atque majoribus calamitatibus, quae alibi non raro nomine mortis exprimuntur, conflictaturi essent, et etiam mori deberent, atque protoparentes, regione illa fertili pulsi, majori labore sibi ex terra alimenta parare debuerint. Fortasse tamen hic molestior labor corpori, per illum fructum arboris vitae corrupto, necessarius erat. aut saltem conducebat, quod experientia hodie dum docet. Ceterum חַוְוָה est ἀκαξλεγομενον seu archaismus, qui ex Syr. ܚܘܘܐ sudor, suecus, lumen capit.

31) Nomen hoc primae mulieri serius impositum fuisse, et relationem hanc, quae hoc loco non satis apto legitur, non esse ex primaeva narratione, vix opus est monere; nam jam supra Gen. 2, 23. narratum fuit, nomen mulieris fuisse חַוְוָה virā.

mini et mulicri ejus tunicas pelliceas 32), et jussit eos indui.

Dein dixit Jehova Deus: enī! homo factus est sicut unus ex nobis, cognoscens bonum et malum; ne igitur nunc extendat manum suam etiam ad arborem vitae 33), et manducet, ac vivat in aeternum: 34) — Emisit itaque illum Je-

Nomen autem חַיָּה est ab obsoleto חַיָּה (pro חַיָּה) vixit, quod asservarunt Phoenices, qui salutabant ayo adoni, i. e. חַיָּה אֲדֹנִי vive (felix) domine mi; prout etiam חַיָּה est חַיָּה (pro חַיָּה), quod conservarunt Aramaei et Arabes.

32) In Bibliis persaepe dicitur facere, qui jubet, aut curat, aut permittit fieri; ita Deus fecit tunicas, vel potius subligacula, i. e., nutu indicavit, animalibus posse pelles detrahi, et in vestitum hominum converti. — כְּתָנֵת עוֹר non: subligacula super cutem seu pudenda, sed (ut אֲזָר עוֹר cingulum pelliceum) subligacula pellicea; artificiosae tunicae integrae certe non erant.

33) עֵץ חַיָּה arbor vitae, etiam Gen. 2, 9: memorata; alibi est arbor salutaris, cujus fructus infirmitatibus et morbis medetur; Prov. 3, 18: 11, 30, 15, 4. Videtur itaque intelligenda etiam hoc loco arbor, cujus fructus sanitatem firmaret et vitam prorogaret.

34) Offendit quospiam ironia; quae hic legitur; וְעָ

hova Deus ex horto Eden, ut coleret terram, de qua sumtus fuit. Expulit igitur hominem, et ab oriente horti Eden constituit Cherubim et flammam gladii versatilis ad custodiendam viam horti Eden. 35)

rum dubium vix ullum esse potest, Deum haec non dixisse, sed expellendo protoparentes ex paradiso ita egisse, ac si haec dixisset aut cogitasset, prout similis loquendi modus observatur etiam alibi, ut 1 Sam. 29, 5. 11. 2 Sam. 16, 10—11. 24, 1.; hinc etiam hic sermo mox abrumpitur, et narratur ipsa expulsio, cf. Gen. 1, 26. 2, 18.

- 35) Si vox Jehovae ambulantis seu strages edentis, Gen. 3, 8., erat tempestas cum tonitribus et fulguribus: liquet, Cherubim et flammam gladii versatilis esse symbola illius tempestatis, qua protoparentes ex illa regione fugati sunt. כְּרֻבִים esse nubes vel ventos tempestatis, adparet ex parallelismo poetico Ps. 18, 11. coll. 104, 3. 91, 1. 97, 2. Jes. 19, 1. Exod. 40, 35. et Ezech. 1. Flammam autem gladii se convertentis seu versatilis descriptionem esse fulgurum et fulminum, dubitari nequit; non est quidem haec expressio ex primæva protoparentum ætate, qua gladius nondum notus erat, remotissimæ tamen antiquitatis esse, optica arguit descriptio, qualis prorsus eadem recentiori ævo non recurrit. — Observandum denique est, אֲדָם semper occurrere cum articulo, הָאָדָם,

Expositio Gen. 3, 15.

Qui a se impetrare potest, ut non solum omnium hujus loci interpretationum, et omnium recentiorum notionum et idearum obliviscatur, sed etiam illum infantilem, simplicissimum et perpaucae notionibus instructum animum protoparentum nostrorum induat: in loco Gen. 3, 15. non aliud reperiet, nisi quod oppositum est illi somnio Gen. 3, 1. 5., in quo mulier cum serpente amice colloquuta est, et demum falsis imaginationis suggestionibus cessit. In locum nempe hujus temerariae fiduciae et confidentiae in serpentem, succedet perpetua inimicitia et hostilitas inter mulierem et serpentem, illiusque et hujus posteros. Serpentes, prout eorum natura fert, petent calcem hominum, hi autem posteri mulieris petent caput serpentum, in quo vita est. Monitum, quod subest, protoparentes, etsi rudes et infantiles, facile perspicere poterant, similes nempe suggestiones, in speciem amicas, quales in somnio percepit mulier, nunquam defuturas, verum reputandas esse hostes infensissimos, qui impugnandi, amoliendi et delendi sunt. Hunc sensum innuit poena, non solum protoparentibus, sed etiam serpenti annunciata, quae perpetua, in facto posita, futura esset monitio, quibuscunque adlectionibus et illecebris non esse inconsiderate ceden-

unde adparet, non esse nomen proprium, quod articulum respuit, sed nomen adpellativum; hinc ubique vertimus: homo, proprie terrenus, vel terrestris.

dum, sed resistendum, et etiam eos, qui ad transgressionem invitant, esse poena dignos. Hac via usus rationis practicae seu facultatis de moralitate actionum judicandi, excitatus fuit, ut homo sui ipsius et actionum suarum fieret iudex, atque etiam illis, quae adversa acciderent, sicut illa annunciata poena, et expulsio ex regione fertili, uteretur tanquam monitis divinis, quibus cautior redderetur. Illa dictata poena, et ejectio ex secundo commorationis loco tanquam ex patria, docuit quoque homines, Deum, qui se ipsis manifestarat dominum et auctorem ipsorum et rerum omnium, esse simul hominum iudicem. — Quae modo dicta sunt, primam constituunt praeparationem ad morale regnum Messiae, et hoc sensu locus iste merito dici potest protoëvangeliū. Qui plura in eo quaerunt, et semen mulieris, repugnante licet usu loquendi, explicant de Messia, qui ex virgine nasciturus erat, etiam semen serpentis de quopiam insigni nato serpentis, vel si placet diaboli, exponendum esse, negare non poterunt, si modo sibi ipsi constare velint, neque exitum inveniant, si dixerint, semen seu progeniem serpentis esse filios diaboli seu homines sceleratos; nam Messias non hos, sed diabolum expugnasse dicitur. Hanc quoque et his similia, quae hinc loco a non paucis obtrusa fuerunt, ab illo protoparentum nostrorum statu infantiae longissime distabant, ut nec hilum intelligere aut augurari potuissent. Hinc in N. F., in quo aliunde plura V. F. loca ad Messiam ad commodandum, nullus tamen Hujus loci usus occurrit. Suffi-

iat itaque nobis protoëvangeliū eo sensu, quem supra exposuimus, nec aliud porro in hoc loco quaeramus, quod verba et adjuncta illius humanae infantiae non offerunt, imo nequidem admittunt.

**Recapitulatio vaticiniorum Messianorum
ordine chronologico.**

Non abs re erit, vaticinia, quae hucusque retrogradientes pertractavimus, nunc ordine chronologico progredientes paucis recapitulare. Non nimis frequentia, sicut vidimus, erant, sed, prout conditio temporum ferebat, sparsim edebantur, nec ampliorem lucem praebebant, quam quae diversis illis aetatibus conducebat, ut expectatio excitaretur, spes aleretur, et desiderium incenderetur, ac ita complementum aliquando consecuturum primum eminus et remote, et ita porro propius praepararetur; quapropter quo sunt antiquiora vaticinia, eo magis genericis et minus definitis verbis expressa sunt, quibus dein recentiora novum aliquod lumen affundebant, ut demum, si vaticinia omnia solerter collata essent, attentis et curiosis lectoribus sufficerent ad illum, qui promissus fuit, quando proditurus esset, dignoscendum.

Protoparentibus nostris illa divina, ad usum rationis practicae inchoandum excitatio prorsus necessaria erat, ut Deum creatorem, dominum, et iudicem agnoscerent, moralitatem actionum suarum dijudicare discerent, et posteros suos edocerent, atque hi ulteriori temporis progressu ideis religionis et moralitatis magis magisque excolerentur, ac ad exeipiendas promissiones, et per has ad ipsum magni sospita-

toris adventum pededentim praepararentur. Disertam autem Messiae promissionem rudis ille et incultus, qualis erat hominum primitivorum animus, non cepisset, nec illis vetustissimis temporibus aderant verba; quae ipsam apte exprimerent et intelligerentur; neque erat quidquam hujus generis cognitum, cui compararetur, ut igitur nec propriis nec inpropriis verbis commode annunciari, nec quacunque ratione expressa esset, aliquatenus percipi potuisset. Alias tamen ultiores quaspiam divinas monitiones progressu temporis ad illam, quam diximus, primam excitationem humanitatis, accessisse, vero quidem simile est, sed non legimus nisi admonitionem et castigationem Raineri Gen. 4. 7. 9 — 16., spiritum Dei, i. e., spiritum propheticum exorbitantes ante diluvium homines reprehendentem Gen. 6, 3., acilla, quae Noachus edoctus fuit Gen. 6, 13. seqq. 9, 4—8, quae, consilio nostro minus arcte nexa, mittimus. Aetate nempe auctoris, qui, quae reperit documenta fide digna, collegit et posteris consignavit, alise satis certae relationes jam deessant; quare, missis incertis, satius duxit, Gen. 5, 1—32 et 11. 10—26 nominare patriarchas, per quos cognitio Dei creatoris, gubernatoris et judicis, ac studium religiosae probitatis a primo homine usque ad Abrahamum propagatum fuit.

Cum autem progrediente post diluvium tempore superstitio, quae creaturas in numina convertibat, et idololatria ac polytheismus universum terrarum orbem inundaret, atque in ipsam quoque religiosam illorum patriarcharum familiam penetraret, Gen. 31, 19. 30—

35. Jos. 24, 2., ut vera religio, nisi singulari ratione subveniretur, exstinguenda esset, et ita nulla ulterior praeparatio ad adventum magni illius sospitatoris locum habere posset: Abrahamus promissionibus felicitatis externae, domesticae et civilis posterorum suorum, ad conservandam cognitionem veri Dei et religiosam morum probitatem vocatus fuit, addito etiam Gen. 12, 3. 18, 18. graviori quidem, generali tamen promisso, per posteros ejus aliquando beandas fore omnes gentes, quod de propagatione verae religionis ad alios populos, idololatriae addictos, intelligendum esse, ostendimus, Gen. 17, 1. 5. 15. 18, 17—19. 32, 28—29. 35, 10. coll. 22, 16. 28, 24. etc. Indefinitum autem mansit, quando, qua via et ratione, quibus mediis, per quos aut per quem id praestandum esset; atque ipsa etiam religionis propagatio verbo generico benedictionis expressa erat. Has promissiones indefinitas, Gen. 22, 18. 26, 4. 28, 14. Isaac et Jacobo repetitas, et ab hoc Gen. 49, 8—10 verbis vagis et ambiguis, imprimis ad posteros Judae, testamento transmissas fuisse vidimus; regnum, posteris Abrahami et Jacobi Gen. 17, 6. 16, 35, 11. promissum, ad posteros Judae pertinere, Gen. 49, 9—10. satis quidem aperte dicitur, sed aliquando amissum, rursus esse rediturum, demum 1000 annis serius Amos 9, 11. obscurius quidem, sed 200 annis serius Ezechiel 17, 22—24. clare annunciavit. — Quae subsecuta est lex Mosaica, duntaxat generatim Hebraeos ad excipiendas ultiores promissiones, et remote ad adventum

magni sospitatoris praeparabat: ὁ νομος παιδαγωγὸς
 ἡμῶν γεγένει ἐπὶ Χριστῶν, Gal. 3., 24., quo sensu
 etiam omnes prephatae, qui Hebraeos meliora edo-
 cebant, viam Mesaisae sternebant: τὸ πᾶν οἱ προ-
 φῆται μαρτυροῦσι, Act. 10. 43.

Cum autem David illud, posteris Abrahami, Ja-
 cobi et Judae promissum regnum adeptus esset, ul-
 teriorem etiam obtinuit divinam promissionem throni
 in ejus familia perpetui, et quidem pro-
 missionem absolutam, omni conditione di-
 serte exclusa, 2 Sam. 7, 13—16, 1 Paral. 17, 12
 — 14; quapropter haec perpetuitas a recentiori
 auctore Psalm. 89, 30. 37 — 38. sensu stric-
 to explicatur, et perpetuitati coeli, solis,
 lunae et iridis comparatur. Non fore autem per-
 petuam successorum seriem, sed unum aliquem
 Davidis successorem fore regem perpe-
 tuum, Ezechiel 37, 25. disertis verbis edicit, et Mi-
 cha 5, 3. inquit, ipsum a Jehova roboratum per ex-
 celsam Jehovae potentiam perseveranter reg-
 naturum, nec ullus Prophetarum, Messiam an-
 nuncians, successoris meminit, nec finem regni ejus
 vel obiter attingit, ut non urgeamus, Ezechielem 34,
 23. 37, 24—26. hunc secundum Davidem dicere uni-
 cum. (Locum enim Jer. 33, 14—26., ubi innumeri
 posterii Davidis promittuntur, intrusum esse, argu-
 mentis, ut nobis quidem videtur, si non insuperabi-
 libus, saltem verisimillimis evicimus.) Imo jam David,

vel Psalter Davidi coevus, Ps. 110, cānit regem prorsus singularem, consistentem ad dexteram Jehovae, seu gubernationis divinae participem, perpetuum sacerdotem juxta ritum Melchizedeki, victorem adversariorum, seu superantem omnia regni impedimenta, judicem gentium belligerantium, qui alias Deus est, denique hunc eminentissimum regem etiam divino nomine מֶלֶךְ condecorat. Divinam hanc dignitatem etiam angelus Dan. 9, 26. tacite innuit, cum ait, Hebraeos, qui erant populus Jehovae, jam non fore populum hujus inaugurati principis seu regis. Multo autem manifestius hanc divinam dignitatem annunciat ultimus prophetarum, Malachias, cum c. 3, 1. illum ab Hebraeis expectatum et desideratum, nempe Messiam, appellat dominum templi, legatum foederis, seu illum legatum, qui olim cum Hebraeis foedus pepigit, et Jehova erat. Celeberrimum fore usque ad fines orbis terrarum, ait Micha 5, 3.; populos omnis generis sponte se ejus imperio subjecturos esse, vaticinatur Jesaias 11, 6—10. 52, 15. 53, 12., et Ezechiel 17, 23—24., nec non Zacharias 9, 10; atque vastissimum hoc imperium in diversissimas gentes erit ejus generis, ut gentes se sponte subiciant, et nullus futurus sit locus armis, quorum nullus prophetarum meminit, et quae Jesaias 11, 6—9, et Zacharias 9, 9—10 disertis verbis excludunt, et Ezechiel 17, 22—24. ait, ipsum per potentiam Jehovae ad hanc emi-

mentissimam dignitatem modo tam admirabili evectum iri, ut omnes gentes agniturae sint, esse operationem divinam. Jesaias denique 17, 2—3 addit, simul fore pientissimum prophetam.

Quantacunque autem futura sit hujus promississimi regis eminentia, imo divina quoque dignitas: ex humiliata tamen ac sceptro et throno privata familia Davidis proditurum esse, consentientes annunciant prophetae, Amos 9, 11., Micha 5, 1., Jesaias 11, 1., Jeremias 23, 5. 30, 9., et Ezechiel 17, 22—23. 21, 26—27. 34, 23. 37, 24. Jesaias addit 52, 13—53, 12., sine splendore regio, et quin hominum admirationem aut attentionem moveat, adulturum, imo fore contemptum; innocentem sceleratis adnumeratum, pro peccatis aliorum afflictum, judicio oppressum, violenta quidem, spontanea tamen morte sublatum iri, se ipsum enim sponte pro peccatis aliorum sacrificium oblaturum esse; sepulcrum autem non, ut expectabatur, apud faenorosos sed apud divitem adepturum, et etsi interfectum et sepultum, nihilominus fore longaevum, ac per multos, etiam magnates et potentes assecclas, quos morte sua cruenta a poenis peccatorum liberaverit, nacturum esse, et ad summam et eminentissimam dignitatem evectum iri. Paucioribus haec vatici-

natur Zacharias, cum 9, 9—10. ait, fore justum seu innocentem, afflictum quidem, sed salvatum demum, pacificum, et sine armorum usu, vastissimo imperio potiturum esse.

Nullum itaque est vaticinium de Messia de bellatore gentium; nam Ps. 110, 6—7. tropice intelligendum esse docuimus, et quae alibi de felici- bus bellis contra gentes leguntur, juxta prospectum propheticum ad aliam aetatem, imprimis ad Macca- baeos, et nequaquam ad Messiam spectant. E con- trario a Daniele 9, 25—27. praedicitur Messias per populum venturum eversurus esse Je- rusalem, et vastationem fore perpetuam sine spe restitutionis. Huic concinit Zacha- rias c. 11, ubi stragem genti ultimo bello Romano inferendam adumbrat. Malachias denique 3, 1. 23. 24. disertis verbis annunciat, con- foederatum Hebraeis dominum templi, quem expectabant, i. e. Messiam, seve- rissimum fore non gentium sed Hebrae- orum judicem, et regionem eorum vasta- turum.

Tempus, quo proditurus esset, prophetae ante exsilium non definiunt, id unum contendunt, non ante sed post exsilium venturum esse. Daniel autem nu- merata decreto, ut restituatur Jerusalem, usque ad alteram ipsius per Messiam eversionem, 622 annos, quos chronologiae, licet non parum varianti, satis apte con-

venire vidimus. Zacharias, qui pacificum, justum, afflictum quidem, sed salvatum Messiam Alexandro Magno opponit, satis aperte innuit, venturum esse post bellicosissimum hunc regem. Malachias autem cum Daniele ultimum terminum constituit poenas a Judaeis exigendas et vastationem regionis, addit autem, gravissimum esse praecessurum metatorem, qui instar alterius Eliae, inprobos Hebraeos de imminente exitio moniturus, et ad resipiscentiam adhortaturus esset.

Praecipua itaque harum promissionum capita sunt:

I. Revocatio gentium ad veram religionem per posteros Abrahami, Isaaci et Jacobi.

II. Rex ex tribu Juda, ex familia Davidis humiliata ac throno privata, post exilium Babylonicum proditurus, unicuique et perpetuus.

III. Rex afflictus, sed salvatus; innocens servus Dei, iudicio oppressus tanquam flagitiosus, violenta quidem, spontanea tamen morte pro peccatis alienis sublatus, poenas aliorum aequo animo passus, non apud facinorosos sed apud divitem sepultus, et nihilominus longaevus (adeoque redivivus), innumerabiles, etiam magnates et potentes assecclas, quos a poenis liberavit, adepturus, (con-

versio gentium), et in admirationem omnium ad summam dignitatem evchendus.

IV. Rex pacificus, sine armorum usu potiturus vastissimo usque ad fines orbis terrarum imperio, gentibus se sponte subicientibus imperaturus, et modo adeo singulari ad eminentissimam dignitatem efferendus, ut gentes agnoscant esse operationem divinam. (Conversio gentium ad verum Deum.)

V. Rex ad dexteram Dei considens, seu gubernationis divinae particeps, ut Deus, futurus iudex gentium belligerantium, et divino etiam nomine dignus, victor omnium impedimentorum regni sui, ac perpetuus quoque ritu Melchizedeki sacerdos.

VI. Princeps inauguratus, seu rex, Jerusalem post reditum ex exilio Babylo-
nio restitutam, elapsis 622 annis per populum venturum eversurus in perpetuum, ut jam non sit hujus regis populus, qui erat populus Jehovae, qui ipsum jam non pascet seu non fovebit nec singulari cura gubernabit, sed exitio relinquet, praecedente monitore, altero Elia, improbos Hebraeos scvere puniturus, et regionem in perpetuum vastaturus.

Promissa haec conferre cum complemento in N. F. descripto, parum negotii est, quod itaque lectori relinquimus, id unum monentes, pleraque sensu

multo eminentiori, quam quo antiqui lectores Hebraei intelligere poterant, in opus redacta fuisse, uti rex, non terrestris et civilis, sed coelestis et moralis; dignitas non solum eminentissima, sed reapse divina; poenas aliorum, non temporales, sed aeternas abolevit; felicitatem, non domesticam aut civilem, sed moralem, coelestem et aeternam procuravit; Jerusalem evertit et regionem vastavit, non ut dux exercitus, sed ut Deus per providentiam, quae instrumento, populo Romano usa est, et ita de ceteris.

ADDITAMENTUM.

Suavissimo amico suo - e - S. D. auctor.

Exspectabam omnino, quod scribis, fore non paucos, qui doleant, vel, ut dicam quod res est, reprehendant, in ordine vaticiniorum, Messiam promittentium, praetermissos esse Psalmos duos, 16 et 22, qui manifestos Messiae characteres exhibere existimantur, et in N. F. ad Christum referuntur. Magnopere vellem, ne Te his reprehensoribus adjunxisses, neque petiisses, ut meam de his quoque locis mentem aperiam; nam votis Tuis non respondere, mihi non minus ingratum est, quam molestum, scribere quod plurimos mihi proximos non probaturos esse novi, qui loquentem acrius quam

Q

silentem reprehensuri et damnaturi sunt. Nam ea non est speranda humanitas, ut parum docti adversarii ignoscant interpreti, qui, legibus hermeneuticæ obligatus, loca de Messia interpretari non potest, quæ de alio quocunque agere videt. Errare possum, quis neget? sed etiam adversarios errare posse, nullus dubitabit. Quis nostrum erret, indubiis argumentis exegeticis evincendum est, ad quæ perspicienda et dijudicanda mens integra, ab opinionibus minime praeoccupata, requiritur, quæ an adversariorum sit, an mea, progressura per plures ætates disquisitio docebit. Satisfaciam itaque votis tuis, ea tamen conditione, ut paucioribus agere, et quæ sunt aliunde nota, præterire liceat. Conabor nihilominus, absoluta interpretatione etiam adversarios mihi, si fieri potest, conciliare.

Inscriptio Davidis:

1.

Custodi me Deus! nam ad Te confugio,

Dico 1) Jehovae: Tu es Dominus,

2

Bonum meum non est practer Te. 2)

1) אָמַרְתָּ dicis, Chaldaeus supplet נַפְשִׁי o ani-
ma mea; quod idem valet, ac dico, quae
ellipsis alibi expleta legitur Ps. 42; 6. 7. 12 43, 5.
Thren. 3; 24, et observatur etiam Ps. 11, 2; ubi
autem mox praecessit נַפְשִׁי, et facile intelligitur;
ast nostro loco, ubi etiam casus obliquus sequitur,
justo durior ellipsis esse videtur; quam ob rem me-
lius enunciatum אָמַרְתָּ, et in 2 codd. de Ross. et in
Psalt. Viteberg. 1566 legitur; et sicut יָדַעְתָּ Ps.
140; 13. occurrit; אָמַרְתָּ sistent codd. 14, pr.
9, forte 1: nunc 1, Bibl. Soncin., Brix. 1516 et
1518., et Polygl. Colon. 1518; in prima persona quo-
que vertit Alexandrinus cum Vulgato et Arabe, nec
non Syrus, imprimis Hieronymus, qui eruditos Ju-
daeos saepe aetatis consulebat.

2) עַל h. l. est praeter, ut Gen. 31; 50. Lev. 18;
18. Num. 6, 20. Deut. 19; 9. cf. Noldii Concord. Partic.
p. 555. Si vertere placet: bonum meum non est
super te; sensus erit fere idem, nempe: tu es
summum bonum meum. Alterutrum postulante
sequeantur v. 5—8.

Sancti 3), qui sunt in regione 4), 3
 Illustrissimi sunt 5); omne desiderium 6) meum est
 in eos.

- 3) לקדושים vertendum : quod ad sanctos attinet; sancti autem sunt Hebraei, Deo sacri, et opponuntur idololatriis, qui v. 4. memorantur.
- 4) בארץ in regione, nempe in Palaestina; psaltes igitur versatur extra Palaestinam. — הנה illi loco sunt, minus recte a quibusdam ad sequens membrum trahitur. Qui hanc sententiam explicant de sepulcro, usum loquendi pervertunt.
- 5) Praefixum Vau in וארירי notat apodosin; quod attinet ad sanctos, qui sunt in regione : illustrissimi sunt. Vocem autem hanc vexatam, cui variae lectiones opem non ferunt, censemus esse veram lectionem, et perfacilem, si cogitatione repetatur כל, prout Ps. 133, 3. כל repetendum est; nulla profecto difficultate laborat sententia : וארירי כל illustres universitatis, vel omnium, i. e. illustrissimi sunt, omne meum desiderium in eos fertur. Ellipsis haec expleta legitur Ps. 119, 128. כל פקודי כל ישראל omnia mandata universitatis, i. e. omnia mandata de omnibus, recta iudico, cf. quoque Ezech, 44, 3.
- 6) כל חפץ h. l. desiderium Psaltis redeundi in Palaestinam exprimit, cf. Ps. 107, 30. Job 31, 16. 1 Reg. 5, 8. 9, 11.

Horum autem multa sunt simulacra 7), ad quae properant 8);

Non libabo sanguinolenta eorum libamina 9),

7) Sanctis, seu Hebraeis Deo sacris, opponit idololatrias, inter quos versatur, et quos non nominat; sunt autem dubio procul Philistaei, apud quos David profugus, Gathae summum vitae discrimen subiit, 1 Sam. 21, 11—15. cf. Ps. 34, 1. 56, 1. — עֲצָבוֹת quidem alibi sunt dolores, et עֲצָבִים simulacra, idola; sed hoc loco etiam formam foemininam hujus esse significationis, docent sanguinolenta libamina, quae sequuntur; fortasse foemininum innuit simulacra dearum, quae erant Philistaeis.

9) אָחַר sensum commodum non fundere, viderunt fere omnes interpretes, nec tamen in codicibus alia reperta est lectio. Symmachus exprimit אָחַר σπιω, et ita etiam Hieronymus et Syrus vertunt; ast Alexandrinus cum Vulgata et Arabe, ac Chaldaeus exprimunt אָחַר: μετὰ ταῦτα, postea, מִן בֵּיתָר, atque ita omnino enuncianda esse vox videtur, et explenda ellipsis, quae suppleta occurrit Ruth 2, 2. אֲחֵר אָחַר post quem; nostro loco: post quae properant, i. e., quae praeproperi sequuntur.

9) Idololatrae indicantur, qui, inprimis in oriente, de sanguine victimarum libamina libabant. Suffixum eorum, ad idola, quae nominare dedignatur, respicit.

Nec nomina eorum proferam labiis meis. 10)

Jehova est definita portio mea 11) et calix meus. 5

Tu tenes 12) sortem meam.

10) Nomina eorum, nempe idolorum.

11) מִנֶּת חֶלְקִי pars portionis meae, i.e., definita vel parata portio, a מָנָה numeravit, paravit, definivit; status constr. cum Kamets occurrit etiam Paral. 31, 3, 4. Ps. 11, 6. 63, 11. cf. Ezech. 13, Jes. 10, 19. - Prov. 18, 16.; ast cum Pathach Jer. 13, 25. Portio et calix tropus est, ut videtur, desumptus ab antiquo illo more, quo cuilibet conviviae singularis portio et calix adponebatur; alii tamen desumptum esse censent a divisione agrorum, aut a Levitis, qui loco agrorum acceperunt portiones ex sacris donis Israelitarum; id a longe petitum est, praeterquam quod tropus a divisione agrorum dein versu 6 sequitur.

12) תִּמְךָ non est Aoristus II. formae IV., quia non adest Verbum תִּמַּךְ, Arabes quoque solum habent تَمَكَ, amplitudo; sed est Participium pro תִּמְךָ quod exhibent codices de Ross. 3, pr. 4., Bibl. Brix. 1494., Psalt. Basil. 1516, quadr. Basil. 1518, Polygl. Col. 1566., Viteberg. 1566 in marg.; et defective תִּמְךָ multi habent codices. Nec desunt exempla Participiorum cum Chirik, vid. Amos 1, 5. 8. Jes. 29, 14. 38, 5. Ps. 135, 7. et 68, 7. Jer. 15, 19. תִּמְךָ apprehendit, tenuit, sustinuit; sortem, a Deo psalti tributam, exprimit, quae est ipse Deus eum

Funiculi (metatorii) ceciderunt mihi in (loca) a-	
moena 13) ,	6
Et possessio est mihi praeclara. 14)	
Gratias Jehovae ago, qui mihi consulit 15) ,	7
Etiam noctu monent me renes mei. 16)	
Jehovam mihi continenter propono 17) ,	8

protegens, et religio, qua psaltes Deum protectorem suum colit.

13) Tropus desumptus est a partitione regionis Canaan.

14) אֵלֵּיךְ etiam, ac imprimis in poësi et. Hoc Dei cultu, hac veri Dei religione se beatum praedicat. נְחִלָּתָךְ pro נְחִלָּתִי cf. Ps. 132, 4. 60, 13. Jer. 48, 36. Ps. 118, 14., verti solet hēreditas, proprie autem est, quod possidetur, possessio, quae etiam ad haeredes transit.

15) אֲדַבֵּר benedico, in hac orationis serie est gratias ago; gratias enim agit Deo, qui ei consulit, hanc praeclaram hereditatem, religionem veram praebet, et protectionem praestat.

16) Renes Hebraeis sunt sedes desideriorum; sensus ergo est, etiam noctu ipsum insomnem moveri desiderio Deo se gratum exhibendi.

17) Propria: Jehovam pono ante me, quod solemus dicere, Deum habere ante oculos, seu semper Dei memorem esse, ut agamus, quae probat, et vitemus quae improbat. Qui sensum ad ministerium cultus externi restringunt, sententiam confendant cum altera: ambulare coram Jehova, si de ministris sacris usurpatur.

Qui ad dextram meam est, ne commovear. 18)
 Propterea laetatur cor meum, et exsultat animus
 meus 19), 9
 Caro quoque mea secure quiescit. 20)
 Nam non relinques animam meam orco 21, 10

18) כִּי in hac orationis serie aptissime vertitur ut Relativum, cujus vices saepius subire, notum est. Ad dexteram meam est, i. e., mihi praesto est, opem fert, secure ducit; ne commovear, i. e., ne succumbam, quod v. 1. oraverat; custodi me Deus.

19) Propterea, nempe quia Jehova ad meam dexteram est. — כְּבוֹדִי gloria mea, nempe quod hominis gloriam seu dignitatem constituit, animus. Qui cum Alexandrino linguam intelligunt, argutius agunt, praeterquam quod linguarum apte respondeat cordi, et repugnet loco Gen. 49, 6.

20) Caro mea, i. e., corpus meum; quiescit, i. e., dormit secure; Deo custodiente David, etsi in periculo vitae constitutus, secure dormit, cf. Ps. 3, 6. et 4, 9. Quies in sepulcro intelligi nequit, quia orans in extremo quidem discrimine versatur, sed a Deo protegitur, ne succumbat, prout praecessit.

21) נַפְשִׁי animam meam, i. e., me, nempe ut sequitur, pium tuum. לְשׂוֹן orco (non, ut Alexandrinus vertit: in orco) i. e., non admittes, ut

Nec permittes pium tuum videre foveam. 22)

Docebis me viam vitae 23) 11

Saturatio gaudiorum est coram te 24),

interficiar et moriar. Orcus, locus subterraneus, in quem morientes descendere credebantur. — Summum vitae periculum indicatur, in quo David Gathae profugus versabatur, et ex quo salvus evasit.

22) **הַסִּדִּיר** puncta sunt numeri singularis, literae autem pluralis numeri, et K'ri jubet legere singularem, quem in textu sistunt codd. 265, permultae editiones, Judaeorum scripta non pauca, exprimit quoque Alexandrinus, Syrus et Hieronymus, nec non Petrus et Paulus Act. 2, 17. 13, 35.; series orationis denique et parallelismus poëticus poscit singularem, ut **הַסִּדִּיר**, si genuinum esset, de plurali magnitudinis exponendum foret. — **שִׁחָתָה** nunquam significat corruptionem, prout Alexandrinus cum suis sequacibus interpretatus est, sed foveam et sepulcrum, cf. Ps. 49, 10. 30, 10. Job. 33, 18, a **שִׁחָתָה**, ut **נָחָת** est a **נָחָה** — **רָאָה** vidit, saepe idem est, ac expertus est, ut Ps. 89, 49. 49, 10. Thren. 3, 11. Jer. 44, 17.

23) **תּוֹרֵי עֵינִי** notam mihi facies, i. e., docebis me, vel ostendes mihi. — **אֶרֶץ חַיִּים** viam vitae, i. e., viam seu media ad vitam conservandam, e quorum numero erat simulatio insaniae, quam David Gathae induit. Ps. 34, 1. 56, 1. 1 Sam. 21, 11—16.

24) Saturatio gaudiorum, **שִׁבְעַת שִׂכְחֹת** i. e.,

Suavitates perpetuo sunt in dextera tua. 25)

Expositio Psalmi 16.

Psalmes, in praesenti vitae discrimine constitutus, ardentem orat, ut Deus ipsi vitam salvem, nec eum interfici permittat, seu orco relinquat et sepulcro tradat, sed doceat rationem, qua evadere possit, atque id firma fide sperat. Hostes ipsius sunt, ut ex v. 4. adparet, idololatrarum, inter quos versatur extra regionem Hebraeorum, ut ex v. 3. liquet, in quo desiderium suum erga Dei cultores in regione, nempe

exoptatum ingens seu abundans gaudium de liberatione ex periculis. — Coram te, vel tecum, אֶת־פָּנֶיךָ cum vel coram facie tua; exprimit gaudium religiosum et pium de Deo elementissimo liberatore.

- 25) נְעִימוֹת foemininum plurale, ἀπαχθόμενον, usurpatum substantive, amoenitas, suavia, seu suavitates; intelliguntur autem gratiae et beneficia, quae dicuntur esse in dextera Dei, ut ea distribuat; נָעִם jucundus, amoenus commodus fuit, et praeter quaequam alia etiam notat propitius fuit Deus, et in illis benefecit; hinc נָעִם non solum voluptatem, commoditatem, bona, opes, sed etiam gratuita Dei beneficia significat, quae dicuntur 'اللَّهُ نָعִם' conf. נָעִם et נְעִים 2 Sam. 1, 26. Ezech. 32, 19. Ps. 90, 17.

Palaestina, versantes exprimit. Haec omnia manifeste indicant Davidem, Gathae apud Philistaeos profugum, et summum vitae periculum subeuntem, e quo simulando insaniam salvus elapsus est, 1 Sam. 21, 11—15. cf. Ps. 34, 1. 56, 1. Haec omnia, et imprimis commemoratio extra regionem Hebraeorum et salvatio e periculo vitae, Messiae non conveniunt, cujus etiam praecipui hostes non erant idololatrae sed Judaei nemem ipsius flagitantes.

Verum non solum Petrus Act. 2, 25, seqq., sed etiam eruditus Paulus Act. 13, 34 seqq., locum Ps. 16, 9—10. de praedicta per Davidem resurrectione Christi a morte, interpretatur, et uterque hanc interpretationem argumentis confirmat, ut non possit censi mera adcommodatio, sed concedendum sit, sententiam Apostolorum fuisse, Davidem indnisse personam Messiae, et resurrectionem ejus a morte vaticinatum esse. Carnem nempe, seu corpus, et animam, quae vicem Pronominis personalis supplent, distinguunt, verba haec premunt, ac cum interprete Alexandrino sumunt, animam non esse reliquendam in orco, et corpus non experturum esse corruptionem, (אֲנִי corruptus fuit.) Hanc interpretationem de resurrectione, non quidem Messiae, sed Davidis, jam aetate illa apud non paucos Judaeos invaluisse, adparet ex cautione, qua Petrus Act. 2, 29. explicationem de Christo, orditur: ΕΞΟΥ ΕΙΠΕΙΝ ΜΕΤΑ ΠΑΡΟΥΣΙΑΣ πρὸς ὑμᾶς. Illa Judaeorum antiquorum interpretatio rursus adhucdum reperitur in scriptis eorum recentioribus, ut docet Lighthfoot ad Act. 2, 29. Me-

moratu dignus est locus ex Jalkut Schimoni p. 95, a J. D. Michaelis in Critic. Colleg. 1759. p. 12. adductus : „nostri Rabbini dicunt, in septem personas populi testatem non habuisse vermes, quae sunt Abraham, Isaac, Jacob, Moses, Aharon, Mirjam, et Benjamin. De Abraham, Isaac et Jakob id omnes scripserunt. De Moise vero et Aharon scriptum est, „mortuos, esse super os Jehovae“ וְיָשָׁם לָהֶם יְהוָה i. e., ex effato Jehovae, quod Judaei de osculo et de consequente hinc, ut putant, in corruptione et resurrectione explicant) „De Mirjam narrat R. Eliezer, etiam ipsam ex osculo Jehovae obuisse. Cur autem adjectum non est: super os Jehovae? — quia id sepulcro ejus non conveniret“ (quia non congruebat dicere, matronam ex osculo Jehovae obuisse) „De Benjamin dicitur: dilectus Jehovae secure apud ipsum habitabit“, (Deut. 33, 12.) „Quipiam addunt Davidem, quia de ipso scriptum est: „caro mea quiescet secure“ (Ps. 16, 9). Ex his, uti ex illa supra memorata circumspectione et cautione Petri Act. 2, 29., ac ex ipsa quoque Petri et Pauli refutatione hujus sententiae, Davidis corpus non fuisse corruptum, Act. 2, 30 seqq., et 13, 35 seqq., liquet, multos Judaeos existimasse, Davidem Ps. 16, 9—10. suam propriam incorruptionem seu resurrectionem a morte praedixisse. Qui ita sentiebant Judaei, ab Apostolis moniti, sepulcrum Davidis, adhuc dum superstes, docere, corpus ejus fuisse corruptum, eo adduci poterant, ut praedictionem intelligerent de Messia, et statuerent, Davidem id ex persona Messiae

vaticinatum esse, unde argumentum Petri et Pauli vim nanciscebatur. Plura de expositionibus hujus generis, exposito deum Ps. 22. subjungemus.

Ps. 22.

Praefecto musicae. Ad primum aurorae
ortum. 1)

Psalmus Davidis. 2)

Deus meus! Deus meus! cur me deseris? 2

Longe ab auxilio meo sunt sermones rugitus mei.

Deus meus! clamo interdiu, et non exaudis 3), 3

Et noctu; nunquam est mihi silentium.

Tu tamen es sanctus,

Habitans inter hymnos Israëlitarum. 4)

Tibi fidebant majores nostri, 5

1) אֵילַת הַשָּׁחַר; Ligthfoot ad Marc. 16, 2. ex Thal-
mude adducit אֵילַת הַשָּׁחַר de primo aurorae
ortu, et אֵילַת notat primum, principium, cf.
vers. Arab. Matth. 12, 45.

2) An Psalmus sit Davidis, absoluta explicatione vi-
debimus.

3) וְלֹא תַעֲנֶה et non respondes, nempe: votis
meis, i. e., exaudis; ita جَاب med. Vau secuit,
laceravit; III. responderunt invicem;
IV. responsum reddidit, et annuit, morem
gessit, ac X. responsum dedit, acceptam
habuit, exaudivitque precationem.

4) Tu tamen sanctus. i. e., venerandus es, ab Israël-

Tibi fidebant; et eripiebas eos;	
Ad Te clamabant, et liberabantur,	6
Tibi fidebant, et spe non frustrabantur. 5)	
Ego autem sum vermis et non vir,	7
Opprobrium hominum et contemptus a populo.	
Omnes videntes me subsannant me,	8
Hiant labiis, agitant caput. 6)	
(Dicentes:) Fidit Jehovah 7), liberet eum,	9
„Eripiat eum, quia se eo oblectabat.“	
Omnino 8) tu me ex ventre extraxisti	10

litis hymnis cultus, et eos alioquin exaudiens, ut
mox in sequentibus diserte dicitur.

5) לא בוש non pudefiebant, i. e., spe non frustra-
bantur; בוש pro בוש, a בוש; quod etiam alias
in Aoristo primo Cholem retinet, ut Ezr. 3, 22;
Job. 6, 20.

6) V. 7—9 opponuntur prioribus: Tu es sanctus;
ab Israëlitis cultus, qui majores meos;
tibi fidentes liberabas: me autem, qui
ab infantia mea totus atē pendeo, et
te invoco, non eripis, sed contemptui
relinquis. Ex his adparet, calamitatem fuisse
diuturniorem.

7) " נל אל, supple דרכו, ut Ps. 37, 8., volvit ad
Jehovam nempe viam suam, i. e., studium et
curam suam Deo commisit, seu Deo fidit, ut Alexan-
drinus vertit. — נל (: נלל) est modus infinitus pro
finito, ut Ps. 8, 2. Exod. 20, 2. Prov. 36, 2.

8) כי in hac orationis serie est certe, omnino,

Securum me praestitisti ad ubera matris meae, 9)	
Ex utero ad te conjectus sum 10);	11
A ventre matris meae tu es Deus meus.	
Ne sis longinquus a me 11);	12
Propinqua enim est angustia, nec est adjutor.	
Tauri multi circumdant me,	13
Robusti Baschanis 12) cingunt me.	
Os suum contra me aperiunt.	14

uti Num. 22, 29. 33. Deut. 15, 11. Jos. 22, 7. Jud. 6, 16. 1 Sam. 2, 16. 10, 19. cf. Noldii Concord. Part. p. 368. — גָּרַי extrahens me, ut Ps. 71, 9. גָּרַי eripiens me, et alia similia Participia: אָרַר Prov. 4. 18. lucens; קִימִים 2 Reg. 16, 7. surgentes; בּוֹשִׁים Ezech. 32, 30. erubescences; — גָּרַח est a גָּרַח vel גָּרַח intransitive prorupit, et transit prorumpere fecit, extraxit.

- 9) מִבְטָחִי fidentem me faciens; fidentem autem facit, qui securitatem praestat.
- 10) Sensus est: tibi, tanquam patri, natus sum; pater enim, infantem natum in genua suscipiens, se esse patrem profitebatur. Cf. Ps. 71, 6. Gen. 50, 23. 16, 2. 30, 3. Job 3, 13. 20, 12.
- 11) Longinquum esse, est denegare auxilium Ps. 9, 1. 119, 155. Prov. 15. 29; contra propinquum esse, uti ad dexteram esse, est auxiliari, opem ferre.
- 12) Comparat feroces et petulantes hostes suos numerosos multitudinē taurorum ipsam cingentium. פָּרָה

Sicut leones 13) diserpentes et rugientes.

Similis sum aquae, quae effunditur 14), 15

Disjunguntur omnia ossa mea;

Cor meum est sicut cera,

Liquescit intra viscera mea. 15

Robur meum sicut testa exaruit 16), 16

taurus, inprimis juvenis, cui primi dentes exciderunt, juvenis, qui est ferocior. אֲבִירֵי בָשָׁן
sunt tauri, qui in pinguibus pascuis Baschanis fiebant ferociore. Cf. Jes. 34, 7. Deut. 32, 14. Ezech. 38, 18. Amos 4, 1.

13) Ante collectivum אֲרִיָּה intellige Caph similitudinis; ellipsis satis frequens. Tauris multo terribilioribus sunt leones, qui praedam quaerentes rugitu omnia animalia in consternationem et tremorem conjiciunt. Hac similitudine itaque psalter timorem et terrorem suum amplificat.

14) Describit nunc timorem suum: כַּמַּיִם נִשְׁפָּכְתִּי: sicut a qua effusus sum; tropus durior, quo sistitur solutio artuum ex vehementi timore orta, sicut aqua effusa dissolvitur, nec cohaeret; id sequenti membro verbis propriis exprimitur.

15) Timentibus cor quasi cera liquefit, uti e contrario dicere solemus cor durum, quod timorem excludit; tropus hic saepius recurrit, ut Deut. 20, 5. 2 Sam. 17, 20. Nah. 2, 11. Ezech. 21, 12.

16) In permagno timore omne robur deficit, et quasi succus vitalis roboris exarescit; comparatio cum testa est hyperbolica. Cf. Ps. 32, 4. Prov. 17, 2.

Lingua mea haeret faucibus meis 17);

Ad pulverem mortis disponis me, 18)

Nam canes me circumdant 19),

17

Turma maleficorum me cingit 20),

17) Timentibus arescit palatum, ut loqui vix possint, quasi lingua faucibus adhaereret, cf. Job. 29, 10. Ezech. 3, 26.

18) מִפְּחָדֵי occurrat 2 Reg. 4, 38. Ezech. 24, 3. de impositione ollarum super ignem, et Jes. 26, 12. de disponenda, praeparanda pace; pulvis mortis est sepulcrum, cf. v. 30.; sensus itaque est: relinquis me morti, ab hostibus interficiendus mihi videor.

19) Redit ad hostes, eum circumdantes, quos nunc canibus comparat, qui non solum nomadibus ad depellendâs belluas, sed etiam in urbibus sunt praesertim noctu feroces, et homines furiose adoriuntur, D' Arvieux III. 220. Tournefort II. 308. Denon 47 — 48. Odmann VII. 22. Si quis post similitudinem taurorum et leonum comparationem cum canibus, etsi ferocibus, justo minorem existimat: cogitet canes venaticos, feras summa cum rabie persequentes, de quibus cf. Kaempferi Amoenitat. exotic. 131.

20) מִפְּחָדֵי est a פָּחַדִּים valido ictu percussit, diffregit caput, verum Syris est adhaesit, propinquus fuit, quod non procul distat a notione cingendi, quam h. l. postulat parallelum

Foedabunt 21) manus meas et pedes meos.

in membro praecedenti סָבַב, se vertit, circumivit, circumdedit.

- 21) כָּאֵרִי sicut leo, vel collective sicut leones, aut sicut leonem, nempe cingunt, vel contundunt, est lectio omnium codicum, exceptis fortasse duobus non suspectis; attamen vix commodum sensum fundit, et est omnibus vetustis interpretibus ignota, excepto Chaldaeo, qui tamen, etsi ceteris recentior, jungit verbum נִכְרְתִין mordentes, uti omnes reliqui antiqui Verbum exprimunt, quod etiam praecedentia membra parallela postulant. Participium כָּאֵרִי tantum unus alterve codex sistit, et fortasse Chaldaeus expressit. Pro כָּרִי vix ulla est auctoritas, quae non esset suspecta; Alexandrinus quidem vertit ωρυζαγ, et inde Vulgata, Arab. et Aethiop. foderunt, nec non Syriaca Pheschito כִּזְעוּ; verum id etiam ex כָּאֵרִי extundi poterat; editiones, quae כָּרִי sistunt, a Christianis curatae fuerunt, et suspectae sunt; codices aliqui hanc lectionem, sed probabilius duntaxat ut Christianis propriam, annotant; loca denique Rabbinarum, eam commemorantia non satis certa sunt. — Aquila in secunda, ut videtur, editione habet μαχαρζαγ foedarunt, vel ut in Syr. Hexapl. Ambrosian. פָּכְרוּ vixerunt, prout etiam in 5 codicibus Bibliothecae Sanctae Hieronymi apud Martianaeum legitur; Symmachus in Syr. Hexapl. אֵרִי בָעִין אֵרִי כְּאֵרִי sicut fortes ad vinciendum. Lectio-

nem כָּאֵרֶן memorat etiam Masora ad Num. 24, 9.; quod si id in aliquibus Masorae exemplaribus desideratur, meminisse oportet, vix ullum Masorae exemplar esse integrum. Pro כָּאֵרֶן deponunt omnes veteres, quod itaque genuina censenda est lectio, quae decurtato Vau degeneravit in כָּאֵרֶי, quod dein, ut Judaice magis orthodoxum, in codices propagatum fuit. — Hanc lectionem כָּאֵרֶן confecerunt aliqui cum כָּאֵר med. Vau, ut Aleph sit epentheticum, ut in קָאֵר Hos. 10, 14., רָאֵמָה Zach. 14, 10., רָאֵמֹת Prov. 24, 7., שָׂאֵמִים Ezech. 28, 24., שָׂאֵמֹת Ezech. 16, 57.; est autem כָּאֵר spiritali forma cidarim obvolvit capiti, in ill. etiam collegit, conguessit, et in unum collectam suppellectilem mercesve colligavit, unde vincendi notio, ab Aquila et Symmacho ac fortasse etiam ab Hieronymo expressa, facile derivatur. Alii conferunt permutato Aleph cum Ajin כָּאֵר Chald. foedavit, quod in Thargum Nah. 3, 6. occurrit, et in Mischna Tr. Baba Kama c. 10. per Aleph scribitur, ut utrumque videatur permutari solitum fuisse; Syr. כָּאֵר est reprehendit, p'udefecit, et כָּאֵרֶת nigra, tetrica, unde foedatio derivari potest. Vertimus foedabunt, nempe per vincula; verti autem etiam posset vincient; revocanda vero in memoriam est observatio Grammatica, plura verba Hebraica non nisi conatum indicare, ut ex Ps. 17, 9. 69, 5. Jud.

- Numerare possum omnia ossa mea 22) 18
 Illi vero spectant, prospiciunt ad me 23),
 Partiuntur jam inter se vestes meas, 19
 Et super indumentum meum conjiciunt 24) sortem.

18, 9. Gen. 37, 21. liqnet, ut sensus sit, foedabunt, conantur foedare vel vincere, of. meam Gramm. L. H. edit. III. §. 51. p. 152. nrö. 1. — Locum hunc vexatum paucis expcdivimus, qui plura desiderat, consulat meam Biblior. Hebr. editionem T. IV. p. 46 — 48., De Rossi Lect. Var. V. T. IV. p. 15. seqq. et Rosenmüller Schol. in Ps. T. II. p. 627 — 645.

- 22) נִסְפָּנָא Aoristus secundus saepe duntaxat potentiam indicat, ut Ps. 40, 6. 88, 9. Gen. 16, 10. Job. 38, 37. In singulis meis ossibus tremorem singularem sentio, ut ea dinumerare possim.
- 23) נִרְאָנִי vident in me desiderium suum opere completum, i. e., cum voluptate prospectant in me, ut verbum נִרְאָנִי, cum Beth praefixo constructum, fere semper exponendum est, cf. Ps. 37, 34. 54, 9. 118, 7. Obad. 12.
- 24) Verba hujus versus, ut pracedens v. 17. כְּאֵרִי, duntaxat consilium et conatum exprimunt; nam psaltes nondum est in potestate hostium, sed liberationem firma fide sperat; dicit itaque: volunt partiri - -, et sortem conjicere, ac quasi jam partiuntur - - - et conjiciunt, adeo certi sunt de mea pernicie.

Tu autem Jehova, ne sis longinquus a me, 20

Robur meum 25), festina ad auxilium meum.

Eripe a gladio vitam meam 26), 31

A potentia canum unicam meam. 27)

Salva me ab ore leonum 28, 29

Et exaudi me, a cornibus orygm 29)

libera me go)

25) אֶרֶב robur meum, i. e., qui mihi robur et vires largiris.

26) **נַפְשִׁי** animam meam, i. e., vitam meam; notionem hanc frequenter recurrere, vix monitione indiget. Timet psaltes vincula et violentam per gladium mortem.

27) וְחַיִּיתִי unieam meam, nempe vitam, 'sicut
Ps. 55, 17.

28) Rursus, ut supra, hostes comparat leonī, seu collective, leonibus, ut membro praecedenti cani, collective, canibus.

59) *oryges*; רִימִים, *nequaquam* est *bulbus ferus*, sed ut ^{רִימ} *oryx*, qui etiam dicitur ^{בִּפְרָו} *bos ferus*, cf. Bochart. Hierozoic, II.

333—366 ed. Rosenmüll. scu L. III. c. 27.; est caprae
albae genus, cornibus instar cervorum sed planis,
longis et acutis, velox, providum, saevum, cornu-
peta in feras et in homines; plura dabit Bochartus
c. l. p. 357. seqq. et Pallas Spicileg. Zoolog. XII. 17.

30) עֲנִיתִי respondisti, i. e. responde mihi, i. e. exaudi me, constructio praegnans: exaudi et libera me.

Annunciabo fratribus meis nomen tuum 31), 23
 In concione laudabo te. 32)
 (Dicens) „Timentes Jehovam 33) collaudate eum, 24
 „Universa progenies Jacobi glorificate eum,
 „Timete cum 34) universa progenies Israël;

31) Fratres dicuntur omnes cognati, et etiam amici, imprimis si sunt ejusdem religionis, quos Arabes peculiari plurali dicunt أَخَوَانٌ. Nomen Dei annuncio, i. e., depraedicabo gloriosam potentiam, quam liberando manifestat, quod membro sequente dicitur laudabo te.

32) In concione, in congregatione ad liturgiam, uti diebus festis consueverat. — בְּתוֹךְ in medio, idem valet ac in.

33) Timentes Jehovam sunt colentes Deum, iidem, qui in sequentibus membris dicuntur progenies Jacobi et Israël, et mox dicti erant fratres, uti annunciare nomen, laudare, glorificare et timere seu revereri, idem sonant.

34) גָּר, גָּרָה, a via recedere, commorari alicubi; ast cum praefixo Mem constructum, ut recte observavit Rosenmüllerus in h. l., timere, revereri, permutatur nempe cum גָּרָה, גָּרָה pavit metuitque ab aliquo, prout יָרָה et יָרָה et יָרָה, et alia similia significatione conveniunt, aut permutantur.

- „Quia non spreuit, nec aversatus est afflictionem
 35) afflicti, 25
 „Nec faciem suam ab eo abscondit 36),
 „Sed clamantem ad eum exaudivit. 37)
 De te crit hymnus meus in concione magna, 26
 Vota mea reddam coram timentibus te 38);
 Manducabunt mansueti 39) et saturabuntur, 27

35) עָנָה אֶפְרָאֵל, ab antiquis interpretibus, ut videtur, ex contextu et parallelismo poëtico, exponitur de precibus, sed non est commoda derivatio huius notiois ab עָנָה, quod est coll. **عني** allocutus est, respondit, exaudivit, vel coll. **عنا** afflictus, humilis, demissus, oppressus fuit, ubi nihil de precibus.

36) הִסְתִּיר, contegit, vel abscondit faciem, qui precantis rationem nullam habet; non abscondit, qui precibus annuit. Cf. Ps. 10, 11, 12, 2, 27, 9.

37) בִּשְׁעוֹ אֵלַי in clamando ipsum ad eum, i. e., cum clamabat ad eum, seu clamantem ad eum.

38) Vota offerendi sacrificia eucharistica, ut Ps. 61, 9, 107, 23, 116, 14, 17 — 18. — יִרְאַיִם timentes, reverentes, seu colentes eum, loco te, consueta Hebraeis mutatio personae.

39) Ex sacrificiis eucharisticis parabantur convivia,

Laudabunt Jehovam quaerentes eum 40),

Reviviscet cor vestrum in perpetuum, 41)

Omnes fines terrae memorabunt, et convertent 23
se ad Jehovam,

Omnes familiae gentium coram te adorabunt 42);

ad quae etiam pauperes vocandi erant; hinc עֲנִיִּים, quod proprie mites et mansuetos significat in scriptura saepius laudatos cf. Ps. 25, 9. 37, 11. 69, 33., quibusdam est suspectum; in codicibus quidem nulla reperta fuit varietas; ast interpretes antiqui omnes vertunt pauperes, et hos, ut putant, postulat etiam sequens saturabuntur. Ast in parallelo membro sequenti synonymo respondent quaerentes Deum, quales alias celebrantur mansueti. Hinc Chaldaeus recte habet עֲנִיָּתַי humiles, mites, mansueti.

40) Quaerentes eum, דֹּרְשֵׁי, i. e., qui gratiam Jehovae quaerunt, seu in universa sua vitae ratione student, ut ei probentur.

41) יְהִי יְהוָה vivat, pro vivet, emphatice: laete reviviscet. — לִבְכֶּכֶם cor vestrum; in suffixo est mutatio personae. — לְעֶד in perpetuum: semper cor eorum de Deo, Domino tam benigno, gaudebit. Cf. Ps. 69, 33.

42) יִזְכְּרוּ וַיִּשְׁבְּחוּ recordabuntur et convertent se; memores hujus beneficii agnescent Je-

Nam Jehovah erit regnum, 29
 Et ipse dominabitur gentibus. 43)
 Manducabunt 44), adorabunt coram eo omnes 30
 divites terrae 45),
 Coram eo se inclinabunt omnes, qui descendebant
 in pulverem 46),

havam, et convertent se ad eum non solum Hebraei sed omnes fines terraquee, omnes familiae gentium, nempe quae audient hanc ingentem et gloriosam liberationem.

43) Jehova per insignem illam liberationem manifestabit imperium suum in omnes gentes, cf. 96, 10. 97, 1. Obad. 21. Zach. 14, 9. His, quae v. 28 — 29. dicuntur, similia sunt, quae Ps. 86, 9 — 10. leguntur.

44) Manducabunt, nempe ex conviviiis sacrificiorum eucharisticorum.

45) Divites: רְשֵׁי אֲרָץ pingues terrae; ita divites et se bene habentes compellantur non solum ab Hebraeis Ps. 92, 15. Deut. 31, 20., sed etiam ab Arabibus et Graecis, ut exemplis comprobatur Rosenmüllerus in h. l. Hanc notionem etiam postulat oppositio, quae mox subsequitur.

46) Descendentes in pulverem sunt miseri, qui in illa calamitate jamjam in sepulcrum descensuri erant; pulverem سَفَاة^٥ et تَرَبَة^٦ etiam Arabes de sepulcro usurpant, cf. Rosenmüller in h. l.

Qui vitam suam salvare non poterant. 47)
 Posterī etiam ipsum colent 48), 31
 Adscripti erunt Domino in generationes 49),
 Venient et annuntiabunt justitiam ejus 50); 32
 Populo nascituro, quia praestitit. 51)

47) וְנַפְשׁוֹ לֹא חָיָה (Vau praefixum subit vicem Relativi) qui suam animam non vivificat, i. e. collective: qui in illa calamitate vitam suam salvare non poterant.

48) Hic Dei cultus etiam ad posteros transibit, quod in simili loco Ps. 86, 9 — 10. non legitur.

49) סֵפֶר adscribetur, seu adscripta erit progenies; verbum סֵפֶר in II. nunquam significare addere, adnumerare, adscribere, refutat locus Ps. 69, 27.

50) Justitiam ejus, quam nempe manifestavit liberando cultores suos ab immanibus hostibus.

51) Quia praestitit, כִּי עָשָׂה, quia fecit, nempe illa, quae sacer vates cecinit, praestitit, opere complevit.

Expositio Psalmi 22.

Inscriptio psalmum tribuit Davidi; hucusque tamen definiri non potuit illud tempus vitae ipsius, cui omnia, in his precibus memorata, apte convenirent, atque id movet dubium non leve, an inscriptio, quae ali-

unde recentiorem phrasim אֵילַת הַשֶּׁחַר exhibet, veritate nitatur. Expendamus argumentum psalmi.

I. Psaltes y. 2 — 12. conqueritur, sibi imploratum diuturniori jam tempore Dei auxilium denegari; majores, qui seculis elapsis Deo fidebant, ex calamitatibus liberatos fuisse, se autem, qui ab infantia totus a Deo pendebat, in afflictationibus suis esse contemptum, et ob ipsam suam in Deum fiduciam subsanuari. II. Ab hostibus atrocissime minantibus, quasi a ferocissimis tauris, quasi a leonibus ad praedam terribiliter rugientibus (v. 13 — 14), quasi a rabidis canibus, quasi ab ory gibus (16 — 17. 20) cinctus est, quos vocat turmam maleficorum, qui manus pedesque ejus vinculis constringere, et ipsum gladio interficere conantur, atque jam spe certa vestes ipsius partiantur et sorte dividunt (17. 19. 21); ipse interea timore et pavore exagitatur, de quo hostes ipsius laetantur. (15 — 16. 18). III. Preces suas repetit, spondet gratiarum actionem, et vovet sacrificia eucharistica (20 — 26), de quorum conviviiis non solum Hebraei mansueti et Deo se probare studentes, sed etiam gentes a vero Deo alienae, quae ex hac insigni liberatione Deum agnoscent, (27 — 29), tam divites et se bene habentes, quam miseri, debiles, qui de vita periclitabantur, et ipsi se servare non poterant, participabunt (30), quorum etiam posteri Deum colent. (31 — 32)

Haec quidem pleraque Davidi, in seditione Absalomi profugo, utcumque conveniunt, imprimis fiducia in Deum et vitae periculum; verum illa

in Deum fiducia 2 Sam. 15, 26., longe a fiducia nostri psaltis distat, et periculum vitae nequaquam erat tam propinquum, quale in nostro psalmo sistitur; David enim paratum habebat exercitum strenuum qui pro ipso dimicaturus erat. Praecipuum vero est, seditionem Absalomi non fuisse tam diuturnam, quale est periculum nostri psaltis; unico enim praelio hostes profligati sunt. Accedit, Davidem in illa seditione nunquam fuisse ab hostibus ita cinctum, sicut se sistit noster psaltes. — Persecutiones Sauli erant quidem diuturnae, sed interruptae, celeriter transeuntes, et nequaquam continuae, et David nunquam ab hostibus diuturniori tempore undique cinctus erat. David denique ex liberatione ab Absalomo aut a persecutionibus Sauli spem concepere non poterat fore, ut finitimae gentes verum Deum agnoscant, et etiam earum posteri eum colant.

Si autem argumentum psalmi confertur cum periculo regis Hizkiae in irruptione Sancheribi, omnia aptissime congruunt, et cum aliis de hac liberatione psalmis, ut 118 et 138, ad amussim conveniunt, sive Hizkias ipse, ut Jes. 38, 9 — 20., sive alius, personam ipsius indutus, nostrum et illos psalmos 118 et 138 cecinerit. Nam L. calamitas erat diuturna, prout ex historia 2 Reg. 18, 13 — 19, 34. Jes. 36, 1 — 37, 38. 2 Paral. 32, 1 — 21. liquet. Hizkiam, etsi a Jesaia confirmatum, a plurimis popularibus fuisse contemptum, vix dubitabit, qui indolem illustris non minus quam plebeji vulgi novit, cf. Jes. 36, 11. 2. 2 Reg. 18, 26 — 27. Ipsius in Deum fiducia celebra-

rima est, cf. Ps. 118. ac 2 Reg. 18, 4 — 5. 2 Paral. c. 29 — 30., et a legato Sancheribi subsannata legitur Jes. 36, 7. 10. 14 — 15. 18 — 20. 37, 10 — 14. 2 Reg. 18, 22. 25. 30 — 3. 33 — 35. 19, 10 — 13. 2 Paral. 32, 11 — 20., prout noster psaltes v. 9. conqueritur. Denique rex Hizkias 2 Reg. 19, 15 — 19. Jes. 37, 15 — 20. prorsus ita precatur uti in nostro psalmo. II. Rex Hizkias reapse a minitantibus Assyriis longiori tempore circumdatus erat, prout psaltes se sistit; hostes enim omnes urbes ceperant, Libnam et Lachisch oppugnabant, et Jerusalem clausa erat, ac ad deditionem vocabatur; hostes quoque de sua victoria prorsus persuasi erant, Jes. 36, 6. 8 — 9. 2 Reg. 18, 23 — 24, ut de vinculis Hizkiae injiciendis, et de partiendis vestibus ejus cogitare potuerint et cogitarint. Pavorem, quem psaltes noster pandit, Hizkias exprimit 2 Reg. 19, 3 — 4. 14 — 19. Jes. 37, 3 — 4. 15 — 20. III. Solennem gratiarum actionem, quam in nostro psalmo spondet, legimus Ps. 118, ubi certe non deerant sacrificia eucharistica. Hizkias sperare quoque potuit, tam insigni argumento liberationis et protectionis divinae vicinis gentibus persuasum iri, Jehovam esse verum Deum; hinc, sicut in nostro psalmo, ita etiam 2 Reg. 19, 19. Jes. 37, 20. orat: salva me ex manu ejus, ut omnia regna agnoscant, te Jehovam esse solum Deum, cf. Ps. 138, 4 — 7. Reapse 2 Paral. 32, 23. refertur, permultos audita clade Sancheribi attulisse, non solum Hizkiae, sed etiam Jehovae munera in urbem Jerusalem, ac Hizkiam

fuisse magnum in oculis gentium. Liberatio haec profecto tam insignis erat, ut non potuerit non attentionem finitimorum populorum excitare. Prout videtur, etiam legati Berodach Baladini, regis Babylonis 2 Reg. 20, 12. seqq. Jes. 39, 1. seqq., Hizkiae non solum de recuperata valetudine, sed etiam de insigni illa liberatione ab exercitu Sancheribi gratulabantur, quod autem, timentes potentissimum regem Assyriae, prae se ferre nolebant, ne Sancheribum offenderent. Denique Aegyptios, contra quos Sancheribus exercitum ducere moliebatur, hanc liberationem Hephaisto seu Vulcano, quem Phta vocabant, et primam rerum omnium causam existimabant, in acceptis retulisse, refert Herodotus II. 141., etsi narrationem, prout expectandum est, suis mythis adaptaverunt et exornarunt, cf. Jes. 19. et Jablonski Pantheon I. 43 — 52. et III. 170 — 173.

Psalmum hunc a Judaeis aetate Jesu non fuisse de Messia explicatum, liquet ex Matth. 27, 43., ubi Judaei verbis versus omni Jesu in cruce illudunt, quod illis in mentem venire non potuisset, si psalmus de Messia explicatus fuisset. — Jesus quidem utitur Matth. 27, 46. Marc. 15, 34. verbis versus 2di, quibus conqueritur, se a Deo illi Judaeorum illusioni, ex hoc psalmo depromptae, relinqui, psalmum autem de sua passione non est interpretatus. Johannes in Evangelio 19, 24. scribit: ἵνα ἡ γραφή πληρωθῇ ἡ λέγουσα, διμερισαντο τα ἱματῖα μου ἑαυτοῖς, καὶ ἐπὶ τὸν ἱματισμὸν μου ἐβάλον κλῆρον. Verum adcommodatio est, qualis cum eadem formula de Jes. 53, 4. occur-

rit etiam Matth. 8, 17., ut plures alias omittamus. Nec ullus unquam negavit, Hebr. 2, 11 — 12. similem et merum usum verborum v. 23. esse: δι' ἡμῶν αἰτίαν ἡ ἐκπαίδευσις αἱ ἀδελφῆς αὐτοῦ, καλεῖν λέγων, ἀπαγγεῖλω το ὄνομα σε τοῖς ἀδελφοῖς μου, κ. τ. λ., ubi porro v. 13. adcommodatur Jes. 8, 17 — 18., et quam plurima alia V. F. loca simili modo ad longe alia transferuntur. Psalmus itaque in N. F. non explicatur de Christo, nisi forte locum supra adductum Joh. 19, 24. et allegationem Psalmi 16ti Act. 2, 25. 13, 24. equiparare, et difficultatem, quae Act. 2, 25. 13, 24. seqq. premit interpretes, etiam ad Joh. 19, 24. extendere libeat, quam nunc, nostro nos modulo metientes, utcunque poterimus, solvemus.

Multa quidem V. F. loca in N. F. duntaxat certo modo adcommodata, seu ab auctoribus minime inscia, sed consulto et data opera a nativo sensu ad alia similia significanda translata sunt, quorum verbis scriptores N. F. utuntur, sensum autem, quem in V. F. offerunt, in medio relinquunt et exponere nolunt; sunt autem non pauca loca a'ia ex V. F. adducta, quibus scriptores N. F. suam doctrinam probant, etsi in serie orationis V. F. alium sensum fundunt, ut supra Act. 2, 25. seqq. 13, 24. seqq. et Ps. 16. vidimus, cf. quoque Matth. 1, 22 — 23. 2, 15, 17. fortasse etiam Act. 3, 22. 24. 7, 37. Gal. 3, 16. etc. Non equidem ignoro, quae sit de his et similibus sententia eruditorum; mihi vero in his locum suum tenere videtur, quod in Germ. In'rod. in LL. V. F. P. II. §. 82. p. 372 — 377. paucis adnotavi, Judaeo-

rum aetate Christi viguisse sententiam, quospiam inscios prophetasse, idque ex Joh. 11, 50 — 51. comprobavi, ubi Johannes sententiam Caiphae, summi sacerdotis: *ὅτι εἰς ἀνθρώπος ἀποθάνῃ ὑπὲρ τοῦ λαοῦ*, alio sensu vaticinium esse affirmat. Atque id in Schemoth, R. I. disertis verbis scriptum docetur, ubi legitur: „dixit Rabbi Chema, filius Chaninae: filia Pharaonis vaticinata est (Exod. 2, 6. vel 9), „et „nesciebat se vaticinari.“ Ita etiam Bereschith Rabba 91 de responso filiorum Jacobi Gen. 42, 13: nos omnes sumus filii unius viri, adnotatur: „splenduit in illis spiritus sanctus; dixerunt enim: „nos, et tu, omnes sumus filii unius viri,“ de quo sensu fratres Josephi minime cogitarunt. Idem etiam subest sententiae antiquorum Judaeorum de *בֵּית קוֹל*, prout liquet ex iis, quae Otho in Lexic. Rabbinic. Philologic. 1757. p. 84. scribit: „Thalm. „Hierosolym. Schabbath fol. 8, 3. dicitur: R. Simeon „ben Lachisch et R. Jochanan desiderarunt videre „faciem Samuelis (qui erat doctor Babylonicus), se- „quamur, inquit, Bathkol (*בֵּית קוֹל*). Juxta scho- „lam ergo itinerantes audiverunt vocem pueri illud „(1 Sam. 25, 1.) legentis: *וַשְׁמוּאֵל מָתָה*, et mor- „tuus est Samuel; hoc observarunt, et sic eve- „nit; nam mortuus est Samuel Babylonicus. Sic etiam „cum R. Jona et R. Jose profecti essent, ut visita- „rent R. Acha aegrotantem, etiam sibi proposuerunt „sequi vocem Bathkol; in via audiverunt vocem foe- „minae cujusdam dicentis ad vicinam suam: extin- „guitur lucerna; cui illa: ne extinguatur

„lucerna Israelis. Quae verba statim tanquam „תק Bathkol, in omen morbi interpretati sunt.“ Plura quidem, non ignoro, sunt genera Bathkol, quae fere pleraque cum ominibus idololatrarum conveniunt; ex adductis tamen exemplis adparet, Judaeos fovisse sententiam, verba alio sensu prolata, quae alio sensu in rem, quam meditabantur, apte caderent, esse vaticinia. Ex hac itaque sententia etiam antiquos sacros scriptores interpretabantur, atque hanc esse rectam interpretationis normam, facile ex eo se posse concludere putabant, quod prophetae saepe ipsi profitentur, se non intelligere, quae vaticinantur, sed futuro demum aevo fore clara et perspicua, Jes. 6, 9 — 13. 29, 11 — 14. Jer. 23, 20. 30, 24. Ezech. 33, 33. Dan. 7, 28. 8, 27. 12, 8 — 9. Zach. 2, 13. 15. 4, 9. 6, 15. cf. 1 Petr. 1, 10 — 12. 2 Petr. 1, 19. Hinc patet, qua ratione Petrus et Paulus Aet. 2, 25 — 32. 13, 35, — 36. Psalmum 16, Johannes 19, 24. Psalmum 22, et alii scriptores N. F. quaequam V. F. loca, quae in serie orationis a consilio illorum aliena erant, ob similitudinem bona fide in argumentum trahere, et hunc sensum Judaeis, eandem interpretationis normam probantibus, persuadere potuerint. Argumenta itaque hujus generis erant, ut dicere solemus, ad hominem, et vim probandi habent duntaxat eate-nus, quatenus ad Judaeos illius aetatis referuntur. Huic observationi conciliabimus fortasse non paucos alioquin adversantes, si dicamus, providentiam divinam omnia ita disposuisse, ut antiqui sacri scrip-

tores sua sensa hac ratione exprimerent, et Judaei
demum hanc interpretationis normam adoptarent,
qua antiquorum sacrorum scriptorum effata ob simi-
litudinem facile ita exponi possent, ut haec expositio
a Judaeis probaretur.

Finis.

Menda graviora

In primo fasciculo

Pag.	Linea		lege
VII.	3	philologiae	philologicae
X.	in nota post 1	adde	27 et 72
57	2	ab <i>infr.</i> Malach. 13,	Mal. 3,
119	ult.	ف	ف
150	17	vastavit	vastabit
191	6	h c	h. l.
—	22	הכרתִי	הכרתִי
142	7	نصل exemit	نصل exemit
189	3	rur-	rursus

In secundo fasciculo

10	ult.	a	dole
—	—	redact	redacta
13	12	doluit	doluit,
23	7	πη	πη
34	10	obinebit	obtinebit
48	23	sevus	servus
54	9	homicida	homicidas
56	7	מרעים	מרעים
58	23	interempto	interento
68	18	Pr missio	Promissio
—	ult.	humanitatis	humanitatis
90	23	consumta	consumta
93	3	ab <i>infr.</i> praelixisset	praelixisset
101	17	ارقان	أركان
103	penult.	נקח	נקה
104	16	ab <i>infr.</i> نقی	نقی
106	15	praecedit	praecedit
—	19	codd.	cod.
107	7	Jehova	Jehova
—	13	occurit	occurrit
126	6	describitur	describitur
132	20	humiliato	humiliata
134	7	ab <i>infr.</i> 17. Deut. 10,	27. Deut. 18,
153	23	Assyriacoper multos	Assyriaco permultos
170	10	יודוק	יודוק
—	—	لبيه	لبيه
172	9	لبيه	لبيه
173	6	ומחקק	ومחקك

Page Linea

— 15 ^o **חֲקוּף**

177 ult. in fin. adde

178 ult. **אִתּוֹן**

214 1 firmus

244 6 ab infr. ominia

245 4 ab infr. oriente

253 15 transit

lege

חֲקוּף

, quae non respondet
legislatori, qui in mem-
bro parallelo praecessit

אִתּוֹן

firmus

omnia

oriente

transitive

